



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3  
33

HARVARD  
DIVINITY  
SCHOOL  
*Andover-Harvard  
Theological Library*

11-12 283  
80.







**C O M M E N T A R I I**

**I N**

**HISTORIAM GENTIS SAMARITANAE.**



*Juynboll, Theodoor Willem Jan, 1802-1861.*

**THEODORI GUILIELMI JOHANNIS JUYNBOLL**

**C O M M E N T A R I I**

**IN**

**HISTORIAM GENTIS SAMARITANAE.**

---

**LUGDUNI BATAVORUM,  
APUD S. ET J. LUCHTMANS,  
ACADEMIAE TYPOGRAPHOS.**

---

**MDCCCXLVI.**





DS  
129  
.J8  
1846

---

Anno 1840 exeunte Franequerâ Groningam vocatus, Munus ibi proximo anno auspicatus sum, habitâ Oratione *de Genie samaritanâ*: quod argumentum sumseram, quia, Chronici samaritani, qui *Josuae Liber* vulgo dicitur, edendi opportunitatem nactus, in mediis Samaritanorum rebus pervestigandis tunc versabar.

In has enim inquirens, in quaestiones saepe incideram difficiliore, ante quidem a nonnullis tractatas, at dignissimas sane, in quibus alii denuo operam ponant. Quae igitur de iis observanda mihi videbantur, cum Auditoribus tunc communicavi. Quoniam vero eâ occasione, ut quisque intelligit, studiorum meorum *summas* tantum tradere poteram, in *Annotatione*, quam Orationi adderem, fusius de iisdem disserere decreveram.

Hanc Orationem, eâ Annotatione instructam, jam dudum publici juris fecissem, nisi opinatus fuisset, quod jure eo tempore expectare licebat, *Annalibus Academicis* ipsam brevi insertum iri. Sed spem fefellit eventus! Annalium editio ecce primum differtur et procrastinatur, ac tandem abrogatur!

Interea dum suspensus sic tenebar, consilium ipse mutaveram. *Annotationem* nempe conscribens, vidi, plura quam ipse primum suspicabar, dicenda esse, ideoque eum locum, nisi permulta eorum silentio transirem, his exponendis minus esse aptum.

Nec melius ipsis convenire videbatur *Libri Jonae* editio. *Nonnullae* nimirum, non *omnes*, de quibus dicerem, *Historiae samaritanae* partes ibi enarrantur; ac de *illis*, quae memorantur, et de aliis quaestionibus, eum *Librum* spectantibus, tot monenda sunt, ut, si in ipso *Libro* edendo, quantum fieri possit, concinnitati consulatur, omnia omittenda sint, quae ad eum minus pertineant. Quae ergo de eâ Gente ejusque *Historiâ* nunc tradenda habeo, peculiari *Libro* complexus sum.

Haec praemonui, ut quisque, *Libri* fati cognitis, animadvertat, quare ipsum non in aliam, ac meliorem fortasse, formam redegerim. Nam disputandi ordinem, quem in *Annotatione*, *Orationi* accommodatâ, secutus sum, quum tempus, universo *Libro* retractando necessarium, mihi deesset, retinere et intactum fere relinquere coactus eram. *Nonnulla* tamen uberius et enucleatius exposui, ac multa ante scriptis passim inserui.

Ante igitur, quam ad *Historiam* tradendam transibam, *nonnullas* de *Gente Quaestiones* praemisi. Quibus, ac sequenti *Historiae* expositioni, *disquisitiones* interdum interpositas esse *philologicas* potius quam *histori-*

*cas*, neminem aegre laturum esse confido, quippe quae cum Historiâ ita cohaereant, ut, qui *hanc* paulo attentius consideret, *illas* seponere nequeat.

Nec cuiquam displiceat, me, de *Samaritanorum* vicissitudinibus agentem, de *Judaeis* saepius locutum esse. Sunt scilicet in *illorum* Historiâ multae periodi obscuriores, ac longa temporum intervalla, de quibus nihil fere innotuit. Illae non melius illustrari, et hae lacunae non certius suppleri posse videbantur, quam si interruptae narrationi ea apponerentur, quae Judaeis tunc evenerint, ut Samaritanorum, quorum fata cum fatis Judaeorum arctissime connexa fuerunt, conditio iis temporibus sic quoque quodammodo cognosceretur.

De singulis, quae in universâ hac disputatione obvia sunt, quo plenius et consummatius dissererem, quaecunque mihi praesto erant, subsidia in meos usus convertere studui. In quibus quia sunt, quae hodie rarissime reperiuntur, multa, quae verbo, *ubi* legantur, indicasse, ceteroquin suffecisset, inde excerpti, quin integros locos subinde descripsi, ut quisque, cui ad eos Libros aditus non pateat, de dictis ipse accuratius judicare posset.

In his rarioribus Opusculis, praeter CELLARII aliorumque Scripta, MUNTERI est, quem frustra diutissime quaesitum tandem nactus sum, Libellus *de bellis judaïcis, sub Trajano et Hadriano gestis*. Hoc in primis usus sum diligentissime, cum ad eorum bellorum Historiam, cum rebus Samaritanorum intime conjunctam, tenebris vero huc usque adeo involutam, ex MUNTERI animadversionibus, paucis fortasse cognitis, illustrandam; tum potissimum ad haec bella magis explicanda, ac dicta ipsius examinanda, et praesertim confirmanda, collato Libro Josuae, cujus ille non nisi fra-

gmenta quaedam, et tenuia excerpta consulere potuerat. Textum hujus Chronici arabicum hîc et alibi passim addidissem, nisi ad ipsius editionem, his jam absolutis, statim accedere statuissem.

Ceterum spero fore, ut hi Commentarii benevole excipiantur, et ii, qui idem argumentum aliquando retractaturi sint, quae hîc sine dubio desiderantur, et correctione indigent, suppleant atque emendent.

Scripsi Lugduni Batavorum ipsis Calendis Juniis anni MDCCCXLVI.

---

# CONSPECTUS.

## INTROITUS.

- Scriptores recentiores, qui de Samaritanorum Rebus exposuerunt. . . . . p. 1.  
 Res samaritanae dignae, quae accuratius considerentur. . . . . » 2.  
 Fontes, ex quibus earum rerum notitia petenda sit. . . . . » 3.  
 Ut Samaritanorum Historia bene explicetur, ipsorum *Religio* probe attendatur. . . . . » 3.  
 Cultus conditio inter Tribus Palaestinae *meridionales* et *septentrionales*, variis temporibus. . . . . » 4.  
 Studia diversa, ante inter Tribus septentrionales conspicua, semper item manifesta deinde inter Samaritanos, quorum alii in *Sacra Gentium* ferebantur, alii in *Sacra*, a *Judaeis* recepta. . . . . » 6.

## I. Quaestiones de Gente samaritana.

- §. 1. Gentis samaritanae nomina. . . . . » 10.  
 §. 2. Major Gentis samaritanae pars civibus constitit Regni ephraimitici. —  
 Dubiis quibusdam respondetur. . . . . » 12.  
 §. 3. Loci illustrantur, ubi de abductis Israëlitis fit mentio. . . . . » 13.  
 Agitur de locis Jes. VIII. 23, et IX. 1; — de 1 Chr. V. 26, et 2 Reg. XV. 29, collatis tum aliis locis, tum maxime 1 Reg. XV. 20; — de 2 Chr. XXX. 1, 5, 6, XXXIV. 6, 7, 9, et 1 Chr. V; — de Jes. XV, Jerem. XLIX. 1—5, et Ezech. XXVI. 19; — de 2 Reg. XVII, collatis dictis de abductis *Judaeis*, tum 2 Reg. XXIV. 14, 16 et XXV. 12, tum Jerem. XL. 6—12, XLI. 10, 16, XLIII. 6, et Obadj. 19, 20; — exponitur de Libro Tobiae, de 2 Chr. XXX. 5, 6, coll. 10, 11, 18, Jerem. XL. 5, 2 Reg. XVII. 28, et 24. Esr. IV. 2, et 2 Reg. XXIII. 20.  
 §. 4. De Terris, in quas Israëlitaе Exsules abducti sunt. . . . . » 25.  
 Illustrantur loci 1 Chr. V. 26, 2 Reg. XVII. 6, et XVIII. 11. . . » 26.  
 Dissertitur de *sorte abductorum*, . . . . . » 27.  
 et de *paucorum* in Palaestinam *reditu*. . . . . » 31.



|   |        |
|---|--------|
| §. 5. De Colonis , ab Assyriis in Palaestinam deductis. . . . .                                   | p. 32. |
| Colonorum studia , ac mutua , tum horum in Israëlitas , tum Israëlita-                            |        |
| rum in illos efficacia. . . . .   | » 32.  |
| Loci expenduntur 2 Reg. XVII. 24 , et Ezz. IV, 9. — Altera Colonia                                |        |
| <i>Babyloniis</i> , et <i>dissitarum regionum incolis</i> constat , altera <i>Phoenicibus</i> . » | 34.    |
| Disputatio de <i>Cuthaeis</i> , et de <i>locis Palaestinae</i> , ubi Coloni habitaverint. »       | 36.    |
| §. 6. De Terris , in quibus Gens samaritana olim vixit , et Urbibus , ubi                         |        |
| Coetus samaritani quondam floruerunt. . . . .   | » 37.  |
| De Samaritanis , primum in <i>Aegyptum</i> migrantibus , et eorum , sub                           |        |
| <i>Ptolemaeis</i> et <i>Romanis</i> , eâ in terrâ conditione. . . . .                             | » 38.  |
| Ex Aegypto migrant nonnulli in <i>Insulam Maris rubri</i> , et in <i>Ara-</i>                     |        |
| <i>biam petraeam</i> . . . . .  | » 41.  |
| <i>Samaritani damasceni</i> . . . . .   | » 42.  |
| <i>Samaritani palaestinienses</i> , et <i>aegyptii</i> , sub <i>Moslimorum</i> imperio. »         | 43.    |
| Samaritani , in <i>Occidente</i> habitantes , Romae maxime , . . . .                              | » 47.  |
| et in Regno romano orientali , in primis <i>Constantinopoli</i> . . . .                           | » 49.  |
| §. 7. De Samaritanorum Studio Literarum. . . . .  | » 54.  |
| Tres periodi.   |        |
| 1) a Templo garismitano condito ad Romanorum principatum. . .                                     | » 55.  |
| 2) a principatu Romanorum ad tempora Islamismi , in Palaestinâ                                    |        |
| constituti. . . . .   | » 56.  |
| 3) ab eo inde tempore ad nostram aetatem.   |        |
| Viri , variâ eruditione clari. . . . .  | » 56.  |
| Studium Pentateuchi. . . . .  | » 57.  |
| Theologia. . . . .  | » 57.  |
| Grammatica. . . . .   | » 58.  |
| Hymni sacri. . . . .  | » 60.  |
| Annales (Liber Josuae , Chronicon ABG'L-FATHJ , alia). . .  | » 62.  |

## II. Historia Gentis samaritanae.

|   |       |
|---|-------|
| Quomodo Samaritani antiquiorem Gentis isaëliticae Historiam tradiderint. . .      | » 68. |
| <i>Samaritanorum</i> de Gentis ex captivitate reditu traditio. . . . .            | » 69. |
| Scripta <i>Judaeorum</i> , quae Gentis conditionem post reditum illustrant. — Li- |       |
| bri EZRAE et NEHEMIAE , HAGGARJ , ZACHARJAE , et MALACHIAE. . . . .               | » 71. |
| <i>Politica</i> Palaestinae sub Persis conditio. . . . .                          | » 72. |
| Frequens Judaeorum et Samaritanorum commercium. . . . .                           | » 74. |
| Pars Judaeorum Samaritanis inimica. . . . .                                       | » 76. |

|  |        |
|--|--------|
| Haec adversantur Samaritanorum Primores. . . . .                                     | p. 77. |
| Ezrae severitas Judaeis displicet, quibus Hiërarchia ingrata est. — Per-             |        |
| multi Judaei in Samaritidem migrant. . . . .   | » 78.  |
| Nehemjæ ardor Hiërarchiae auctoritatem corroborat. . . . .                           | » 78.  |
| Partium contentiones. Odii, quo utraque Gens se invicem prosequitur, indicia. »      | 79.    |
| Bellum, ante Nehemjæ adventum, Persas inter et Aegyptios gestum, quo                 |        |
| factum sit, ut Urbs Hiërosolymorum maximam partem devastaretur. . . . .              | » 81.  |
| Bellum sub <i>Ocho</i> , a Persis ducis Bagoä cum Phoenicibus et Aegyptiis gestum. » | 82.    |
| Successio Pontificum Judaeorum. . . . .  | » 84.  |
| Res Samaritanorum domesticae a Nehemjæ obitu ad Alexandrum. — Haec                   |        |
| periodus, ob res tunc gestas et paratas, gravissima. — Dissertitur de tempore,       |        |
| quo Templum in Monte Garizimi sit conditum. — JOSEPHI et aliorum testi-              |        |
| monia conferuntur cum Neh. XIII. 28. . . . .   | » 85.  |
| JOSEPHUS <i>Annales Pontificum</i> consuluit. . . . .                                | » 86.  |
| Loci Neh. XII. 10, 11, 22. illustrantur. . . . .                                     | » 87.  |
| Neh. XIII. 28 cum JOSEPHI dictis in concordiam redigi nequit. . . . .                | » 88.  |
| Samaritani ante Darium Codomannum in Monte Garizimi <i>Sacellum</i> jam ha-          |        |
| buerunt, sed non splendidum. Alexander permisit, ut <i>Templum</i> conderet-         |        |
| tur, quod per 193 annos fuit superstes. . . . .                                      | » 89.  |
| Confirmatur haec de tempore hujus Templi conditi sententia ex <i>universæ</i>        |        |
| <i>Codicis hebraeo-samaritani ratione</i> . . . . .                                  | » 91.  |
| Samaritanorum, regnante Alexandro, res gestae et conditio. . . . .                   | » 93.  |
| Caedes <i>Andromachi</i> . . . . .   | » 95.  |
| Samaritanorum conditio sub Ptolemaeis. . . . .                                       | » 97.  |
| » » » Seleucidis. . . . .  | » 99.  |
| Quid Samaritani egerint, Maccabaeis bellum moventibus. . . . .                       | » 101. |
| Joh. Hyrcanus Templum Samaritanorum devastat, et Samariam expugnat. »                | 103.   |
| Post Joh. Hyrcanum res Samaritanorum paulatim restituuntur quodammodo. »             | 104.   |
| Origo nominis <i>Sichar</i> . . . . .  | » 105. |
| Opprobria, a Samaritanis Judaeorum opprobriis opposita. . . . .                      | » 106. |
| Samaritanorum conditio sub Joh. Hyrcani Successoribus. . . . .                       | » 106. |
| Samaritani Romanis subiguntur. . . . .   | » 108. |
| Res gestae Herodis m. . . . .  | » 109. |
| Samaritani aegyptii, regnante Cleopatrá. . . . .                                     | » 110. |
| Palaeestinae conditio, regnante Herode. . . . .                                      | » 111. |
| Samaritanorum vicissitudines post mortem Herodis. . . . .                            | » 114. |
| Odii specimina Judaeos inter et Samaritanos. . . . .                                 | » 115. |

|   |         |
|---|---------|
| Seditio Samaritanorum, a Cereali suppressa.   | p. 117. |
| Conditur Neapolis.  | » 118.  |
| Explicatur nomen <i>Mabartha</i> .  | » 120.  |
| Historia hujus urbis.   | » 121.  |
| Romanorum imperii in Samaritanos efficacia.   | » 124.  |
| Causae, quibus effectum sit, ut Samaritani tunc majore quam antea amore in Cultum mosaicum ferrentur, ac deinde Romanis acrius in dies se opponerent.             | » 125.  |
| Fontes, ex quibus Historia Samaritanorum, Romanorum imperio subditorum, post <i>Hiërosolyma eversa</i> , petenda sit.   | » 126.  |
| Disputatur de Pontificum samaritanorum Catalogo.  | » 126.  |
| Fata Gentis samaritanae sub Trajano.  | » 129.  |
| » » » » Hadriano.   | » 130.  |
| » » » » Antoninis.  | » 136.  |
| » » » » Septimo Severo.   | » 137.  |
| » » » » Caracalla.  | » 138.  |
| » » » » Heliogabalo, et Alexandro Severo.   | » 139.  |
| Samaritani, ut ante Arsacidarum, ita postea Sasānidarum, et Regni fortasse palmyreni Socii.   | » 140.  |
| Exponitur, quam vim novus rerum ordo, a Constantino m. stabilitus, exeruerit in eos, qui Religionem christianam non amplectebantur, et praesertim in Samaritanos. | » 141.  |
| Quo melius de horum conditione sub Imperatoribus christianis judicetur, illustratur,  |         |
| 1) <i>Paganorum</i> sors iis temporibus a Constantino ad Theodosium II.   | » 143.  |
| 2) <i>Judaeorum</i> et <i>Samaritanorum</i> eā aetate res gestae enarrantur.  | » 147.  |
| 3) Disseritur de iis, quae Samaritani in Libro Josuae de iis temporibus ipsi tradiderunt.   | » 151.  |
| De Samaritanorum vicissitudinibus, regnantibus Marciano, Leone, Zenone.   | » 158.  |
| Samaritanorum seditio duce <i>Justasā</i> .   | » 159.  |
| » » sub Anastasio.  | » 160.  |
| » » » Justiniano.   | » 160.  |
| Samaritanorum conditio sub Justino II.  | » 163.  |
| » » post Moslimorum invasionem.   | » 164.  |
| Samaritani sub Christianorum dominio.   | » 165.  |
| » » Turcis Otmanidis.   | » 166.  |
| Samaritanorum hodierna conditio.  | » 167.  |

## INTROITUS.

---

Res samaritanae a seculo XVII ineunte ab Europaeis explorari coeptae sunt, ab eo inde tempore nimirum, quo exempla Pentateuchi hebraeo-samaritani delata sunt in occidentem. Paulo ante Epistolarum commercium JOSEPHUS JUSTUS SCALIGER cum eâ Gente instituerat, quod a nonnullis Viris eruditis deinceps ad annum 1820, magno tamen temporis intervallo subinde intercedente, continuatum est. Hae Epistolae primum separatim typis expressae, a DE SACYO omnes uno volumine anno 1831 editae sunt, additis Epistolis, recentiori aetate conscriptis (1). Quibus quum Epistola deëssset, casu quodam in Patriâ nostrâ reperta, nec ante edita, ab HAMAKERO anno 1834 haec publici juris facta est (2).

Scripta, quae post institutum illud Epistolarum commercium de Samaritanis exposuerunt, quia in sequentibus si non omnia, praecipua saltem passim occurrunt, hic brevitate causâ non enumeramus. Haec autem pariter atque Epistolae maximam partem in *Dogmatibus* ac *Sacris* ejus Gentis illustrandis versabantur, quâ occasione de *recentiori* atque *hodiernâ* ejusdem *conditione* vulgo disserebatur. In *Historiam vero samaritanam* pauci tantum inquisiverunt.

CHRISTOPHORUS CELLARIUS primus Occidentalium de hac Historiâ egit (3). Plerosque Veterum locos, ubi de Samaritanis sermo fit, collegit. De iis vero non critice exposuit,

---

(1) DE SACYO anno 1812 in *Annales des Voyages et de la Géographie*, Tom. LII, edidit: *Mémoire sur l'état actuel des Samaritains*; anno vero 1831 in *Notices et Extraits des MSS. de la Bibl. du Roi et d'autres Bibliothèques*, Tom. XII: *Correspondance des Samaritains de Naplouse, pendant les années 1808 et suiv.*, ubi tamen omnes Epistolae olim editae repetitae et gallice versae sunt.

(2) *Aanmerkingen over de Samaritanen, en hunne Briefwisseling met enige Europesche Geleerden ter gelegenheid van eenen nog onbekenden Samaritaanschen Brief*; in *Archief voor Kerkelyke Geschiedenis*, Tom. V.

(3) *Collectanea historiae Samaritanae, quibus praeter res Geographicas, tam politica hujus gentis, quam religio et res litteraria explicantur*, Cizae 1688. 4°. Quae quum ipsi non magnopere placerent, festinantius quippe (ut fatetur ipse in praefatione, quâ sequentem librum *Jobo Ludolfo* dicavit) collecta, anno 1707 edidit *Exercitationem, gentis Samaritanae historiam et caeremonias, post ejusdem auctoris Collectanea historiae Samaritanae, magis illustrantem*. Titulus plura promittit, quam libellus ipse praestat.

ac judicium saepe tulit perversum, quod tamen ob magnam eo tempore rerum samaritanarum obscuritatem non mirandum est.

Parum lucis Historiae samaritanæ attulit JACOBUS BASNAGIUS (1). Diligentissimus fuit in dictis ex varii generis Scriptis colligendis, tum CELLARII, J. H. HOTTINGERI, H. REXLANDI aliorumque, tum etiam ex BERNARDI *excerptis* (2) et HUNTINGTONI *Epistolis* (3). Verum quo diligentior fuit in variis locis ac testimoniis congerendis, eo minorem curam impendit iis accurate perpendendis et rebus gestis bene enarrandis. Sic autem statuentes, iniquius tamen non judicamus. Nam, omissis duro ejus de illâ Gente judicio, quod ei cum plerisque ejus ætatis Eruditis commune est, et futilibus de Pentateucho disputationibus, quæ ex Disciplinæ eo tempore conditione item explicantur, summam modo attendatis negligentiam, quæ passim occurrit, in rebus tractandis; disquisitiones deinde inanes interdum ac saepe falsas; ineptam porro repetitionem, quæ fastidium creat, alia.

CELLARIUM omnes sequebantur, qui postea, et brevissime quidem, de Samaritanorum Historia locuti sunt. In his FREDERICUS UHLEMANNUS (4).

Historia hujus Populi, a paucis igitur hodie usque explicata, dignissima tamen est, quæ melius cognoscatur. Plerisque tamen minoris id momenti visum est, quia sive Gentem ii fere ignorabant, sive, si ejusdem fata universe novissent, de Gente inique judicabant. Auctoritatem scilicet secuti *Judæorum*, quibus acriores hostes Samaritani habuerunt nullos, eam Gentem multi sibi fingebant non modo *variorum* populorum *colluvionem*, sed *hanc* ex *vilissima* eorum *plebe* compositam, gentem ergo abjectam omnique primigenio caractere carentem, in cultu recipiendo fluctuantem perpetuo, in eoque eligendo solum lucrum ac privata commoda spectantem. Samaritani igitur ab iis *Haeretici* nuncupabantur, qui a Judæis omnia mutuati essent, quique solo fere odio inveterato tantum ab his essent diversi; quibus enim nihil privi esset præter Locum sacrum et Codicem deditâ operâ corruptum, et quorum Annales ne lectu quidem digni essent, inutili quippe minutiarum fabularumque farragine onerati.

Haec et si vera essent, omnis tamen vel de *istiusmodi* populo disquisitio minime omitenda. Is enim, si et sic de eo judicetur, suum etiam locum in Historiâ Gentium tenet. Multoque minus ita judicare nobis licet, quia constat, dicta illa, si quid veri iis insit,

---

(1) In Opere, quo Judæorum Historiam, a Flavio Josepho conscriptam, continuavit: *l'Histoire et la Religion des Juifs*, IV Voll. Rotterd. 1707. Ex ed. 2<sup>a</sup> hujus Operis (Hagæ Comitum 1716) facta est Versio Neerlandica (conf. hæc Versio I, p. 253, 258) titulo: *Fervolg op Flavius Josephus*, II Voll. fol. Amst. 1726, ubi libro secundo (L. p. 185 seqq.) copiosa de Samaritanis disputatio continetur.

(2) In *Actis Eruditorum Lipsiensibus* anni 1691, p. 167 seqq.

(3) HUNTINGTONI *Epistolæ* Lond. 1704. 8<sup>o</sup>.

(4) *Institutiones linguae Samaritanæ*, Lips. 1837, 8<sup>o</sup>. p. ix seqq.



maximam partem sive in majus aucta, sive prorsus falsa esse. Etenim si majorem et praecipuam, quâ Gens samaritana composita fuit, partem attendis, Samaritani posterius sunt Israëlitarum, qui, Regno ephraimitico everso, et Samariâ ab Assyriis expugnatâ, in Palaestinâ relinquebantur, quapropter si quis alius, hic Populus inprimis nonnihil conferre potest ad res *veterum Hebraeorum* illustrandas. Hae scilicet si ex solis *Judaeorum* Scriptis, ut vulgo, indagantur, ipsarum cognitio ut manca sit et imperfecta, necesse est. Nec multum haec indagatio sane differt ab ejus studiis, qui ut integram Gentis nostrae universae imaginem sibi informet, solas Provincias septentrionales, solasve meridionales consideret. Si quando *altera pars audienda* sit, haec potissimum consulatur, ubi de Gentibus agitur, quae in duas partes scissae sunt. Harum res nimirum *ante scissionem* gestae non modo invicem sese illustrant, sed etiam *quae postea ab utraq[ue] Gente seorsim geruntur*, ante facta magis explicant saepissime, ac penitus in interiorem totius Gentis quondam conjunctae notitiam nos insinuant. Namque omnia communis originis indicia ne secula quidem delent; ea vero, quibus differunt, post scissionem praesertim manifestissima fiunt, et priva singularum partium studia et indoles, quae scissionem antea pararunt, et deinde majoris in dies differentiae causae sunt, tunc maxime enucleantur, quum quaeque pars separatim ipsa agit, nec eam amplius, quam ante, efficaciam in se invicem exserit.

Quae cum ita sint, profecto dolendum est, fontium apparatus, quo plenior de Samaritanis notitiam accipiamus, adeo exiguum esse. *Samaritanorum* Annales pauci sunt, et recentiores, adeoque, si quis antiquiorem Gentis conditionem ex iis illustrare velit, summâ cum prudentiâ hos consulat. *Judaei* etiam in Scriptis suis de Samaritanis raro loquuntur, eorumque dicta, et quia summâ *difficultatibus* vulgo laborant, et ob praeprejudicatas eorum de illâ Gente opiniones, caute item adhibeantur. Sunt tamen praeter hos fontes et *tenuis aliorum Populorum* de Samaritanis *relationes*, alia hujus Gentis melius cognoscendae subsidia. Unum est, idque egregium, nec satis hodie usque exploratum, et quod luculenter ostendit Samaritanos *hebraeae originis* esse; *Linguam* puto. Alter fons est *Religio* cum *notionibus* de *Rebus divinis*, ex quibus apparet, quam varie hebraeae Gentis ingenium temporis decursu sese explicuerit.

Utrumque argumentum, tum prius sive *linguisticum*, tum posterius, quod in *Religione* versatur, separatim exponi meretur. *Hoc* tamen prorsus transire hic non licet, quia religio plerumque cardo est, in quo Historia samaritana vertitur, et sequens historica disputatio ideo cum eâ quaestione arcte cohaeret. Itaque, omissâ tamen *Dogmaturum* expositione, quam in aliud tempus refero, de Cultu Samaritanorum in universum nonnulla nunc monebo, quae ad sequentia melius intelligenda viam muniant.

Si quis de Samaritanis loquitur, *Gentem* plerique sibi fingunt *Cultui mosaico addictam*. *Sectam* hi ob oculos habent, cujus tenuis reliquiae inter accolae Montis garizimitani nunc

tantummodo supersunt; iidemque simul opinantur, eosdem hujus *Sectae* ritus et eadem placita, *Gentis* item *samaritanae universae* sacra et religionis doctrinam fuisse per multa secula, a condito saltem Templo garizimitano. Quod qui probent, ejus *Gentis* neque Historiam consulunt, variasque et posteriores maxime vicissitudines minime perpendunt. Hae enim eum exitum habuerunt, ut Samaritani, non vero Judaei, inter Gentes tandem fere absorpti sint; quod quare non *his*, sed *illis* evenerit, illâ opinione servatâ, aenigma esse videtur, probabili ratione vix solvendum.

*Judaei* scilicet, iique innumeri, per orbem terrarum licet dissipati, supersunt, quia praeter antiquiora instituta, recentiora etiam habent, quibus cavebatur, ne cum Gentibus, in quibus mediis viverent, conjungerentur; et haec omnia illi tam diligenter observarunt, ut ab his semper distincti manserint. *Samaritanorum* contra *major pars* patriam non reliquit, ibique cladibus quidem affecta est, non vero tam gravibus, ut *universa* gens iis extirpata sit. Nihilominus tamen ipsius vestigia penitus fere deleta sunt. Ex clade igitur superstites ubi remanserunt? — Hi sine dubio cum aliis Gentibus, hanc terram expugnantibus, maximam partem commixti sunt. Sed hi quomodo cum iisdem se conjungere potuerunt, si statuitur *totam* Gentem *per longam* seculorum seriem ritus et placita Pentateuchi observasse, et omne cum iis commercium studiose evitasse? Num credibile est, gentem antiquorum institutorum *adeo tenacem*, *iisque tamdiu assuefactam*, ea tamen repudiasse tandem, eorumque prorsus oblitam esse, quin, Gente adhuc florente, sivilisse, ut, quod Historia testatur, Ethnicorum Cultus diutissime in patriâ suâ vigeret.

Non aliâ ratione haec quaestio solvi posse videtur, nisi quum vulgarem de Samaritanis opinionem mittimus, et veriore ampleximur sententiam, non modo aliorum populorum contemplatione probatam, sed Historiâ hujus etiam *Gentis* confirmatam.

Seposito ergo vulgari isto errore, hoc in primis teneamus, Samaritanos *posterios* fuisse *decem Tribuum*, quibus Regnum israheliticum constitit. De iis autem ut recte statuamus, in primis attendantur *Gentis* hebraeae *Tribus septentrionales*, et *studia*, quibus hae ferebantur, a studiis Tribuum Palaestinam *meridionalem* incolentium, diversa.

De septentrionalibus iis Tribubus quo melius judicemus, primum de Tribubus loquamur *meridionalibus* sive *judaïcis*, quo nomine has item nuncupare licet, quia primum Regnum judaïcum, et deinde Resp. judaïca per harum Tribuum terras extendebatur. Inter has Tribus simplicior puriorque, quam inter septentrionales. Cultus mosaïci (1) for-

---

(1) De mosaico Cultu loquens, formas tamen hujus Cultûs antiquiores et recentiores distinguo. Ut multi jamdudum agnoverunt, *Mosis* praecepta in singulis sine dubio minus erant definita, quam instituta posterioris aevi. Horum autem praeceptorum, tum antiquiorum tum recentiorum *nonnulla* (nam *plura* olim exstiterunt), in Pentatencho collecta sunt. Ea nimirum, quae temporis decursu magis definita sunt, *Moses*, si *paucos* fortasse excepias, *non mutavit*, sed *alii post eum viventes*, ut prisca pro temporum ratio-

ma vigeat, cujus rei causa minus frequens erat earum cum Gentibus commercium. Tribus mediam et meridionalem Palaestinam tenentes, et tractus ibi habitantes montanos, vitam agebant magis solitariam, quam reliquae. Peregrini rarius eas adibant, Gentisque Sacrum, ibi in loco tutiore positum, hae Tribus in suâ terrâ servabant. Hic ergo Cultus mosaïci sedes erat, eumque multi etiam semper sequebantur. Haud pauci tamen, a Gentium commercio non ita seclusi, et a Davidis inde imperio huic crebro expositi, Gentiumque sensu sic magis magisque paulatim imbuti, eum Cultum sive cum Gentium sacris conjungebant, sive abnegabant prorsus, ejusque loco unum Idolorum Cultum amplectebantur (1). His Idolorum cultoribus, iisque syncretismi amicis perpetuo se opponebant Viri quique perspicaciores, id agentes, ut Cultum mosaïcum tuerentur, eumque, et priscis institutis pro temporum ratione reformandis, et antiquis legibus supplendis et emendandis suae aetati accommodarent. Idem studebant Prophetæ. Hi tamen *externam* Cultus formam minus curabant, quam religionem *internam*. Ferociore de Deo Rebusque divinis notiones pellentes, humanioremque doctrinam et vero sublimia placita tradentes, mentem ii Gentis illustrare, piisque sensibus excitandis, animum emendare studebant.

Res sacra, ab *illis* Sapientibus sensim sic emendata, *hiscæ* Prophetis praesertim auctoribus a pluribus in dies Judæis probata est, praecipue a Josiae inde aetate. Deinde desiderium Cultus mosaïci, quo in Exilio babylonico carebant, ipsius amorem ita auxit, ut permulti ex captivitate redeuntes, missâ Idololatriâ, huic Cultui studiose addicti essent.

nibus supplerent et emendarent, necessitate coacti induxerunt. Et hoc prorsus convenit naturae ingenii humani, quod ut in aliis rebus, ita in sacris etiam, formis externis *semper stabilibus* contentum esse nequit. Vidd. quae eâ de re monuit C. von LEBERKE *Kanaan* I., p. 452 seqq. et passim.

Cultus ille a Mose conditus, quomodo in Palaestinâ cum Canaanitarum sacris conjunctus, et quam misere in plerisque ejus regionis tractibus corruptus fuerit, ex Libris novimus historicis V. T., ex Libris praesertim Judicum, Samuëlis et Regum. *Qualis* autem singulis, quibus veterum Hebraeorum resp. supererat, temporibus Cultus hujus conditio fuerit, sive etiam quid Samuël, Davides et Salomo in eo excolendo et exhilarando egerint, quid deinceps Prophetæ fecerint ad novam periodum praeparandam, quidve Hebraeorum cum vicinis et remotioribus Gentibus commercium, ac principatus Assyriorum, Chaldaeorum, Persarum, multorumque Hebraeorum exsilium effecerint ad notiones de Rebus divinis paulatim jam enucleatas, magis etiam magisque explicandas, — haec indagare hujus loci non est. Multa, quae hanc quaestionem quodammodo jam illustrant, tum alii in medium contulerunt, tum etiam E. BERTHEAU in Libro: *sur Geschichte der Israeliten zwei Abhandlungen*, Gött. 1842, ubi inspicatur posterior dissertatio, cui titulus est: *die Bewohner Palästinas seit den ältesten Zeiten bis auf die Zerstörung Jerusalems durch die Römer*, ibid. p. 117 seqq.). Somnia omittimus G. F. DAUMER (Der Feuer- und Molochdienst der alten Hebräer, Braunsch. 1842), merito derisa a MEIER in *Stud. u. Krit.* 1843. 4 heft; tum etiam multa tamere dicta a F. W. GRILLANI in Libro: *die Menschenopfer der alten Hebräer*, Nurnb. 1842.

(1) BERTHEAU L. L. p. 293 seq., 302 seqq.

Idolorum autem Cultu tunc licet publice abrogato, studium tamen Mosaismi cum Gentium opinionibus et institutis copulandi in omnium animis nondum extirpatum erat. In hos item ZERUBBABEL, EZRA et NEHEMJA invecti sunt, nec tamen ipsorum fervor eos coercere potuit. Minime enim suffecit horum Virorum auctoritas, ut matrimonia cum Exteris, ne commercium dicam cum iis, prohiberentur. Quae quomodo studium istud promoverint, quisque intelligit. His igitur aliisque rebus ex mutata temporum ratione ortis, praesertim v. c. Graecorum Cultu per Asiam propagato, factum est, ut ejus syncretismi fautores et numero et dignitate auferentur. Certamen, quod hos inter et Mosaismi severioris socios semper fuerat, acerbissimum tunc et gravissimum evasit, quum illi, publicâ auctoritate muniti, graeca sacra cum mosaïcis conjunxissent. Huic certamini ne Maccabaeorum arma finem imposuerunt. Tum illi victi et inferiores facti, non vero fracti, nec letali clade affecti sunt. Brevi nempe hocce Mosaismi ex Gentium opinionibus et institutis exornandi et consummandi studium novos denuo animos cepit, et duplici modo maxime manifestum se reddidit. Severioris nimirum Mosaismi patronis, qui antiquis formis adhaerebant, et Sadducaeorum, id est *justorum* titulo semet ipsi ornabant, opposuerunt se rerum asiaticarum graecarumque studiosi. Ab iis populis hi rerum nonnullarum notiones magis ex-cultas, et nova instituta mutuari et Mosaïsimo addere haud verebantur. Hos rerum asiaticarum amicos Sadducaeï nuncuparunt *Pharisaeos*, id est *separatos*, quia hos ex suâ communione excludendos esse censebant. Ii quibus *graecae* maxime opiniones placebant, *Hellenistarum* nomine noti, quos, ut aliorum verbis utamur, qui Sadducaeorum studium *judaico-palaestinense*, et Pharisaeorum *judaico-babylonicum* appellant, *judaico-graeci* studii socios nuncupare licet.

Quid singuli egerint, quasve turbas Sadducaeï maxime et Pharisaeï moverint, et quis certaminis fuerit exitus, praetermitto, hoc tantum observans, principatum in Palaestinâ tandem obtinuisse Pharisaeos, in Aegypto et in Judaeorum Coetibus per Regnum romanum Hellenistas.

Haec de Tribubus meridionalibus, sive judaicis sufficiant. Quarum alios quum Idololatriae olim, alios vero semper studio deditos videmus Mosaïsimum cum Gentium *sacris* primum, deinde cum ipsarum *opinionibus institutisque* copulandi, quid quaeso expectemus Samaritanos fecisse, eorumque Proavos, Tribus septentrionales, quibus deërant egregiae, quae meridionalibus contigerant, hujus Cultûs a corruptione integre servandi opportunitates? Itaque profecto non mirum est, septentrionales pariter et in Idolorum Cultum incidisse, et vero istius syncretismi studio ductas fuisse. Quae res verbo hic exponatur.

Studia, quae diximus, in meridionalibus conspicua, in Tribubus septentrionalibus (1) etiam manifesta sunt, sed ob locorum, quae ab his habitabantur, situm et conditionem,

---

(1) De his Tribubus vid. BERTHEAU l. l. p. 327 seqq.

ob diversam porro, quae his ideo cum Gentibus intercessit, necessitudinem, variasque praeterea rerum vicissitudines, ad alium eventum duxerunt. Canaanitarum multo plures quam in Palaestina meridionali, in illarum terrâ remanserant. Phoenicibus hae Tribus erant vicinae, quorum mercatura latissime diu patebat. Vallem eadem Tribus tenebant Esdrelonensem, per quam via erat catervarum, ex Oriente in Occidentem tendentium. commercium ergo cum Exteris evitare ipsae non poterant. Exterorum sacra quotidie conspiciebant, eorumque moribus ita assuefiebant, ut hos ultro imitarentur, ac se resque suas iis non accommodare non possent. Multi igitur vel inviti ad Gentium sacra petenda seducebantur, iisque qui Cultum patrium non missum faciebant, huic tamen aliena, ex istis sacris oriunda, admiscebant. Hinc factum est, ut alia ibi Cultus mosaïci forma, a Patribus jam accepta, stabiliretur, quâ Jahvè *bovis* imagine colebatur. Urbs *Dan* hujus Cultus sedes erat primaria. Hic, si sub Davidis et Salomonis imperio ibi abrogaretur, non tamen in oblivionem abiit. Jarobamus hunc et ibidem novo cum splendore restituit, et *Bethele* sancivit, tamque firmiter fundavit, ut principatum in Regno ephraïmitico idem obtinuerit ad Regnum usque ab Assyriis eversum. Tamque tenaciter per hoc tempus major Gentis pars ei adhaesit, ut irritum esset Achabi consilium hunc Cultum cum Phoenicum sacris permutandi.

Nec feliciore eventu eam ob causam fruebantur ibi Prophetarum conatus. Hi, Cultus quippe mosaïci incorrupti vindices, et emendationis doctrinae religionis nuncii, severique morum magistri, non audiebantur, sed irridebantur, recedere cogebantur, aut expellebantur.

Ad Josiae aetatem Cultus iste Bethele vixit. Ab Assyriis nempe ibi restitutus, a Josiâ vero, aram perdente, iterum turbatus, temporis decursu prorsus sublatus esse videtur. Nam credibile est hujus Cultus socios, apto fortasse carentes sacrario et sacerdotio, partim ad Gentium sacra transiisse, partim sententiam eorum probasse Judaeorum, qui cum genuinâ Cultus formâ, Mosaïsmum profitebantur, cum nullis alienis complementis commixtum.

In alterutram partem civium nempe Regni ephraïmitici posterî, sive Samaritani, abierunt. Gentium Cultui inter eos promovendo multae causae favebant: tum *externa* ipsorum corrupta Cultus mosaïci ratio, quae talis erat, ut inde ad Gentium sacra facilior, quam in Cultu judaico, esset transitus; tum arcta etiam eorundem cum exteris Colonis, in Palaestinam translatis, necessitudo, hoc efficiens, ut cum Colonorum sacris sua connecterent, et ad suam eos societatem ducerent. Postea hocce studium sine dubio nutrit frequens cum *Exteris* in *aliis* regionibus, et vero in primis cum multis, qui deinceps in Palaestinam aliunde migrarunt, commercium.

Primum enim Persarum, mox Graecorum et Romanorum, moribus institutisque ac sacris



ita se accommodarunt, ut ab ipsis in posterum vix possent distingui. Haec fecerit *major* Gentis Samaritanae *pars*, quae, interiore cum Exteris necessitudine sic contractâ, privum Gentis characterem primum depravavit, mox penitus perdidit, eâque notâ amissâ, cum aliis Gentibus ipsa coaluit, ac interitum sibi paravit.

*Minor pars* avitae religioni adhaesit, cujus amore qui imbuti erant, hanc eo acrius tueri conabantur, quo vehementius alii Samaritani in Exterorum sacra ruebant. Religionem autem quum Proavorum more profiteri amplius non possent, ad Judaeorum rationes ii se accommodarunt. Quos enim alios hi adire poterant? Hos tamen non *sola necessitas* coëgit, ut Judaeorum vestigia premerent. Nonnullos ante jam moverint *graves temporum calamitates*, in quibus si Jahves judicia sibi conspiciere viderentur, a Prophetis, Ejusdem Ministris, olim nunciata, hi Hizqiae et Josiae monitis excitati, Hiërosolyma tamquam adorationis locum jam elegerint. Accedebat *alia* insuper *opportunitas*, iis postea oblata, quae aliis haud paucis idem suaserit. Multi nempe Judaei post reditum ex captivitate in Samaritidem migrarunt, multique etiam Judaei ex Judaeâ profugi, exsules ibi degerunt. Horum consuetudine fruente, Samaritani judaïcis item sacris assuefacti sunt, iisque melius jam cognitis, aversio ipsis paulatim superata sit. Judaeis igitur hi primum usi sunt magistris. Nam de Reformatoribus, antiquioribus illis temporibus inter ipsos Samaritanos prodeuntibus, alibi nulla fit mentio, eosque tunc existisse, haud verosimile est.

Hi *judaïcorum* sacrorum socii, initio pauci, in dies frequentiores facti sunt, praesertim post Templum in Monte garizimitano conditum, et Maccabaeorum in primis tempore, quum religionis propagandae ardor inter Samaritanos quoque, ut apud Judaeos, expergefactus esset. In *urbibus* nonnullis majoribus, tam palaestinensibus, quam exteris, ii postea, privo quippe Cultu assumto, haud secus atque Judaei, suos Coetus et Synagogas nacti sunt. *Rure* potissimum per Palaestinam *mediam* acerrimos hi causae suae vindices habebant, iique per multa secula ibi adfuerunt. Hi maxime bellis se immiscuerunt contra Romanos saepius susceptis, ac Leges severae a Romanis, in primis ab Imperatoribus christianis promulgatae, ad eos praesertim coercendos latae sunt.

Vis ergo tantum eos fregit. Alii enim tunc patriâ pulsi, alii caesi, alii ad christianam Religionem profitendam, sive potius simulandam, coacti sunt. Hi igitur eorum Samaritanorum exemplum sequi videbantur, qui, praeëuntibus Proavis, Dominantium institutis se accommodantibus, jam dudum ad christianam societatem ante transierant. Verum neque horum, neque illorum, vi coactorum, Posteris christiana Ecclesia perpetuos deinde socios habuit. Verosimile est, hos Samaritanos christianos Islamismum professos esse, quum Moslimi Palaestinam expugnassent. Quo facto multi quidem superfuerunt, qui sacra *mosaïca* non abrogabant, at ipsorum numerus bellis variisque afflictionibus postea magis magisque imminutus est.

Quo melius autem de Samaritanis *judaizantibus* judicetur, tenendum est, hos eum olim assumpsisse sacrorum institutorumque judaeorum apparatus, doctrinaeque eum complexum, qui eo tempore, quo haec sua fecerint, inter ipsos Judaeos ferrentur, et usitati essent. Itaque Pentateuchum receperunt; Libros vero, postea Canoni additos, institutaque et placita, recentiori memoriâ sancita, eodem fere studio ducti, quo Sadducaei inter Judaeos, Samaritani adoptare noluerunt. Religiosissime hi ea servarunt, quae Templo samaritano condito, inter Judaeos vigerent. Condito hoc Sacrario, Cultus mosaicus apud eos certam quamdam et fixam formam accepit. Scissio Samaritanos inter et Judaeos tunc consummata, et simultas adeo inflammata est, ut major Samaritanorum pars nulla amplius *per longum tempus* a Judaeis mutuaretur.

Minime enim istud odium implacabile Samaritanos *perpetuo* deinde retinuit, quominus meliora a Judaeis oriunda, probarent, atque ipsorum traditiones et placita, quae Samaritanismo non inimica essent, in suos usus converterent. Attendamus modo traditiones in Chronicis samaritanis obvias, per quas, samaritano licet colore suffusas, origo judaica pel-lucet. Similiter Dogmata quaedam judaica primum a Viris samaritanis perspicacioribus commendata, temporis decursu a pluribus in dies probata esse videntur, eaque tandem professi sunt omnes. Nec *Judaeorum* modo, sed etiam aliqua *Christianorum* et *Moslimorum* fuerit efficacia in doctrinam Religionis samaritanae excolendam. Falluntur ergo, qui putent, omnia antiquiorum et recentiorum Samaritanorum Dogmata eadem semper mansisse. Ex dissensu variorum haec enumerantium Scriptorum, quorum testimonia, si vel vim iis inferas, in concordiam redigi nequeunt, contrarium jam efficeret. Idque confirmatur etiam ipsorum Samaritanorum dictis, quae in Chronicis iis, et Carminibus passim leguntur. Haec vero nunc acu tetigisse sufficiat, quia Gentis *vicissitudines* illustrare hîc nobis proposuimus.

Ex dictis videmus, operae pretium esse, si in samaritanam Gentem oculos convertimus. Hanc ergo jam attentius intueamur, et ea, de quibus jam obiter disputavimus, sigillatim exponamus. Primum accedimus ad *Quaestiones*, quae *Gentem universam* spectant; deinde ad *Gentis Historiam* pergamus.



I.  
Q U A E S T I O N E S  
DE GENTE SAMARITANA.

§. 1.

*Gentis samaritanæ Nomina.*

Initium facimus a *Nominibus*, quæ Gens samaritana olim gesserit, hodieque gerit.

Graece, ut notum est, Samaritani dicuntur *Σαμαρείτας*, et *Σαμαρείς*. Illud latine receptum est, ubi ex *scriptione Samaritæ* formarunt vulgo usitatum nomen *Samaritanorum*. Graeca nomina ex *hebraicâ* formâ fluxerunt. Hebraïce enim non modo dicti sunt שַׁמְרֹנִים (1), a nomine שַׁמְרֹן, Chaldaïce שַׁמְרִין (2), quo designatur et *urbs* Samariæ, et *universa terra* (3), sed etiam vocati sint שַׁמְרִים, sive cum flexione Chaldaïcâ שַׁמְרִין, quæ forma orta est ex שַׁמְרִין, ut מַצְרִים ex מִצְרַיִם. *Hæc* forma, quia usu trita erat, ab *Exteris* recepta est. Hanc vero ipsi Samaritani temporis decursu explicare coeperunt *custodes*, contententes hoc nomen sibi jure competere, sive *Terræ* rationem habeas, sive *Legis divinæ*, eoque titulo in *Epistolis* gloriabantur, et, quod hujus interpretationis antiquitatem probat, jam *ælate Epiphani et Hiëronymi* utebantur (4).

*Hebræorum* nomine Samaritani etiam suam Gentem appellant (5), sed nullum carius iis est nomine *Israëliitarum*, quod ab iis, pariter atque a Judæis, plerumque usitatur, ut in *Epistolis* (6), et passim in *Libro Josuæ*. Eos *Josephi* ætate jam profectos esse, se ex *Ephraïmitis* et *Manassitis* oriundos esse, is diserte testatus est (7), idque

(1) 2 Reg. XVII. 29.

(2) Ezech. IV. 10, 17.

(3) 1 Reg. XIII. 32; 2 Reg. XVII. 24, 26; XXIII. 19; Jer. XXXI. 5, et Hos. VIII. 5, 6. Loquendi usus, quo *Samariæ* nomen de *universâ terrâ* usitabatur, sola causa est, quare hujus regionis incolæ *Samaritani* dicti sint. Hoc nomen *latiore* sensu fortasse usu jam tritum erat ante Regnum 10 Tribuum eversum. Ut ergo ea regio a *metropoli* nomen accepit, ita contra Aegypti et Syriæ metropolin Arabes a *regione* nuncuparunt, *illius* Caput مصر, *hujus* vero الشام vocantes.

(4) Conf. EPIPH. *de Haeres.* I, Haeres. IX, ed. Pelav. p. 24; HIERON. in *Comment. in Amos.* IV, et *Epitaph. Paullæ*, c. VI; SULPIC. SEVER. *Hist. Sacr.* I, 49; quos locos descripsit CELLARIUS in *Collect.* p. 1 et 2, et *Exercit.* p. 4, 5.

(5) CELLAR. *Exercit.* p. 4.

(6) HANAN. l. supra l. p. 4, 5.

(7) Antt. XI. 8. 6.

tum ex N. T. (1) et dictis Justini Martyris, qui ipse Neapolitanus erat (2), tum etiam ex aliis locis (3), ac testimoniis in Epistolis obviis (4), confirmatur.

Hocce *Israëlitarum* nomen Samaritani a Judaeis mutuati esse vulgo censentur: quae tamen opinio non omni dubio superior est. Scissâ enim Gente, Regnum septentrionale ab ipsis Judaeorum Scriptoribus nuncupatur *ישראל* (5), quin veteres etiam Prophetæ, qui eo nomine sæpius *omnes Jacobi posteros* complectebantur, eundem loquendi usum interdum sequuntur. Judæi contra nomen illud de *solâ Gente judaicâ* post reditum ex captivitate demum usitari coeperunt. Itaque non sine causâ quaerimus, utra sententia probabilior sit, samaritanam Gentem, quæ civibus Regni israëlitici maximam partem constituerit, nomen a Proavis receptum servasse, an vero Gentis nomen ita tritum, ac seculorum usu sancitum, et vero ab aemulis Judæis probatum, in ipsâ Gente primum oblivioni traditum, ac postea demum, inimicorum acerbissimorum exemplo iterum receptum esse? Illud si statuitur, difficultates superesse fatemur. Objicitur scilicet v. c., non verosimile esse Judæos, Samaritanos odio acerrimo prosequentes, hocce nomen, si ii id semper usitaverint, sibi sumsisse, et de suâ Gente ita adhibuisse, ut nullum titulum ei antepo-  
nant. Verum teneatur, nomen hocce Judæis etiam sacrum esse, arctissimeque cum antiquis traditionibus de Gentis originibus conjunctum, ita ut odium istud eos incitare non potuerit ad illud abrogandum. — Deinde concedo, ejus nominis *inter Samaritanos eorumque Proavos* usum ad reditum Judæorum ex captivitate, diuque post ipsum hocce tempus, nos persequi non posse. Sed omnes norunt, nulla ipsorum Samaritanorum Scripta ex tempore adeo remoto superesse. Quid porro judicandum sit de locis, ubi Samaritani se *Exteros* esse, profiteantur, infra videbimus. Ac similiter de *Cuthæorum* nomine ibi dicemus, quo Samaritani se nuncupari indigne ferunt. *Vocant*, sic ad SCALIGERUM iidem scripserunt, nos (Judæi) *Cuthæos*, sed verbis suis mentiuntur.

(1) Joh. IV. 12.

(2) Apol. I. (ed. THIRLBY, Lond. 1722. Fol. p. 78) τὸτε αὖτ, 'Ιουδαϊκὸν καὶ Σαμαρειτικὸν φύλον 'Ισραὴλ καὶ οἶκος 'Ιακώβ κάληνται.

(3) V. c. HÆRISIPPI ap. EUSEB. IV. 22; CHRYSOSTOMI ad Joh. IV; AMMONII in *Catena Patr.* in Joh. IV; BENJ. TUDEL p. 39; et ABU 'L-HASANI *refutatio Judæorum, qui Samaritanos non esse Israëlitas dicunt*, in Opere ejus, descripto a NICOLL in *Bibl. Bodl. Codd. Mss. orient. catal.* p. 3. Hos locos collegit E. W. HENGSTENBERG, *die Authentie des Pentat.* I Bd. p. 5.

(4) In Epistolis perhibent, ex filiis Josephi Justi, et ex filiis Levi, se oriundos esse; vid. CELLAR. *Collect.* p. 19, et EICHEN. *Repert.* IX, p. 30 et 34.

(5) Vidd. 2 Sam. II. 9, 10, 17, 28; III. 10, 17; XIX. 40—43 cet. Observatu etiam dignum est, Jacobum in libro Genesios, ubi ipsius nomen cum *Josephi* ejusque *filiis* mentione conjungitur, יַעֲקֹב vocari, quod luculenter ostendit nexum, quem veteres Hebræi inter hæc nomina statuerint.

§. 2.

*Major Gentis samaritanæ pars civibus constitit Regni ephraïmitici. —  
Dubii quibusdam respondetur.*

Haec de *Nominibus*. Ad disquisitionem progredimur de *Gentis originibus*, ut probemus, quod ante sumsimus, *majorem Gentis samaritanæ partem civibus constitisse Regni ephraïmitici*.

Primum dubiis quibusdam HENGSTENBERGII respondeamus, statuentis, *Samaritanos Gentem esse ex variis populis exteris compositam* (1).

Sententiam, quam nos defendimus, niti potissimum HENGSTENBERGIUS contendit *recentiorum* Samaritanorum, *se Israëlitas esse* profitentium, testimonio. Verum Eruditos hocce testimonium tantummodo *excitavit*, ut in *Gentis origines* accuratius inquirerent, quo facto viderunt, variis argumentis illud probari posse. Ac fallitur H. existimans, *recentiores* Samaritanos id demum significasse. Invitus ipse jam (p. 28) contrarium fatetur, vere observans, odium, quo Judæi Samaritanos ab antiquissimis inde temporibus persequerentur, magis etiam excitatum esse ideo, quod Samaritani jus in sacrorum communionem sibi vindicabant, *quoniam se item Dei populi partem esse censebant*. Sed de iis tantum locis (2) hic agamus, quibus H. utitur, ut demonstret, Samaritanos *idem negasse*.

Ex his primum jam apparet, eos hoc *negantes*, *ab aliis Hebraeos antiquitus habitos* esse, tum etiam *antea* eosdem id saepius *affirmasse*. Praeterea in locis iis loquuntur *Cultus graeci patroni*, qui a Cultu judaico abhorrentes, ab omni etiam cum Judæis necessitudine erant aversi. — H. porro ut probet, recentioribus Samaritanis nullam fidem habendam esse, locum citat Ezr. IV. 9, 10, ubi Samaritani *se externos esse*, ultro agnoscant. Ipse tamen jam perspexit, quam inepta ibi fuisset mentio *affinitatis* cum Gente, quam atro carbone notant. Deinde, si vel sumas, epistolam l. l. insertam, authenticam esse, tenendum est, non solos Israëlitas, sed *exteros* in Palaestinâ degentes, atque *hos* praesertim, eam misisse. — Affertur etiam Ezr. IV. 2, ubi Judaeorum adversarii gloriantur, se a regno inde Azarhaddonis *eundem cum Judæis cultum celebrasse*, de *communi* vero *origine* silent. At, si ponis, *isidem*, quae ibi leguntur, verbis eos usos esse, vides ibi etiam verba facere *Colonos*, principes terrae incolae, reliquos parum curantes, atque illos, *aliunde advectos*, *cultus* quidem, non vero *originis* communionem prae se ferre posse. — Judæi etiam, sic noster pergit, Samaritanos *peregrinos* esse clamant, idque ab eo probatur, tum ex locis N. T., ubi hoc sive manifesto, sive obscure

(1) *Die Authentie des Pent.* I Bd., p. 3—28.

(2) JOSEPH. Antt. IX. 14. 3; XI. 8. 6; XII. 5. 5; coll. 2-Macc. VI. 2.

significant (1), tum ex multis veterum Christianorum dictis, qui Judaeorum auctoritatem sequuntur. Sed istiusmodi sermones quis a Judaeis non expectet de gente, quam, Regno ephraïmitico florente, aemulatio et invidia, deinde consociatio cum *exteris* Colonis, odiumque postea in dies vehementius, exosam ipsis reddiderunt? — Gentis samaritanæ ingenium ad mendacia adeo proclive fuisse porro dicit H., ut hæc nullâ in rê fide digna sit! Pentateuchum concedimus nonnullis locis a Samaritanis deditâ operâ mutatum, historiam in Annalibus ipsorum miris fabulis exornatam, eorumque fraudes haud raras esse. Quis vero propterea, omnia quæ gens dixerit, in dubium vocet? Fraudesne et fabulas aniles ii cum aliis gentibus quam plurimis, minus excultis præsertim, habent communes? et Pentateuchus num *sine ullâ mutatione* ab iis recipi posset? Quæ denique de *moribus corruptis* a nonnullis itineratoribus feruntur, aliorum dictis similiter refutantur (2).

Israëlitæ inter Samaritanos non superfuisse, duobus insuper argumentis H. demonstrare conatus est: alterum ex *faciei lineamentis hodiernorum Samaritanorum* duxit, alterum ex *Prophetarum Libris*. Illud nuper confirmavit ROBINSONUS (3), animadvertens, samaritanæ faciei lineamenta non judæica esse, neque etiam lineamenta referre aliorum, qui hodie in Palaestinâ degunt, indigenarum! Hæc vero *non esse judæica*, ex eo explicatur, quod cum Gente samaritanâ primum Coloni, alique deinde Exteri quam plurimi sese commiscuerunt; ea verò *jam diversa* esse ab incolis *hodiernis*, ex summâ religione, quâ pauci eorum, posterioribus seculis superstites, matrimonia cum aliis populis studiosè evitarunt. — Prophetas quod attinet, *hi*, H. inquit, *tradunt omnes Israëlitæ ex Palaestinâ abductos esse*. Ex nullo tamen loco id liquet. Pari modo de Israëlitæ ii locuti sunt, atque de Judæis. De his autem diserte constat, magnam turbam post Hiërosolyma devastata in Judæâ remansisse. Jeremja autem, c. XXXI. 8 *reditum* Israëliitarum depingens, aperte *poëtam* agit; alius vates (Zach. X) de iis modo verba facit, qui ex *Gileade*, et *tractibus*, *Libano finitimis*, educti erant (vs. 10).

Hæc vero quaestio *de iis*, qui revera abducti sint, dignissima est, quæ accuratius expendatur.

### §. 3.

#### *Loci illustrantur, ubi de abductis Israëlitæ fit mentio.*

Majorem Israëliitarum partem in captivitatem non abductam esse, sed in Palaestinâ remansisse, nemo in dubium vocet, qui *res*, ac præcipue *linguam* Samaritanorum, ac

(1) Matth. X. 5. 6; Luc. XVII. 18; Joh. IV. 22.

(2) ROBINSON *Palaestina* III, p. 317 seq.

(3) L. I. III, p. 327.

singulas nostrae quaestionis partes omnes perpenderit. Eam igitur sententiam multi professi sunt. In his WALTENUS (1), et qui hanc quaestionem dedita operâ explicuit, J. D. MICHAËLIS (2). Deinde WAHLIES (3), DE WETTIUS (4), DE SACRUS (5), ac nuper CHR. H. KALKAR (6) et BERTHEAU (7). Ut hanc quaestionem rite tractemus, locos primum inspiciamus, ubi de abductis Israëlitis fit sermo.

Ex Regno ephraïmitico primi captivi abducti esse videntur anno a. C. n. 770 a Phulio (8), regnante Menahemo (9), si nempe cum KNOBLO (10) in loco Jes. VIII. 23, et IX. 1 de ejus, non vero, ut alii existimant, de Tiglath Pilezaris expeditione, anno 740 sive 739 susceptâ, sermonem esse, statuimus. Tunc ergo Assyrii pervaserunt terram Naphthalitarum, et Zebulonitarum, ac, postquam Israëlitarum Rex, soluto tributo, pacem emerat, per regiones trans Jordanem redierunt.

Abductos captivos male esse habitos, ex Jes. IX. 1 apparet, at numerum eorum non valde magnum fuisse, novimus ex sequenti Assyriorum invasione sub Pheqaho, quum Tiglath Pilezar alios iterum in captivitatem abduxit. De hac expeditione mentio fit 1 Chr. V. 26, his verbis: וַיִּגְלוּ לְרֵאשֵׁי וְלִגְדֵי וְלִחְצֵי שְׁבַט מַנַּשֶׁה וַיָּבִיאוּם לַחֶלֶץ וְחִבּוּר וְהָרָא וְנָהָר. גִּזְזוֹן עַד יְהוֹם הָהָר. Haec dicta partim supplentur, partim accuratius definiuntur alio loco 2 Reg. XV. 29, ubi legimus: וַיִּקַּח אֶת-עֵינָן וְאֶת-אֶבֶל בֵּית-מַעֲכָה וְאֶת-יְנֹחַ וְאֶת-קָדֵשׁ וְאֶת-חֲצוֹר וְאֶת-הַגְּלָעָד וְאֶת-הַגְּלִילָה כָּל אֶרֶץ נַפְתָּלִי וַיִּגְלוּם אֲשׁוּרָה. *Quinque oppida* hic primum memorantur, sita a septentrione lacûs Merōmi, sive Samochonitidis, nec longe ab eo remota, quae Assyrii, captâ Damasco (11), cepisse videntur (12). Quarę

(1) Prolegom. XI, §, 3.

(2) *De exilio decem tribuum*, in *Comment.*, Brem. 1763, p. 31 seqq.

(3) *Allgem. Gesch. der Morgenl. Sprüche u. Liter.*, Lips. 1784, p. 558 seq.

(4) *Lehrb. der hebr.-jud. Archæol.*, Lips. 1842. p. 49.

(5) *Mém. sur les Samarit.*, p. 7. *Il est vraisemblable*, ex SACRUS inquit, *que les Israélites, détenus dans les dix tribus, formaient la plus grande partie de la population cel.*

(6) *Theol. Mitarbeiten*, 1840, 3 heft. p. 24—38. (7) l. l. p. 341, 358 seqq., 383.

(8) 1 Chr. V. 26. (9) 2 Reg. XV. 19 seq. (10) *Der Profet Jesaja*, p. 63. (11) 2 Reg. XVI. 9, 10.

(12) Horum oppidorum, וְיָץ ab eo lacu est remotissima. A Robinsono quidem, neque in *Itinerario*, neque in *Mappis* id memoratur, altamen ex ipsius etiam dictis et indiciis situs loci satis certo definiri potest. Plus semel nimirum sermonem fecit de מֶרְגַּע עֵינָן (*Palæst.* Tom. III. p. 607, 611, 612, 620, 621, 645, 649, 655), qui campus, ut jure conjecit (l. l. p. 887), ab eo oppido nomen accepit. *Ijden* in eo tractu ponatur a septentrione oppidi בֵּית מַעֲכָה, qui locus non differre videtur ab hodierno אֶבֶל

אֶבֶל (ibid. p. 887), neque ab oppido, dicto 2 Chr. XVI. 4 בֵּית מַעֲכָה. Erroris causam indicavit HAMAKERUS (in *Comment. in Lib. de viâ et morte Proph.*, p. 144 seqq.), ex scripturae compendio מֶרְגַּע עֵינָן.

haec sigillatim et primo loco enumerentur, licet, deinde de *Galilaea* et *tota terra Naphthalitarum* sermo est, intelligitur ex universa hujus expeditionis ratione. Haec oppida, ad quae primum accesserunt, non sine vi expugnata, penitusque direpta, et fortasse vastata sunt, quâ occasione incolae ex strage superstites, juvenes in primis et puellas, in servitutem redegerint. Cujus calamitatis memoria indigenarum menti ita inhaeserit, ut horum locorum expugnationem separatim non tradere non potuerint.

Hinc Assyrii ulterius pergebant versus Mare Tiberiadis, per omnem igitur Naphthalitarum terram (כל ארץ נפתלי), sed per *partem* modo *Galilaeae* (1) transeuntes. Ad quod

Sequitur in textu nostro nomen תִּימ, probe distinguendum ab oppido ejusdem nominis in *confinitis Ephraimitarum et Manaassitarum* (Jos. XVI. 6, 7). Illud, si idem est atque hodiernum الجَامُونَة, in tractu الخيطة nunc dicto, situm erat ab occidente lactes Merōni (Rois. l. l. p. 887), et ab oriente oppidi, 4<sup>o</sup> loco enumerati, תַּרְשִׁי, quod hodie idem etiam nomen gerit (Rois. l. l. p. 622). Nec dubius est situs oppidi תַּרְשִׁי. Hoc JOSEPHUS jam indicavit. Loquens de Jabino olim ibi regnante (Jos. XI. 5, 7), de eo loco, αἰτή, inquit, δ' ἐπίκειται τῆς Σαμαρειτικῆς λίμνης (Antt. V. 5. 1); ibique in Mappâ ROBINSONI etiam notatur, exhibente *Ain el Hazury*, et paulo altius *rudera loci Hazury*, in tractu, nunc dicto تيم التحتاني, in cujus tamen locorum (quas SMITHUS ipse adiit) catalogo (Tom. III, p. 889) non recensetur.

Ex his quinque oppidis, *Ijōn* et *Abel beth Maacha* enumerantur item inter loca, a Syris jussu Ben-Hadadi, regnantibus Asâ et Baesâ, expugnata, 1 Reg. XV. 20, ubi insuper adduntur praeter תַּרְשִׁי, קִלְכָּרְזַי, על כל ארץ נפתלי, omnia horrea, per omnem terram Naphthalitarum sita, id est omnia loca, s. oppida, quae mercium erant receptacula. Eodem nempe consilio, quo olim Syri, deinde Assyrii eas urbes cepisse videntur, diripiendi nimirum. Quo copiosiores ergo rapinas agerent, ea loca potissimum petiverunt; utque illi, Damasco profecti, ab hac parte Palaestinam invaserant, sic Assyrii, postquam Damascum ceperant, viâ incedebant, quae inde per vallem Libāni, sive per Coelesyriam in Palaestinam ducit.

(1) Si vel statuitur cum Winero (*Bibl. Realwörterb.* in voce *Galiläa*), nomen גליל ante exsilium babilonicum minus late quam postea patuisse, *partem* tamen hujus etiam regionis, quae ab Ijōne ad lacum Tiberiadis extendebatur, Assyrii tunc invaserunt. Non tantum enim tractus Naphthalitarum *septentrionales*, sed etiam, ut liquet ex Jes. VIII. 23, *Zebulonitarum terra*, 2 Reg. XV. 29 non memorata, Galilaeae nomine nuncupabatur. Potius ergo existimem omnem Naphthalitarum regionem ante exsilium hoc nomen jam gessisse; quia et *Zebulonitarum terra a meridie* illius sita est, et locus Jud. I. 33 de Canaanitarum frequentia per omnes Naphthalitarum tractus loquitur. Ibi enim haec *Tribus* habitasse dicitur in *mediis Canaanitis, terrae incolis*, ut Aseritae vs. 32; non vero (quod de aliis Tribubus narratur) ibi observatur, *Canaanitas in mediis Tribubus habitasse*. Quae porro ibi adduntur, ostendunt, quam potentes Canaanitae ibi etiam fuerint. Duas urbes hi soli tenebant olim, et semper tenuisse videntur. Incolae enim Bēth-Schemeschi et Bēth-Anathi non expellebantur, iisque tributum quidem imponebatur, a Salomone nimirum (1 Reg. IV. 9), sed ipsum hoc tributum declarat, eosdem ibi tum fuisse superstites; nec credibile est, postea ipsos inde recessisse. — Si denique dicta de *Aseritis* quoque perpendimus, non probabile est, solas Naphthalitarum et Zebulonitarum, sed et Aseritarum ditiones jam ante exsilium nomine גליל נפתלי



Mare quum pervenissent, a septentrione ejusdem abiisse videntur orientem versus in terras trans Jordanem, l. l. dictas גִּלְעָד (1).

Intactas ergo tunc reliquerunt Assyrii Tribus Aseri, Zebulonis et Issascharis, ex quibus igitur nulli captivi abducebantur. Neque etiam credibile est, illos per omnem Naphtalitarum ditionem transeuntes, dictis oppidis captis et devastatis, cetera oppida, et omnes vicos ac pagos vastasse, et incolas inde deduxisse. Ut mox indicabimus, collatis locis tum de *Judaeis* captivis, tum de Hizqiae et Josiae mandatis (2 Chr. XXX. 1, 5, 6 et XXXIV. 6, 7, 9) agentibus, ii tantum nostro loco (2 Reg. XV. 29) intelliguntur, qui ceteris sive dignitate, sive divitiis, sive artium opificiorumque peritiâ superiores essent.

Nec alii abducti esse videntur ex Tribubus trans Jordanem, quamvis de harum Tribuum reliquiis in locis libri alterius Chronicorum laudatis, non diserte fit mentio, nisi has etiam spectatas esse velis verbis כָּל שְׂמֵרֵית יִשְׂרָאֵל (2 Chr. XXXIV. 9). Ac revera solius *Principis* viri abducti mentio obvia est 1 Chr. V. 6.

Ad has autem Tribus trans fluvium Assyrii se converterunt, non modo ut per ipsarum terras Damascum reverterentur, insignemque exinde item praedam secum ducerent, sed fortasse etiam, quia a Tribubus nomadicis, Tribubus israeliticis trans Jordanem vicinis, excitati erant ad vindictam ipsis sumendam ab injuriis, quibus non diu ante hae Tribus israeliticae ipsas affecerant. Hae enim israeliticae Tribus trans Jordanem et numero et divitiis temporis decursu mirifice auctae erant, ac terram in dies latiore occupaverant (2).

appellatas fuisse. Illarum enim Tribuum terrae si ob *gentium frequentiam* sic dicerantur, hoc nomen sine dubio non minus terrae *aseriticae* conveniebat, quae *Phoeniciae proxime adjacet*.

(1) Nomine גִּלְעָד, collato loco 1 Chr. V. 26, tota Israelitarum terra trans Jordanem significari videtur, quia ibi de *Rubenitis*, *Gaditis*, et *dimidia Manassitarum Tribu* sermo est. Haec dicendi ratio ceterum est notissima.

(2) Lautae ac splendida Tribuum trans Jordanem conditio Tiglath Pilezaris aetate ex manifestis cognoscitur indiciis, in antiquo obviis monumento, quod in compendium redactum 1 Chr. V servatum est. Harum Tribuum res prosperas et florentes Epitomator ipse probe perspexisse et in *primis* significasse videtur, hanc felicitatem cladi opponens, quam Assyrii iis intulerunt (vs. 25 seq.). Nec *pristini* adeo, sed *dicti* potius temporis statum ibi spectari, exinde apparet, quod uberior narratio, quam ille hujus Operis Chronicorum auctor manu tenebat, cum genealogiis eo usque continuabatur. *Rubenitae* nempe ab Aroëre extendebantur ad media usque loca campestris, quae ad Euphratem usque patebant (vs. 8 et 9). *Gaditae* non tantum in Basane habitabant, sed ad Selcam usque sedes suas habebant (vs. 11). *Manassitae*, numero, quod diserte monetur, aucti per Antilibanum longe lateque se propagaverant (vs. 23). Hae ergo Tribus ante jam potentes, plus semel cum vicinis Nomadibus bellaverant. Duorum bellorum hic fit mentio; prioris sub Saülo cum Hagarenis (vs. 10), posterioris cum iisdem eorumque sociis gesti aetate, ut videtur, Jarobami II, et Jothami, quia hoc annectitur *censui*, iis temporibus de his Tribubus habito, ac magnum virorum bello aptorum numerum exhibenti (vs. 17, 18). Durissimum et saevissimum hoc bellum erat.

Vim tamen harum Tribuum, Phuli expeditione, et ante (1) jam afflictam, iteratâ Assyriorum invasione fractam esse, quisque sentit, etiam si statuitur, regiones trans Jordanem quoque non omnibus incolis privatas esse. Ex aliis illud indicium pariter animadvertimus. Post hanc enim expeditionem magis praevaluerunt Moabitae et Ammonitae, magnamque ii terrarum, quas eae Tribus incolebant, partem occuparunt. Quod licet in Libris historicis nullibi tradatur, tum ex Jes. XV (1) apparet, ubi de praecipuis earum Tribuum urbibus, tamquam *moabiticis* sermo est, tum confirmatur Jerem. XLIX. 1—5, quo loco *Ammonitae Gaditarum haeredes* dicuntur.

Dolendum est, non alia superesse testimonia, ex quibus de reliquiis harum *israëlicarum Tribuum* trans Jordanem, earumque sorte posterioribus temporibus, judicare possumus. De Israëitarum, in *septentrione Palaestinae* superstitum, conditione post illam expeditionem, nonnulla, perpauca licet, innotuerunt. *Magnum* horum *numerum*, Regno Israëlis everso, superfuisse, jure contendit BERTHEAU (2). Ex Ezech. XXVI. 19 probare conatur, *Danitas* ad Regni judaici finem forum Tyri cum mercibus suis adiisse. Mercatura sine dubio in iis tractibus brevi post hostium abitum restaurata est, et multos excitaverit, ut eo migrarent. In his fuerint item Judaei exsules, in Phoeniciâ degentes, de quibus infra dicendum. Nimirum parum verosimile est, quod BERTHEAU l. l. conjecit, Judaeorum in Galilaeâ posterioribus seculis frequentiam, ex solis *Israëlitis in eâ terrâ relictis* explicandam esse. *Judaeorum* numerum ex *Judaeis* potius derivem, tum quoniam Historia docet, *hos* deinceps illuc abiisse, tum etiam, quia, si qui Israëitarum ad Mosaïsmum judaicum transierint, plerique eorum, ob intimam, quae iis cum Phoenicibus semper intercedebat, necessitudinem, praesertim postquam corruptus Jahves Cultus abrogatus erat, qui in urbe *Dan* olim florebat, ad Gentium Sacra recipienda procliviores fuisse videntur, quam ad Cultum judaicum amplectendum.

De tertiâ Assyriorum expeditione a Schalmanazaro susceptâ in *mediam Palaestinam*, exponitur 2 Reg. XVII. Quae hoc capite narrantur, partim hujus libri Auctori tribuantur, nimirum vs. 7—23, et 34—41; partim ab eo aliunde desumpta sunt, nempe vs. 1—6

Nomades isti tunc subacti, penitusque fere fracti esse videntur. Innumeri nimirum caesi sunt, multa millia in captivitatem abducta, praeda pecorum insignis (vs. 21, 22). Multi sine dubio ad vicinas Tribus se contulerunt, nec melius odio in Israëlitas lethali saturare se posse opinati sint, quam si, vindictae sumendae ipsi quippe impares, potentiores Assyrios excitarent juvarentque, ad Israëitarum potentiam et superbiam vicissim frangendam.

(1) Ex Jes. XV, ubi vetus occurrat Oraculum, a Jonâ, ut conjicitur, primum editum, sed a Jesajâ deinde in suos usus conversum, efficiendum esse videtur, Moabitas sub Jahû fortasse et Joahaso, terras trans Jordanem jam invasisse, eos vero a Jarobamo II inde iterum expulsos esse (vid. KNOX l. l. p. 107), at eosdem rediisse post Tiglath Pilezaris abitum.

(2) l. l. p. 359 seq.

ex Chronico antiquiore, et vs. 24—33 ex alio libro, sive relatione alicujus, qui res Samaritanas accurate cognitas habebat. In illo Chronico dicendi genus animadvertimus concinnum, ibique (vs. 6) *Samaritanas* nomen de urbe tantum adhibetur. In alterâ periscope (vs. 24—33) stilus est copiosior, idemque nomen (vs. 24, 26) de universâ terrâ usitatur. Majoribus vero verborum ambagibus utitur ipse Libri Auctor, nec tamen locos, quos descripsit, illustrat. De Cultu tantum disputat, et, in *Palæstinâ* quippe non vivens fortasse, non nisi *fando* de Samaritanis audivisse videtur. Is autem, ut ex vs. 19 et 20 liquet, ubi *Regnum judaicum eversum* eb oculos habet, sine dubio post *Hiërosolyma eversa*, et, ut WERTHIUS jure coniecit (1) non ante annum ante C. n. 551, fortasse scripsit. Itaque eo vivente, a captâ (anno 722) Samariâ, 171, nisi plures anni praeterlapsi erant; nondum tamen absolutum erat exilii tempus. Sic ergo, ut legimus vs. 41, de *filiis filiorumque filiis* Colonorum, qui, Regno Israël sublatò, Cultum Dei israheliticum cum Idolorum Cultu conjunxerant, non vero de rebus gestis post reditum ex captivitate, is loqui poterat. *Ejus* dicta quanto minoris sunt pretii ad Historiam explicandam, tanto majoris ea sunt, quae ab *alio* accepta, vs. 24—33 suis interposuit. Haec tamen *Colonorum* Cultum in primis spectant, non ipsos Israëlitas, de quibus hoc capite vel ita sermo fieri videtur (vs. 6, 18, 23), ut, *universam* Gentem abductam esse, fere opinareris. Quomodo autem de eâ dicendi ratione judicandum sit, tum ex *aliarum* Gentium, tum ex *Judaeorum* Historiâ manifestum est. Hos, brevitatis causâ, tantum consideremus.

Regnante Jojachino, omnes Hiërosolymorum incolae (כל־ירושלם) abducti, ac *plebs tenuis terrae* modo relicta esse, dicuntur (2). Haec ad vivum non resecanda esse, quisque sentit. Intelliguntur, qui diserto ibidem recensentur, *rex cum matre*, atque *uxores ejus* et *aulici*; *virî* deinde *in civitate principes*, *ique*, *qui bello gerendo apti erant*; *fabri* praeterea *lignarii* et *ferrarii*: quare Libri Auctor melius profecto scripsisset, si *copulam* post כל־ירושלם omisisset. Et vero *numerus* captivorum haec confirmat, qui secundum vs. 14 et 16, *paucis millibus* constabat. Imo non sola *plebs* postea supererat, sed *virî* etiam *principes*. et *eruditi*, et *artifices*. Accedit, sub Zidqiâ Judaeorum coloniam iterum in Babyloniam deductam esse (3), quo facto Gentis pars, eaque haud exigua item in Judaeâ mansit, cui tum praeficiebatur Praefectus (4), et quae multis profugis, qui ante ad finitimas gentes fugerant, bello composito, augebatur (5); in quibus Gentis reliquiis non omnes, vel tunc etiam, *imbelles* erant et *egeni* (6). — Dicta denique magis illustrantur iis, quae Jerem. LII: 28—30 leguntur. Ibi eorum, qui varijs temporibus

(1) *Lehrb. der hist.-krit. Einl. in's A. T.* 5<sup>e</sup> ed., Barol. 1840, p. 241. Eodem redit disputatio H. EWALDI, *Geschichte des Volkes Israel*, Gott. 1843, I, p. 204, 211 seqq., coll. p. 169 seqq.

(2) 2 Reg. XXIV. 14.

(3) 2 Reg. XXV. 11.

(4) Ibid. vs. 12.

(5) Jerem. XL. 6—12.

(6) Jerem. XLI. 10, 16; XLIII. 6.

abducti erant, numerus distincte definitur. Anno nempe 7<sup>o</sup> Nebucadnezaris, 3023; anno ejus 18<sup>o</sup>, 832; anno 28<sup>o</sup>, 745: ita ut summa sit 4600. Hujus loci, et 2 Reg. XXIV: 14 et 16, dissensum in concordiam redigere non tentabimus (1): qui conatus, quoniam hominum numerum accurate definire, veteres vulgo parum curabant, irritus foret. Ac varias de abductorum numero relationes inter Judaeos *exsilii tempore* jam circumlatae fuisse, novimus ex 2 Reg. XXIV: 14, 16, qui loci diversas de eo numero observationes videntur exhibere. Quamvis igitur istud discrimen componi nequeat, attamen *numerorum* qualiscunque *indicatio*, quia haec *veterum Judaeorum eā de re sententiam* tradit, alicujus est momenti. Exinde nimirum efficere licet, *abductorum Judaeorum numerum aliquot (eaeque haud multa) millia hominum non superasse* (2).

(1) Ejus rei periculum fecit J. D. Michaëlis, l. l. p. 50 seqq.

(2) De magno numero Judaeorum, qui, Hiërosolymis a Chaldaeis everis, in Judaea superessent, vid. BERTHEAU l. l. p. 382 seqq., ibi consulens, quae in *Jeremiae* Vaticiniis de his traduntur. Cum his etiam conferantur dicta Obadjae va. 19, 20, quibus ab omni parte confirmantur, quae de Judaeis ibi monentur. Obadja enim Vaticinium pronuntiavit post eam Hiërosolymorum eversionem, durante captivitate, utque videtur, in Phoeniciā, ubi in mediis Judaeis, qui illuc ante postrema Regni judaici fata partim abducti essent, partim ipsi se contulissent, versabatur. Loquitur nempe de *לְבָנִים וְחִלְמִים*, de *captivis hujus orae* (nam sic cum EWALDO in *Propk.' Bücher* ad h. l. legimus, pro *לְבָנִים וְחִלְמִים* '1), quam *oram* esse, sive *tractum maritimum*, a Phoenicibus habitatum, doceant verba *בְּנֵי עַרְבָּאֵי סוּרְיָא* (*Canaanitae ad Soriptam usque*). Anteam autem aetatem depingens, quae Judaeis post acerbam istam calamitatem, et injurias, quas ab Idumaeis ii perpassi erant, futura esset, sortem delineat primum *eorum, qui, Hiërosolymis devastatis, in Judaea relictis erant*; deinde *eorum, qui in captivitatem erant abducti*. Illos vs. 19 enumerat, quatuor attendens partes, in quas Regnum judaicum dividebatur, de quibus pariter sermo fit Jerem. XXXIII. 13, et Jos. XV. 21, 33, 48. Has ille hoc ordine recenset: 1) *וְעַנְבִּי*, s. *pars meridionalis*, ejus incolae per *ditiones Idumaeorum*, 2) *וְעַנְבִּי* s. *pars occidentalis*, ejus incolae per *tractus Philistaeorum*, 3) *וְעַנְבִּי* (hoc enim post alterum *וְעַנְבִּי* inserendum, ejusque lectionis indicia alex. Versio in voce *וְעַנְבִּי* servavit), s. *pars montana et interior*, quae etiam *וְעַנְבִּי*, et Luc. I. 39 *וְעַנְבִּי* dicitur, ejus incolae per *terras Ephraimi et Samariae*, 4) *וְעַנְבִּי*, sive ii, qui in *ditione*, Tribui Benjaminiticae assignatā habitabant, id est in parte Regni *orientali*, Jordani etiam conterminā, ejus incolae per *Gileadem*, sive per *terras trans Jordanem*, se propagarent. — Hoc igitur Vates voluit, *Judaeos tunc in Judaea habitantes, invasuros esse terras aliarum adjacentium Gentium, quarum locum, si ab hostibus ipsae perditae, aut expulsae essent, iidem occuparent*. Minime autem, haec praedicens, cogitavit ille, *omnes ex terris, quibus Regnum ephraimiticum olim continebatur, incolae tunc abductos esse*. Ephraimi scilicet et Samariae et Gileadis incolae uno tenore commemorat cum *Idumaeorum, Philistaeorum, Phoenicumque* tractibus, qui eo tempore, ut ipse in Phoeniciā degens, probe sciebat, magno incolarum numero instructi erant, et in bellis, a Chaldaeis cum Judaeis gestis, magnas partes egerant. Ita vero de *posteris* loquens civium Regni israelitici, eosque eadem sorte dignos judicans, quā Gentes vicinas, animum in eos manifestat haud sane benevolum.

His recensitis, transit ad terras *exsiliis* post reditum assignandas. Duae commemorat exsilium

Idem de *Israëlitis* statuenđum esse, res ipsa docet. Quid enim cum plebis turbā innumerā, ineptā, egenā, *aliđi* agendum? Prudentiusne est, hanc in patriā relinquere, ac vitam ei sinere ignobilē, ac tantum cavere, ne ea tumultuetur? Ac viros *dignitate, divitiis, ingeniique facultatibus* aliis praestantiores, potissimum abductos esse, ipsa etiam *Israëlitum* traditio, quae v. o. in Libris Danielis et Tobiae servata est, confirmat. Ex hac enim traditione, mirifice licet exornatā, efficere possumus, exules utriusque Regni

catervas. Prior est caterva, in Phoeniciā degens, de quā dicit: *גלת יהודה ויהודה לביני ישראל את ארץ* (sive potius *את כל ארץ*), id est: *Israëlitici hujus orae captivi terram, sive omnem terram (haereditabunt, scil. ארץ) Canaanitarum a Phoenisum, ad urbem Sareptam usque*. Pro *אשר בנינו*, quae verba explicari nequeunt, sic nempe lego; eamque lectionem confirmat Versio alexandrina, ubi tamen Interpres sensum non cepit. Melius Vulgata Versio: *et transmigratio exercitus hujus filiorum Israel omnia loca Chanaanearum usque ad Sareptam*. Ibi ergo retentā *יהודה*, vertit Auctor, ac si legisset in Hebraicis *אשר בנינו*. Solum vocabulum *ארץ* legit Chaldaeus, vertens sequentia, ac si legisset *אשר בנינו*, s. *אשר בנינו*. Credibile igitur est, *אשר* textui insertum esse a librario, textum non intelligentē, ac suā ratione explicante, cui Codex male scriptus ob oculos fuerit, in quo per conjecturam ex litteris *ארץ כל*, legerit *אשר*. Hac lectione aliquando receptā, duae aliae ortae sunt. Altera: *אשר בנינו*, quam enuntiavit Syrus; altera, *בנינו*, quam Chaldaeus fortasse secutus sit. Sine dubio, quia vox *ארץ* in nonnullis Codd. olim legebatur, melius est hanc vocem restituere, quam cum EWALDO legere *את*.

Ut his exsulis assignatur ora maritima *ad Sareptam usque* (nam *ultra Sareptam* sedes erant Philistaeorum, quas Vates jam dederat incolis *השפלה*), adeoque ipse tractus, in quo tunc *exules degabant*; sic posterior caterva, ex urbe Hierosolymorum abducta (*גלת ירושלים*), quae dicitur tunc habitasse *in extremis Euphratis partibus*, loca occuparet eorum Judaeorum, qui ex *מזרח* meridiem versus in Idumaeam migraverant. Pro *בְּקֶרֶת* (quod nomen LASSER, in *Zeitschr. f. d. Kunde des Morgenl.*, VI. Bd. l. h. p. 50, explicuit de *Sardibus*, Lydiae metropoli) lego nimirum *בְּקֶרֶת*, ejus lectionis indicia habentur in alexandrinā Versione, in verbis, *סֵם עֶפְרָתָא* [*עֶרְוָתָא*]. Intelliguntur fortasse Judaei, in oras Chaborae olim delati, inter quos vaticinatus est Ezechiel. Qui si se propagaverint per tractus a septentrione Chaborae sitos, dictio *בְּקֶרֶת* egregie convenit sedibus, in quibus ii habitarent.

De conditione, quā Judaeorum coloniae in Phoeniciā et Mesopotamiā, durante exilio uterentur, et de tempore, quo in eas terras abductae sint, hic non agimus, quia hae quaestiones obscuriores sunt, quam ut paucis absolvi possint. Observemus tantum, perpaucos Judaeos ex oris Maris mediterranei in Judaeam rediisse. Verosimile enim est, hos potius sive ibi remansisse, sive in *Galilaeam* se contulisse. Hi primi auctores fuerint, ut haec regio permagno isto, qui postea ibi reperiabatur, *Judaeorum* numero frequentaretur. Ibi nempe horum posteri, splendidis emolumentis commoti, ex mercaturā cum proximis urbibus maritimis redundantibus, manserint, eorumque numerus aliis Judaeis, ex Judaea profugis, deinceps auctus sit. Sic causa est in promptu, quare isti profugi, Gentium Sacra cum Mosaicis conjungere cupientes, si *alii* ibi *Judaeis* jam obvii fierent, iisque Gentium moribus et consuetudinibus assuefactis, illuc, neque alio, vel in remotiores regiones, se converterent. Tum etiam sic manifestum est, cur in Galilaea tunc urbes haud paucae ortae sint, mercaturā opibusque florentes, et laeta rerum conditione fruētes, cujusmodi ex Libris Maccabaeorum, ex N. T., et ex Josephi Scriptis, plures novimus.

in exteris terris summis muneribus haud raro functos esse, ad quae *ingeni animique dotes* ipsos tantum *is in regionibus* adducere poterant. Quid Daniëli acciderit, ejusque amicis, res est notissima. Similiter Tobias, ab Assyriis ex Galilaeâ Niniven abductus, in aulâ regis erat *ἀγοραστής*, sive *οἰκόνομος* (I. 13); ejusque cognato Achiacharo *quaestura regni et omnis administratio* (*ἐκλογιστὶα τῆς βασιλείας καὶ πᾶσα ἡ διοίκησις*), sive *Vexiratus* demandabatur (I. 21 seq.). Ut de illius *divitiis* (I. 14; IV. 1, 20), sic etiam de Raguëlis, alius Israëlitaë, Ecbatanae habitantis, lautâ vitae conditione sermo est (III. 7, et X. 11). Caveamus enim, ne haec omnia prorsus ficta esse existimemus, neve, et si hae historiae partes fictae essent, judicemus, res esse narratas, quae sive haud verisimiles essent, sive fieri non possent. Exemplum Nehemjaë in aulâ persicâ viventis, aliaque exempla quam plurima. recentioris aetatis docent, Judaeis saepissime ob sagacitatem, ac dotes insignes, ad summos honores aditum patuisse (1).

Magnam incolarum partem in Regnî israelitici eversi terris remansisse, testatur etiam antiquus Scriptor judaeus. *Auctorem* puto *Chronicorum*, ex cujus dictis, quorum fides historica nullo dubio est obnoxia, liquet, eum, Israëlitas cogitasse *magno nu-*

---

(1) Ne sive hic, sive in posterum Libri Tobiae auctoritate temere usus esse videar, paucis meam qualemcunque de eo Libro opinionem tradam. A *Judaeo aegyptio* videtur esse conscriptus, qui, itinere, mercaturae fortasse causâ Ecbatanam suscepto, hic, et inter exsules 10 Tribuum, per quos medios transierit, in Gente servatam et vigentem de Tobîâ traditionem acceperit. Indigne forsitan tulit Cultum mosaicum ibi non modo corruptum, sed a multis, qui Gentium Sacra probarent, neglectum esse. Multos tamen invenerit illius Cultûs patronos, cujusmodi Jeremjaë aetate jam ibidem fuisse ex Jerem. III. 12 seqq., et ex Jerem. XXX et XXXI est probabile, quin ex Nahumi exemplo satis constat: quem fuisse *נְבִיָּא* (id est ortum ex oppido *القوس*) ad Tigridem, haud procul a Maucilâ sive Mosul sito) Libri inscriptio (Nah. I. 1) testatur; et cujus patriam *Assyriam* fuisse, tum Libri *argumentum* docet, quod de *solius* Ninives fati agit, et accuratior rerum assyriacarum, in Vaticinio obvia, notitia; tum etiam *sollicitudo* ejusdem de *hujus* terrae sorte, ac pauca *vocabula* fortasse *assyriaca*, in eo Libro occurrentia, declarant. Hujus Prophetæ, aliorumque *Judaeorum* conatibus, tempore præsertim, quo studium religionis judaicae propagandæ, Jesu aetate *jam dñi* vicens (Matth. XXIII. 15), fervebat, factum sit, ut Cultus judaicus inter exsules illos majores in dies progressus faceret. Eodem studio ductus sit Libri Tobiae Auctor, qui, quo melius haec res ipsi cederet, consilium iniiit libri edendi, quem ab ipso Tobîâ scriptum esse fingeret, ut *hujus* monitis Israëlitas ad Mosaicum amplectendum moveret. In Aegyptum redux hunc Librum *hebraice* scripserit (vid. DE WARTZ, *Einl. in 's A. T.* ed. 5<sup>a</sup> 1840, p. 424. not. g), qui textus, ad solos fortasse exsules 10 Tribuum missus, periit. In *Palaestina* non vixisse videtur. Sic *error geographicus* explicatur in cap. I. 2, in verbis *ἐκ Θισβης, ἣ ἔστιν ἐκ δεξιῶν Κυθίως τῆς Νεφθαλὶ ἐν τῇ Γαλιλαίᾳ ὑπερᾶνω Ἀσίῃ* (l. Ἀσώφ); ubi, quid de definitione *Thisbes*, a dextrâ, id est a meridie, ut dicitur, *urbis* *נְבִיָּא* sitae, statuendum sit, hodieque ignoratur; at sine dubio, quod de *נְבִיָּא* fertur, falsum est; quae urbs ut distinguatur a *נְבִיָּא*, distinctius significatur, tamquam *super*, sive ab *alterâ parte*, id est a *septentrione* oppidi *נְבִיָּא* sita, dum contra *נְבִיָּא* a meridie Hazori collocanda est (vid. p. 15, not. 12).

more sub Hizqiâ et Josiâ per Palaestinam viventes, ac *conditions* fruentes *lautiore*, quam plerique recentiores vulgo perhibent, turbam exilem modo, et abjectam sibi fingentes. Hizqia nempe 2 Chr. XXX festum Paschatis celebraturus, epistolas quoquo-versus per Palaestinam misisse fertur (vs. 1, 5, 6), quibus 10 *Tribus*, ut festo interessent, invitaret. Cui invitationi, quamvis nonnullis ea esset ludibrio (vs. 10), permulti obsecuti sunt (vs. 11 et 18). Josia similiter in urbibus *Manassitarum* et *Ephraïmitarum*, et in urbibus usque *Naphthalitarum* per universam terram Idololatriæ vestigia delevisse (quod saltem *volebat*), et magnam pecuniae vim ad Templum restituendum inter *Manassitas* et *Ephraïmitas*, et omnes *Israëlitarum reliquias* collegisse dicitur (2).

His locis collatis, illustratur etiam tum id, quod Jerem. XLI. 5 *de 80 viris, Siche-mi, Siluntis et Samariae, incolis*, narratur, qui post Hiërosolyma eversa Mixpam venerunt, *ut dona ad locum sacrum ferrent*; tum etiam, quae 2 Reg. XVII. 28 leguntur

In *Aegypto* deinde exstiterit, et maxime vignerit religio ista, et anxia opinio *de corporibus mortuis cante sepeliendis*, in Tobiae Libri cap. I et II memorata, et a Raphaële Angelo (XII. 12 et 13) impense laudata. Porro in *Aegypto* auctorem scripsisse, elucet ex mentione *Aegypti superioris*, quorsum *Armodaeus*, malus genius, fugisse fertur (VIII. 3); quem locum noster elegit, quia ipsi erat notissimus, ut simili fere in re, Zacharja terram ipsi notiozem memorat *Sinearis* (Zach. V. 11), et Apocalypsoos Auctor desertum *Euphratis* (Apoc. IX. 14).

Quo tempore Judaeus ille aegyptius scripserit, certo definiri nequit. Sine dubio post *Alexandrum magnum*, ac fortasse seculo circiter ante Christum natum. Tunc opiniones *de decimis tertitis* (I. 7, et 8) usu tritae fuerint, et Persarum philosophemata vim suam jam dudum exseruerant in *judaicam de Angelis doctrinam* exornandam (III. 8, VI. 14, XII. 15), atque *artes* inventae fuerunt ad daemones fugandos (VI. 6 seqq. et 16, 17). Tunc *Graeci mores* altas jam in vitam judaicam radices egerant. Nec modo usus *θαλαττης* (V. 14) tritissimus, sed etiam *canes* magis jam erant *dilecti* (V. 16, et XI. 4), ac *scribendi* arte diligentissime utebantur in *matrimonii conditionibus* stipulandis (VII. 14), et *apographis* faciendis, quibus *pecuniam alicui servandam, traditam esse significabatur* (IX. 5). Tunc denique huic Auctori notus esse potuit Liber *Jonae et Estherae* canonicus (XIV. 4, 8 et 10), nec sic mirum est, *tempora turbata* ac *misere confusa* esse, ita ut *Nebucadnezar cum Ahasvero Niniven cepisse* (!) dicatur (XIV. 15).

Graeca hujus Libri *versio* posteriori demum aetate, paulo ante, sive paulo post C. n. exstiterit, adeo ut vix amplius miremur, neque PHILOXEN, neque JOSEPHUM, hoc Libro usos esse. Ex hac graeca *Versione* fluxit *Versio* hebraïca, anno 1517 primum edita Constantinopoli, et a FACIO repetita in ejusdem *Sentenitiæ Ben Sirae* 1542. 4°. Complures denique graecae illius *Versionis* exstiterunt *Recensiones*, magis minusve auctae et mutatae, sed ex solis *Versionibus* notae. *Prima* est *latina Versio*, ante HIRACONUM ex graeco fonte orta; *altera* est *Versio latina*, quam ex *textu chaldaico* vertit HIRACONUS; *tertia* *Versio* est *syriaca*, ex graeco textu quodam orta; et *quarta*, *versio hebraïca*, a MUXTERO edita Basil. 1542, et in Polygl. Lond., Tom. IV recusa.

(2) 2 Chr. XXXIV. 6, 7, 9.

de *Sacerdote*, *Bethelom* petente, ibique *Cultum Jahves antiquum instituentem*. Is sane *Bethelom* non tantum adiit, quia locus erat antiquitus sacer habitus, et in Gentis traditionibus adeo celebratus, Cultuque sacro per longum temporis spatium nobilitatus. Urbs sine dubio etiam supererat, incolis, iisque Israëlitis, quibus is locus carus fuerit, frequentata. — Ex loco Jerem. laud. item conjicias, *Samaritam*, si haec urbs, postquam ab Assyriis expugnata erat (1), devastata sit (quod Michae (2) auctoritate sumitur, et post diuturnam obsidionem verosimile est), brevi deinde restauratam esse. — Perperam autem HENGSTENBERGIUS (3) opinatus est, 80 viros, quos diximus, *Judaeos* fuisse; eos scilicet, Chaldaeis in Judaeâ saevientibus, fugam cepisse, Hiërosolyma vero rediisse, quum audivissent, se, Gedaljâ rerum publicarum moderatore, fore incolumes. — At sermo ibi fit non de eorum *reditu in patriam*, sed de *adventu*, ut *sacrificia offerrent* in loco sacro, a Gedaljâ *Mizpae*, ut videtur, condito. *Hiërosolyma* nimirum non intelliguntur, sed *Mizpa*, quae Gedaljae imperii sedes erat (4). — Si denique statuitur *serobes*, in quibus terrae proventus depositi esse dicuntur (5), *Mizpae* fuisse propinquos, et decem viros, qui, quia *serobes* habebant, non interficiebantur, *Judaeos* fuisse, exinde non sequitur, *reliquos* 70 etiam fuisse *Judaeos*.

Graviora videntur ea, quae HENGSTENBERGIUS excogitavit, ut argumenta, quae ex memoratis Hizqiae rebus gestis petuntur, labefactet. Existimat nempe, non Schalmanazarem, verum Azarhaddonem demum omnes Israëlitas abduxisse (6). »Schalmanazar,» HENGST. inquit, »2 Reg. XVII. 24 intelligi nequit, quia *rex Assyriae*, hoc nomine ibi commemoratus, ex *Babele* Colonos deduxisse fertur; *Babylonia* autem sub *Azarhaddone* »demum *Assyriis* subjecta est.» Hoc, quod certo affirmatur, admodum dubium est; nam Schalmanazar, in Palaestinam usque penetrans, Babyloniâ jam subjecisse videtur: Praeterea Assyriis eam regionem ante subjectam fuisse, quam *Azarhaddon* ad imperium pervenerit, Berosus docere videtur, referens hunc regem, *patre vivo*, Regis assyriaci in Babyloniâ Vicarium fuisse (7). Sed si vel Azarhaddon, qui, ut liquet ex Ezr. IV. 2, etiam Colonos in Palaestinam transtulit, quod eodem tempore fortasse egit, quo expeditionem in Judaeam suscepit, et Manassen, Judaeorum regem captivum secum duxerit, — si vel Azarhaddon, inquam 2 Reg. I. I. intelligitur, is non dicitur *relictos Israëlitas*

(1) 2 Reg. XVII. 6. (2) Mich. I. 6 seqq. (3) *Die Authentie des Pent.* I Bd., p. 12 seq.

(4) Vid. Jerem. XLI. 1—3, coll. cap. XL. 6, 10, 13.

(5) Jer. XLI. 8. De h. l. cf. etiam BERTHEAU l. l. p. 383.

(6) Hanc opinionem, verbo significatam l. l. p. 12 seq, pluribus exposuit in *Beiträge zur Einl. in 's A. T.*, I Bd. p. 177 seqq.

(7) WILNER *Realwörterbuch*, ed. 2<sup>a</sup> voc. *Esarhaddon*, ubi citat BEROSI locum, ex EUSEB. *Chron. Armen.* I. 43.



*abduxisse*, sed tantum *Colonos externos in Palaestinam misisse*. Illud, ut H. contendit, ex *missa coloniâ* non sequitur, neque effici potest ex verbis, *Colonos habitasse* **יִשְׂרָאֵל בְּנֵי יִשְׂרָאֵל**, quia *Gentis parte*, quae significatur vocabulis **יִשְׂרָאֵל בְּנֵי יִשְׂרָאֵל**, olim abductâ, ac multis millibus gladio, fame et inopiâ, bellis saevientibus, ante consumptis, spatium sufficiens in terrâ erat, quod Coloni occuparent. — » At *Leonum numerus* porro » ibidem magnopere increvit, » ait noster, » quod *omnium Israëlitarum* abductionem sane » confirmet ! » — Verum exinde tantum apparet *terram incolis non valde frequentatam esse*. Vere H. observat, 2 Reg. XVII nullam *necessitudinis, quae Israëlitis in terrâ relictis cum Colonis intercesserit*, mentionem factam esse. Sed num idcirco statuendum est, nullam fuisse, nullosque Israëlitas amplius fuisse superstites? Verosimile est, commercium Indigenas inter et Colonos primum non fuisse frequens. Hi videntur potissimum *urbes* quasdam ante eversas restituisse; *Samariam* fortasse, *Scythopolin*, alias; ac viam monstrasse aliis Exteris (ac postea Graecis praesertim), qui deinceps ex variis terrae tractibus eo se conferrent. Parum autem hi Peregrini indigenas curasse videntur, qui *rure* et in *pagis* maxime habitabant. Quos quoniam illi spernebant, ipsos iidem in oratione ad Judaeos, et in Epistolâ ad Regem Persarum (Esr. IV), silentio omittunt. Haec si tenentur, et probabilis Indigenarum conditio si attenditur, tollitur [dubium ab H. mox motum. » Si, » (inquit), Israëlitae superfuissent, hi suos habentes Sacerdotes, ac suam ipsi Religionem vel leviter cognoscentes, Colonos erudire potuissent. Hi contra Regi Assyriorum declararunt, Cultum Indigenarum se prorsus ignorare (1)! — At Sacerdotes aderantne? an potius, primum locum in captivorum numero vulgo tenentes, omnes abducti erant? Et, si Iahves Sacerdotes *inferioris classis* remanserint, num credibile est, iis temporibus, quibus Gentium Sacra, ante a multis jam celebrata, Cultu Colonorum favente, reflorescebant, illum Iahves Cultum ab iis Sacerdotibus integrum servatum esse? Hujus notitia in Gente indoctâ sine dubio ita tenuis et imperfecta fuit, ut non sufficeret aliis erudiendis, et vero minime Cultui restituendo. Quod ut rite ac sollenniter fieret, Sacerdos aliunde arcessendus erat, qui, majore doctrinâ instructus, et auctoritate aliis superior esset. Hic tantum Cultum neglectum restaurare, eumque restauratum tueri poterat, et vindicare. Miserrimam enim fuisse post Regnum eversum inter Israëlitas Religionis conditionem, ex vicinarum Gentium Cultu apparet, Josiae aetate laete inter eos vigente. Hunc, longe lateque *per urbes Samariae* propagatum, Rex extirpare studebat (2), quin imo *aram Bethelis cum omni apparatu* devastavit (3).

(1) 2 Reg. XVII. 26.

(2) 2 Reg. XXIII. 19, 20; 2 Chr. XXXIV. 6, 7.

(3) 2 Reg. XXIII. 15—18. Cum his conferantur, quae BERTHEAU de conditione Cultûs inter superstites Israëlitas, et Colonos advenas observavit, l. l. p. 366—368.

Ex locis modo laudatis, merito ergo efficitur, praeter *Colones* multos etiam *Indigenas* in terrâ tunc superfuisse. Ut hanc argumentationem subvertat, H. praeterea contendit, locum 2 Reg. XXIII. 20 ita explicandum esse, ut Sacerdotes a Josiâ trucidati, iidem esse censeantur, qui in loco 2 Reg. XVII. 32 obvii sunt. Verum si inter interfectos Sacerdotes fuerint *idololatrae*, non necesse est, ut statuamus, hos ex *Colonis* tantum creatos esse. *Sacerdotes collum* ii etiam dicuntur, qui *Jakves* Cultum profitebantur. Multosque *Israëlitas* hunc Cultum sive solum, sive cum aliis Sacris commixtum, amplectentes Josiae aetate in Palaestinâ vixisse, ex 2 Chr. XXXIV. 9 elucet, ubi Regis Legati dona accepisse dicuntur *ex manu Manassitarum, et Ephraïmitarum, et ex omnibus reliquiis Israëlitarum, atque ex Judâ universâ et Benjamine*. Ex additis *ex universâ Judâ et Benjamine*, videmus Scriptorem non cogitasse *Israëlitas*, in *mediis Judaeis* habitantes.

Non temere igitur mihi statuisse videor, *universi* Regni Ephraïmitici ratione habitâ, *parvam* ejusdem civium *partem*, Viris constantem dignitate, divitiis et ingenii facultatibus conspicuis, in exilium abiisse. Superstitum numerus deinde auctus est, ut MICHAËLIS (1) recte observat, multis *Israëlitis* profugis, qui grassantibus turbis civilibus, ac bellicis cum Exteris gestis, in terras vicinas se contulerant, rebus vero sedatis in Palaestinam redierint.

#### §. 4.

##### *De Terris, in quas Israëlitaë Exsules abducti sunt.*

Quaestio de *terrâ*, quorsum *Israëlitaë Exsules* abducti sint, de quâ inter Judaeos et Christianos variae diu circumferebantur opiniones fabulaeque aniles (2), nostrâ aetate magnos fecit progressus, edito Libro, anglice scripto, et germanice verso, hoc titulo: *die Nestorianer oder die zehn Stammen. Reisen durch das alte Assyrien, Armenien, Medien und Mesopotamien, Schilderung der kirchlichen und häuslichen Gebräuche und Sitten der Nestorianer* cet., von ASAHEL GRANT, *Med. Doct.* [a Societate americanâ Religioni christianae propagandae in Persiam misso], *im Auszüge übersetzt von J. PREISWERK*, Basel 1843. De versione vernaculâ, ac de hac ipsâ quaestione multis exposuit cl. VETH, in Repertorio, cui titulus est *Gids* 1845, N°. 9 et 10.

In locis Jes. XI. 16 et 2 Reg. XV. 29 *Assur* tantum memoratur, quia regiones 1 Chr. V. 26, 2 Reg. XVII. 16 et XVIII. 11 nominatae, Assyriorum dominio subjectae erant.

(1) L. l. p. 35 seq.

(2) De his vid. v. c. BASNAGE L. l. Libro VII. c. 2 seqq., et J. J. HOTTISGER in *Dis. de Samaritanis primis eorumque in Assyriam deportatione*, in Sylloge, cui nomen *Πέρτας Diss.* Traj. 1723. 8°. p. 359—500. BERTHEAU l. l. p. 368 seq.

Terram non definivit Jeremja, universe loquens (III. 12, 18, XXX. 10, XXXI. 8, 16, 17) *de regione septentrionali*, s. *longinquā*, *de terrā hostium*, *de terrae lateribus*.

Collatis autem locis 1 Chr. V. 26, 2 Reg. XVII. 6 et XVIII. 11 videmus Ersules a Tiglath Pilezare et Schalmanazare abductos, in easdem fere regiones delatos esse. Primum memoratur חֶלֶץ, quae non diversa est a כֶּלֶץ (Gen. X. 11), id est Provincia assyriaca, a STRABONE (XI. 14 et XVI. 1) dicta Καλαγχή, a PTOLEMAEO (VI. 1) Καλανή, ac sita a septentrione Adiabenes, sive terra media inter utrumque fluvium *Zabi*. In hac Provincia, teste GRANTIO (vid. cap. XII), hodieque NESTORIANI habitant. Israëlitaram Colonia hinc fortasse olim deducta esse videtur, meridiem versus in tractum HOLWANIS, nunc etiam dictum a Syris سَحَاب, ubi ante sedes erat Episcopi nestoriani.

Deinde sermo est de חֶבְרֹר נְחֶר-גִּזָּן (*Chabōrā, fluvio Gozanis*). Non enim spectatur Chabōras *Mesopotamiae*, in vaticiniis Ezechielis, iisdem literis permutatis, dictus כְּבֶר, ad cuius oras hic cum *Judaeis* Ersulibus, in *Babyloniam* abductis, degit; sed intelligitur ejusdem nominis fluvius in *Assyriā*. Utrumque bene distinxit Auctor Lexici geographici in loco jam edito ab ALB. SCHULTENSIO in *Indice geographico*, apposito *Pitae Saladini*, ad vocem *Chaboras*, ubi, ut cl. VETH I. L. N<sup>o</sup>. 10, p. 745 seq. indicavit, pro راس العين legatur رأس العين, et pro الدوران, الزولان, ex cuius terrae montibus Chaboras Assyriae fluere dicitur. Designatur nempe hoc nomine proprio arabico terra a PTOLEMAEO Φαυζαίτης, et hodie, ut GRESNIUS in Lexicis ait, *Kauschan*, ac referente GRANTIO, *Zozan* dicta; Graecis vero nota maxime *Adiabenes* nomine, orto et corrupto, ex voce *Zab* cum Articulo pronuntiata, et a in *dj* mutata, ut cl. VETH I. L. additis exemplis illustrat, et adscripto hoc loco AMMIANI MARCELLINI (XXIII. 6, 20): nos, inquit, *autem didicimus, quod in his terris amnes sunt duo perpetui Diavas et Adiavas, juncti navalibus pontibus; ideoque intelligi Adiavenam cognominatam*. Terra ergo variis iis nominibus nuncupata, in Codice hebraico גִּזָּן dicitur, cuius fluvius, secundum GRANTIUM etiam ex Assyriae montibus ortus, in Tigridem delabitur, hodieque *Habōr* vocatur.

Loco 1 Chr. V. 26 inseritur חֶרְרָא, quod neque 2 Reg. XVII. 6, neque ibid. XVIII. 11 legitur, neque in Chronicorum I. L. sive a graeco-alexandrino Interprete, sive a Syro-vertitur. Arabs reddens: والى حافر خلف نهر كوزن (et ad *Hāfurum* ab alterā parte *fluvii Kūsani*) legit: וּלְחַפֵּר הַלְאָה נְחֶר גִּזָּן. Sine dubio igitur חֶרְרָא est glossa alicujus librarii, qui quum legeret: חֶבְרֹר נְחֶר גִּזָּן, quia fortasse sciebat, Israëlitam se non tantum ad oras fluvii, sed per *regionem montanā* longe lateque propagasse, Aramaeorum more in sui Codicis margine adscripsit: חֶרְרָא (et in *montem*, sive *tractum montanum*).

Quâ voce in textum insertâ, copula etiam ante מְדִי addita, in exemplo vero Interpretis arabis מְדִי מְדִי ex מְדִי מְדִי corruptum est.

Praeterea in locis 2 Reg. laudatis, additur מְדִי מְדִי, non vero in 1. l. Chron., ubi tamen in Codicibus hebraïcis, quibus utebantur Interpretes syrus et arabe, haec verba ex iis locis adjecta erant. Ac *Mediae urbes* memorari inter loca, quorsum Israëliitarum Exsules abierint, quis miratur? Hi in dictas regiones translati, Mediae jam erant propinqui, et in eam certo multi brevi migraverint, praesertim, postquam Medi, Regno assyriaco everso, has terras expugnarunt, adeo ut credibile sit, Libri Regum Auctorem Exsules in *Medorum urbibus* degentes cognovisse. Fieri ergo potest, ut ipse in Chronico, quo usus sit, non plura legerit, quam Scriptor Chronicorum, utque de suo verba מְדִי מְדִי iis locis una cum aliis notitiis, de quibus supra diximus, apposuerit. Haec verba in Codice hebraïco graeci alexandrini Interpretis, vertentis utroque Libri Regum loco καὶ ὅσην Μῆδον, in מְדִי מְדִי corrupta, ac sic fortasse jam lecta sunt a glossae auctore, qui מְדִי מְדִי loco illo Chronicorum adscripsit; quae res simul causa esse potuit, quare is *montanae regionis* mentionem necessario addendam esse opinatus sit.

De his 10 Tribuum Exsilibus postea raro sermo fit. Terrarum, in quas primum abducti sunt, conditione, *rei pastoriliae aptissimâ*, consideratâ, haud pauci cum gregibus vitam egerint nomadicam, quam hodieque multi eorum posterius amant, cujusque vitae indicia *tribuum divisio* et *patriarchalis regiminis forma* nunc item servant. Alii, in *urbibus* habitantes, mercaturae praesertim operam dederint. De Israëlitis v. c. in urbe *Ninives* degentibus Liber Tobiae loquitur, ibique permulti alii Israëlitae cum Tobia morati esse dicuntur (I. 10). Ex *Mediae* urbibus, in quibus iidem versabantur, *Ecbatana* ibi memoratur (III. 7), et *Rages* (I. 14, IV. 1 et V. 5), quâ in urbe Medorum Reges tempus vernum transigebant. Israëlitae ergo, per Mediam se propagantes, ut in aliis terris Judaei, majores urbes, mercaturâ maxime florentes, elegisse videntur.

His locis, si vera sint, quae de tobiani Libri aetate p. 22 conjeci, Israëlitae *proximo ante Christum seculo* superfuisse, ex eo Libro etiam apparet. Idque aliis item testimoniis confirmatur, ubi de iisdem *post Christum natum* fit sermo. Primum in his locum tenet JOSEPHUS, qui, ut Tobiae Libri Scriptor, incolas Adiabenes *fratres Judaeorum* habere non dubitat. In *Antt.* XI. 5. 2. Ezram misisse contendit exemplum Epistolae, quam Rex Persarum ad ipsum scripsisset, cujusque argumentum cum Judaeis babyloniis communicasset, *ad omnes Gentis israeliticae socios* (ὁμοθνηῖς), *in Mediâ degentes*. Ex Judaeis multi porro cum eo Hiërosolyma profecti esse dicuntur; *at omnis Israëliitarum Gens*, ut ait, *in suâ terrâ mansit*, quae causa erat (sic pergit), ut duae tantum Tribus (Judae et Benjaminis) per Asiam et Europam (ipsius aetate) *Romanorum* imperio sub-

jectae essent. Exsules nempe 10 Tribuum Regi Adiabenes erant subditi. His dictis haec JOSEPHUS de immenso Israëliitarum in mediâ Asiâ numero addit: αἱ δὲ δέκα φυλαὶ πέραν εἰσιν Εὐφράτου ἕως δεῦρο, μυριάδες ἄπειροι, καὶ ἀριθμῷ γνωσθῆναι μὴ δυναμέναι. Tum in aliorum, tum in horum etiam gratiam testatur JOSEPHUS Libros se scripsisse de *Bello judaico* (Prooem. Libri I §. 2). Ac frequens ipsius aetate fuisse Judaeorum palaestinensium cum iis Israëlitis commercium, novimus non modo ex ejus *Antt.* XX. 2 (quo loco narrat, Helenam Adiabenorū Reginam, cum filio Izate, eorumdem Rege, Judaeis operantibus Religionem judaïcam amplectam esse; imo hunc, aegre ferentibus Adiabenis, circumcislam, illam vero iter Hiërosolyma instituisse), sed ex oratione item Agrippae ad Judaeos habitâ, ut his bellum cum Romanis dissuaderet (de *B. I.* II. 16. 4.). Num spem, is quaerit, Judaei extendissent in terras ab altero Euphratis latere, et in populares adiabenos (τοὺς δὲ ἐν τῇς Ἀδιαβηνῆς ὁμοφύλους)?

Paucae et plerumque fabulosae sunt Judaeorum in Talmude et Rabbiorum Scriptis de 10 Tribubus relationes. Non prorsus quidem ii Exsules apud illos in oblivionem abiisse videntur, at commercio eorum cum ipsis in dies magis interrupto, ac Tribuum earum conditione valde mutatâ, Judaei de iis minus solliciti facti sint, odiumque in eas susceperint. Sic explicatur *Peregrinorum consummatorum* nomen, quo seculo 3<sup>o</sup> Rabbi JERUDA 10 Tribus appellat, et *Praeputiatorum*, quo in Talmude hierosolymitano nuncupantur (1).

A Judaeis item magistris HIERONYMUS (saeculo 4<sup>o</sup>) acceperit, quae de iisdem scripsit. Ad *Osee* cap. I., *Decem*, inquit, *Tribus captae sunt a Salmanasar rege Chaldaeorum, et in Medorum montibus collocatae*; et ad cap. II, *usque hodie*, ait, *Persarum regibus (Sasanidis) serviunt (Israëlitae), et numquam est eorum soluta captivitas.*

Non plura neque uberiora de iis Tribubus ex antiquitate testimonia superesse, graviter dolemus. Quae jactura quo tristior, eo gratius est GRANTII supra memoratum Opus. Quo considerato, et cum Historiâ collato, obscurum istud seculorum intervallum, per quod illa Gens in iis terris degit, quodammodo illustratur.

Judaeorum nimirum cum iis commercium non modo interruptum esse videtur bellis perpetuis, a Romanis primum cum Parthis, deinde cum Sasanidis gestis, sed in primis ipsâ quam dixi, 10 Tribuum conditione valde mutatâ. Major nempe earum pars, postquam universa fere ipsarum Gens ad Judaïsmum ante transierat, ad Religionem Christianam conversa est. Judaeorum videlicet easdem ad Mosaïsmum ducendi conatus non felicem habuisse eventum, non exinde sequitur, quod narrante JOSEPHO (*Antt.* XX. 2) Izati continuo circumcisionem dissuadebant, ne scilicet, *Gentis* animum a se abalienaret. Gens

---

(1) Josx, *Gesch. der Isr.* IV. p. 219 seq., et V. *Anhang.* p. 13.

enim ejus, *Adiabenes Rex* licet appelletur, non *Adiabenes incolis* tantum constabat, et Adiabene ipsa non solis 10 Tribubus tunc frequentata fuisse videtur. *Graecorum* sine dubio, et aliorum Exterorum numerus ibi permagnus fuit. Et fortasse non *his* tantum displicebat circumcisio, sed *multis* item *30 Tribuum posteris*, qui ceterum Judaeorum Religionem amplectebantur. Nam Regis *ad Judaïsmum conversio* populum non adeo offendisse dicitur, sed ipsa *circumcisio*. Quae si a multis ibi neglecta fuit, causa est in promptu, quare turpe *Praeputiatorum* nomen iis, ut vidimus, a Judaeis datum sit. Et haec sententia illustratur item, et magis profecto commendatur, si Judaeorum Historiam consulimus. Major enim horum Exsulum pars, graecis moribus assuefacta, a circumcissione pariter aversa fuisse videtur, atque Judaei *ἑλληνίζοντες*, qui, Antiocho epiphane regnante, ne *externam* Judaeorum notam gererent, *ἐπισπασμόν* instituerunt. Simili igitur modo, quo hi Judaei, sic ii Israëlitae Mosaïsmum, quantum fieri potuerit, cum consuetudinibus et opinionibus, tunc receptis, conciliare studuerint. Nihil enim impedit, quominus statuamus, — et vero collatio sortis, quam Religiones alio translatae, varias ob causas vulgo passae sunt, ut sic statuamus, postulat, — Mosaïsmum inter 10 eas Tribûs propagatum, non immunem fuisse efficaciae, quam in ipsum exercuerit priva harum indoles. Haec enim vi obnoxia erat tum Exterorum, qui in mediis iis versabantur, tum etiam vicinarum Gentium, Persarum in primis, quorum cogitandi ratio v. c. in ipsâ maxime orientali Ecclesiâ christianâ turbas adeo multas postea excitavit. A Mosaïsimo hocce *liberaliore*, ut ajunt, Helena Regina, filio circumcissionem dissuadens, non aliena fuisse videtur. Filium ad *severiores* inclinasse, Judaeis ipsum instigantibus,tribuendum est.

Ut autem ex horum principum hominum ad Mosaïsmum conversione luculenter etiam apparet, per Adiabenen eum latissime propagatum fuisse, ita ex aliis indicis hoc praeterea constat. Idem v. g. elucet ex magno eorum numero, qui eum hodieque ibi profitentur, quorum GRANTIUS *viginti millia*, *Christianorum vero ducenta millia* ibi nunc esse contendit. Porro horum Christianorum *nomen* et *instituta* illud confirmant. *Nestorianorum* nomen nimirum, quo ii nobis innotuerunt, ab Exteris modo ipsis datum est. Nomen est, quo Christiani occidentales Christianos, in Persiâ viventes, olim nuncupabant. Ii contra, dum Nestorium, anno 431 damnatum, magni quidem faciunt, sed Euangelii doctrinam ab eo se accepisse negant, *Nazaraeos* se ipsi appellant, quo titulo prioribus aerae nostrae seculis Christiani designantur *ex Judaeis* oriundi.

De ipsorum institutis judaïcis, cap. XVI GRANTIUS egit. Omnia, ut ait, ii ex his retinuerunt, quae cum Religione christianâ conjungi posse ipsis viderentur: 1) *sacrificia eucharistica*; 2) *votum Naziraeatûs*; 3) *primitias*, quas *Ecclesiis* et *Scholis* solvunt; 4) *sabbathi* instar primum celebrant diem hebdomadis, cui praemittitur *παρασκευή*; 5) *Ecclesiarum ratio interna* ad normam Templi hiërosolymitani est composita. Locus ibi est *sanctus* (שֹׁרֵט), ubi *cruz* tantum conspicitur, et in quem intrare *solis sacerdo-*

*libus mundis, post institutum jejunium permittitur. 6) Immundos se reddi opinantur corporibus mortuis hominum, qui ad Coetum christianum non pertinent, tangendis. 7) Opinionem servarunt puerperas esse immundas, iisque opus esse lustratione, ita tamen, ut sacrificii expiatorii loco usus iis succedat Coenae sacrae. 8) Ab usu abstinent carnis suillae, 9) Bis quâque hebdomade jejunium observant. 10) Baptismum octavo post nativitatem die administrant, et in festis agendis, quoad ejus fieri possit, veterum Hebraeorum instituta sequuntur.*

Si NESTORIANIS fides habeatur, Religionis christianae doctrinam hi acceperunt a *Thomâ, Bartholomaeo, Thaddaeo*, et ab Apostolorum Discipulo, *Mare*. Ipsa loca ostendunt, ubi hanc ii docuerint. Quid de his traditionibus statuendum sit, accuratiori indiget disquisitione. Hoc tamen constat, 3<sup>o</sup> post Christum seculo eam Religionem per has terras propagatam fuisse. Pluribus eâ de re GRANTIUS loquitur cap. XIX.

Hos *Christianos* ex unâ eâdemque Gente cum *Judaeis*, in iis regionibus degentibus, oriundos esse, ex nomine videmus *filiorum Israël*, quo illi semet ipsi, et quo Moslimi, quin iidem *Judaei*, ipsos ceteroquin odio persequentes, eos Christianos nuncupant. Praesertim vero communis eorum origo manifesta est ex *faciei lineamentis*, et ex *linguâ*, quam iidem *Judaei*, separatim licet ab his Christianis viventes, cum ipsis communem habent. GRANTIUS (capite XIV) hanc descripsit, tamquam Dialectum syriacam, quâ alibi nec *Judaei* utuntur, neque ipsi Christiani syriaci, qui suam Linguam avitam in Libris sacris legendis, et Cultu sacro moderando tantum servant.

Ex dictis igitur, potissimum ex *faciei lineamentis*, et *linguâ* sane probabile est, horum Nestorianorum et Judaeorum majorem partem ex 10 Tribuum Exsulibus ortam esse. Alia tamen insuper addi possunt. Ne dicam de *moribus socialibus*, prorsus *hebraëis*, de quibus c. XVIII exposuit GRANTIUS, et de *nominiibus hebraëis*, Baptismi occasione datis, *regiminis* attendamus *formam patriarchalem*. Unaquaeque Tribus suum habet *Malek*, cujus tamen auctoritas antea major fuerit, quia Patriarcha, quae summi velut *Sacerdotis* rices gerit, unicus nunc est Civitatis Moderator, Legumque Vindex. Lex porro *mosaïca* solus est Legum Codex. Tantummodo nonnulla praecepta pro variis temporum rationibus sunt mutata. *Asyla* v. c. non amplius *certae quaedam sunt urbes*, sed *Ecclesiae*. Qui in has fugit, et casu fortuito alium interfecit, a Senioribus, *lutro soluto*, absolvitur; qui contra deditâ operâ caedem patravit, ut quondam, sanguinis traditur Vindici. *Priscoa* Tribuum nomina licet fere obsoleta sint, *divisio* tamen in *Tribus* retenta est. Familia tantum Patriarchae, ut GRANTIUS cap. XVII tradit, suam originem ex *Naphthalitarum* Tribu derivat. Ac *Judaei* quidem posteros se esse 10 Tribuum ab Assyriis translatarum, contendunt; *Nestoriani* vero, qui per multorum seculorum intervallum ejus rei obliiti esse videntur, ingenue fateri dicuntur, tempus se ignorare, quo Patres eo venerint. Sed quid mirum? Haud pauci nempe posteriore tempore, primum Moslimorum, deinde Mogo-

lorum expeditionibus excitati, ex variis Syriae partibus in Assyriae montes confugisse videntur. Et fortasse ne *omnes* quidem, ibi nunc habitantes, *Judaei* ex iis Exsulibus orti fuerint. Fieri enim potest, ut multi *Judaei*, proprie sic dicti, mercandi causa illuc item se contulerint, et cum iis Tribubus temporis decursu coaluerint. Quae vero et si ita sint, nihil tamen obstat, quominus partem longe majorem hodiernorum Nestorianorum et Israëlitarum judaizantium cum GRANTIO posteros habeamus Exsulum ab Assyriis delatorum. In Assyriâ hos etiam nunc superesse, *Judaei* in Indiâ hodie degentes, eodem monente, item affirmant, quamquam multorum ad Religionem christianam transitum ù non cognoverunt.

Itaque de *abductorum* Israëlitarum *reditu*, vix amplius sermonem esse posse, ex dictis constat (1). *Omnes* tamen abductos rediisse samaritani Libri Josuae Auctor c. XLV tradidit, addens praeterea Colonos, quos *Persas* dixit, ante in Palaestinam translatos, in suas item regiones reductos esse. In quâ fabulâ fingendâ Samaritani Judaeorum de ipsorum Exsulum *reditu* relationes manifesto imitati sunt, ut Gentis honori sic consulerent. Melius statuit alius Samaritanus, ABU 'L-FATHUS in Chronico (2), majorem eorum partem in terris exteris remansisse. Idem JOSEPHUS etiam contendit (3).

Et hunc eventum facile jam divinare potuisset, quicumque vel solam plerorumque judaeorum Exsulum agendi rationem reputasset. Hi, si ab *Hiërosolymis* inde *eversis* Exsiliis annos numeras, per 52; si vero a *primâ ejus Urbis obsidione*, per 70 annorum spatium, peregrino Babyloniae solo ita assuesfacti sunt, ut inde reverti nollent; multo magis de Israëlitis idem expectandum, 134 annis ante (tot enim anni inter Samariae et Hiërosolymorum eversionem praeterlapsi sunt) ex Patriâ remotis.

Verum est, Prophetas *Israëlitarum* etiam *reditum* vaticinatos esse (4), sed Historia eventum ignorat. Haec tantum confirmavit, quod iidem, nonnullos in mediis Idololatriis attendentes, qui Jahves Cultum sequebantur, non sine ratione sperare poterant, fore ut meliores hae notiones, et saniores animi sensus, progressus in dies majores facerent.

Si qui ergo reversi sint, perexiguus horum numerus fuerit (5). Hos, *perpaucos* licet, in mediis Judaeis postea superfuisse, Judaeorum etiam est opinio. Non mode ex N. T.

(1) J. D. MICHAËLIS praeter alios hanc item quaestionem expendit in Commentatione jam laudatâ de *exsilio X Tribuum*, p. 40 seqq.

(2) In pericope, editâ a SCHNURRERO in PAULUS *Memorabilien*, Tom. II. p. 64.

(3) In loco supra laud. *Anti.* XI. 5. 2.

(4) Jerem. III. 12 seqq.; cap. XXX et XXXI; Ezech. XXXVII. 21 seqq.

(5) In loco I Chr. IX. 1 seqq. non de Ephraïmitis et Manassitis, qui *post reditum ex captivitate* Hiërosolymis habitarent, sermo fit, sed de iis, qui *ante Exsilium* eo se contulerint. Videntur intelligi *Levitas* et *Sacerdotes*, in urbibus earum Tribuum olim habitantes, qui *post Regnum scissum* Hiërosolyma petiverint. De eo monumento historico vid. EWALD. *Geschichte des Volkes Israël.* I. p. 230, coll. p. 223.



id patet (1), sed fortasse ex 12 hircis item, pro numero 12 Tribuum, ut legimus Ezra VI. 17 in novi Templi initiatione sacrificatis, quo ritu non tantum prisca populi divisio in memoriam revocata esse videtur, sed Israëlitaë etiam spectati sint partim *reduces*, partim et praesertim, quos nemo tunc ignorabat, *alibi viventes*.

§. 5.

*De Colonis, ab Assyriis in Palaestinam deductis.*

Expositâ quaestione de *Terris*, in quas multi *Israëlitaë abducti sunt*, et de *fatibus ipsorum*, ad Gentem redeamus in Palaestinâ relictam.

Gens samaritana *maximam partem* licet *Israëlitis* constans, his tamen *solis* non composita fuit. *Coloni* etiam in censum veniunt, qui, ut Gentem penitus cognoscamus, et sequentium temporum Historiam recte intelligamus, minime omittantur. Magnam enim huius vim exseruerunt in ipsos Israëlitas, quo factum est, ut hi sensibus, ingenio et linguâ, a Judaeis multo dissimiliores facti sint, quam, si Gens integra mansisset. Namque novi Advenae primum quidem, ut diximus, ab Indigenis separatius vixisse videntur. *Illos* superbia quaedam retinuerit; *hos* metus, animus suspicax, aversio. Verum unâ in regione diutius viventes, mutuum commercium semper evitare non potuerunt. Quod quum inualesceret, paulatim se arctius conjunxerunt, et in unam Gentem tandem coeulerunt, permulta sensim a se invicem mutuantes. Advenae Indigenarum *Religionem*, Veterum more cum suis Sacris copularunt, Deum Israëlitarum Numen existimantes, Palaestinae benevolum (2). Receptâ autem Israëlitarum religione, *moribus ipsorum linguae et scripturae* inviti fere mox se accommodarunt.

Magna contra *Colonorum* etiam erat in Israëlitas efficacia, nec pauca hi illis accepta referebant. Servatis religioni, moribus; linguae, fieri aliter non potuit, quin alieni quid, *Colonis* proprium, paulatim admisceretur. Quod ii Israëlitaë praesertim fecerint, qui gentilium Sacrorum amore ferrentur. *His* societas cum *Colonis* grata sine dubio fuit, ut ipsorum *Posteris* arctior cum aliis Exteris necessitudo. Sic factum est, ut Gentium Sacra, in terrâ 10 Tribuum firmiter quam antea fundata sint, novoque colore identidem tincta, per multa secula floruerint. Audiamus modo Scriptores romanos (3), de *Carmeli montis* suo aevo *sanctitate* verba facientes; et superstitionem attendamus, cujus fontes Jordanis

(1) Matth. XIX. 28, Luc. II. 36, Act. XXVI. 7, Jac. I. 1, Apoc. XXI. 12.

(2) Vid. BERTHEAU l. l. p. 366 seq.

(3) Sueton. *Vespas.* c. 5. Tacit. *Hist.* II. 78.

postea theatrum fuerunt quam diutissime, Ipse Jahves Cultus, a primigeniâ Cultus mo-  
saici simplicitate adeo jam degeneratus, graviores etiam, quum a Colonis esset adoptatus,  
ex connubio cum ipsorum Sacris, corruptionem contraxit. Quae causa fuerit, ut multorum  
Israëliitarum melius sapientium animi, a Cultu Proavorum magis in dies alienati, cum Judaeis  
potius se conjunxerint. Ac jam duplex studium in Regno Israëlis ante conspicuum, alterum  
*peregrino*, alterum *patrio* Cultui favens, per Colonorum adventum acrius excitatum, effe-  
cit, ut Gens samaritana in duas veluti partes tandem scinderetur, quarum pars inferior  
primum latuit in locis, a Judaea haud procul remotis, ubi in montanis Sichemi tractibus,  
ob majorem loci securitatem tutius, et in secessu vivebat.

In alias res hocce cum Colonis et Exteris commercium suam item vim exseruit. In *agro-  
rum* puto *culturam*, in *mercaturam*, *artiumque studium*. Haec enim Regno ephraï-  
mitico ad finem vergente languentia, brevi iterum instaurata sunt, ut conjicere licet ex  
prosperâ conditione, quâ Gens samaritana haud ita multo post fruebatur. Colonis aucto-  
ribus id praesertim tribuendum. *Agrorum culturae* insignis quidem favebat soli fertilitas,  
sed agriculturae peritia ad hanc juvandam et promovendam simul postulabatur; quâ laude  
si *Israëlitae*, *Coloni* ii potissimum inclaruerunt. Egregia, quae Israëlitis semper fuit,  
*terrae proventus aliis vendendi opportunitas*, statim post sedatos tumultus, denuo  
offerebatur (1). Nec modo cum Civitatibus maritimis, Palaestinae vicinis, sed ob arctio-  
rem necessitudinem, quam Israëlitae contraxerant cum tractibus, in quos multi ipsorum  
fratres abducti erant, et quam Coloni cum Patriâ servabant, *commercium* cum urbibus  
Mesopotamiae, Assyriae, Mediae, Persiae, multo frequentius, quam umquam ante, evasit.  
*Artium studio* praesertim Coloni animos novos addiderunt. Magnos progressus Populi,  
ex quibus ii deducti erant, in artibus et doctrinis fecerant, adeo ut his colendis veteres  
Hebraeos longe superarent. — De his ergo Colonis uberius jam exponamus.

De Colonis ex terris, in quas Exsules a Tiglath Pilezare abducti erant, in Palaestinam  
translatis, nulla fit mentio; et, si vim tenemus verborum, quibus bellum describitur,  
quod Assyrii cum earum terrarum incolis gesserunt, credibile est, hos partim deletos,  
partim fugatos esse. In loco nimirum 2 Reg. XIX. 11 et 12, collato Jes. XXXVII. 11 et  
12, Sanheribi Legati ipsius nomine ad Hizqiam sic dixisse feruntur: *ecce ipse audi-  
visti, quae fecerint Reges Assyriae omnibus terris, ut harum incolas exstirparent*  
(לְהַחֲרִימָם); *et tu num salvus evaderes? Num hos salvos reddiderunt Dii Gentium,*  
*quum perdiderunt* (שָׁחֲתוּ) *Patres mei Gozanum* cet. Itaque verisimile est bellum  
istud saevissimum et atrocissimum fuisse. Regio ab iis Gentibus incolebatur asperis mon-  
tibus fere inaccessa, cujus ea, ut Nestorianorum docet Historia, est conditio, ut incolae,

(1) BERTHAU l. l, p. 363 seqq. 387 seqq.

quod Russi nunc in debellandis Gentibus Kaukasi experiuntur, vix vel ne vix quidem domari possint. Assyriis haec res melius quam Russis huc usque cessisse videtur.

In locis 2 Reg. XVII. 24, et Ezer. IV. 9 de Colonis fit sermo, in *mediam Palaestinam* deductis. Gentium, ex quibus ii profecti sunt, nomina ibi recensentur. Quorum nonnulla nunc etiam obscura sunt, sed collatis notitiis, quas de iis Gentibus accepimus, quasque GRESNIUS in *Thesauro* ad voces singulas tradidit, Colonos in duas classes dividere licet. Altera eos complectitur, qui ex populis *Palaestinae finitimis*, altera eos, qui ex terris remotioribus, *Assyriâ* et *Persidâ*, in primis vero ex tractibus *Euphrati* et *Tigridi* conterminis, oriundi fuerint. Minor, si *Babylonios* exceipis, numerus eorum fuisse videtur, qui Esrae IV. 9 commemorantur. Ex *Dinaeis* enim, *Dahis*, aliisque, qui ibi enumerantur (quia hae Gentes in Assyriorum exercitu militabant), fortasse nonnulli tantum immixti erant catervis, quae in terris ad Tigridem sitis cum Babyloniiis collectae, et *Cuthâ*, ut videtur, profectae sint. Magnus certo Colonorum numerus *indigenis* constitit, *regionum Palaestinae adjacentium*. Ex repetitis hoc officias Samaritanorum Sichemitarum apud Josephum dictis, quibus ii se *Sidonios* esse profitentur (1), quin ex *publicis documentis* id patere ipsi testati esse videntur (2). Quam ob causam, (quod tamen non affirmem) HAMAKERUS coniecit (3), Samaritanos, *Sichemi* habitantes, maximam partem *Sidonios* fuisse.

*Duas Colonias* in terram Israëliitarum abiisse, statuit item F. J. SCHWARZIUS (4), quarum altera ex *dissitis* regionibus ab *Assyriis* missa fuisset, altera *Phoenicibus* constans, soli virtute allecta, *ultro* in Palaestinam deinde migrasset. *Duas Colonorum catervas* distinguendas esse, non improbabile est: utraque vero, non modo *Assyriaca*, sed etiam *Phoenicia*, quia Phoenices etiam ab Assyriis subiecti erant, ab *Assyriis* videtur deducta esse. Fieri ergo potest, quod supra (p. 23) jam indicavimus, ut prior Colonia a *Schalmanazare*, posterior ab *Azarkaddone*, qui Ezer. IV. 2 memoratur, missa sit.

Perperam sine dubio J. D. MICHAËLIS (5) statuit, *omnes* Colonos fuisse *Sidonios*, et *Cutham*, oppidum *Sidoni proximum*. Haec enim opinio ut locis supra laudatis refutatur, ita duobus iis, quos ex chaldaïcis Paraphrasibus attulit, probari nequit. Si *Cuthaeorum* nomen ibi revera spectatur, exinde hoc tantum apparet, Iudaeos *Sido-*

(1) *Antt.* XI. 8. 6. XII. 5. 5.

(2) *Antt.* XII. 5. 5.

(3) *Diatrise philol.-crit. aliquot monumentorum Punicorum interpretationem exhibens*, L. B. 1822, p. 67.

(4) *Exercit. hist.-crit. in utrumque Samaritanorum Pentat.* Willeb. 1756. 4<sup>o</sup>. p. 32 seqq.

(5) *Specilegium Geogr. Hebr. exterae* I, p. 104 seqq., coll. II, p. 4 seq., cum quibus tamen conf. ejusdem *Supplem. ad Lexica Hebr.*, p. 1253 seqq.

nios, quoniam Samaritani Sichemitae se ex *Sidonem* oriundos esse dicebant, *Cuthaeos*, et *Sidonem Cuthaniam* nuncupasse. Nam vox צִידוֹן Auctor Paraphraseos in Pentateuchum ad Gen. X. 19 reddidit כּוּתְנִיִּים (1), alter, qui Paraphrasin in Libros Chronicorum conscripsit, ad 1 Chr. I. 13, כּוּתְנִיִּים (2).

De quaestione qui fuerint ipsi Cuthaei, alii aliter olim iudicarunt. JOSEPHUS (3) Gentem eos esse opinabatur, quae olim in *Persia* et *Media* habitaret; cum eoque Veteres nonnulli consenserunt (4). Recte vero monuit RELANDUS (5), HYDIUM (6) secutus, Cutham nobilem urbem esse, *Babyloniae proximam*, ab Arabibus dictam الكوثى.

Ab hac ergo urbe istud *Cuthaeorum* nomen, quo Judaei Samaritanos nuncuparunt de-

(1) *Polygl. Lond.* Tomo IV.

(2) Conf. editio M. F. BECKII, utentis Cod. Erford., quem edidit Aug. Vind. 1680, T. I. p. 11. DAV. WILKINS, qui eandem edidit Paraphrasin e Cod. Cantabrig. Amst. 1715, p. 4, vitiose habet כּוּתְנִיִּים.

(3) *Antt.* IX. 14. 1 et 3, et X. 9. 7.

(4) In his Auctor *Chronici Alexandrini*, sive *Paschalis*, et ZONARAS, de quibus vidd. CELLARIJ *Collect.*, p. 12 seq., et *Exercit.* p. 12 seq. Ex hac de *Cuthaeis in Persia olim habitantibus* opinione fabula orta sit, inter Moslimos propagata de *persicis Gentis samaritanae originibus*, quae iisdem confirmari visa sit Tribus ejusdam persicae nomine, cui Samaritanorum nomen iisdem inesse opinati sint. Ab al-Maqrizio haec fabula traditur. Vid. DE SACY *Chrest. Ar.* I, p. 108 et seq., quo loco Samaritani orti esse dicuntur: من بنى سامرك بن كفركا بن رى (بن رمى) (in Cod. Leyd. n. 372 (c) وهو شعب من شعوب الفرس خرجوا الى الشام ومعهم الخيل والغنم والابل والقسي والنشاب والسيوف والوشى. Id est: ex filiis Samiraci, filii Cafarcāi, filii Raū (s. Ramāi), quae est Tribus ex Tribus Persarum, nonnulli exierunt in Syriam, cum equis ovibusque et camelis, cum arcubus et sagittis, atque gladiis et vestitu colorato. De veste colorata et picta nempe vocabulum وَشَى alibi etiam usitatur; vidd. H. E. WEIJERS *Spec. Crit.* p. 164 n. 283, P. COOL *Select. ex Thaālibi Libro facetiarum*, p. 113, 118, et J. H. PH. VALETON *Taālibi Syntagma dictorum brevium et acutorum*, p. 134 l. 12. His tamen locis illa forma de veste, apud al-Maqrizium collective sumitur; quae motio ceteroquin enunciatum formā وَشَاةَ,

quam hic etiam ob proxime praecedentia collectiva expectares. DE SACY l. l. p. 301 vocem vertit *bau-driers*; quam versionem si quis praeferat, cum Doct. DOZYO (hanc conjecturam mecum aliquando communicante) is potius legat وَشُوح, si hac voce, de mulierum balteis usitata, baltei virorum intelligi possunt. Nuper de dicta vocis وَشَى notione egit Vir doctus in *Hist. Abbad.* I, p. 86 seq. n. 75; — et in *Dict. dét. des noms des vêt. chez les Arabes*, p. 133 seq. et 437 etiam exposuit de significatione panni pretiosi (une sorte d'étoffe précieuse), id est ita colorati et picti. Ex hac panni notione illa notio derivata, et utraque, ut in voce دِيْبَاةَ (sericum et vestis serica) eadem formā enunciatum est.

(5) *Diss. Misc.* II, p. 67.

(6) HYD. de rel. vet. Pers., p. 72 et 80. Etiam Abarhanel jam monuerat Cutham esse urbem in terrā Chaldaeorum. Conf. locus ap. SCHWARTZ. l. l. p. 29. De duplici Cūthā, a se invicem haud procul remotā, et in Chaldaea sitā (كوثى الطريف et كوثى ربا), monuit de SACY l. l. p. 231 seq. notā 65.

rivandum est, idque in Scriptis apocryphis V. T. nullibi obvium, primum apud JOSEPHUM occurrit (1), cujus tamen aetate hoc multo certe antiquius est. Causam, quare Samaritani sic vocati sint, dum antea, ut 2 Reg. XVII. 29, dicebantur שַׁמְרֹנִים, ELIAS LEVITA (2) hanc esse existimat, quod *major Colonorum pars Cuthaeis constiterit*; quam sententiam alii etiam, in his GROTIUS (ad 2 Reg. XVII. 24), et CELLARIUS (l. l. l. l.) professi sunt. Id tamen, quia probari nequit, nec verisimile est, potius statuatur, nomen usu receptum esse, quoniam Colonorum remotiorum catervae *Cutham confluxerint*, atque agmine facto *inde* simul profectae sint. Hocce autem *Cuthaeorum* nomen, quo igitur Palaestinenses omnes *ex Oriente* advenas *primum* nuncupaverint, *deinde* latiore sensu iis etiam Colonis tributum esse videtur, qui ex locis Palaestinae *propinquis* venerant. Ii fortasse tunc opinabantur *hos* etiam *Cuthaeos* esse, et in hanc opinionem facile induci potuerint, arctiorem attendentes necessitudinem, quae Samaritanis cum urbe Cuthae olim intercedebat: quae res, nullibi licet diserte memorata, verisimillima est. Namque ut aliarum Gentium Coloniae numquam Patriae statim oblitae sunt, ita illi ejusdem non memores esse non poterant. Nimirum non tantum venientibus ex locis Palaestinae conterminis, sed iis etiam, qui, ut Babylonii, ex longinquiore regionibus oriundi erant, facillimum fuit catervarum ope, mercaturam perpetuo agentium, commercia non interrupta cum populis suis habere. Huic commercio *primum* favebat idem Cultus, quem Coloni et hae Gentes profitebantur; *deinde* partium etiam, quae postea inter Samaritanos ortae sunt, quaeque *Gentium Sacris* propitiae erant, magna auctoritas. Colonorum porro Babyloniorum cum *Cutha* commercium post Hierosolyma a Chaldaeis capta laetius fortasse florebat, quam cum *Babylone*, et cum iis locis, ubi *Judaei* erant *frequentiores*, qui et hanc ob causam Samaritanos *Cuthaeos* nominare potuerint. Cum *Cutha* diutius certo quam cum *Babylone*, duravit illud commercium. Nam Seleucia a Seleuco Nicator condita, splendor Babylonis in dies magis obscurare coeptus est, ac tanta postea detrimenta cepit, ut STRABONIS aetate hujus urbis non nisi rudera superessent (3).

De locis Palaestinae, ubi Coloni habitaverint, nihil fere traditur. Tantum legimus 2 Reg. XVII. 24 et 26 in *urbes* eos translatos esse. Urbes certo intelliguntur sive *dirutae*, sive *incolis*, qui partim abducti essent, partim *fugam* ipsi *cepissent*, *maximam partem privatae*. Et his restaurandis Victores, terrae subactae Indigenas, *rure* praesertim degentes, a rebellionem cohibere poterant. *Bethel* ergo v. c., *Samaritaniam*, alio, Coloni

(1) *Antt.* IX. 14. 3. et XI. 4. 4.

(2) In *Thishi* p. 34, qui locus exstat in CELLARII *Collect.* p. 11 seq. et *Exercit.* p. 11 seq.

(3) Conf. loci laudati a WISSEN, *Bibl. Realwörterbuch*, 2e ausg. in voce *Babel*, p. 144. De urbe Seleucia vid. PRIDEAUX, *vers. vernac.* I, p. 863 seqq.

se converterint (1); quae praecipua causa fuerit, quare in *urbibus* maxime Gentium Cultus adeo floruerit. Idem *Scythae* fecerint, qui in urbe *Beth-schean* remanserunt, unde ei urbi nomen *Scythopoleos* adhaesit.

Hos ergo veteres et Babyloniae et Phoeniciae incolas qui consideret, vim simul animadvertit et efficaciam, quam, quod modo diximus, Coloni in Israëlitas habuerint. Utrique illi Genti quam cara mercatura fuit! Artiumque et doctrinarum studium si Phoenices non neglexerint prorsus, eo impensius Babylonii eidem dediti erant. Quia autem de harum Gentium rebus gestis hic non exponimus, indicasse sufficiat Auctores, qui has quaestiones dedita opera tractarunt: HEBERNIUM puto, qui de Phoenicum mercaturam et opificiis, et de Babyloniorum rebus et commerciis egit (2), AUG. BÖCKNIUM, qui ostendit, Babylonios *mensurarum ponderumque* systema cum Gentibus permultis asiaticis, et cum Graecis etiam communicasse (3); tum maxime, ut alios omittam, QUATREMÈREUM, in Dissertatione *de Nabathaeis* (4) loquentem de *Coloniis babylonicis* (p. 126 seqq.), ejusque Gentis studio, in *agriculturâ, variisque disciplinis*, et vero in *Literis* posito, idque illustrantem tum ex aliis Operibus, tum ex Opere, quod Ibn Wahšjah arabice vertit (p. 227 seqq.).

§. 6.

*De Terris, in quibus Gens samaritana olim vixit, et Urbibus, ubi Coetus samaritani antea floruerunt.*

Ad aliam accedimus quaestionem, quae quia in Historiae enarratione non nisi cursim tractari possit, nec tamen diligentiori disquisitione indigna est, hic absolvatur; quaestionem intelligo de *Terris, in quibus Gens samaritana olim vixit, et de Urbibus, ubi Coetus samaritani quondam floruerunt.*

(1) Vid. BERTHEAU l. l. p. 361 seq. Hic praeterea existimat, Colonias ab Assyriis in partem *meridionalem* Regni ephraimitici tantum delatas esse. Quae sententia, si statuis hanc magis quam septentrionalem Regni partem bellis exhaustam, et pluribus incolis, in *exilium abductis*, privatam esse, valde se commendat.

(2) *Ideen ub. die Polit., der Verkehr, u. d. Handel der vornehmsten Völker der alten Welt*, I th., sive *Hist. Werke*, XI th., Gött, 1824, p. 60 seqq., 86 seqq., 133 seqq., 199 seqq.

(3) *Metrologische Untersuchungen über Gewichte, Münzfusse und Masse des Alterth. in ihrem zusammenhange*, Berl. 1838, de quo Opere exposuit item K. O. MÜLLER in G. g. A. 1839. St. 94—96.

(4) *Mémoire sur les Nabathéens*, inserta Repertorio, cui titulus est *Nouv. Journ. Asiat.* anni 1835, Tom. XV, p. 1—55, 97—137, et 209—271. Ex BORTAL anno 1843 institutis offensionibus prope Khorsabadum novimus insuper, *artes a Ninivitis* etiam antiquissimis temporibus studiose excultas fuisse (*Journ. Asiat.*, Juillet—Août 1843, p. 61 seqq., et quae deinde ea de re publici juris facta sunt).

Ut Judaei, ita alii etiam populi ét olim ét hodie per varias Terras dispersi vivebant. Damasceni v. c. Samariae, et Israëlitaë Damasci (1), ac Judaei in portibus Maria rubri (2), ubi strages aliquando inter eos edita esse videtur (3). Sic postea Antiocheni Hiërosolymis (4), et, quod Inscriptio docet Numi ('Αντιοχείων τῶν ἐν Πτολεμαίδι), Ptolemaïde; sic denique Phoenices in urbibus Aegyptiorum et Graecorum quam plurimis, et Hiërosolymis item (5), certam quamdam urbis partem, sive vicum habitabant (6). Idem de Samaritanis statuendum est. Mentio fit de Samaritanis in *Aegypto* et *Syriâ* viventibus, ac recentiore aetate Coetus eorum memorantur, qui *Romæ* erant et *Constantinopoli*.

In *Aegyptum* multi Israëlitaë jam migrasse videntur, quum Regnum 10 Tribuum post Jarobami II mortem turbis civilibus dilaceraretur; in primis vero quum, Menahemo Rege creato, partes assyriacae superiores,] aegyptiacae contra inferiores evasisent. Horum Exsulum numerus, crescente publicâ calamitate, ac Regno tandem everso, aliis quam plurimis auctus est. De horum tamen conditione et fati nihil innotuit. Tantum conjicere licet, Samaritanos Palaestinenses cum iis et posteris eorum, qui in Aegypto remanserunt, commercium habuisse, idque, ortis etiam bellis, a Persis cum Aegyptiis gestis, ac bello praesertim ab Inaro et Amyrtaeo moto, continuasse, et Aegyptiis fortasse auxilia tunc tulisse (7). Haec tamen tempora, quia prorsus incerta sunt, potius transeamus, ad aetatem pergentes Alexandri magni.

Hic 8000 Samaritanorum, qui ei in Tyri et Gazae expugnatione auxiliati erant, secum in Aegyptum duxit, iisque in Thebaïde, quam ipsius nomine tuerentur, agros divisit (8). Quod, si quid aliud, Samaritanis gravissimum fuerit, etiam si per breve tempus ejus Terrae custodia iis mandata sit, ad auctoritatem sibi in Aegypto parandam, qua Gentis dignitatem contra Judaeorum machinationes strenue vindicarent. Brevi enim ét eorum ét Judaeorum numerus in Aegypto mirifice crevit, postquam Ptolemaeus, Lagi filius, Palaestinâ expugnatâ, et captis Hiërosolymis, utriusque Gentis coloniam Alexandriam transtulerat. Nec pauci deinde (quod de *Judaeis* JOSEPHUS diserte tradidit (9), sed de *Samaritanis* pari modo dicere potuisset) insigni locorum ad mercaturam agendam opportunitate, ac Regis liberalitate allecti, ultro se illuc contulerunt. Ac verisimile est, haud paucos Samaritanos *Aegyptum* etiam petivisse regnante Johanne Hyrcano, qui primum Templum garizimita-

(1) 1 Reg. XX. 34. (2) 2 Reg. XVI. 6. (3) Joël. IV. 19. (4) 2 Macc. IV. 18, 19.

(5) Zeph. I. 11, coll. Zach. XIV. 21, Neh. XIII. 16.

(6) Vid. MOYERS, *Die Phoenizier* I, p. 49 seqq.

(7) De *Judaeis*, a Persis in Aegyptum abductis, retulit ARISTEAE *Histor. LXXII Interpretum*, cap. I. Oxonii 1692. 8°. p. 5. Hujus Libri Auctor ante Ptolemaeum Philometorem videtur vixisse. Vid. Dr. Z. FRANKEL *Vorstudien zu der Septuaginta*. Leipz. 1841, p. 125.

(8) JOSEPH. *Antt.* XI. 8. 4 et 6.

(9) *Antt.* XII. I. 1.

num, ac deinde urbem Samariae funditus deleuit, et Gentem samaritanam prorsus subegit.

Ut in Palaestina, sic in Aegypto aliisque Terris exteris, ubi Samaritani degebant hi non eadem Sacra temporibus antiquioribus *omnes* profitebantur. Alii Gentium Cultui dediti fuerunt, iique a commercio cum Exteris non alieni, ab his minus distinguebantur. Alii Cultum amplectebantur, quem samaritanum vulgo dicimus, et horum numerus in dies magis crevit, iique post Constantinum m., reliquis *ante* cum Gentilibus, sive *tunc* cum Christianis commixtis, soli tantum superfuerunt. Ut *horum* constantia, ita *illorum* levitas Gentibus in oculos incurrit. Varia Scriptorum de Samaritanis *exteris* iudicia, si dicta modo tenentur, in concordiam rediguntur. Hic autem inter ipsos Samaritanos de Rebus sacris dissensus causa fuerit, cur, quamvis eorum numerus in nonnullis urbibus exteris magnus fuerit, ii multo rarius quam Iudaei tumultus olim excitaverint.

Eadem Jura et Privilegia, quae Iudaeis concedebantur, ut  *suis*  nempe  *Legibus*  uterentur,  *Cultumque*  libere profiterentur (1), Samaritanis permissa fuisse, non dabitamus. Et haec, quae summi certo momenti iis erant, qui in eâ Gente Jahves Cultum profiterentur, iisdem facile concessa esse videntur, quia ipsi Ritibus et Institutis a Iudaeis vix diversi erant, ideoque a Scriptoribus nonnullis, et a Magistratibus civilibus tamquam  *Iudaeorum*  Secta plerumque considerabantur.

Inter utramque Gentem acerrimae in  *Aegypto*  etiam ortae, agitataeque sunt de Religione, Cultusque publici loco contentiones. Ab utrâque parte id testantur. Cum JOSEPHO (2) nimirum in multis conveniant, tum fabula, a Samaritanis in Libro Josuae (cap. XLV) enarrata, tum dicta Abū'lfathi (3).

De Samaritanis  *aegyptiacis*  seculo 2<sup>o</sup> post Christ. sermo fit in Hadriani (117—138. regnantis) Epistolâ ad Servianum Consulem, a VOPISCO insertâ  *vitae Saturnini* , in quâ ii pariter atque Christiani, et Iudaei Hadrianum (quia acerrimus Idolorum vindex erat) metuentes,  *Serapidis*  Cultum amplexi esse dicuntur, quum Imperator in Aegyptum venisset. »  *Illi,*  sic Hadrianus scripsit, »  *qui Serapim colunt, Christiani sunt: et devoti sunt Serapi, qui se Christi Episcopos dicunt. Nemo illic Archisynagogus Iudaeorum, nemo Samarites, nemo Christianorum Presbyter, non Mathematicus, non Aruspex, non Aliptes.*  id est, nemo sive Christianorum, sive Samaritanorum, sive Iudaeorum est, quin Sacris, in Serapidis Cultu, usitatis, deditus sit. »  *Ipse*  (sic pergit Hadrianus) »  *ille Patriarcha*  [Iudaeorum nempe]  *quum Aegyptum venerit, ab aliis*  [id est, Serapidis Cultoribus] »  *Serapidem adorare, ab aliis*  [Christianis nimirum]  *cogitur*

(1) JOSEPH.  *contra Apion.*  II. 4. coll. I. 22;  *de Belle Judaico*  II. 18. 7, et  *Ant.*  XII. 2.

(2)  *Ant.*  XII. 1. 1. et XIII. 3. 4.

(3) PAUL.  *N. Repert.*  I, p. 139, coll.  *Act. Lips. anni 1694,*  p. 169.



»*Christum.* — *Unus illis [Aegypti incolis] Deus est. Hunc Christiani, hunc Judaei, »hunc omnes venerantur et Gentes.*” Intelligit *Serapidem*, quem a *Christo* non distinxit. Non omnes autem Samaritanos *Serapidis Cultum* amplexos esse, sed nonnullos tantum, atque eos maxime, qui in Gentium Cultum propensi, et Hadriano obvii essent, id fecisse, sive simulasse, plerosque contra Sacris avitis addictos, se abscondidisse vel latuisse, res ipsa docet. Raptim Imperator singula perlustravit, et festinantius de iis judicavit.

VOPISCUS, imperantibus Diocletiano et Maximiano, annis 284—305 regnantibus, scribens, de Samaritanis hoc suâ aetate (ibidem paulo ante) testatus est: »*Sunt, inquit, »Aegyptii — viri ventosi, furibundi, jactantes, injuriosi, atque adeo vani, liberi, »novarum rerum usque ad cantilenas publicas cupientes, versificatores, epigramma- »tarii, mathematici, aruspices, medici. Jam et Christiani et Samaritae* (sic enim ut JAC. GOTHOFREDUS recte monuit, legendum est pro vulgari nam et *Christiani, Samaritae et*), »*quibus praesentia semper tempora cum enormi libertate displiceant.*” Id est: Aegyptii ante jam leves erant, et seditiosi, magis vero corruptum est eorum ingenium, postquam christiana et samaritana Religio inter eos propagata est. His enim nunc etiam Aegyptii praeterea similes redditi sunt (1).

Samaritanorum aegyptiorum conditio sub finem seculi 4<sup>i</sup> Lege illustratur, a Theodosio magno latâ anno 390. »*Judaeorum* (sic ibi legitur) *corpus ac Samaritanorum ad »naviculariam functionem non jure vocari cognoscitur: quidquid enim universo cor- »pori videtur indici, nullam specialiter potest obligare personam: unde, sicut ino- »pes, vilibusque commerciis occupati, naviculariae translationis munus obire non »debent, ita idoneos facultatibus, qui ex his corporibus deligi poterunt, ad prae- »dictam functionem haberi non oportet immunes.*”

A CELLARIO (2) haec Lex perperam refertur ad Samaritanos in Occidente, et in primis Constantinopoli viventes. Inscribitur enim Alexandro, Praefecto Augustali, id est Aegypti, sive Alexandrino.

Ex hac autem Lege manifestum est, Samaritanos pariter atque Judaeos aegyptios eo etiam tempore mercaturam fecisse, alios leviores, quorum res erat angusta: ampliores vero alios, quorum laeta erat conditio. Illi, ut Rei naviculariae, prudenter sane, immunes declarantur, ita hi ad eam gerendam judicantur facultatibus idonei. Gravius enim hocce munus erat, quam ut omnibus sine discrimine committi posset, quippe quod Navicularii civitatis nomine onera quaevis annonae aliarumve rerum in navibus,

(1) Conf., *Hist. Aug. Scriptores*, in hisque VOPISCI *Vita Saturnini*, c. 8 et 7; CASAUBON. in notâ ad *Titulum Operis Vopisciani*; SALMASIUS ad *Vit. Saturn.* c. 8; JAC. GOTHOFR. in notis ad L. 18. *Cod. Theodos.* de *Navicul.* (XIII. 5); et FRIEDR. MÜNTER, *der Jüdische Krieg unter den Kaisern Trajan und Hadrian*, Alt. et Lips. 1821. 8°. p. 33 seq. (2) *Collect.* p. 22, 23.

quas suis ipsi sumtibus aedificare cogebantur, per mare transportabant. Honorificum vero simul, et ob privilegia cum eo munere conjuncta, hoc munus minime erat contemnendum. *Judaeos* autem *aegyptios* hac ratione revera incitatos fuisse, ut *navigationi* operam darent, ex iis videmus, quae SYNESIUS in 4<sup>a</sup> epistolâ tradidit de navi aegyptiacâ, cujus gubernator ac major 12 nautarum pars erant Judaei (1). Idem sine dubio fecerunt Samaritani.

Ut Judaei aegyptii in proximas terras, v. c. per Cyrenaicam, se propagarunt, ita etiam Samaritani loca vicina petiverunt. Navigatione enim occupati, nonnulli eorum, ut Arabes, Aegyptum invadentes, effugerent, exinde transisse videntur in Insulam Maris rubri, quae ab iis nomen acceperit *Insulae samaritanæ*. IDRISIUS in Opere geographico, cui titulus كتاب نزهة المشتاق في اختراق الأقاليم (2), et quod absolutum est anno Higræ 548 (1154) hanc Insulam commemorat nomine *No'omāni* (نعمان), cujus nominis duas Insulas prope Hegāzum in Mappâ suâ notavit BERGHAIUS, alteram septentrionem, alteram meridiem versus. Insulam septentrionalem, cui in orâ Hegāzi, fere e regione sita est Çoba (ضبا), commemoravit WELLSTED (3). In hac Insulâ, ut IDRISIUS tradit, dictâ *As-sā-marî* (السامري), Samaritani habitabant, aliorum contactum studiose evitantes. Eos esse *Samaritanos* agnoscitur, inquit, exinde quod iis, qui ipsis obviam veniant, acclamant لا مساس, id est: ne contactus sit, sive, ne me tangas! Samaritanos autem severos ab aliarum Gentium commercio abhorruisse, jam tradiderunt EPIPHANIUS (4), DAMASCENUS (5), MASŪDIUS (6), postea etiam MAQBIZIUS (7); neque hoc latebat MOHAMMEDUS, ut liquet ex Qorāni Sūrâ XX. 95, quem locum IDRISIUS (l. l.) ob oculos habet.

Alia Samaritanorum aegyptiorum Colonia in *Arabiam petraeam* abŭisse videtur, veterum Aegyptiorum exemplo, quos ibidem degisse, monumenta, quae supersunt, ostendunt. IDRISIUS enim (8), agens de urbe Nābolosi: *incolas*, ait, *Hiërosolymorum tradere, in urbe Nābolosi, atque in alio oppido, a Gazâ 30 milliariibus distante, in viâ Ae-*

(1) Vid. GORROR. ad *Cod. Theodos. de Judæis et Coelic.* ad L. 15 ibid., ubi de munere et privilegiis Naviculariorum copiose agit.

(2) *Climatis* II, *Sect.* 5<sup>a</sup>, in Versione gallicâ JAUBERTII (*Géographie d'Edrisi*, Paris 1836. 4<sup>o</sup>) Tom. I, p. 134. Ad hunc locum jam attenderant, textum arabicum item addentes, J. J. SCALIGER (*de Emendatione Temporum*, L. B. 1598. fol. p. 622), et CELLARIUS (*Collect.*, p. 16 seq.). De ipso Idrisio ejusque Opere conf. M. G. DE SLANE, *I. A.* 1841. Tom. XI, p. 362 seqq., demonstrans natum eum esse *Cenitæ* anno 493 (1099—1100), ibique mortuum anno 560 (1164—1165).

(3) *Reisen in Arabien. Deutsche Bearbeitung herausgegeben von Dr. E. Rödiger*, II, p. 148, ubi E. R. nota legatur.

(4) *De Haeres.* I, p. 26, ed. Petav.

(5) COTELERII *Monum. Eccl. Gr.* I, p. 282.

(6) DE SACT, *Chrest. Arab.* I, p. 342 seqq.

(7) DE SACT l. l. I, p. 111<sup>m</sup> coll. p. 304 et 339 seqq.

(8) *Climat.* III, *sect.* 5<sup>a</sup>, in Verŕ. JAUBERT. I, p. 339, coll. p. 360.

*gypti eo tempore* (seculo ergo 12° medio) *Samaritanos esse*. Ad vocabula in *viâ Aegypti*, Codex quidam monuit, indicari *Wādî-t-tîh* (وادی التيه), cujus longitudo esse dicitur spatium *itineris 6 dierum*. De Samaritanis tamen ibi degentibus alii Scriptores nullam fecerunt mentionem.

A quo inde tempore Samaritani *Damasci* habitaverint, certo dici nequit. Israëlitarum, ut supra (p. 38) diximus, ibi jam debebant Regno ephraïmitico durante; quorum posteri et si perierint, vel ingruentibus bellis assyriacis, abierint, alii urbem postea restitutam, et mercaturâ brevi iterum florentem, rursus petivisse videntur. Horum numerus sine dubio auctus est iis, qui Johannis Hyrcani vindictam effugerunt. Anno nimirum circiter 111 ante Chr. nat. Syriae Regnum in duas partes divisum est. Altera pars complectebatur Coelesyriam et Phoeniciam cum Damasco metropoli, altera reliquam Regni Seleucidarum partem, ejus caput erat Antiochia. Huic praeerat Antiochus Gryphus, illi Antiochus Cyzicenus, Samaritanorum patronus (1). Hic Samaritanis ab Hyrcano devictis, quos ipse *juverat*, tutum intra Regni sui fines refugium praebuerit, ac jura dederit, quibus in Aegypto utebantur. Ab hoc saltem tempore Synagoga samaritana Damasci exstiterit, quae ad finem usque seculi 17<sup>i</sup> ibi erat. Haec autem *florebat*, ut aliae quam plurimae, quae in aliis Syriae tractibus, atque in Aegypto et Palaestina, ineunte seculo 11° et 12° reperiebantur, quum Abū-Saïd in Aegypto Versionem conscriberet arabicam Pentateuchi samaritani, et Abū-'l-hasan Tyrius judaïcam Versionem Saadiae ei Pentateucho accommodaret, atque Abū-'l-baracāt Bostrensis (2) seculo ineunte 13° Scholia in Versionem Abū-Saïdi componeret, et hanc mox emendaret (3). Iis temporibus, ut infra monebimus, Samaritani incluserunt variae eruditionis laude, adeo ut non miremur Abū-'l-fathum, Chronicon anno 1355 scribentem, tria, ut ipse testatur, *Damasco* acceperisse Chronicon samaritana, quibus in suo Opere elaborando usus est (4). Alius clari Doctoris, ejusdemque Poetae carmen edidit GASENIUS (5). Aq-çafsum (الصفي) intellige, cujus cognomen Al-mergāni (المرجاني) derivatur ab oppido prope Damascum, Al-mergān (المرجان). Hic ergo in alio Syriae loco vivebat, aliiqve alibi. Harrāne v. c. mortuus est sec. 13° Çadaqa-ben-Manga-ben-Çadaqa (6); ac MAQRIZIO (nato anno 1358) teste, *magnus eâ aetate Samaritanorum erat numerus in Syriae urbibus, lique in quâque urbe pri-*

(1) JOSEPH. *Antt.* XIII. 10, 2.

(2) DE SACY, *Mém. de l'Acad. des Inscri.* Tom. XLIX, p. 56 seq.

(3) Vidd. quae observavi in *Commentatione de Versione arabico-samaritanâ, et de Scholiis, quae Codicibus Paris. N. 2 et h. adscripta sunt*, insertâ *Orientalibus*, II, p. 113—157.

(4) PAULUS, *N. Repert.* I, p. 119.

(5) *Anecd. Orient.* p. 31 seqq., coll. p. 77.

(6) VAN VLOET, *Spec. Philol.* p. 10.

vas habebant Synagogas (1). Nobilem sec. item 16<sup>o</sup> fuisse Synagogam *damascenam*, videmus ex exemplis Codicis samaritani, tum Textûs hebraïci (2), tum Versionis arabicae (3); *Damasci* exaratis, quae in Bibliothecis europaeis servantur. In horum Codicum subscriptionibus tituli obvii sunt *summi Sacerdotis*, *Oratoris* et *Lectoris* (4).

Postea *Coetus damascenus* magna detrimenta cepit. Seculo 17<sup>o</sup> PETRUS DELLA VALLE, in Epistolâ ad Morinum post reditum ex Oriente anno 1630 scriptâ: *Gazae*, inquit, *Hiërosolymis*, ac in urbe *Sichem* similiter pauci erant, ut *Cairi* (ubi 7 circiter familiae); *Damasci* profecto aliquanto plures, at non multo (5). Nemo deinde de Coetu damasceno mentionem fecit. *Antiochiae* STEPH. SCHULZ anno 1753 nonnullos Samaritanos invenit (6).

De Samaritanis in Palaestinâ et Aegypto commorantibus, Arabum etiam testimonia non desunt. In hac regione *Qāhiraë* praesertim degebant. MASŪDIUS mortuus anno Higr. 345 s. 346, medio ergo seculo nostro 10<sup>o</sup>, solos commemorat Samaritanos in tractu *Falestin* (Philistaeâ) et *Jordanis*, atque in *pagis separatis*, v. c. in pago *Arā* (عارة), *Ramlam* inter et *Tiberiadem*, aliisque, ad urbem *Nābolosi* usque, ubi major erat eorum pars (7).

ABŪ-RİHÂN MOHAMMED BİRŪNİ, mortuus anno H. 430 (1038), idem de *Nāboloso* declarat, ibique *Samaritanorum Synagogas* esse contendit (8).

ŠAHRIŠTANĪUS (IBN-KALLICHNO teste; anno 479 Higræ (1086) natus, ibique mortuus ætate 70 annorum, et cognominatus a *Šahristānā*, urbe ejus natali, sitâ Nisābūrum inter et Koaresmiam) de Samaritanis loquitur *Hiërosolymis* et in *variis pagis Aegypti* versantibus (9). Mira vero h. l., ubi nullus de *Nāboloso* fit sermo, *Hiërosolymorum*

(1) DE SACY, *Chrest. Arab.* I, p. III seq., coll. p. 304 seq.

(2) HOTTING. *Exercit. Anti-Morian.* p. 34. GESN. *Anecd.* I. I. p. 6, 17.

(3) VAN Vloten I. I. p. 22 seqq. (4) CELLAR. *Collect.* p. 17 et 18.

(5) *Ant. Eccl. Orient.* Lond. 1682. 8<sup>o</sup>. p. 166. Perperam igitur ED. ROBINSON (*Palaestina* T. III. part. I. p. 360) de Samaritanis damascenis: *Sie scheinen nur aus ein Paar Familien in den Gärten ausserhalb der Stadt bestanden zu haben; vielleicht war es eine temporäre Niederlassung.*

(6) *Der Leitungen des Höchsten*, T. IV, p. 369 seqq.

(7) DE SACY, *Chrest. Ar.* I, p. 342 seq., coll. p. 353. *Arā* fortasse pagus est a ROBINSONO (III. I. p. 388) 'Arānek dictus (عرانك), ut scribit SMYTH III. 2. p. 880), situs a septentrione oppidi *Ginin* (Ginaeae). Pro *Ramlah* ergo potius legatur *Ar-ramah*, sita a septentrione *Pentecomiaë*, quam ROBINSON ibid. III. I. p. 379 commemorat, de quâ vid. infra p. 45 l. 5. (8) DE SACY I. I. I, p. III seq., coll. p. 305, 345.

(9) CELLAR. *Collect.* p. 15 seq. Locus exstat in ed. CURETONIS (كتاب الملل والنحل, *Book of religious and philosophical Sects*, Part. I. Lond. 1842), p. IV, ubi haec leguntur: السامرة هؤلاء قوم يسكنون بيت المقدس وقرايا من أعمال مصر وقبلت السامرة جبل يقال له غريم بين بيت المقدس ونابلس قالوا ان الله

mentio est, adeo ut, si scripserit ille بیت المقدس, eaque si ex Samaritanis cognoverit, eo nomine, quo vulgo quidem *Hiërosolyma* insigniuntur, *Nābolos* tamen potius intelligenda sit, quoniam Samaritani eodem titulo hanc suam urbem item ornare solebant. Fieri tamen potuit, ut nonnulli Samaritani *Hiërosolyma* etiam petierint aliquando, mercandi causâ, lucrative studio ducti, tutos se esse existimantes sub Moslimorum, et mox sub Christianorum tutelâ, quâ si gauderent, suisque juribus uterentur, a Judaeis nihil iis extimescendum erat. Audacius ergo CELLARIUS (l. l.), dicta PETRI DELLA VALLE in dubium vocavit, in Epistolâ, supra allatâ, de Samaritanis *Hiërosolymis* degentibus loquentis. Le enim non modo in Orientem iter ipse fecerat, sed et de iis, quae ibi vidit, certus, sic deinde loquitur: *Gazae, etiam Hiërosolymis, ac in urbe Sichem similiter pauci erant* (Samaritani). Hi vero *Hiërosolyma* fortasse reliquerunt ante annum 1684, quo tempore ad annum usque 1691 Epistolarum commercium LUDOLFUM inter et Samaritanos Sichemiticos institutum est. Si autem tunc adhuc ibidem degerint, Sichemitis melius visum sit, eleemosynas transmittere ad Monachos christianos, *Hiërosolymis* degentes, tamquam Viros ubique notissimos probataeque fidei. Non recte igitur ante contenderat MAQRIZIUS, Samaritanos *numquam* transire in *ditionem Hiërosolymorum a Davidis inde tempora* (1), quod de *severioribus* Samaritanis verissimum fuerit, non vero de *omnibus*.

Seculo 14<sup>o</sup> Aegyptum et Syriam insigni Samaritanorum numero frequentatas fuisse, testatur Edictum Sultani Mamlūci, *Al-Malec An-naçer*, quo, teste AS-SOJŪTIO (mort. anno H. 849, s. p. C. n. 1445), *Samaritanis* aegyptiis et syriacis mandatum est, ut turbanos rubros, *Judaeis* ut flavos, *Christianis* ut coeruleos gererant (2); quod Edictum ab ABŪ-'L-FEDÂ sub anno 700 etiam commemoratum (3), scribente AS-SOJŪTIO, anno 755 (1354) iterum promulgatum est (4).

De Samaritanis *aegyptiis* et *palaestinensibus* alia praeterea existent testimonia. In Cod. parisiens. N<sup>o</sup>. 4, Versionem exhibente ABŪ-SALDÎ, de iis anno 836 (1433) in Aegypto

تعالى أمر داود النبي عليه السلام أن يبنى بيت المقدس بجبل نابلس وهو الطور الذي كلم عليه موسى عليه السلام فحول داود إلى أيليا وبنى البيت ثمة وخالف الأمر وظلم الخ id est: et locus, 'quorsum Samaritani precantes se convertunt, est mons, cujus nomen est Garim (pro جريم) inter Baito 'l-moqaddasum et Nabolosum. Dicunt (Samaritani) Deum supremum jussisse Dāūdum [Davidem] Prophetam, cui sit salus, aedificare Baito 'l-moqaddasum (id est Templum Dei sancti) in monte Nabolosi, qui mons idem est de quo Musā, c. s. s., locutus est; sed transtulit Dāūdus (cultum sacrum a القبلة) Aeliam, et Templum aedificavit ibi (ثمة), et mandato (divino) adversatus est, atque impie egit.

(1) DE SACY, *Chrest. Ar.* I, p. 113, coll. p. 305.

(2) DE SACY l. l. p. 145.

(3) *Annal. Mosl.* V, p. 176.

(4) DE SACY l. l. p. 146.

degentibus, sermo fit (1). Alter Codex paris. ejusdem Versionis, N<sup>o</sup>. 2, ut ex usu *Cifrarum copticarum*, aliisque indiciis apparet, ibi etiam conscriptus est (2). In alio Codice Bibliothecae sanctae Genoverae, Textum complectente hebraeo-samaritanum, 1<sup>o</sup>) *Scribae* fit mentio, *Sacerdotis*, *Ministri Scholae Abischae filii Finhāsi*, in *Synagogā aegyptiacā viventis* anno H. 780 (1378); 2<sup>o</sup>) *Çadaqae* cujusdam *Ramae* (vid. p. 43 n. 7) habitantis anno 987 (1579); ac 3<sup>o</sup>) loca commemorantur *Icara* (?), et *Armata*, ubi Samaritani habitarent (3), et in Cod. paris. N<sup>o</sup>. 2 *Mūnas* et *Harmata* (4). *Hos* fortasse vitiose scriptum est pro *Hawārā* s. *Howārā*, qui pagus est *antiquus*, hodieque *magnus* in Campo *Moknāe*, (مُكْنَا), haud procul a Nāboloso, ad latus dextrum viae, si Nābolosum Hiērosolymis pergis (5). *Mūnas* in Aegypto sita esse videtur. Librarius enim Notae samaritanae ad calcem Libri Geneseos (6), nimirum *Çadaqa-ben-Jūsa-ben-Matūhia-ben-Haṣib-ben-Abraha-ben-Baraqa*, *Levita ex pago Sacerdotum*, *Minister Scriptorum sanctorum in Aegypto*, refert eum Codicem anno 872 (1469) ex possessione *Ab-Nasahnac Rabbini magni ex incolis Mūnasi*, transiisse in possessionem *Taktii*, *Rabbini Synagogae ex incolis Harmatae*; atque nomine commemorato, Librarius addit: *Deus det huic* (libro), *ut ex terrā Aegypti brevi feliciterque Sichemum perveniat*. Samaritani nempe, ne quid detrimenti caperent Legis Codices, certis quibusdam Viris curam eorum commisisse videntur, quibus etiam mandatum fuerit cavere, ne quis Codex in aliorum manus transiret sine diserto alicujus ipsorum testimonio.

Anno H. 998 (1589—95) Synagoga aegyptiaca supererat, ut novimus ex Epistola 2<sup>a</sup> ad *SCALIGERUM* ejusdem anni. Haec erat *Qāhirae*; ex quā urbe ad *SCALIGERUM* anno 1584 missae sunt tabulae, quibus duplex anni samaritani computus continebatur (7). Postea vero inde mittebatur *liber Josuae*. Supererat Synagoga etiam deinde. *PETRUS DELLA VALLE* anno 1630 haec scripsit (8): *Caīri erant circiter 7 familiae eorum* (Samaritanorum), *inter quos unus erat quem vidi, Antistes Sacrorum de progenie Levi*. Postea nullus amplius eorum sermo fit. *HUNTINGTON* in Epistolā ad Ludolfum anni 1690 testatur (9), *ex αὐτοψίᾳ se didicisse praeter pauperrimum senem homuncionem, ejusque uxorem aequae miseram, ne unum quidem Samaritanum iōi amplius reperiri*.

Synagogae extra Palaestinam, ut docent Samaritanorum *Epistolae*, omnes olim Syn-

(1) DE SACY in EICHEN. *Allgem. Bibl. Repert.* X, p. 38, coll. 36 et 37; et *Mém. de l'Acad. des Inscr.* XLIX, p. 16.

(2) DE SACY, *Mém.* l. l. p. 25 seqq. (3) l. l. p. 18, 19, 197—199. (4) l. l. p. 17 seq.

(5) ROBINSON l. l. III. 1. p. 311 seq., 322 seq. SMITH. III. 2. p. 876 scripsit حَوَارَا.

(6) DE SACY, *Mém.* l. l. p. 15—17.

(7) SCALIGER *de Emend. Temp.* p. 622, coll. p. 111. (8) *Anth. Eccl. Orient.* p. 166.

(9) *Epist.* 33<sup>a</sup> *Epistolarum* p. 48.

agogae sichemiticae principatum agnoscebant. Ab hac illae passim accipiebant mandata, et quotannis *anni tabulam*, ac gravia quaeque ad hanc judicanda deferebant. *Festa minora* Exteri in suâ quique urbe celebrabant, tria vero majora, *Paschatis* saltem, in solo Monte Garizimi agebantur.

In aliis *Palaestinae* locis, praeter *Nābolosum* et *Howārām*, de quâ modo diximus, Samaritani diu vixerunt. *Tyri* seculo 10°, quâ ex urbe Abū-'l-hasan oriundus erat, qui, ut jam monuimus, Versionem Saadiae collato Pentateucho hebraeo samaritano, revisit. *Gazae* ad seculum usque 17, imo ad 18 usque. Ex Samaritanorum *Epistolis* hoc efficitur. Epistola missa ad SCALIGERUM anno H. 998 (1589—1590), et ad Anglos anno H. 1086 (1675—76), conscriptae sunt a duobus Viris, quorum uterque nuncupabatur *Ab-Zehūla*, *filius Josephi*, *ex incolis Gazae* (1). In illâ autem legitur: *Epistolam tuam, quam misisti in Aegyptum, ad nos venit Gazam et Sichemum* (2). Is enim, ad quem SCALIGER scripserat, iter suscepisse videtur Sichemum, eo tamen consilio, ut *Gazae*, ex quâ urbe oriundus erat, aliquamdiu moraretur. Eo ergo quum Epistola ex Aegypto missa esset, ille vero Gazam jam reliquisset, Sichemum illa mittebatur. *Gaza* porro commemoratur in alterâ ad Anglos Epistolâ anni H. 1111 (1700). *Sumus nos*, ibi inquit, *pauci viri in urbe Sichem — et in urbe Gaza* cet. (3). In Epistolis ab anno 1808—1823 *Gazaei* non amplius occurrunt. Contra in Epistolâ ad Gallorum Consulem primum, Halebi degentem, CORANKEZIUM, anni 1808, narratur, *ducentos Samaritanos esse Sichemi et Jaffae* (4). *Gazâ* Samaritani *Jaffam* et *Sichemum* migraverant.

Paulo major posterioribus seculis *Sichemitarum* erat numerus, quam aetate BENJAMIN TUDELENSIS, qui Sichemum ipse adiit, et anno 1173 mortuus est. *Centum circiter* is ibi invenit (5). Tunc igitur, si accurate scripserit BENJAMINUS, multi fortasse bellis in *Palaestina* saevientibus, sive occisi erant, sive alio se receperant. Seculo 17°, anno circiter 1671, 20 familiae Sichemi habitabant secundum notam additam Codici 65 Kennic.; 30 anno 1808, ut refert Epistola modo laudata; anno vero 1820 in aliâ Epistolâ scribitur: *numerus noster parvus est, nondum efficiens* (numerum) *500 virorum peregrinantium in portionem agri* (6). His verbis, quibus respicitur locus Gen. XXXIII. 19, si fides

(1) EICH. *Repert.* XIII, p. 269, et IX, p. 10. (2) l. l. XIII, p. 265.

(3) *Archief voor Kerkel. Gesch.* Tom. V, ubi cl. HAMAKERUS hanc Epistolam, nondum editam, insequit. Vid. p. 23; et not. 40.

(4) DE SACY, *Correspondance des Samarit.* cet., in *Not. et Extr.* T. XII, p. 53 et 69; coll. HAMAKERUS l. l. p. 39.

(5) *Itinerarium D. BENJAMIN.* ex ed. l'Empereurii L. B. 1633. 8°. p. 38. In urbe *Caesareae Palaestinae* BENJAMIN 200 vidit Samaritanos (p. 37), *Asgalona* fere 300 (p. 52), *Damasci* 400 (p. 57).

(6) DE SACY l. l. *Not. et Extr.*, p. 146; coll. HAMAKERUS l. l., p. 39 seq. Sic, ut in textu verti,





Minus benigne Romani postea de Samaritanis senserunt, ut ex VOPISCI testimonio, p. 39 et seq. citato, et ex aliis locis apparet. Cujus rei causa repetenda est, et e contemptu, in quem Judaeorum tumultus omnes Palaestinae incolas perduxerant, et ex turbis, quas ipsi Samaritani saepius moverunt.

Non omnia tamen Privilegia, quibus ante fruerentur, tunc amiserunt confestim, quod ex Judaeorum iis temporibus in Occidente conditione item efficere licet. His enim etiam post Hiërosolyma eversa permissum erat Religionem in *Synagogis* profiteri, suos habere *Magistratus ecclesiasticos*, *Patriarcham* v. c., *Archisynagogos*, alios; *Munera* porro *civilia nonnulla* gerere. Et quamvis a Constantino magno inde res *Christianorum*, et *Orthodoxorum* quidem, maxime ageretur, Judaeorum tamen jura tunc item, et diu post vindicabantur, ut nemo eos impune laederet (1).

Quia his Judaei fruebantur Privilegiis, jam verisimile est, suis etiam gavisos esse Samaritanos, et si ea non omnia cum Judaeis communia habuerint. Videntur enim Romani, quoniam Judaeorum major quam Samaritanorum numerus ubique fuerit; illos magis curavisse, ac plura illis ob alias item causas, quae hodie nobis latent, concessisse.

Quia autem ea, quae Judaeorum Privilegia spectant, nondum satis explicata sunt, quamquam de his in multis Legibus mentio fit, multo minus omnes quaestiones solvere licet, de Privilegiis, quibus usi sint Samaritani, de quibus Leges et Scripta Romanorum parce loquuntur. Ex paucis his, quae supersunt, testimoniis, nonnulla tamen illustrantur quodammodo.

Novimus nimirum Samaritanis item concessum fuisse suas habere *Synagogas*, ibique Cultum publice celebrare. Romae certe eorum Synagoga fuit (2) diu ante Theodoricum (493—526 regnantem). Ex ejusdem Epistolâ id patet, quam CASSIODORUS *Variarum* libri III<sup>i</sup> num.<sup>o</sup> XLV inseruit, ubi de Samaritanis sermo est, querentibus domum;

(1) GOTHOFRED. in *Paratitlo ad Titul. Cod. Theodosiani de Judaeis, Coelicolis et Samaritanis*, L. XVI. 8, et Vir Cons. D. H. LEVYSSONN, *Disp. Acad. Inaug. de Judaeorum sub Caesaribus conditione, et de Legibus eos spectantibus*. L. B. 1828. 4<sup>o</sup>. p. 27 et 57 seqq. Hunc titulum de Judaeis cet. Justinianus in suum Codicem transtulit, sed vocabulum *Samaritanis*, omisit. De his, ut *Secta*, fit mentio in L. 21. Cod. Just. de *Haereticis*. Vid. etiam tituli inscriptio. Basilica (I. 20) retinent vocem *Σαμαριτανων*. Observavit LEVYSSONN l. l. p. 48. not. 80, Samaritanos in Cod. Theod. *tamquam Sectam Judaeorum cum Judaeis*, in Cod. vero Just. *tamquam haereticos inter Judaeos cum Haereticis* jungi. Rationem hujus differentiae recte explicuit ex *deteriori, quâ post Theodosium vivebant, conditione*.

(2) Verba in Lege Valentinianâ, Cod. Theod. de *malef. et math.* L. IX. 16 (vid. LEVYSSONN loco laud. p. 27): *unicuique, quod animo imbibisset, colendi libera facultas a me tributa est*, non Judaeis modo, sed Samaritanis etiam sine dubio grata fuerunt. Hi ergo eâ veniâ utentes, majore numero Romanos tunc se contulerunt, ibique Synagogam, iis postea adematam, eo tempore fortasse condiderunt. Jam ante etiam Privilegia habuisse videntur, quia ibi Leges ante latae respiciuntur.

quae olim Synagoga fuerat, sibi a Christianis ademtam esse, quam *per annorum longa curricula Ecclesia romana — possederat. Nunc, sic pergit Rex, nunc autem exsistere samareae Superstitionis populum, improbâ fronte duratum, qui Synagogam ibidem fuisse iniquis conatibus mentiatur* (1). In mediis nempe turbis bellisque, quibus eo tempore Roma adeo vexabatur, ea Synagoga a Christianis occupata, et *diu postea retenta fuisse videtur, quare Theodoricus, eorum, quae ante facta essent, inscius, et a Christianis fortasse in errorem ductus, atque in Samaritanos incitatus, hos mendaces existimaverit. — Verum immerito: nam hi tempus opportunum Synagogae recuperandae tunc demum venisse forsitan putarunt, eumque ergo Regem adierunt.*

*Honoribus Samaritanos functos esse, ex Lege manifestum est, ab Honorio anno 404 latâ, et iteratâ anno 418, quâ iis pariter atque Judaeis Militia Agentum in rebus interdicitur. Judaeos (sic in Lege dicitur), et Samaritanos, qui sibi Agentum in rebus privilegio blandiuntur, omni Militiâ privandos esse censemus* (2). Agentes in rebus nimirum, quibus impositum erat curare, ut Magistratus Imperatoris mandata ubique rite exsequerentur (3), in Palatio etiam militabant, ibique variis officiis fungebantur (4). Eo ergo honore, quo eâ Lege privantur, ante digni habiti erant. Quod si quis miretur, Viros is cogitet ingenii laude praeclaros, qui ex eâ Gente prodierunt, quos inter v. c. praeter alios, ALEXANDER POLYHISTOR quondam fuit, ac deinde MARINUS NEAPOLITANUS, PROCLI discipulus, ejusdemque in Cathedrâ Scholâ atheniensis anno 485 successor. His Viris, qui *Literis colendis* erant insignes, haud pauci sine dubio addi possunt *Rei militaris* periti, sub Romanorum verillis hanc artem edocti. Hi Samaritanorum *duces* fuerunt, ubi ii seditionem moverent; v. c. sub *Hadriano, Severo*, in primis vero sub *Zenone et Justiniano*, quibus regnantibus JUSTUS, sive JUSTASA, et JULIANUS, a Samaritanis Reges creati sunt, qui gravioribus in Exercitu romano Muneribus ante fungentes, *haec nomina romana* fortasse assumserant.

Samaritanos *constantinopolitanos* ex Legibus solis novimus. Quae enim CELLARIUS (5) ex PHOTII (Patriarchae constantinopolitani seculi IX<sup>i</sup>) *Nomocanone*, et ex BALSAMONIS in hunc Librum annotatione citavit, ex Legibus hausta sunt, iisque diu antea latis, adeo ut *seculi IX<sup>i</sup> et XII<sup>i</sup>* de Samaritanis testimonia ibi non habeamus. Jussu enim Impe-

(1) M. AUREL. CASSIOD. *Opera amnia*, Genev. 1637. 4o. p. 112 seq.

(2) L. 16. *Cod. Theodos.* de Jud.

(3) GOTHOFRED. in *Paratitlo ad Titul.* *Cod. Theod.* de *Agentibus in rebus* (L. VI. 27), ubi de eorundem munere, variis gradibus, scholis, et privilegiis disseritur; eum quibus conf. Auctores laud. a LEVYSOHN, l. l. p. 34, not. 41.

(4) GOTHOFRED. in *Paratitlo ad Cod. Theod. Titul.* de *privilegiis eorum, qui in sacro Palatio militabant* (L. VI. 35).

(5) *Collect.* p. 23.

ratoris Manuëlis Comneni BALSAMON, tunc Diaconus, deinde Patriarcha antiochenus, illud PHOTII Opus commentariis illustravit. Leges autem, quae ibi alibique exhibentur, dignae sunt, de quibus disseramus.

Prima Lex, ab Imperatoribus Orientis publicata, quae Samaritanos commemorat, est Theodosii II anni 426, quâ statuitur, eos, qui ex Judaeis et Samaritanis Fidem christianam amplexi sint, a parentibus suis, avisque nondum conversis, haereditate suâ privari non posse, eosque legitimam etiam portionem accipere oportere, et si crimen in parentes vel avos commisissent, quod ceterum iusta exhaereditandi causa fuisset (1). Efficere ergo licet, eo tempore non rara fuisse exempla Samaritanorum, in Regno romano orientali viventium, qui, invitis proximis cognatis, lucri fortasse studio saepe incitati, ad Religionem christianam transierint.

Samaritanis ad annum usque 439 in Oriente etiam ad honores et dignitates aditum patuisse, novimus ex III Novellâ Theodosii II, quâ omnes Leges ante latae, quibus Judaei et Samaritani muniti, eoque honores dignitatesque petere poterant, abrogantur, iisque tum quaecvis administratio interdicitur rerum publicarum, in quibus Christianorum res ageretur, tum etiam Defensorum Munus, qui (quae sunt verba JOH. DAN. RITTERI in *Commentaria ad Novellas Constitutiones Imperatorum Justiniano anteriorum* p. 11 seq.) in Municipiis celebrioribus, et hominum frequentia abundantibus, disciplinae publicae curam gererant, ac plebem ipsosque decuriones tuebantur adversus Rectorum provinciae, compulsorum, exactorum susceptorumque insolentiam (2). Iisdem praeterea ibidem novas Synagogas aedificare non amplius permittitur, easque, quae ruinam praesentaneam minitantur, fulcire tantum conceditur, gravissimaeque poenae iis statuuntur, qui alios ad suam Sacrorum communionem traducant, datisque mandatis non obediant (3).

In aliis Legibus haec sive repetuntur, sive aetioribus limitibus circumscribuntur. Justinianus nimirum Synagogas destruendas esse jussit (4), Edictum anno 532 renovavit, quo

(1) L. 27. Cod. Theod. de Judaeis, Coelicolis et Samaritanis (L. XVI. 8).

(2) Neminem Judaeum (sic in Novellâ laudatâ legitur), neutrâ Legē constante, ad honores et dignitates accedere (in omne aevum Legē sancimus), nulli administrationem patere civilis obsequii, nec Defensoris fungi saltim officio. — Illud etiam sancientes, ne qua Synagoga in novam fabricam surgat, fulciendi veteres permissâ licentiâ, quae ruinam praesentaneam minitantur. His adjicimus, ut quicumque Scrivum, seu Ingenium invitum vel suasionē plectendâ ex Cultu christianae Religionis in nefandam Sectam Riturumve traduxerit, cum dispendio fortunarum capite puniendum est. De hac Novellâ vid. etiam LEYSSON l. l. p. 79 seq.

(3) De Defensorum Munere vid. in primis F. C. von SAVIGNY, *Geschichte des Römischen Rechts im Mittelalter*, (Heidelb. 1815) I Bd. p. 27 et 63 seqq.

(4) Conf. L. 17. C. de Haeret. Vid. etiam LEYSSON l. l. p. 43.

*Muneribus fungi* iis interdicitur (1), atque statuitur, Samaritanis, ut omnibus Haereticis, non amplius licere in causâ *testari*, si quis litigantium esset Orthodoxus (2). Quâ Lege quum fortasse opīnarentur, se omnibus etiam officiis liberos esse, quae in rebus curialibus, sive corpore, sive opibus, omnibus praestanda incumbere, idem Imperator anno 536 in Novellâ XLV illud tum magis definivit, tum etiam decrevit, Judaeos et Samaritanos Religionis praetextu non liberari curiali conditione, ejusque officiis obnoxios, privilegiorum vero non participes esse.

Plures item Leges latae sunt *de Successione bonorum* (3), quibus Samaritanis vetatur, ne scribant *Testamenta*, aliisque non Orthodoxis *Legata et Donationes* sive erogent, sive ipsi accipiant, ita quidem, ut si Orthodoxi in ipsorum familiis desiderentur, eorumdem haereditas ad Fiscum perveniat.

Dura haec Decreta Magistratus tamen non severe executi sunt, quod verba declarant Novellae CXXIX, a Justiniano anno regni 25, id est anno 551 publicatae: *Σαμαρείτας — πρῶην θρασυνομένους καὶ κατεπαιρομένους Χριστιανῶν, καὶ πρὸς τὴν ἀπάντων ὥσπερ ἐσχάτην ἀπόνοιαν ἐξεκείλαντας, πολλοῖς μὲν ἐπιτιμίαις ἐσωφρονίσσαμεν, ἐνὶ δὲ μάλιστα, τῷ μῆτε διαθήκας αὐτοὺς δύνασθαι γράφειν, μῆτε, τούτων τελευτώντων διαθήκης χωρὶς, τοῖς ἐξ ἀδιαθέτου καλουμένοις συγγενέσι παραπέμπειν τὸν κλήρον· πλὴν εἰ μὴ τοὺς πρὸς τοὺς κληρῶν ἐφ' ἐκατέρῳ θέματι καλουμένους τῆς ὀρθῆς τῶν Χριστιανῶν εἶναι πίστεως συμβῇ. Ἀπηγορεύσαμεν δὲ αὐτοῖς καὶ ληγὰτα δίδοναι, καὶ δωρεὰς γράφειν, ἢ τὰς ὅλως ἐκποιήσεις ἐπὶ τοῖς οἰκείοις τίθεσθαι πράγμασιν, ἐπειδὴν μὴ τῆς ὀρθοδόξου πίστεως τὸ λαμβάνον πρόσωπον εἴη. Ταῦτα μὲν οὖν νόμῳ γενικῷ διαλαβόντες τηνικαῦτα μεμνήμεθα· πλὴν ἀλλ' οὐ τὴν αὐτὴν ἐν τοῖς ἔργοις τὴν ἐν τοῖς γράμμασιν ἀκριβείαν ἐφυλάξαμεν, οὐδὲ γὰρ τὸν ἡμέτερον φίλον, οὐδὲ τινὰ τοῦ δημοσίου μοῖραν ἑτέραν τῶν ἐκείθεν τι λαβεῖν ἠνεσχόμεθα, ἢ ἐν τούτου ῥητῶς ὁ νόμος ἐδίδου.*

Severae istae Leges eadem Novellâ, in gratiam Sergii, Episcopi caesariensis, qui pro Samaritanis intercesserat (4), valde mitigantur. Revocatis enim iis Interdictis, Christianis, qui in Samaritanorum familiis reperiantur, majora tantam Privilegia conceduntur, quae iis etiam promittuntur, qui, quamvis post Baptismum ad Proavorum Sacra redissent, in Christianorum Coetum reverterentur. Talis simulate agendi ratio, ut saepe, ita

(1) L. 18. C. l. l. (2) L. 21. C. l. l.

(3) Conf. L. 13. 17. 19. l. l.

(4) Ex hocce *Sergii Episcopi* anno 551 interveni, videmus iis etiam temporibus Samaritanos non omnes amisisse inter principes civitatis Viros causae suae Patronos. Aliud ejusdem rei exemplum exhibet anno 529 *Arsenius Comes*, qui, Sylvano patre, Samaritanorum socio, a Scythopolitanis combusto, Samaritanos in aula ipse defendit, et Theodoram Justiniani Uxorem, ad suam causam traducit. De his infra suo loco agemus.

etiam in Novellâ CXLIV perstringitur (1), quam tulit Justiniani Successor, Justinus II (565—578 regnans). Is, ut ei agendi rationi finem imponeret, *Apostatas proscripsit et in perpetuum exsilium misit*, eosque, qui adultâ aetate ad Fidem christianam transire vellent, obligavit per biennium ante quam baptizarentur, Doctore uti christiano, qui ipsos doceret. Edicta porro a Patre abrogata, Justinus II renovavit. Samaritanis *rusticis* (γεωργοῖς) tantummodo, et si Samaritanorum doctrinam tenerent, permisit, ut parentes, et liberos, atque proximos cognatos haeredes instituerent, coeve Legatis donarent, et ut ii item haeredes fierent, etiam si nullum scriptum esset Testamentum. Quod tamen non in ipsorum, sed in eorum gratiam statuebatur, qui praediorum essent possessores, ut illi agros eorum, quorum nomine agebant, eo melius colerent; et divitiae dominorum, atque per eos aerarii reditus augerentur. Praediorum porro domini, Samaritanis agricolis nullum haereditatem relinquentibus, Fisci vice fungentes, succedere jubentur.

Samaritanorum ergo *duae* classes ibi distinguuntur: eorum, qui *liberi* erant, et eorum, qui *servorum* instar, dominorum nomine agros colebant. Illi, postquam Genti samaritanæ non amplius licebat Munera gerere civilia et militaria, ut Armeni, et Graeci nostrâ aetate Constantinopoli, et Copti in Aegypto, mercaturae rei que numulariae operam dedisse videntur, unde factum est (ut observat CASAUBONUS in Commentario ad AELII LAMPRIDII *Helioabatum*, cap. 3°), » ut Constantinopoli *Samaritae* vocarentur *ministri mensariorum*, qui rationes conficientibus aderant, et iis subscribebant. Justinianus in Edicto, *Περὶ ἀγγυποπρατικῶν συναλλαγμάτων* cet." (2). Iisdem fere Muneribus penes Turcarum Magistratus in Palaestina, fungebantur Samaritani ad finem seculi 17<sup>i</sup>, quin teste ED. ROBINSONO anno item 1838 (3).

(1) Vid. SPANGENBERG. in ed. *Novell.* Gott. 1797 fol. p. 582 seqq., coll. PROTHI *Nomocan.* tit. X. c. 8, et BALSANON., tum in Scholio ad h. l., tum ad tit. IV. c. 7. p. 52 (ed. Lut. Paris. 1650. 4° p. 118). Ad Novellam CXXIX et CXLIV conf. in primis CUIAC. Opp. (Neapoli 1758 fol.) Vol. II, p. 1152 seq. — Cum iis Imperatorum romanorum *de Samaritanis* Decretis, Edicta conferantur Imperatoris Frederici, eo consilio edita, ut *Moslimorum* reliquias, in *Sicilia* ex pristina Arabum in hac terrâ dominatione superstites, penitus deleat. Vid. *Lettre a M. CAUSSIN DE PARCEVAL, sur les diplômes conservés dans les archives de la Sicile*, par M. NOËL DES VERGERS, in J. A. 1845. 4<sup>e</sup> série, Tom. VI. p. 340 seq.

(2) Haec CASAUBONUS. Edictum memoratum nonum est, et existat in *Corp. Jur. Civ.* ex ed. J. L. G. BECKII (Lips. 1836, 8°), Tom. II. Part. II. Vol. II, p. 1158 seqq., ubi p. 1160 in cap. 2. §. 1 verba leguntur, quae CASAUBONUS deinde citavit: *ἐὶ μέντοι γε λογισμοῦς — καὶ γράμματα φέροι αὐτοῦ τοῦ τῆς τραπέζης προεστίχοντος, τοῦ γε ὑπογραφέως αὐτοῦ, οὗς Σαμαρείτας καλοῦσι κ. τ. λ.* Ibi ergo, factâ mentione de *rationibus exponendis*, sermo fit de eo, qui *mensas est praepositus*, et ipsius scribae, quos *Samaritas* vocant.

(3) *Verum est*, sic scribit ROB. HUNTINGTON anno 1696 in Epistolâ ad JOH. LUDOLFUM (*Epistolâ* 33,

Samaritani igitur hoc vitae genus Constantinopoli, et in aliis Orientis urbibus agentes, divitias sine dubio collegerunt, quibus multorum lauta erat conditio (1); ac magna in res Christianorum efficacia. Quod quum aegre ferrent Imperatores, nec tamen prohibere possent, quominus Samaritani thesauros coacervarent, studuisse illi videntur, ut ipsorum haeredes ad summam egestatem redigerent, et spe, fore ut suis ipsi laboribus suam causam agerent, sublatâ, mercandi studium ipsorum enervarent.

Samaritani *agricolae*, quorum *major* pars in Palaestinâ, Syria, et Aegypto degebat, pluribus gaudebant Privilegiis, quae, ne ii tumultuarentur, ipsis videntur esse concessa. Nullo tamen modo his etiam permissum erat, ut Novella CXLIV disertis verbis declarat, aliquod Munus gerere civile vel militare, sive etiam partes agere *causarum Patroni*, *Assessoris* vel *Rhetoris*, *juventutisque Institutoris* (2). Nulli denique Samaritano eâ Lege conceditur, Servum habere christianum; eique Servo christiano, qui a Samaritano emptus sit, libertas ibidem restituitur, quae Servis samaritanis etiam promittitur, qui, Samaritanorum Cultu relicto, christianam Fidem amplecterentur.

Hae Leges igitur non modo Samaritanorum constantinopolitanorum conditionem illustrant, sed simul egregie inserviunt ad eorumdem eo tempore in Aegypto, Palaestinâ, et ubicunque ii in Regno romano orientali vixerint, res quodammodo explicandas (3). Constantinopolitanos enim non solos spectari, et res ipsa docet; et vero etiam *caesariensis* Episcopi petitio, quae, ut e Novellâ CXXIX novimus, Justinianum adegit, ut hanc ederet, quia

---

p. 49), eos (Samaritas) esse *Scribas Bashae*, seu *Publicanos*, ad telonia corradenda deputatos; quale officium exercent in Joppe, et uti audio, in Gazâ, prout *Cophiti* per Aegyptum ut plurimum, et *Judaei* per reliquum pene *Ottomannicum imperium*. Ed. ROBINSON (Tom. III. part. 1, p. 327), de Nabolosi incolis loquens, *Einer* (inquit) *von ihnen* (Samaritaner) *ist in vermögenden Umständen, und nachdem er eine Zeitlang Hauptsekretär des Mutesellim von Nâbulus gewesen, ist er einer der bedeutendsten und mächtigsten Leute des Ortes geworden. Er war kürzlich in seinen Einfluss bei dem Gouverneur durch einem Kopten verdrängt worden, und nahm jetzt nur die zweite Stelle ein. Er hiess EL-'ABD ES-SAMARY.*

(1) Sic intelligitur melius Sabae petitio, a Justiniano impetrantis, ut Ecclesiae in seditione anni 529 devastatae, partim ex aerario, partim ex Samaritanorum facultatibus restituerentur. Vid. CYRILLI Scythopolit. *Vita Sabae*, in JOH. BAPT. COELENII, *Eccl. Gr. Monum.* Tom. III; p. 346 seq.

(2) De variis Muneribus judicialibus, et conditione institutionis, vid. von SAVIGNY L. l. 1 Bd. p. 47 seqq., et p. 395 seqq.

(3) Magis haec illustrantur verbis Viri Consultissimi, modo dicti, quibus declarat, quam late pateret earum Legum vis et auctoritas. *Der Theodosische Codex* (inquit in *Geschichte des Röm. Rechts*, I Bd., p. 63) *obgleich er für beide Reiche als Gesetz angenommen wurde, war doch in Constantinopel, und zunächst für das östliche Reich verfasst worden. Noch mehr waren Justinians Rechtsbücher bloss für den Orient bestimmt, und die projectirte Eroberung von Italien konnte wohl keinen Einfluss auf die Auswahl für diese Rechtsbücher haben.* Cf. etiam, *ibid.* p. 398.

testatus erat Episcopus, Samaritanos meliores factos esse, et hos quietos se gessuros esse, ipse sponderat. Deinde illud declarat mandatum ei Novellae insertum, hanc in *Provinciis* per consueta Edicta publicandi.

Minime autem miramur, Samaritanos in Legibus adeo indigne habitos, perinde atque Judaeos, publico contemptui expositos fuisse, cujus rei indicium etiam historia Regni justiniani offert. Ortà nempe seditione anno Regni ejus 5º, *Prasini* ab adversariis *Judaei*, *Manichaei*, et *Samaritae* nuncupabantur (1).

§. 7.

*De Samaritanorum Studio Literarum.*

Exposità quaestione de locis, ubi Gens samaritana vixerit, ante quam ad Historiam sigillatim exponendam pergimus, videamus, quid de rebus suis ipsi scripserint, utque haec disquisitio rite instituatur. paucis disseramus de Studio universo, ab eo Populo variis temporibus in Literis collocato.

*Priscos Judaeos* Literis multum operae navasse, Libri testantur V. T., tum *soluto*, tum *ligato* sermone conscripti. *Reliquos veteres Hebraeos* Literarum Studio minus inclarusse, quoniam *pauca* tantum monumenta hodie supersunt, statuere non licet. Carmen v. c. *Deborae*, *Vaticinia Hoseae*, et fortasse Canticum Canticorum dubitare non sinunt, quin alia etiam Scripta in Regno ephraïmitico edita sint. Nec mirum est, haec paene omnia periisse. Meliore enim et erudità hujus Regni civium parte in Assyriam abductà, ac novis Colonis, quorum *primo* post adventum *tempore* non interesset Scripta servare hebraïca, in abductorum locum translatis, et cum Indigenis superstitionibus, iisque parum doctis, conjunctis, fieri aliter non potuit, quin Opera antiquioris aevi, nisi inter Judaeos haec propagata essent, omnia fere oblivioni traderentur. Neque Judaei pleraque Israëlitarum Scripta, quibus aliquando usi fuerint, diu servasse videntur. Haec, ut permulti Libri judaïci, quia sensus li spirarent, temporum decursu improbatos, a Cultûs mosaici socii seposita, remota, perdita sint.

Literarum hebraïcarum Studium una cum Regno everso in mediis X Tribubus extinctum, non prius iterum excitatum fuerit, quam judaïcus Jahves Cultus apud Samaritanos constitutus, et Pentateuchus ab iis recepti essent. Haec saltem Sacrorum emendatio magnae sine dubio efficaciae fuit in animos eorum, qui eum Cultum amplecterentur. Quid Gentium Cultum]profitentes *antiquioribus iis temporibus* in Literis colendis praestiterint, latet. *Recentiori* aetate ex iis Viri nonnulli (ut observavimus supra p. 49) inclarusse runt Literarum laude insignes.

---

(1) Conf. THEOPHAN. *Chronograph.*, p. 155, ed. Bonn. I; p. 280.

Literarum Studium, inter Jahves cultores resuscitatum, primum praesertim, quia Judaei praecipui ejus Studii erant auctores, judaeo colore tinctum erat; quam notam illud deinde nunquam prorsus missum fecit. Judaeos nempe Samaritani imitari non desierunt. Studia tamen hujus Gentis, ingenium ipsi proprium, et characterem nativum postea magis magisque retulerunt, et servarunt per varias Gentis, diversis Dominis subjectae, vicissitudines, quae vim singulae item suam in ea Studia exeruerunt.

Tres nimirum in Historiâ Samaritanorum literariâ distinguuntur periodi. *Prima* est a condito Templo garizimitano ad principatum, quem Romani in Palaestinâ obtinuerunt; *secunda* inde ad tempora Islamismi, ibidem constituti; *tertia* seculis continetur, quibus Samaritani Moslimorum Imperio subjecti fuerunt.

*Prima* periodus Operibus conspicua est, Dialecto samaritanâ conscriptis, omnibus fere deperditis. Quae inter fuerint tum *Hymni*, cujusmodi Hizqiae, Pontifici cuidam, Alexandri magni aequali, tribuuntur (1), et quibus Cultum, paulo ante in Monte garizimi instauratum, exhilarare voluisse videtur; tum etiam *Chronicon* quoddam, historiam Gentis enarrans, quo Auctor *libri Josuae* fonte usus fuerit in *majori* hujus Libelli *parte* conscribendâ. Superest tantum ex eâ periodo *Versio samaritana* Pentateuchi hebraeosamaritani (2), Christi circiter aetate conscripta, et ante seculum tertium post Christum in *Aegypto* fortasse, *graece* reddita (3).

(1) *Act. Lips.* anni 1691, p. 169.

(2) Primum edita est a MORINO in *Polygl. pariss.*, deinde emendatius in *Polygl. lond.*, a Ba. WYKXO. De eâ exposuerunt praeter alios, in primis G. GRESNIUS in *Comment. de Pent. Samaritani origine, indole, et auctoritate*, Hal. 1815; deditâ operâ G. B. WYKX, *de versionis Pentat. Sam. indole*, Lips. 1817.

(3) *Conf. Orientalia*, Tom II, p. 116. Opinatisunt nonnulli Auctorem Versionis samaritanae *Paraphrasi Ongelesi*, et graecum Pentateuchi samaritani Interpretem *alexandrinâ* *Versione* usos esse. Haec sententia, nondum satis investigata, et digna, quae accuratius perpendatur, minime vero abjiciatur, ut WYKX l. l. p. 64 recte animadvertit, ob *odium*, quo Samaritani Judaeos persequabantur. Quod ut probaret, WYKX jure monuit, Abū-Saïdum in *Versione* arabico-samaritanâ conscribendâ, *Versionem* arabicam *Judaei* Saadiae contulisse. Praeterea addere potuisset, Samaritanos *Versionem* Saadianam revisam per longum tempus non modo *ante*, sed etiam *post* quam *Versio* Abū-Saïdi propagata erat, legisse. Samaritani scilicet, odio isto licet imbuti, a *Judaicis* tamen recipiendis nullo modo abhorrebant. Quot si receperunt *traditiones* judaeas! Cum *Dogmatibus judaïcis* item nonnulla placita sua antiqua temporum decursu permutarunt. *Ritus* porro ipsorum *sacri*, paucis exceptis, Cultumne judaïcum prorsus referunt? *Proclive* potius dicatur Samaritanorum ingenium ad ea a Judaeis mutuanda, quae notas Cultûs samaritani characteristics non delebant? Ejusque rei causa est in promptu. Judaei potissimum Cultûs mosaïci studium inter Samaritanos primum exilarunt, eumque Cultum constituerunt. Deinde per longum tempus permulti Judaei ad Samaritanos migrarunt. Et Samaritanorum *Moderatores* quique sagaciores cur



*Secundā* enim periodo *græce* etiam scribere coeperunt, quod ex indicis etiam, quæ in Libro Josuæ obvia sunt, apparet. Græcorum tamen Scriptorum pauca fragmenta modo servata sunt. DOSITHEUS eā periodo item floruisse videtur, quem Simonis Magi Coævum, Sectæque *Dositheorum* conditorem fuisse, ac multos Libros conscripsisse, ferunt (1).

Plura monumenta supersunt ex *tertiā* periodo, quam *arabicam* appellare licet. Moslimis enim dominantibus, Literarum Studium, cujus amore ii flagrabant, inter Samaritanos iterum resuscitatum est, cum eoque, ob vulgarem usum Linguae arabicae, arabice item scribendi mos in dies magis invaluit. Vixerunt eo tempore multi Viri, variā eruditione clari, quorum plura etiam Nomina et Scripta jam certo innotuissent, si in his explorandis eādem, quā in Codicibus Pentateuchi anquirendis, diligentia usi fuissent. Duo v. c. commemorantur Viri, quorum uterque Commentarium in Pentateuchum conscripsit; alter Çadaqa-ben-Manga-ben-Çadaqa (2), Philosophus, ut dicitur, Poëta, et Medicus celeberrimus,

meliora a Gente cognatā adoptare subinde dubitassent? Talia vero aliquando introducta, atque usu deinceps sancita, *severiores* inter eos in seii fere tandem probabant. In Dogmata denique explicanda, modificanda, et mutanda, magnam vim exeruerunt tum *temporum progressus*, tum *variae* Gentis *vicissitudines*, quibus etiam effectum est, ut Moslimorum v. c. dominio subjecti, Samaritani ab his etiam quaedam reciperent, quæ ad Arabes a Judæis transiissent.

His scriptis, incidi in conspectum Dissertationis, quam FRANKZ praelegit Sociis primi conventūs Orientalistarum, cujusque titulus est: *Ueber die Zeit der frühesten Uebersetzer des A. T.* Contendit, Versionem samaritanam Pentateuchi hebraeo-samaritani post Mohammedem demum conscriptam esse, quum Lingua arabica magnos jam progressus fecerat per terras a Moslimis expugnatas. Hanc sententiam ideo amplectitur, quia in hac Versione multos invenit arabismos et dictiones, quæ arabicam Linguam eo tempore tritissimam fuisse ostendant, cujusmodi neque in Targumim, neque in Midraschim, neque in Talmude reperiuntur. (Vidd. *Verhandlungen der ersten Versammlung deutscher und ausländischer Orientalisten*, Leipz. 1845. 4<sup>o</sup> p. 10).

(1) Vid. H. REZLAND. *Diss. Misc.* II, p. 15. In Operibus DOSITHEI fortasse fuit *græca*, quam dixi, *Pentateuchi Versio*. Sic nimirum intelliguntur quodammodo *querelæ de DOSITHEO, Mosis Octateuchum* (?) *innumeris fere in locis adulterante*, de quibus loquitur EULOGIUS alexandrinus apud PHOTIUM (in *Biblioth.*, cod. 230); vid. GESSE. *de Pent. Sam. origine* cet. p. 15. Quo facto idem fere DOSITHEO accidit, quod HIERONYMO, quem ipsius aequales, ac si in Versione latinā parandā fraudibus usus esset, calumniabantur. Quantopere similem ob causam nonnulli Romano-catholici Protestantes criminati sint, notum est!

(2) Commemoratur hic Vir in Ibn-Abi-Oçaiбия (ابن أبي أصيبعة), mortui anno 668 (1269), Opere:

منها في طبقات الأطباء, id est: *fontes relationum de classibus Medicorum*. Scriptio منها (pro quā alii legunt ميخا, alii ميختا) nititur auctoritate, tum Codicis L. B., quem laudat VAN VLOTER *Spec. Philol.* p. 9. not. 2, tum Codicis Bibl. caesareae palatinae, quo usus est JOA. GEORG. WERNICH, in *Commentat. de Auctorum Graecorum Versionibus, et Commentariis Syriacis, Arabicis* cet. Lips. 1842, cf. p. IV, XII—XV, et p. 208. Ex loco postremo apparet Çadaqam Commentarium etiam conscripsisse in HIPPOCRATIS *Aphorismos*.

mortuus anno Higræ 620 (p. C. n. 1223), summo favore fruens Principis ex Dynastiâ Aijûbidarum, Damasci imperantis, nomine *al-Malec al-Adel*; — alter Mohaddibo 'd-dîn-Jūsaf-ben-Abi-Saïd-ben-Kalef, Medicus tum aliorum, tum etiam *Çalāho 'd-dîni*. Hic (1) Discipulus erat nobilis etiam Samaritani, Ibrahîmî, cognomine Šamsō 'l-hocamāi, sive *Solis Sapientium*; ac nepotem habebat Amino 'd-daulam Abū 'l-hasan-ben-Gazzālî-ben-Abi-Saïd, Virum non de *Medicinâ* tantum, sed de *Historiâ naturali*, et *Astronomiâ*, Scriptis bene meritum (2): quibus addi potest alius Medicus illustris, Damascenus item, Al-mowaffeq-Ja-qûb, seculo 13<sup>o</sup> florens (3).

In primis vero eo etiam tempore Studio incubuerunt *Pentateuchi*, quo nihil iis gratius, dignius, sanctius erat. Novos huic Studio animos addidit primum Versio *Sa'adîæ* judaica, quae per longum tempus inter Samaritanos quoque usu trita, et iis in locis tantum, ubi Codex judaicus a Codice hebraeo-samaritano differebat, ab Abū 'l-hasano, ut videtur, emendata erat. Haec vero emendata Versio, quia multis displicebat, Abū-Saïd in Aegypto fortasse, Pentateuchum hebraeo-samaritanum denuo arabice vertit (4); quae Versio quum temporis decursu graviter corrupta esset, revisa esse videtur ab Abū 'l-baracîto, qui praeterea Commentarium in eum conscripsit (5).

Praeter hunc duo alii etiam, ut modo vidimus, Commentarios in Pentateuchum composuerunt, hodie usque nondum repertos, si nimirum neuter eorum Auctor est, sive *ejus*, cujus partem, interpretationem exhibentem Gen. XLIX, edidit SCHNURRERUS (6), sive *ejus*, cujus fragmenta, quae partem Geneseos, Exodi, et Levitici commentantur, Cod. londinensi N<sup>o</sup>. 5481, in Museo britannico inter Libros harlejanos servato, continentur (7).

Samaritani, interpretationi Pentateuchi operam navantes, *Theologiam* non intactam reliquerunt, ad quam tractandam Arabum etiam exemplum eos excitavit. Operibus theologicis duo annumerentur Opera Abū 'l-hasanî Tyrîi, quem jam commemoravimus; prius *de Ritibus*, et *Dogmatibus Samaritanorum*; posterius *de Vitâ futurâ* (كتاب المعاد),

(1) Mortuus est Damasci anno 624. Vid. Hadji Khalifa, ed. Flüg. II, p. 463.

(2) VAN VLOTEREN l. l. p. 9—11.

(3) Vid. Abū 'l-farag. *Hist. Dyn.* p. 525, coll. 343.

(4) Hanc Versionem descripsit, utens Cod. leyd., tum VAN VLOTEREN, in *Spec. laud.*; tum etiam, aliis Codicibus praeterea in subsidium vocatis, DE SACY, qui primum *latine*, in J. G. EICHORNII *Allgem. Bibl. der bibl. Liter.* 1800, Tom. X, p. 1—176, deinde *gallice et pleniùs*, anno 1808, in *Mémoires de l'Académie des Inscriptions et belles Lettres*, Tom. XLIX, p. 1—199 de eâ disseruit.

(5) Multos hujus Commentarii locos edidit DE SACY in *Mém.* l. l., de quibus, et de emendatâ Abū 'l-baracîti Versione ipse exposui in *Oriente*. Vol. II, p. 113 seqq.

(6) In J. G. EICHORNII *Allgem. Repert.*, Tom. XVI, p. 157 seqq.

(7) Conf. GESENIJ *Anecdota Orientalia*, Lips. 1824, p. 13, coll. p. 1, 4 et 5.

ubi haec doctrina argumentis, ex Gen. IX. 5, et Deut. XXXII. 35, 36, 39 desumtis, defenditur (1). In Epistolâ, a Salāmâ anno 1820 ad de Sacyum missâ, alius Liber laudatur: *Explicatio pericopes de die quo resurgunt, ut in iudicium veniant coram Rege scientissimo* (شرح صورة يوم القيامة بين يدي الملك العلم), quem is magni facit, et ex quo idem in Epistolâ ad Senatorem Gregorium (Gregoire), anno 1810 scriptâ, hunc locum tradit: » vestes eorum non contarentur vetustate, et odor eorum erit, ut myrrha » excellens. » Auctor dicitur *Sapiens Sapientium, Vir unicus, Iudex* (العالم الديان) (2).

(1) De utroque Opere cf. GISEN. l. l. p. 13 et 14.

(2) Conf. DE SACY, *Not. et Extr.* T. XII, p. 131, coll. p. 107, et p. 122. Ex *Antiquioribus* de Samaritanorum Dogmatibus praesertim exposuerunt EPIPHANIUS (ed. Pet. I, p. 24 seqq.), et JOA. DAMASCENUS (CORNELII *Ecl. Gr. Monum.* Tom. I, p. 282 seqq.).

His jam scriptis, ad me deferbantur plagulae typis jam expressae Catalogi Codicum orientalium, qui in Bibliothecâ Instituti Regii, Amstelodami servantur, et quos descripsit cl. H. E. WEIJERS. Plagulas illas oculis perlustrans, Codicem animadverti arabicum, Opera complectentem samaritanam, accurate et copiose ibi descripta. Quae quum vidissem dignissima esse, quae ad publicam notitiam perducerentur, eorundem, post absolutam Libri Josuae editionem, typis exprimenderum consilium inii. Nunc vero, ut praecedentia suppleantur, et magis illustrentur, Opera et Auctorum Nomina breviter commemorasse sufficiat.

Cl. WEIJERS de eo MS. ibi exposuit p. 48 seqq. Est Codex N. XXVII. Anno 1680 die 27<sup>o</sup> Maji eum nactus erat (a quonam latet) CHAEUS CORNELIUS UYTENDAEK; postea in Bibliothecam delatus est WATRAVENII, ex qua eum emit WILLMERUS. Decem complectitur Opuscula.

P. 1—201 duo Opera habentur *Grammatica*. Prius posterioris est compendium, in quo tamen nonnulla, quae iudice Epitomatore in Opere majore desiderarentur, addita sunt. Operis majoris, quod exstat p. 37—201, titulus est: كتاب التوطئة في نحو اللغة العبرانية. Agit ergo de *Syntaxi Linguae hebraeae*, id est *samaritanae*. Auctor ibi dicitur قرج بن ماريث, et ab Epitomatore vocatur: ابو اسحاق شمس الحكماء. Idem ergo est, atque is de quo p. 57 locuti sumus; magni nominis (ut W. p. 55 observat, collato Ibn Abi-Oqabique Opere) Medicus, artem suam in Aula Çalâh'o'ddini olim exerceans.

2) Opus Epitomatoris, cui nomen est: هكهن هجدول [הכהן החדול] العزير بن سيدنا هكهن, qui vixerit posteriori parte seculi H. IX, inscribitur: مختصر التوطئة, et exstat p. 1—37.

3) A p. 202—220 exhibentur 12 *Capitula*, in quibus 12 *Canones grammatici* traduntur, in legendo Textu sacro hebraeo observandi, qui vero Scriptoris aetate a multis negligebantur. Titulus est: قوانین [קאנונים] المقرا; et Auctor سعيد ابو, notus ille, ut videtur, Abū-Said, Auctor arabicae Pentateuchi Versionis.

Praeterea Samaritanorum Dogmata ex aliis quoque monumentis cognoscuntur, in quibus simul conspicuum est Cultûs sacri exhilarandi Studium, quo ii pariter atque Judaei fere-

4) A p. 223—264 Libellus est *Dogmaticus*, cui titulus praefigitur: قال الشيخ الفاضل الحكيم موقف الدين صدقة الاسرائيلي الخ. Hic exponit de Doctrina Religionis, quae Dei hominisque naturam, et Cultum Illi debitum spectet. E Pentateucho haec colligit, et sigillatim disputando enucleat. Auctor ergo idem est, qui p. 57 jam occurrit, Medicus, ut WILKINS monuit, Principis 'al-Malici 'l-Ašrafi, filii 'al-Malici 'l-Ādili, Ḥalāho'ddini fratris; et mortuus est Harrane brevi post annum 620.

5) Libellus a p. 265—289 titulum habet: مقالة في ملخص شرح سور بلف املء المعلم غزال ابن الدويك. Auctor Balaqi et Bihami historiam illustrare, et in Lectoris utilitatem convertere conatur. Sectiones (פרק), nomine ex Al-qorani capitibus sumto, dicuntur سورة, collectivum سور.

6) Breve excerptum est p. 290, in quo post reditum ex captivitate summus Sacerdos עבר אל filium suum in matrimonium dedisse fertur filiae Sandallati, addito mandato, ut is Legem ipsum doceret. Videntur Samaritani nomen illud pronuntiasse עבראל, quo Pontifex illi in terram suam rediisse dicuntur in Ed. BERNARDI excerptis, quae *Actis Eruditorum Lips.* anni 1691 inserta sunt, p. 168. Illi loco haec inscribuntur: حكاية منقوله من المبسوط العبراني. Opus ergo aliquando inter Samaritanos exstitit *historicum*, in quo hujus Gentis res gestae sigillatim, et enucleate exponebantur (quae vis est vocis المبسوط), idque Opus tempore Jaqūbi Librarii, qui hunc locum, et majorem partem Codicis descripsit anno H. 893, adhuc ferebatur. Latet Operis Auctor.

7) Parvus est Tractatus (p. 292 seq.), cujus Auctor Abū-Said causas explicat, tum quae Jacobo ad Josefum in Aegyptum tendenti (Gen. XLVI. 1 et 3), tum etiam, quae Abrahamo post devictos 5 Reges, societate junctos (Gen. XV. 1), metum incusserint. P. 315 locus citatur sumtus e *Scholiis ejusdem in Decalogum*.

8) Alius sequitur Tractatus (p. 293—296), cujus Auctor latet. De 15 locis agitur, e Libris Exodi, et Numerorum, in quibus Israēlitas querelis suis Mosi et Aaroni molestias creasse, ac Deum tentasse, et divina Majestas (תקבור) se manifestasse, dicuntur.

9) Etiam est Tractatus (p. 297 seq.) ignoti Auctoris, ubi *quaestiones et responsa* habentur, cum interpretatione Pentateuchi conjuncta.

10) أبو الحسن ابن المرحوم غنائم بن الشيخ (p. 304—319), cujus Auctor dicitur: العلامة الفاضل الحكيم النفيس أبي الفرج ابن كثار. Hic collegit eos Pentateuchi locos, qui poenitentiam morumque emendationem spectant, et passim suae de his disputationi, aliorum e Popularibus suis de eodem argumento dicta inseruit. Auctor aliunde nondum cognoscitur. Ex Scriptioribus ab eo laudatis, p. 309 citatur: 1) ابن الشاعر رضي الله عنه [sic] العلامة الحكيم منجاء. Scripsit ergo tres *Commentarios in Pentateuchum*, شارح الكتاب الشريف المبسوط والوسيط والوجيز.

bantur. *Liturgias* intelligo, s. *Carmina*, aut *Hymnos*, quorum locos nonnullos, e medio sumtos, primus edidit CASTELLUS (1), integra vero 6 *Carmina*, ac duorum magnam partem GZSENIUS (2). Haec Carmina Dialecto samaritanâ conscripta, et pleraque arabice conversa sunt. *Textum samaritanum*, de cuius aetate non constat, nisi quod recentior est *Versione samaritanâ*, nonnulli existimant *Periodo arabicâ* esse antiquiorem, ac si sub Moslimorum dominio Dialectus samaritana in oblivionem prorsus abiisset. At etiamsi verum est, hanc Gentem, arabicâ Linguâ in omnibus locis Orientis, ubi illa dege-

num amplissimum, alterum mediae magnitudinis, tertium magis etiam in compendium redactum. Liber ejus, ex quo locus ibi descriptus est, titulo insignitur: كتاب الخلف المعروف بمسائل الخلاف.

2) p. 310 citatur Opus الشريعة المقدسة, فرائض الدين الجيهن, Auctore موفق الدين, diverso, ut videtur, ab Auctore p. 57 memorato. Hic enim ab Ibn Abi-Ucaibi (MS. leyd. 59, fol. 95 et 179 v.) dicitur: موفق الدين ابو يوسف يعقوب ابن ابي اسحق غنائم الدمشقي السامري. De eo locutus est WÜSTENFELD. *Gesch. der Arab. Aerzte*, p. 144, n. 239.

3) P. 314 Opus laudatur الشريعة الحافظ أمين, شرح العشر كلمات الشريعة, Auctore الشيخ الامام القدرة الحافظ أمين. الدين ابو البركات المعروف بابن حكيمه.

4) P. 315 Opus laudatur الشيخ السديد ابو سعيد, ejus Scholia citantur in Decalogum. Vid. etiam supra p. 59.

5) P. 317 Opus laudatur الشيخ الامام العلامة ابو الحسن الصوري (idem, de quo diximus p. 57), ejus verba hebraica, quae ibi traduntur, exstare dicuntur: في صلوات الصغيرة في السجدة الخامسة.

6) p. 318 Opus laudatur الشيخ غزال ابن درثا, ejus verba adducta desumpta sunt e Precatione samaritanâ.

Librarius denique, pleraque partim anno H. 892, partim anno 893 describens, erat Damascenus. In subscriptione Libelli 2<sup>i</sup> se ipse nuncupat: المملوك يعقوب بن محاسن بن عبد الله بن محاسن. الرئيس السامري الاسرائيلي الموسوي المذهب الدمشقي يعقوب — السامري اليوسفي 319, et الرئيس السامري الاسرائيلي الموسوي المذهب الدمشقي. النسب الموسوي المذهب. Eo tempore Samaritanos etiam habitasse in Vieo prope Heliopolin, cui nomen راس العين, apparet ex subscriptione Libelli 5<sup>i</sup>. Vid. WILKINS I. L. p. 60 seq.

Haec maximam partem desumsi ex iis, quae festinantius olim, et verbotenus, credo, subinde, excerpseram ex plagulis Catalogi illius, typis expressis.

(1) Passim ii obviunt, et in *Lexico Heptaglotto*, et in *Animadversionibus Samariticis*, quae *Polyglottorum Iondinensium* Tomo VI<sup>o</sup> insertae sunt.

(2) In *Anecdosis* laudatis. Usus est tam Codd. Goth., tum iisdem, quos in suos usus converterat CASTELLUS, sed foliis turbatis, quae GZSENIUS, postquam animadverterat, pleraque Carmina ad Literarum seriem esse composita, in ordinem redegit.

bat, principatum tenente, arabice loqui vel ultro coactam esse; etiamsi deinde verisimile est, indoctos Samaritanos temporis decursu arabicae Linguae ita assuefactos esse, ut hanc melius, quam sermonem avitum intelligerent, et sic constat, Eruditos in horum gratiam textui Carminum samaritano versionem arabicam apposuisse, ac Libros etiam, in his Librum Josuae, et Abū 'l-fathī Chronicon, arabice conscripsisse; haec quāvis vera sunt, minime tamen statuendum est, *oblivioni traditam* esse sub Arabum imperio Dialectum samaritanam, cujus Samaritani paulo doctiores tenaciores erant, quam ut eam missam facere possent. Hanc non minus quam Proavorum Scripturam ii quovis modo tueri studebant. Priscam *Scripturam* vindicabant *Libris arabicis* quoque, ut ex Libri Josuae Codice v. g. conspicitur, *samaritanicis Literis* scribendis. *Linguam* priscam tuebantur, Dialecto antiquā, ubi eādem utendi copia data esset, adhibendā, v. c. in Epistolis nonnullis, quas in Europam miserunt. Hanc igitur, quam in *vitā domesticā*, et *publicā* servare non poterant, Eruditi in *Rebus sacris* retinere annitebantur. Sic Carmina illa recentiori etiam aetate conscripserunt, quorum *Textus samaritani* Nabolosi fortasse diutius vixit, quam in Coetibus aegyptiis et syriacis, et praesertim Damasci, ubi *Versio arabica* ut adderetur, prius forsitan opus fuerit, quia arabica lingua non unam ob causam breviori tempore ibi invaluit, et altiores radices egit. Et vero ea Carmina arabicā Periodo antiquiora esse nequeant. Loci nonnulli id docent, qui *de Religionis doctrinā* agunt, qua de re alio tempore dicemus. Deinde, quod GeseNIUS jam observavit (1), ex *arabiciis Auctorum nominibus* id patet, ejusmodi sunt Ğafī al-Mergānī (صفي المرجاني) (2), Abū 'l-fath-ben-Jūsaf (أبو الفتح بن يوسف) (3), Ğadaqa-ben-Ismāil (صدقة بن اسماعيل) (4), Saado 'd-dīn-ben-Ğadaqa (سعد الدين بن صدقة) (5): praeter quos alii etiam Poetae laudantur, in his, Ab-Galuga (6), Jūsaf-ben-Ishāq (7), *Theologus Magnus* (8), alii.

Magna Poëseos laus iis Carminibus tribui nequit, quod GeseNIUS etiam visum est. Loci tamen non desunt egregiis sententiis, ac dictionis sublimitate conspicui. Artificiosa est compositio. Rhythmo haud neglecto, saepe, non vero ubique articulorum observatur aequalitas, in veterum Hebraeorum Carminibus saepius conspicua, sed Metrum, ut in iis;

---

(1) *Anecd.* p. 17 seq. (2) *Ibid.* p. 17, 31, 77. (3) *Ibid.* p. 17, 33, 85.  
 (4) *Ibid.* p. 5. (5) *Ibid.* p. 5. (6) *Ibid.* p. 4. (7) *Ibid.* p. 5.  
 (8) Sic GeseNIUS egregie explicuit (p. 27 et 65) voces هلي جدول. Hoc nomen p. 1<sup>a</sup> et 30<sup>a</sup> Codicis legitur, qui in Musei londinensis Libris harlejanis servatur, n. 5495. Ex cujus conspectu, quem debeo Amico doctissimo Dozyro, qui Londini morans anno 1845, cum mihi parari curavit, Carmina animadverti, quae exstant p. 1, 4, 15, 22, 23, 26 et 27, a GeseNIUS non esse edita. Ex Carminibus p. 23 primum est Carmen in Sabbathum circumcisionis, cui Carmina adduntur in laetitiis, id est in lactos dies. P. 15 exstat Carmen arabicum Poetae, qui dicitur *Al-moiteess*.

sic in his samaritanis poematibus nullum est. Saepe hic praeterea occurrit Homoioteleuton, et aliquoties Ordo alphabeticus, atque hic non modo in *versuum*, sed subinde etiam in *distichorum*, aut *tristichorum*, quibus versus interdum constant, initio. In Ordine tamen hocce alphabetico in 5 prioribus Carminibus, a GESENIO editis, Literae *gutturales*, ut saepissime item in multis vocibus samaritanis, suis locis invicem permutantur (1). Ceterum Carminum *forma externa* Psalmos V. T. universe refert, quibus tamen, et virtutibus poetiis, et sensibus religiosis, illa longe sunt inferiora. Horum autem Carminum samaritanorum specimina non tantum exstant in Codicibus, quibus CASTELLUS, et GSENIUS usi sunt, sed etiam Hymni ejusmodi *integri*, amplius ii verborum ambagibus, ac stilo fervido et tumido conscripti, et ejusmodi Hymnorum *fragmenta*, Libro Josuae inserta sunt, ubi *Hymnorum* item *fasciculus* (cap. XLVII) memoratur, qui una cum aliis Libris Hadriani aetate periisse dicitur. Hodie item *inter Samaritanos* Codices videntur superesse, Pentateuchum, Commentarios, Hymnosque exhibentes. Id nempe efficeret ex iis, quae Sacerdos samaritanus ROBINSONO anno 1838 dixit, etiam si iis dictis multa detraherentur. De multis is ad ROBINSONUM locutus est, *Precum fasciculis, Commentariis* cet., et de 300 *circiter* (*Legis*, ut videtur) *Codicibus*, qui, *Dialecto* et *Literis samaritanis* conscripti, tunc apud Samaritanos Sichemi servarentur (!) (2).

*Annales* denique, a Samaritanis conscripti, hic memorandi sunt, quorum duo Libri huc usque innotuerunt, arabice conscripti; alter *Liber Jūsae*, sive *Josuae* nuncupatus, cujus nonnulla *fragmenta*, et *universi argumenti expositio* typis edita sunt (3); alter est *Chronicon*, absolutum anno Higræ 756 (post C. n. 1355), Auctore Abū 'l-fatho. Duo hujus sunt exempla, *parisinum*, sed non integrum, et *bodlejanum*, olim HUNTINGTONI. Hujus *excerpta latina*, sed tenuia, primus paravit ED. BERNARDUS (4). *Fragmenta* nonnulla, eaque arabice postea publici juris fecerunt, tum SCHNURRERUS ex suo Cod., qui ex bodlejano fluxerat (5), additâ Versione germanicâ (6); tum DE SACYUS, et illo,

(1) Falso enim Judaei perhibent, Samaritanos literis *He, Cheth* et *Ain* carere. Sic v. c. BENJAMIN TUD., eos adiens anno 1173, in *Itinerario* ed. laud. p. 39, somniavit, haec addens, eosdem *Legem* Mosis agnoscere, *tribus iis literis exceptis*.

(2) ROBINSON *Palästina* III, p. 325 et 327.

(3) *Epitomen* totius Operis exhibuit J. H. HORTINGEK in calce *Exercitt. Antimorian*. Tig. 1644. *Fragmenta* haud pauca, sed sordide edita, et latine versa, idem Scriptis suis inseruit, in primis Libro, cui titulus est: *Smegma Orientale*, Heidelb. 1658. Nonnulla fragmenta, partim arabica cum latinâ versione, partim latine tantum versa, H. RELANDUS in *Diss. Misc.* Librum integrum ex unico Cod. leydensi, olim J. J. SCALIGERI, brevi ipse editurus sum.

(4) Edita in *Act. Erud. Lips.* anni 1691. p. 167 seqq.

(5) Vid. GSENI. *Anecd. Orient.*, p. 13 not. f.

(6) PAULUS *Neues Repert.* Part. I, p. 117 seqq., et PAULUS *Memorabiliën*, Part. II. p. 54 seqq.

et parisino Codice utens, ac gallice ea reddens (1). *Anglicam* hujus Chronici universi Versionem ex bodlejano Codice jam suscepit T. JARRET, quā editā de toto Opere melius judicare possimus.

Hocce Abū 'l-faḥḥi Opere Historia enarratur ab Orbe terrarum condito ad Mohammedem usque (2). Ab aliā tamen manu deinde, in Codice saltem bodlejano, anno 1596 conscripto, ea continuata est ad annum Higræ 898 (post C. n. 1492). Abū 'l-faḥḥus, ad Chronicon suum componendam a Silā summo Pontifice instigatus, varios Libros consuluit. In Praefatione loquitur de *Annalibus antiquis et recentioribus, hebraïcis et arabicis*, sibi ab eo Pontifice suppeditatos. Sequentes mox enumerantur: 1) *Annalium Liber hebraïcus*, sed *litteris* conscriptus *arabicis*; 2) *Annalium Liber arabicus*, sed *litteris hebraïcis*; 3) alius *Liber arabicus*, *litteris* etiam *arabicis* exaratus, cui *Liber Josuae* additus erat. Praeterea tres alios *Annalium Libros* habebat *hebraïcos*, *hebraïcis* item *litteris* scriptos, et Damasco allatos (3).

De his autem Codicibus Abū 'l-faḥḥus ita disseruit, ut vir dubium esse possit, quin *diversa Scripta* iis contineri opinatus sit. Quod si sumere licet, multum operae Samaritanos in *Historiā* conscribendā posuisse apparet. Alia ergo, praeter duo jam nota Chronica, ut aliquando in lucem proferantur, sane optandum est. Unum, a duobus illis certo diversum, CELLARIUS memoravit (4): *Liber* est, inquit *historicus, Ebraeo Rabbínico* (!) *stilo compositus, auctore SEDUNĀ* (سیدنا?), Gazensi Patriarchā. Alterum videtur citari a DE SACYO (5), *Chronicon*, nempe *arabicum samaritanum*, quod absolvitur regno Kalifae *ar-Raḡī*, et anno Higræ 322 (p. C. n. 934). Tertium novimus supra (in notā ad p. 59), titulo insignitum الميسوط العبراني, quod unum fortasse fuit ex iis Scriptis, quos Abū 'l-faḥḥus consuluit.

De alio denique Chronico fortasse sermo fit in calce Libri judaici, cui titulus est *Sefer Jūchasīn* (ספר יוחסין), sive *Liber Prosapiarum*, Auctore RABBI ABRAHAM BEN R. SCHENŪEL ZACŪT, Hispano, florente seculo 15<sup>o</sup> exeunte (6). Huic Libro R. SCHENŪEL

(1) *Chrest. Arab.* Tom. I, p. 333 seqq. (2) Cf. EICH. *Report.* Part. IX. p. 45.

(3) Conf. PAUL. *Neues Report.* l. l. p. 118 seq. — Abū 'l-faḥḥum Librum Josuae consuluisse, apparet ex Operis illius fragmentis editis, cum Codex Libri Josuae leydensi collatis. Quae enim de *expeditione Alexandri m.* ab Abū 'l-faḥḥo feruntur (vid. DE SACY l. l. p. 337 seq.), in Libri Josuae cap. XLVI eodem fere ordine, sed aliis verbis, alia brevius, copiosius alia enarrantur. Quae in Cod. leyd. desiderantur, v. g. *disputatio de Sectis samaritanis* (DE SACY l. l.), et de *græcā Pentateuchi samaritanā Versione* (ibid. p. 347 seq.), haec et alia Abū 'l-faḥḥus ex aliis fontibus hausit.

(4) *Collect.* p. 48. Addit ibid.: de quo HORTHEMUS in *Smegmate* potest consuli, qui tantummodo Relationem vocat. Locum apud HORTHEM. non inveni.

(5) *Mém. de l'Acad. des Inscr.* Tom. XLIX, p. 51.

(6) WOLF. *Bibl. Hebr.* Tom. I p. 277, et 279—282.



SCHÜLAM, qui eum suis notis instructum primus edidit Constantinopoli anno 1556 (1), locum addidit, qui duabus postremis paginis continetur, quem se alibi reperisse testatur, et verbotenus mox descripsit. *Vidi*, sic ait, in *Annalibus Cuthaeorum*, et *commemorarunt* (hi), quae in *Commentario quodam* (מדרש) *Judaeorum viderant*. Quibus dictis sequitur narratio *expeditionis*, quam *Schaubac*, *Rex Armeniae minoris* (ut ibi dicitur) *suscepisset ad Josuam*, postquam is *Canaänem expugnauerat*, *debellandum*. Haec autem summam convenit cum iis, quae in *Libro Josuae* a cap. XXVI—XXXVII de eâ expeditione feruntur; quare J. H. HOTTINGERUS (2) eundem locum Libri *Juchasin*, sed ex alio Opere judaico: *Schalschèleth Hakkabbala* (שלשלת הקבלה), id est *catena traditionis*, Auctore R. GEDALJÀ, seculo medio 16° vivente, citans, existimavit, *Annales Cuthaeorum*, ibi laudatos, ipsum esse *Josuae Librum*. Quia vero, ut HOTTINGERUS passim etiam testatur, eorum capitum argumentum ubique in compendium reductum est, ac nonnulla etiam interdum adduntur, quae in *Libro Josuae* desiderantur, alia vero alio etiam modo, quo in eo Libro, narrantur, statuendum est, vel Judaeum illum, cujus verba R. Schemüel Schülam retulit, Libri *Josuae* Codice usum esse, a Codice leydensi magnopere diverso, eumque hunc *excerpsisse*, vel *aliud Opus historicum samaritanum* eum consuluisse, cujus Auctor sive ex eodem fonte, quo Scriptor Libri *Josuae*, hauserit, sive, si hunc Librum secutus sit, eam historiam in compendium redegerit, aliisque fontibus praeterea in suos usus conversis, alia mutaverit, alia addiderit.

Num vera dixerit Schemüel Schülam, perhibens *Samaritanos hanc historiam ex Scripto quodam judaico sumsisse*, non constat. Liber judaeus ignoratur, et in Libro *Josuae* ejus rei ne verbo quidem fit mentio. Attamen si alias attendimus narrationes, eo in Libro obvias, illud non improbabile est. Ea enim, quae de *litigatione Judaeos inter et Samaritanos de Codice Pentateuchi* (cap. XLV), de *Alexandro magno* (cap. XLVI), de *Hadriani cum Sacerdote hierosolymitano colloquio* (cap. XLVII), alia, in *Josuae Libro* traduntur, maximam partem cum iis conveniunt, quae FLAVIUS JOSEPHUS, aliique Judaei de iisdem rebus retulerunt. A Samaritanis haec tantum mutata et exornata sunt, ubi necesse erat, ut hujus Gentis usibus ea accommodarentur.

Superest ut videamus, quam praestent utilitatem Liber *Josuae* et Abū 'l-fatḥi *Chronicon* in *Historiā samaritanā illustrandā*. Summis tamen labris eam quaestionem h. l. tangeamus. Nam de illo Libro deditā operā nobis disserendum est in Prolegomenis, ejus Libri editioni praemittendis: ac de Abū 'l-fatḥi opere melius demum et consummatius judicare

(1) WOLFF. l. l. Tom. I, p. 1122 et 104.

(2) *Hist. Orient.* Tiguri 1660, p. 61 seqq. Ibi tamen locus Libri *Juchasin* non ad finem usque describitur, neque etiam *ubique* cum ed. Constant. ejusdem Libri convenit.

poterimus, si *Chronicon hocce universum* ad publicam notitiam pervenerit. Editis autem *Abū'l-fathani Chronici fragmentis*, et *BERNARDI excerptis*, cum Josuae Libro collatis, magnam animadvertimus inter utrumque Libram differentiam. *Abū'l-fathus* Historiam plenius enarrasse videtur, ibique res melius etiam cohaerent. In Libro Josuae contra res *nonnullae* tantum, sed haec satis ample, exponuntur. Longa enim hic sunt temporum intervalla, de quibus altum tenetur silentium, magnaeque igitur inter res singulas, quae traduntur, sunt lacunae. Ab *Elii v. c.*, et *Samuëlis* aetate, quorum Virorum, et praecedentium temporum historia, a *Mosis* morte incipiens, in prioribus XLIV capitibus exhibetur, in capite XLV confestim transitus fit ad *Nebucadnezare*m, capite XLVI ad *Alexandrum* magnum, et capite XLVII ad *Hadrianum*. Liber Josuae ergo praeter Josuae historiam, fuse expositam, nonnisi partium praecipuarum quarundam Historiae descriptionem complectitur, quas vernaculo sermone dicas: *merkwaardige taferelen uit de Geschiedenis des samaritaanschen Volks*. Neque ea, quae de Samaritanorum rebus, post Josuae mortem traduntur, ad *Josuae Librum* primitus pertinuisse videntur, sed ut deinde ostendemus, ex aliis Libris ab arabe illius Operis Interprete ipsi addita sunt.

Diversum deinde etiam est utriusque Auctoris *scribendi consilium*. *Abū'l-fathus Historici*, sive *Annalium-Scriptoris* partes egisse videtur, arabe Libri Josuae Interpres potius *Apologetae*. Ut nimirum Arabes nonnulli, lassum dolentes Moslimorum animum, et Religionem corruptam, Libris conscribendis, splendida Islamismi initia delineantibus, ejusdem causam promovere, pristinumque ardorem denuo excitare annitebantur, — quod studium nova deinceps incrementa cepit, quum periculum accessisset, ei Religioni per bella sacra, sive *crucidata*, quae vocantur, imminens, — ita, eorum Scriptorum arabicorum exemplum secutus, arabe Libri Josuae Interpres, qui hunc Librum non modo vertit, sed ita ornavit et auxit, ut novum Opus diei possit, hoc in primis voluisse videtur, ut Cultum suum commendaret, ac Samaritanorum animos ad hunc similiter tuendum inflammaret. Itaque Josuae aetatem, inclytas Israëuitarum in Terrā expugnandā victorias, fervidumque eorum eo tempore Legis mosaicae studium, ac Reip. prosperitatem, et horrendas ob Legem postea neglectam calamitates, vividis coloribus depinxit. In his ergo describendis quam diutissime subsistit, haec traditionibus addendis exornat, et orationibus praesertim exhilarat longioribus, quibus Dei Cultum ac Legis observantiam inculcet. Quam ob causam Josuae aetatem, et tempora, ad *Elium* usque sequentia, potissimum spectans, ea quae paulo ante in Deserto facta sunt, Introductionis loco praemittit, et fata Gentis ante *Mosen* (quae *Abū'l-fathus* ab Orbis terrarum conditi initiis inde persequitur), prorsus omittit, atque ea, quae post *Elium* acciderunt, partim transit, partim, si haec cum antecedentibus comparas, levius tractat. In posterioribus hisce rebus exponendis, quae in Historiā nobis tractandā praecipue in censum veniunt, Auctor, exceptis fortasse nonnullis

sermonibus, qui ibi breviores et rariores sunt, quam in praecedentibus, minus ipse finxit, ac fontes pressius secutus est.

In hoc autem, pariter atque in Abu'l-fathi Chronico, desideratur prorsus, quae in plerisque Chronicis antiquis, ac praesertim orientalibus, frustra quaeri solet, *accurata rerum expositio*. Res exhibentur *traditione* propagatae, nec raro misere turbatae, temporumque progredientium sensui, et recentiori contemplandi normae deinceps accommodatae, ac miris insuper rebus, a Judaeis et Moslimis saepe mutuatis, sed mutatis quodammodo, auctae. Fabulae subinde inseruntur, quae quomodo oriri potuerint, is demum intelligit, qui *Traditionis* ortum, progressus et ornamenta inter Gentes minus excultas considerat, et *phantasiae* vim attendit Orientalium, qui, rerum pristinarum notiones veras non habentes, ac de Chronologiâ eorum temporum nullo modo solliciti, conjungunt, quae conjungi nequeunt, et *Historiâ proprie sic dictâ* minus delectantur, quam *fictionibus* et *Legendis*, quae dicuntur, cujusmodi WETILUS nuper edidit (1). — Nihilominus per media ista involucria *probabilis* rerum conditio aliquando pellucet; in primis in posterioribus Codicis SCALIGERI Capitibus, ubi facilius ac certius de rebus narratis judicari licet, praesertim si ipsas cum aliorum Scriptorum dictis conferre possumus: quibus in censum vocatis, *haec* non modo *illas* saepe explicant, sed ea Scriptorum dicta ex iis interdum quoque confirmantur, illustrantur, augentur. Ii autem Scriptores si de rebus Samaritanorum, ut vulgò, tacent, carendum est, ne Samaritanorum dicta temere sive repudiemus, sive recipiamus. Et sic videmus, quam necesse sit ad eorum *affensionem* indagandam, ut in fontes quos consuluerint, si fieri possit, inquiramus.

Quam gravis sit universa haec disquisitio, luculenter apparet, tum ex Pontificum Samaritanorum Catalogo, quem BERNARDUS ex Abū'l-fathi Chronico potissimum sumsisse videtur, tum ex disputatione de temporibus post Constantinum m., de quibus postea uberius locuturi sumus.

Haec reputans, quisque videt, majorem fuisse, ac jam fere ad irritum redactam esse spem, quam BRUNSIUS (2), BARTHOLDTUS (3), et MUNTERUS (4) conceperant, fore ut Historia ex iis Chronicis valde amplificaretur: ob errores vero ridiculos, et graves anachronismos, quae iis revera insunt, ipsa tamen nemo cum HENGSTENBERGIO (5) nullius pretii ducet. Aequius; licet parum consummate, de Josuae Libro jam ante locuti erant

(1) *Biblische Legenden der Muselmänner*. Frankf. a. M. 1845. 8<sup>o</sup>.

(2) *Eichm. Repert.* Tom. XIII, p. 289.

(3) *Eichm.* Tom. II, p. 871.

(4) *Die Jüd. Kriege*, p. 12.

(5) *Authentic des Pentat.* I B., p. 41. seqq.

— 67 —

**J. J. SCALIGER (1), J. H. HOTTINGER, CONSTANTINUS L'EMPEREUR, LUD. CAPPEL-  
LUS (2), et HADR. RELANDUS (3), in eo consentientes ei Libro falsis vera immixta esse,  
cumque, si recte intelligitur, multas ac varias utilitates praestare posse.**

---

(1) *De Emend. Temp.* p. 627.

(2) Horum judicia exstant in *Praef.*, quam J. H. HOTTINGER *Epitome Libri Josuae* praefixit.

(3) *Diss. Misc.* Tom. II, p. 17 seq. P. 12—16 RELANDUS suam de Libro Josuae sententiam exposuit.

## I I.

## HISTORIA GENTIS SAMARITANAE.

Ad Historiam Gentis samaritanæ enarrandam pergentes, ab eo inde tempore incipiamus, quo novi Coloni in Palaestinam deducti sunt, sive a destructo Regno israelitico. Samaritanæ Gentis Historia inde vulgo inchoatur, nec sine causa, ut quisque sentit. Teneatur modo ab *his* temporibus *totius* Gentis primordia non ducenda esse; quæ si quis ab initio indaget, ab *hebraeae Gentis originibus* incipere ipsum oportet.

Ipsi Samaritani hoc perspexisse videntur. Hi enim, ut vidimus, haud contendunt, se ex aliâ quam Judæorum stirpe ortos esse, verum unam eandemque Gentem se cum Judæis olim fuisse, affirmant. In eo tantum a Judæis dissentiunt, quod *alio tempore* Gentem scissam esse perhibent. Hujus rei auctor ab illis in utroque Chronico dicitur *Ili* (Eli). Relicto enim Monte Garizini, ubi a Josuâ Templum conditum, Cultumque mosaicum, moderantibus Sacerdotibus ex Finahasi, sive Pinehasi familiâ oriundis, perpetuo celebratum esse, fabulantur, *Eli Silentem* abiisse, Sacerdotium sibi arrogasse, et novum Fanum condidisse, facinorum vero poenas mox luisse dicitur, quum Gentes finitimæ ipsius exercitus fugarent, et Arcâ ab hostibus captâ, ac Filiis trucidatis, ipsi Patri, e sedili cadenti, cervix frangeretur (1).

Ex hisce apparet, quomodo Samaritani judaicam Traditionem in suos usus converterint, ac deditâ operâ turbaverint, hoc scilicet solo consilio, ut Culus sui, in Garizini, Monte oblatus, ac Sacerdotum suorum causam agerent. Nempe universa fere Traditio samaritana, in Libro Josuæ et Abû'l-fathi Chronico servata, originem ducit ex judaicâ, quæ post Cultum mosaicum, eo in Monte constitutum, a Judæis transfugis maximam partem in Samaritidem delata est, ubi in mediâ Gente samaritanâ temporis decursu novam quandam formam accepit. Eam ob causam animum ea ubique spirat Cultui mosaico addictum, sed Judæis exosum; utque Gentis samaritanæ causæ ipsa faveret, multa, quæ Judæorum Libri referunt, 10 Tribubus parum honorifica, partim de industriâ oblivioni data, partim ita contorta sunt, ut Cultui ea garizimitano amplius nocere non possent.

(1) Hæc habentur Libri Josuæ capitibus XLIII et XLIV.

Sic v. g. Abū-fathus (1) Sacra a Jarebamo instituta memorat, sed ante monet *Cultum mosaicum haud intermissum esse*. Et, quod bene notandum est, Rex ille non *Danem* et *Bethelam* Sacris iis elegisse dicitur, sed *Danem* et *Sebasten*. *Bethelis* nomini nomen *Sebastes* videlicet substitutum sit, ne quis *Bethelis* vocem animadvertens, *Montem sacrum* cogitaret, quem, ut Epistolae docent, Samaritani etiam *בית אל* nuncupabant.

Samaritani, qui Jahves Cultum profitebantur, Traditionem sic reficientes, ut suis ea consiliis satisfaceret simul et inserviret, omnes Judaeorum Libros, praeter Pentateuchum, necessario rejiciebant. His autem rejectis, non credibile est, nullum eos Libellum habuisse Gentis Annales complectentem, cujusmodi, Judaei, quibus illi continuo aemulabantur, ne alias Gentes dicam, possidebant. Ac profecto Liber quidam historicus, locum tenens Librorum, qui, a Judaeis *Prophetae priores* dicti, Pentateuchi erant supplementum, aliquando inter Samaritanos quoque existisse, sed mox neglectus, et tandem oblivioni traditus esse videtur. Summa enim Pentateuchi veneratio Samaritanos cohibebat, quominus eum Librum Pentateucho equipararent. Haec causa fuerit, quare nulli veterum Scriptori ipse innotuerit, ac nemo antiquorum Ecclesiae Patrum, qui de Samaritanorum rebus retulerunt, de eo locuti sint. Hoc vero Libro, aliove saltem ejus generis Scripto samaritano usus est Auctor Libri *Jūsāe*, in Praefationis, ipsi praemissae, initio testans, *Annalium Librum se arabice vertisse*.

De rebus autem 10 Tribuum Samaritani in utroque Chronico tam pauca retulerunt, ut nisi cognita haberemus, quae Judaei in Scriptis V. T. de iis tradiderunt, omnem fere earum Tribuum Historiam ignoraremus. Ac paucae hae relationes, si solae ad nos pervenissent, in quam graves errores ipsae nos duxissent! Supra dictis unum exemplum apponam, ex eo Libro desumptum, quod ad Historiam, nobis jam tractandam, viam munit. Ibi, in cap. XLV, non *Schalmanazar*, sed *Nebucadnezar*, Samariae pariter atque Hierosolymorum incolas dicitur abduxisse, et per varias regiones asportasse, ibique eos *superesse* Auctor narrat. Hujus traditionis cum aliis Samaritanorum dictis dissensus *CELLARIUM* jam offendit (2), haesitantem, quid de eo statueret. HOTTINGERUS (3) nimirum ex Codice SCALIGERI ipsum docuerat, *communem Samaritanos agnoscere (cum Judaeis) captivitatem, tam sub Nebucadnezare, quam sub Hadriano*; SCALIGER contra contendit, quod in Epistolis ipsi Samaritani affirmaverant, *gloriari eos, se post expugnatam Canaanem numquam inde migrasse*. — At de dissensu sic judicetur. Quae in priore testimonio de *Schalmanazare* (nam hic cum *Nebucadnezare* confunditur) traduntur, ut notum est, vera sunt. Ac verum item, si majorem spectas *Gentis partem*, quae in Palaestina reman-

(1), *Acta Lips.* l. l. p. 168.

(2), *Collect.* p. 26.

(3), *Enneas Diss.* p. 3k.

sit, testimonium posterius, quod tamen si Gentem univ ersam consideras, falsissimum est, et vana gloriola. Opinionem ergo, *Gentem univ ersam Palaestinam nunquam reliquisse*, quemodo copulare potuerint Samaritani eam cogitatione, *Gentem tamen abductam esse*, ex aliis ipsorum dictis, quae tamen opinionem pugnam non componunt, quodammodo intelligitur; ex quibus liquet, *Exilium* eos parum curasse, quia post ipsum sequebatur *reditus*. In eodem nempe Codicis illius capite statuitur, idque HERTINGERUS non addidit, *abductos postea in Palaestinam rediisse, et Colonos similiter in suas terras iterum translatos esse*. Idemque Abū'l-fathus testatur. *Decem Tribus* ait (1) *in Edessam, Charranem, et Ninum, Assyrius abduxit, cum Abiā Pontifice, qui, in Vasis sacris in monte Gerizim prius defossis, Legis volumen secum detulit. Anno vero 35° Abdeli Pontificis, in Terram sanctam, annuente Sauredio, redierunt tercenties mille Israēlitae cum familiis, duce Adi, filio Simeonis*. Videtis, quantopere et hic Traditio judaica vim suam in samaritanam traditionem exeruerit; simul vero, quam accurate singula definire studuerint. Quid veri tamen in iis lateat, quis dicat? Nonnulli fortasse Israēlitae, ut supra jam indicavimus p. 31, una cum Judaeis in Palaestinam redierunt, qui sive in Judaeam habitatum iverint, sive in sedes paternas reversi sint. Numerus, quem Abū'l-fathus tradit, major est quam Judaeorum revertentium, qui Ezr. II. 64, et Neh. VII. 66, fertur fuisse 42360. Atque *Adi* iste, *Simeonis filius*, quis sit, aut quomodo in traditionem irrepperit, Judaeorum Codex parum illustrat. Inter Reduces Ezr. II. 15, et Neh. VII. 20 *Adini filii* recensentur, et inter eos Ezr. VIII: 6, *Ebed filius Jonathans!*

Discrimen porro observetur in judaicae et samaritanae Traditionis, narrationibus de *leonibus*, *cladem inter Colonos edentibus*, ac de misso *Sacerdote*, qui *Cultum Dei israelitici Bethelo instauraret*. Haec leguntur 2 Reg. XVII: 25 seqq., ubi in colo 27 vocabulum *לָוִן*, ex colo sequente derivandum, omittatur. Vario modo haec alibi traduntur, et exornantur. Nomen Sacerdotis dicitur *Uzia*, et *Azarja* (2). JOSEPHUS deinde (3) non de *leonibus*, sed de *peste* loquitur. Samaritani vero, ob hanc conversionem, a Judaeis dicti *Propelyti leonum* (לְוִי־לֵאן) (4), in cap. XLV Libri Josuae, *Sacerdotis* illius, ac *leonum*, mentionem omittentes, de *frugibus* fabulantur et *fructibus*, in *Palaestina crescentibus*, *externā formā pulchris*, *intus vero corruptis, et noxiis*. *Coloni ergo*, sic pergunt, *Litteras ad Regem scripserunt. Qui, quum ex Principibus*

(1) Est versio BERNARDI in *Actis Lips.* p. 168.

(2) ABŪ'L-FARAG. *Hist. Dyn.* p. 65, coll. *Chron. syr.*, p. 25.

(3) *Antt.* IX. 14. 3.

(4) Vid. locus ABRAHAMIS apud F. J. SCHWARTZ. *Exercit. hist. crit. in utrumque Samaritan. Pentateuch.* p. 32.

*Israëliitarum cognovisset, eam esse poenam ob omissum Dei Cultum, Terrae illatam, veniam iis dedit in Patriam redeundi, Templique cum Cultu sacro restaurandi. Quo beneficio dum Gens universa confestim utebatur, Judaei se ei adiunxerunt (1). Judaeis autem Templum hiërosolymitanum, non garizimitanum, restituere cupientibus, lis orta est Zorbabelem inter et Sanballatum, quae quum ad Regem dirimenda delata esset, Sanballati causa superior evasit. Huic ergo Terrae principatus committitur, atque, Colonis peregrinis ex Palaestina dimissis, Resp. Samaritanorum in integrum restituitur.*

Haec Samaritani, ut *Gentis suae integritatem* tuerentur! Quid autem de *Sacerdotis missione* statuendum sit, non dubium est. Variis Palaestina affligebatur calamitatibus, fame sive inopiâ, morbis, ac ferarum audaciâ, cujusmodi malis regiones bellis devastatae, ac magnâ incolarum parte privatae, vexari solent, quae vero ab incolis irae tribuebantur Numinis, in terrâ ante culti. Assyrii, his cognitis, consilium inibant quemdam e Sacerdotibus, quos abduxerant, remittendi, nobilem fortasse et principem Virum. Hic Bêthele pristinum Jahves Cultum, a Jacobamo ibi olim instauratum, restituisse videtur. Quo Cultu reducto, alia tamen Sacra, in Regno ephraïmitico quondam celebrata, minime abrogabantur. Neque etiam Idola sua missâ faciebant Coloni (2). Hi vero suis Sacris adhaerentes, haec primum cum Indigenarum Cultu conjungebant (3), ac temporis decursu huic fortasse magis magisque ita assuefiebant, ut, quum Templum Hierosolymis restitueretur, ab ipsâ cum Judaeis societate non abhorrerent.

Pleniorem, quam Samaritani tradiderunt, et sine dubio veriore, at eheu! valde tenuem Historiae samaritanæ horum temporum notitiam, *Judaeorum Scripta* exhibent. Quod ut ex dictis jam liquet, ita patet etiam, si *alia judaica Scripta* attendimus. Libros volo, qui ab EZRÂ et NEHEMÏÂ nomen habent, quibuscum Vaticinia conferantur HAGGARÏ, ZACHARJAE, et MALACHIAE.

Res gestae in his Libris enarratae quo melius intelligantur, operae pretium est Chronologiam tenere et lacunas, in Libris Ezrae et Nehemjæ obvias. Zerubbabel nimirum anno ante C. n. 538 sive 536 (secundum Ezr. I: 1 *primo* regni Cyri anno) redeundi veniâ impreteratâ, cum catervâ 42360 hominum in Palæstinam rediit. Opus Templi restituendi, ab eo inceptum, lente procedit. Intercipitur regnante Cambyse (528—522), et Smerde (per 8 menses imperium tenente). Absolvitur tandem Darii I, sive *Hystaspis* filii (522—486) anno 6° (Ezr. VI. 15), id est anno 517, s. 516 a. C. Hinc ad Ezrae adventum anni praeterlapsi

(1) Eadem fere, sed multis aucta leguntur in Chronico ABÛ'L-FATMI. Vidd. *Acta Lips.* p. 168, et in primis PAULUS *Memorabilien* II, p. 55, ubi SCHUBARZA locum arabice et germanice edidit.

(2) 2 Reg. XVII. 29—31.

(3) Conf. F. C. MOYER *Die Phönizier* I, p. 78 seq., et 342. BERTHEAU l. l. p. 366 seqq.



sunt 50, et quod excurrit, idque temporis intervallum in Judaeorum Annalibus comittitur, quo, praeter reliquam Darii I regni partem, universum continetur regnum Xerxis (486—465), et initium regni Artaxerxis Longimani, qui regnavit ab anno 465—424. *Septimo* hujus regni anno (Ezr VII. 7), anno igitur 459 sive 458, Ezra novam secum ducens Coloniam, nobilibus constantem familiis, in Palaestinam profectus est, ubi quamdiu degerit, non liquet. Verisimile est, quod JOSEPHUS tradidit (1), eum ibi ante quam Nehemja *ad Legati munere fungendum* advenerat, jam dudum mortuum esse, quia is Judaeam tunc non modo vastatam, sed Rem sacram etiam neglectam videbat. Ea vero quae, post Ezrae mortem, et ante *hunc* Nehemjae adventum in Judaeam gesta sint, non memorantur. Nehemja autem in Palaestinam remisse dicitur (Neh. II. 1 seqq.) anno 20 regni Artaxerxis Longimani, id est anno 446 s. 445. Ibi mansit per 12 annos (Neh. V. 14), ad annum nempe 434 s. 433. Deinde *post aliquot annos*, regnante tamen, ut videtur, *eodem* Rege (Neh. XIII. 6, 7), adeoque ante annum 424 in Judaeam reversus est. Perperam enim JOSEPHUS (2) contendit, Nehemjam *Xerxe regnante* (486—465) in Palaestinam versatum esse. Neque etiam *primus* Nehemjae in eam Terram adventus in id tempus cadere potest. Primus eo tetenderit *Ezrae aetate*, quem, eam Terram petentem, fortasse comitatus est. Ezra enim Hierosolymis festum agente, Nehemja verba ad populum fecisse fertur (Ezr. VIII. 10), quem a *Persarum Legato* non diversum fuisse, et Libri Auctor suspicatus est, addens, eum esse יהושפט, et alii loci confirmant. Attendamus modo rationem, quā idem Judaeos, ex Judaea in Persiam advenientes, excepit, eosque de Palaestinā narrantes audivit, ut in hujus Terrae conditionem inquireret, ac gravem, quā, auditis Judaeorum calamitatibus, afficiebatur, tristitiam (Neh. I. 2 seqq.); notitiam porro Hierosolymorum, quam habet, singula loca statim post adventum visitans (Neh. II. 13 seqq.). — Brevi post dictum festum in Aulam persicam rediisse videtur. Quo posito, Nehemja Palaestinam ter adiit.

Quaenam iis temporibus Samaritanorum fuerit conditio, ex iis Fontibus judaïcis, collatis Persarum Annalibus, jam investigemus. Samaritanis et Judaeis, sub Persarum potestate redactis, idem praeerat Satrapa, qui omnium terrarum cis Euphratem imperium primum tenebat. Huic Praefecti *minores* subjecti erant, in quibus *totius* Palaestinae Gubernator, cui Samaritani pariter atque Judaei parebant, isque *Samaritanus* plerumque fuisse videtur. Ut Judaei (3), sic Samaritani etiam, sine dubio Persis *tributa* pendebant, et in *Persarum castris*, quod de Judaeis ex Catalogo exercitus Xerxis, a CHORIBILO exhibitio (4), notissimum est, *militabant*.

(1) *Antt.* XI. 5. 5.

(2) *Antt.* XI. 5. 6—8.

(3) Ezr. IV. 13, 20; Neh. V. 5, coll. Ezr. VI. 8. VII. 24, et Neh. IX. 36 seq.

(4) JOSEPH. contr. Apion. I. 22.

De *Satrapā cis Euphratem* (פַּחַר עֵבֶר נְהַרְרָה) mentio fit Ezr. V. 3, cuius Satrapiam deinde in plures partes minores divisam fuisse, efficeret ex Ezr. VIII. 36, et Neh. II. 7 et 9, ubi de *Satrapis cis fluvium* (פַּחֲוֹת עֵבֶר הַנְּהַר) fit sermo. Regnante Dario Hystaspis Satrapa memoratur *Tatni* (תַּתְנִי), quocum (Ezr. V. 3, 6; coll. VI. 6, et 13) uno tenore alii recensentur, *primariis* certe *Muneribus* fungentes, Collegii, fortasse, sive *Diwānis* Socii, quos Satrapa in rebus gerendis consuleret: *Schetar Bōzna* nempe, et *Socii ipsorum persici* (שֶׁתָּר בֹּזְנִי (1) וְכִנְיֹתָהוֹן אֶפְרָסְכִּיָּא). Per breve Smerdis imperium, secundum Ezr. IV. 7, rebus praeerant *Bischlam*, *Mithridates* (qui etiam occurrit Ezr. I. 8), *Tabēl*, et *reliqui ipsorum Sodales* (בְּשָׁלֹם מִתְרַדְּת) (מְבָאֵל וְשָׂאֵר כְּנוֹתוֹ). Quae nomina propterea observatu digna sunt, si, quod nominum formae indicant, duo priores *Persae*, tertius vero *Syrus*, sive *Samaritanus* fuerit, et hic in illo Collegio admissus, summo Regis, *subjectis populis benigni* (2), favore usus sit. Eodem tempore *Praefectus Palaestinae* videtur fuisse aequalis Zerubbabelis, *Rehūm* (רְחֻם), *Praefectus regius* (בְּעֵל טַעֲם) dictus, et *Samariae* habitans (3), ac Scribam habens *Schimscham* (שִׁמְשָׁם). Uterque fortasse etiam Samaritanus erat, quod de *Sanballato* (סַנְבַּלָּט) item, postea *Palaestinae Praefecto*, non dubium est. Hic, *Horonita*, id est e *Bēth-Horōn* oriundus, *Samariae* etiam sedem habebat, et Ministris utebatur *Tobiā Ammonitā*, et *Geschemo Arabe* (4), quorum ille pariter, atque ipsius filius *Jokanan* uxores duxerat iudaicas, et summi Iudaeorum Sacerdotis *cognatus* dicitur (5).

*Rehūmum*, et *Sanballatum Palaestinae universae*, adeoque *Judaeae* item praepositos fuisse, ex auctoritate, quācum agebant, et ex iis, quae fecerunt, apparet. Ille Epistolam ad Regem scribit, Iudaeos Hierosolyma munientes aegre ferens, acceptoque responso, eosdem vi impedit, et coercet (6). Hic, Nehemjæ adventum non curans, suā auctoritate agere pergit (7), quin bellum in eum parat (8), a quo tum demum sibi abstinendum esse censet, ne Regem sibi iratum redderet, quum intrepidum et constantem Nehemjæ animum cognovisset, et favorem, quo is apud Regem fruebatur (9).

(1) Pers. ستار بارزانی, id est *stella splendida*.

(3) Ezr. IV. 8, 9, 17, 23.

(5) Neh. VI. 18, et XIII. 4, 5.

(7) Neh. II. 10, 19. III. 33 [IV. 1].

(2) Vid. HAZEN, *Handb.* p. 106 seq.

(4) Neh. II. 10, 19. VI. 1, et III. 33 [IV. 1].

(6) Ezr. IV. 8 seqq., 23 et 24.

(8) Neh. IV. 1 [IV. 7] seqq.

(9) De Praefectorum Palaestinensium vexationibus, incolis Judaeae illatis, etiam sermo est Neh. V. 15. Praefecti Munus tunc gerebat Sanballat, quem obiter perstringere videtur Malachia (I. 8). Sanballati injuriarum tamdiu Iudaei immunes fuerint, quamdiu Nehemja magnā sane, attamen non satis definitā potestate instructus, in Palaestinā commoratus sit.

Judaei enim, ut postea variorum Principum gratiam studioso, nec sine felici eventu, haud raro ambierunt, ita eo tempore in Aulâ persicâ hac in re multum operae sine dubio posuerunt, quum intellexissent, studuisse Samaritanos, ut ipsorum causam vario modo perderent. Et quae artes in Aulâ subinde struantur, Judaei in Libro ESTHERAE vividis coloribus tamquam in tabulâ depinxerunt. His autem Judaeorum machinationibus tribuendum est, ut Persarum Reges nobilibus ejus Gentis Viris insignia beneficia interdum largirentur, conspicua quam maxime in honore et dignitate, Zerubbabeli, Ezrae, et Nehemjae concessis, Auctoritas tamen ipsorum Judaeae terminis circumscribatur. Zerubbabel nimirum et Nehemja, si *Judaeae Praefecti* titulo ornentur, hoc ita intelligatur, ut Palaestinae tamen Procuratori, quod ex ante dictis liquet, subditi fuerint, tum etiam Syriae Satrapae, cuius item titulum Judaei iis Viris tribuere non dubitabant. Zerubbabel videlicet vocatur פַּחַת יְהוּדָה (1), et eo nomine Nehemja etiam insignitur, qui per 12 annos, ab anno inde Artaxerxis Longimani 20° ad 32um, id est ab anno ante C. n. 445—433 dicitur fuisse פַּחַת בְּאֵרְיָן יְהוּדָה (2), sive הַפָּדָה (3). A Persis ille nuncupatus esse videtur *Scheschbassar* (שֶׁשְׁבַצָר) (4), quod nomen explicari solet *Cultor ignis* (چسبانادر). Uterque titulo ornatur יְהוֹרָשָׁתָה, id est *severus* (5). Ezra tantum dicitur *Sacerdos*, et *Legisperitus* (שֹׁפֵט יְהוּדָה); ei tamen potestas erat *Magistratus et Judices* (שֹׁפֵט וְדִינָן) creandi. Magna porro eâ aetate inter Judaeos auctoritas erat *summi Pontificis*, cui Persae *Regi* ipsorum *sacrae curam*, certo manderunt. Sic uno tenore cum Zerubbabele, Josua vulgo commemoratur. Ac *populi Seniores* etiam, pristinae potestatis memores, hac uti, datâ opportunitate, non omiserunt (6).

Consideratâ *politicâ* Palaestinae sub Persis *conditione*, quasdam item Samaritanorum res, eo tempore gestas, attendamus, ac mutuam, quae iis cum Judaeis intercesserit, necessitudinem. Judaei haec etiam Libris laudatis descripserunt.

Primis, ut ex iis Scriptis videmus, post Judaeorum ex captivitate reditum temporibus, ista a Samaritanis aversio, postea omnibus fere Judaeis communis, plerosque nondum invaserat. Misera videlicet conditio, quae tunc Judaeorum erat, ut homines vulgo paratos reddit ad aliorum commercium quaerendum, et eorum in primis, qui sortem infelicem

(1) Hagg. I. 1, et II. 2 et 21. Hoc nomine Zerubbabel etiam insignitur Ezr. VI. 7.

(2) Neh. V. 14, coll. II. 6.

(3) Neh. XII. 26.

(4) Id liquet ex Ezr. I. 8 et V. 14, 16, ubi de *Scheschbassare* eadem, quae de *Zerubbabele* Ezr. III. 8 et 10 narrantur.

(5) *Zerubbabel* Ezr. II. 63, et Neh. VII. 63, 70. *Nehemja* Neh. VIII. 9 [10], et X. 2.

(6) Ezr. VI. 7, 8, et Neh. V. 7 seqq. *Duodecim* fortasse *Seniorum* erat *Senatus*; vid. BERTHEAU I. I. p. 393 seq.

emendare possint, ita Judaeos quoque adegit, ut societatem cum Samaritanis non missam facerent. Hanc autem Judaei eo minus evitabant, quia ipsi commercio cum Exteris assuefacti erant, ac magis etiam ei commercio in dies se accommodabant, quum multa ipsorum millia inter Gentes perpetuo versabantur, adeo ut ii, qui in Palaestinam redierant, Exteriores non modo in Judaeâ, sed ut Tyrios, *mediis Hiërosolymis* vivere sinnerent (1). Et yero cum Samaritanis, ac cum iis praesertim, qui in locis Judaeae conterminis habitabant, et si voluissent, commercium prohibere non potuissent. Neque hoc, Historiâ teste, studuerunt. In urbem *Bêthel* v. c., ubi Sacerdos ex Assyriâ remissus degerat, in urbem ergo, ante Judaeorum ex exilio reditum, incolis frequentatam, et in alia oppida vicina, multi Judaei, ex captivitate redeuntes (2), inter quos et Israëlitae fuerint (3), se convertebant, ibique etiam *Benjaminitae* una cum priscis incolis deinde vivebant (4).

Judaeis, multis in locis cum Samaritanis aliisque Exteris eâdem civitate sic conjunctis, arctior in dies cum ipsis necessitudo intercessit, unde crebra illorum cum his orta sunt matrimonia, copulata non tantum inter homines *inferioris* conditionis, sed *Principum Sacerdotumque* exemplo sancita (5). Haec autem commercia et conjugia, quibus praeterea accesserit voluntaria nonnullorum Judaeorum in Samaritidem migratio, — *Sacerdotum* v. c., qui quoniam genus suum legitime probare non poterant, a Sacerdotio removebantur (6), — causae etiam fuisse videntur, cur Samaritani hand pauci ad Judaeorum Sacra recipienda propensiores redderentur. Multi eorum ad Ezrae certe aetatem, ac postea, festa Hiërosolymis celebrabant (7), Templique item intererant inaugurationi, adeo ut eorum adventus ansam dederit Sacrificio 12 hircorum, tunc immolatorum, *pro 12 tribuum numero* (8), qui a nonnullis perperam *Ritus* tantum habetur *solennis*. Nec modo Hiërosolyma et Templum ii Samaritani ut locum sacrum suspiciebant, sed Sacerdotum etiam, et Prophetarum auctoritatem ad quaestiones Rem sacram spectantes solvendas agnoscebant, cujus rei exemplum notatu dignum Zach. VIII. occurrit. Anno nempe 4° regni Darii Hystaspis, 518 ante C. n., Legati ex urbe Bethel Hiërosolyma missi esse dicuntur, rogantes, num ipsos festum, in memoriam Templi devastati institutum, quotannis celebrare oporteret. Ut locus, unde ii profecti sunt, qui est Bethel, quam urbem, ut vidimus, Judaei pariter atque Samaritani tenebant, attendi meretur, ita etiam ipsi *Legati*, et *Zachariae effata*, tunc pronuntiata. Nomina nimirum *שַׁרְיָאֵן*, Persicum *سر آفر*, sive *Princeps ignis*, et *רַגְמָן מַלְיָךְ*, id est *Amicus* [*رجل*] *Regis*) formas referunt, quas inter Samaritanos, potius quam

(1) Neh. XIII. 16. (2) Ezr. II. 25—28, coll. Neh. VII. 29 seq. (3) Ezr. II. 59 seqq.  
(4) Neh. XI. 31 seqq. (5) Ezr. IX et X. Neh. VI. 17, 18; XIII. 23 seqq., coll. Mal. II. 10—16.  
(6) Ezr. II. 61—63, Neh. VII. 63—65.  
(7) Ezr. VI. 21, coll. Neh. X. 28. (8) Ezr. VI. 17.

inter Judaeos usitatas esse conjiceres, adeo ut *Samaritani* fuisse, et *Samaritanorum* maxime nomine locuti esse videantur. Nam, licet fatendum sit, Judaeos etiam; in his v. c. Zerubbabelem, peregrina subinde nomina habuisse, haec potius *cognomina* existimentur, iis tributa a Regibus, quorum auctoritate splendidum Munus gererent, sive in quorum Aulâ versarentur; quem morem viginisse ex Dan. I. 7. efficere possumus. *Samaritanorum* nomine potissimum verba fecisse illos Legatos, praeterea verisimile est ex *dictis* Zach. VIII. 20 seqq., quae eodem etiam tempore enunciata, cum praecedentibus, et cap. VII arcte cohaerent. Ibi Propheta, Bethelensium adventum fortasse respiciens orationi finem imposuit, promittens fore, ut *Gentes, ac multarum urbium incolae adveniant, utque alii alios compellant, dicentes: »eamus, ut Dei gratiam nobis conciliemus!» et »ad quaerendum Deum Exercituum ipse etiam abeam!»* cet.

Dum ergo Samaritanorum haud pauci hocce cum Judaeis commercio, et interioris familiaritatis vinculo, ac Sacrorum communione cum iisdem consociati erant, inter ipsos etiam Judaeae incolae fuerunt, qui acriorem suae Gentis cum illis conjunctionem expetebant, quin ii etiam, quibus optatum fuit, ut iidem ad Sacra judaica libere admitterentur. Sic sentiebant omnes sine dubio, qui invito Nehemjâ, Sanballato obsequium praestiterunt (1); neque ab his votis alieni erant *Prophetas*, Zacharja v. c., ut ex I. I. apparet, et praeter eum certo item alii, Gentes, si Israëlitarum mores et Sacra assumerent, in Populi sui societatem libenter admittentes (2). Praeter *Prophetas* alii etiam Viri, summâ auctoritate et dignitate florentes, Samaritanorum causam inter Judaeos alacriter vindicabant. In his Sacerdotes, qui peregrinas duxerant uxores, omniumque Sacerdotum Princeps, *Eljaschibus*, qui Tobiae Ammonitae, ipsius *consanguineo*, sacrum Templi conclave habitandum concedebat (3), et cujus filius *Jojada* cuidam ex filiis suis permittebat, ut cum Sanballati filiâ matrimonium iniret (4).

Alii tamen Judaei aliter prorsus statuebant. Permulti inter eos, qui in Palaestinam redierant, *Sacerdotes* erant et *Levitae*. Quia Rebus ii sacris olim intenti fuerant, et ex iis victum habuerant, eorum potissimum sors in Babyloniâ miserrima fuerat, iisque ergo reditus in Patriam, ac Sacra restaurata quam gratissima erant. Horum igitur plerique cum pristina lautâ conditione, *pristinam* etiam *auctoritatem* recuperare studebant. Omnes, qui hanc infringerent, illamve imminuerent, odio habentes, et alias Gentes Judaeis multo

(1) Neh. VI. 10—14.

(2) Sic nempe statuebat is, qui loquitur Zach. XIV. 16, et Jes. XVI. 1—8. Porro Ezechiel (Conf. cap. XIV. 16. XIV. 7. XLVII. 22, 23), alii. De mitioribus erga Peregrinos sensibus, qui Israëlitis, Jahven colentibus, ante abitum in captivitatem, proprii erant, cf. LUXEMBURG, *Kenden* I, p. 490 seqq.

(3) Neh. XIII. 4, 5.

(4) Neh. XIII. 28.

inferiores opinantes, Peregrinorum imperium ipsi aegre ferebant, ac samaritanis Persarum Magistratibus continuo se opponebant. Nefandum iis videbatur cum immundis istis omne consortium, ac Civitatem securam, et semet ipsos favoris divini certos esse credebant, si modo Ritus sacri, ac Legis Praecepta diligentissime observarentur. Sic *plerique* judicaverint Ministri sacri, praecipui partium Samaritanis inimicarum Patroni. His partibus multi sine dubio adhaeserunt Viri probi, Patriam, Gentem, Religionem avitam vere amantes. His vero displicuerit furor fanaticus, quo nonnulli in alios saeviebant, iique certo mores Sacerdotum corruptos improbarunt, quos Malachia, Nehemjae fere aequalis, acriter perstrinxit, avaritiam notans, quâ isti Cultum Dei, ac suum ipsi Munus in contemptum adduxerant (1).

In hoc rerum statu quid Samaritanorum Primores fecerint, facile quisque assequitur. His, penes quos sub Persis totius Palaestinae principatus quidam fuerit, omnis conatus suspectus erat, quo aliquam ipsius partem Judaei vindicare sibi studerent. Itaque Judaeis, Templi renovandi veniam nactis, hanc fortunam non invidebant, si illud modo una cum ipsis aedificarent, ac deinde commune haberent. Quod quum Judaei, pleno ejus dominio se privari aegre ferentes, recusassent, illi quovis modo impedire conabantur, quominus Aedes sacra absolveretur (2). Iis autem Samaritanorum conaminibus ipsa tempora, et locorum opportunitas mirifice favebant. Omne fere lignum, quo in Templo aedificando Judaei uterentur, per Samaritidem transvehendum erat. Quod cohibere, difficiliusve reddere, quàm facile erat Samaritanis! Praeterea hi in suos usus converterunt sine dubio Judaeorum animi lassitudinem, quam mora diuturna creaverat. Multi nempe Judaei jam satis habebant, si locum sacrum qualemcunque, in quo Cultus fieri posset, sibi parassent. Alii probe perspicientes, novum Templum antiquo multo fore inferius, de Templo etiam quod Sacris tamen *aptum* esset, extruendo prorsus desperabant (3). Magnates, tempus huic rei idoneum nondum adesse simulantes, suis ipsi commodis consulere, atque ornatas domûs aedificare sibi malebant (4). Ac revera ad opus bene perficiendum opes requirebantur immensae, majores pro magnâ, quâ tunc Judaea premebatur, paupertate (5). Quae rerum angustia ita augebatur funestâ pluviae inopiâ (6), ut agri per longum tempus inculti jacerent, aut messis esset exigua (7), quam hostes insuper saepe perdebant.

Samaritani, his aliisque locorum temporumque opportunitatibus astute callideque utentes, prohibere tamen non potuerunt, quominus Templum post 21 annos absolveretur. Quo tandem condito, Hiërosolyma, aemulorum sedes, deinceps dilatata magis, et ornata,

(1) Mal. I. 6. seqq. II. 8, 9. III. 3, 4.

(3) Hagg. II. 4.

(6) Hagg. I. 10, 11.

(4) Hagg. I. 2—4.

(7) Hagg. II. 17.

(2) Ezr. IV. 1 seqq.

(5) Hagg. I. 5.

majorem in dies Samaritanis invidiam excitarunt. Sic intelligitur, quam jucundus his postea fuerit ante Nehemjae adventum, ruderum adspectus; neque miramur indefessum ipsorum studium, quo cavere conabantur, ne urbs restitueretur, praesertim vero ne haec moenibus cingeretur.

In tali rerum judaicarum conditione Samaritanis facillimum erat mediis etiam Hiërosolymis partium sibi propitiarum vim corroborare. Judaei enim, quibus Hiërarchiae austeritas displiceret; ii porro, qui a Ministris sacris abhorrerent, Sacra negligentibus, ac vili haec avaritiâ odiosa reddentibus, alii denique, quos rigida nonnullorum severitas, et Magnatum vexationes exacerbassent (1), quorumnam ii patrocinium, societatem, clientelam peterent potius, quam Samaritanorum? Horum auctoritatem Judaei adversarii suâ ipsi agendi ratione inviti confirmabant. Ezra, ecce! precibus primum populo suadere conatur, ut quisque peregrinas uxores dimittat; ac felici successu, quo eo usque gaudebat, elatus, solennem populi conventum indicit, *intra triduum mediâ saeviente hiëme* Hiërosolymis habendum, quin absentibus *Exsili* poenam minatur. — Habetur conventus, sed gravi imbre interruptitur. Res igitur Duumviris, eodem, quo Ezra ferebatur, furore agitata, gerenda committitur. Duobus sociis adjuti, hi terram peragrant, peregrinarum mulierum catalogum conscribunt, et intra 3 mensium spatium redeunt (2).

Res ita praecipitanter peracta, quo pauciores Judaeis fructus tulerit, eo magis Samaritanis profuit. Catalogus eorum, qui exteras uxores dimiserint (3), ubi *Sacerdotes*, et *Principes* soli fortasse recensentur, summam Ezrae probet auctoritatem; simul vero exinde manifestum est, morem exteras uxores ducendi tunc valde invaluisse. Omnes contra si in catalogo nominentur, qui Ezrae voluntati obsecuti sint, horum profecto numerus haud ita magnus fuit, si *multa* reputamus Judaeorum *millia*. Complures eorum, qui Ezrae obedire nolebant, et Exsilio puniebantur, ad Samaritanos certo transierunt, iique Jahves Cultui ibi propagando egregie prodesse potuerunt. Atque alia item incrementa ex hisce cepit samaritana Respublica. Migrantes enim commercium cum cognatis in Judaeâ relictis, non omnes profecto missum fecerunt: quod Samaritanis non acceptum esse non poterat, ut utriusque Gentis necessitudinem arctiorem redderent, odiumque acuerent Hiërarchiae.

Horum Judaeorum transfugarum auxilio quomodo Samaritani usi sint, ut impedirent, quominus illi Hiërosolymorum moenia post Nehemjae adventum restituerent, memoriae proditum est. Sanballat Judaeos primum a proposito deterrebat, istud opus *rebellionem* vocitans (4); eosdem ut ab aedificando avocaret, convitiis et dictis mox lacescebat (5); persequentibus opus deinde vim inferre, et *per Judaeos inter Samaritanos degentes*

(1) Neh. V, et Mal. III. 5.

(2) Ezr. X. 5 seqq.

(3) Ezr. X. 18 seqq.

(4) Neh. II. 19.

(5) Neh. III. 33 seqq., sive IV. 1 seqq.

insidias struere cogitat (1). Tandem vero Nehemjam occidere studet. Quinquies eum ad colloquium secum habendum astute invitat; quo dolo irritofacto, nobiles Judaeos corrumpit, quin Prophetas et Prophetissam ad eum perdendum sibi conciliat (2). At frustra! Nehemja, consiliis nefariis perspectis, omnes difficultates fortiter superat, ac moenia absolvit.

Amissam auctoritatem Samaritani brevi tempore post Nehemjae abitum sine dubio recuperarunt. Quod quo melius ipsis cederet, summum Judaeorum Sacerdotem, cujus aemulatio magnâ, quâ Nehemja instructus fuerat, auctoritate excitata erat, fortasse sibi benignum reddere studuerunt. Non irritum fuisse hunc conatum, ex iis conjicere licet, quae, ut verbo jam diximus, de *Eljaschibo* narrantur (3). Ipsius liberalitas erga hominem peregrinum, reliquos etiam Sacerdotes, et magnam populi partem ad similia agenda impulit; hoc vero effecisse videtur, ut Res sacra minori cum religione administraretur (4), ac praecepta Legis a nonnullis prorsus negligerentur. Nam Nehemja, deinde in urbem redux, non modo in matrimonia cum Exteris graviter invectus est (5), sed in eos item, qui Decimas Ministris sacris tradere recusaverant (6), ac Sabbathum violare ausi fuerant (7). Nehemjâ ergo auctore, partes Hiërarchiae tunc rursus superiores evaserunt.

Hae partium contentiones, et quae postea secuta sunt dissidia, quomodo odium Samaritanos inter et Judaeos excitaverint, excitatumque in dies magis aluerint, omnes norunt. Ejus rei indicia ubique in Scriptis utriusque Gentis exstant, ex quibus nonnulla hic afferre lubet.

Ezra IV. 1 Samaritani dicuntur *צְרִי יְהוּדָה וְנִימִין*; Neh. VI. 1 *אֵיבִים*. JESUS SIRACH (8) ne *populi* quidem nomine eos dignos censet. Vocantur ab eo praeterea *ὁ λαὸς μαρδὸς ὁ κατοικῶν ἐν Σικίμοις*; eodemque fere modo postea in Testamento XII Patriarcharum: *ἔσται γὰρ ἀπὸ σήμερον Σικίμη λεγομένη πόλις ἀσυνέτων*. De loco SIRACHIDIS multis exposuit HENGSTENBERGIUS (9), recte vindicans lectionem *οἱ καθημένοι ἐν ὄρει Σαμαρείας*, lectione *οἱ κ. ἐν ο. Σηελ* repudiatâ. Locum tamen non bene explicuit, et perperam judicavit de rationibus, quae Scriptorem moverint, ut *incolas montis Samariae* memoraret. Sic scribens: *ἐν θυσίᾳ ἔθνεσι προσώχθισεν ἡ ψυχὴ μου; καὶ τὸ τρίτον οὐκ ἔστιν ἔθνος. Οἱ καθημένοι ἐν ὄρει Σαμαρείας, καὶ Φυλιστιεὶμ, καὶ ὁ λαὸς ὁ μαρδὸς ὁ κατοικῶν ἐν Σικίμοις*, — primo loco auctor nuncupat *incolas urbis Samariae*, quippe quae jam ipsius aetate [anno

(1) Neh. IV. 1 seqq., sive IV. 7 seqq.

(3) Neh. XIII. 4—6.

(5) Neh. XIII. 23 seqq., coll. Mal. II. 11 seqq.

(7) Neh. XIII. 15 seqq.

(9) *Die Authentie des Pent.* I Bd., p. 14 seqq.

(2) Neh. VI. 1—9 seqq.

(4) Mal. I. 6 seqq. III. 6.

(6) Neh. XIII. 10 seqq., coll. Mal. III. 8 seqq.

(8) Sir. L. 25 seqq.



circiter 180 ante C. n. (1)], multis Graecis frequentata, et eorum Cultu sacro contaminata erat. *Philistaeos* deinde memorat, non modo quia in mentem sibi revocabat hostilem ejus Gentis in veteres Hebraeos animum, sed ob Sacra praecipue, quae in Philistaeae urbibus tunc florebant. *Sichemitae* autem dicuntur, coll. Dent. XXXII. 21, לא עִם, et נָכַל, quia hi tunc praesertim ob Templum garizimitanum; a Johanne Hyrcano, anno circiter 130 ante C. n. demum devastatum, Judaeorum invidiam excitabant. *Urbem* autem Samariae intelligi, non vero *Terram* Samaritanorum universam, apparet tum ex dictione ἐν δευ, tum in primis ex aliis urbis in Samaritide, ex *Sichem* nempe, mentione.

Minime vero mutua utriusque Gentis simultas posterioribus temporibus imminuta est. Secundum N. T., ubi Samaritani *Judaeos apud se recipere noluisse dicuntur* (2), *Judaei item omne cum iis commercium evitabant* (3), *aquam ipsam ab iis haustam ex ipsorum vasis bibere verebantur* (4), ac *scelestissimis quibusque illos aequiparabant* (5).

Ex odio isto omnes orti sunt Judaeorum clamores de *Idolis*, quae Samaritani adorassent, et cujusmodi, ut in Talmude perhibetur, R. Ismael, per Samaritidem Hiërosolyma iter faciens, in Monte Garizimi deprehendisset (6); rumores porro de *columbae* in eodem Monte *Cultu*, ac ridiculum *Proselytorum leonum* nomen, quo, ut diximus, ABRABANIEL Samaritanos insignivit. Huc etiam pertinet *Anathema* istud famosum, quod Ezra cum Zerubbabele et Josuâ, summo Pontifice, in eosdem pronunciasse dicitur (7). Id autem, quamvis recentioris aevi ingenium referat, eâ tamen, si fides habeatur R. TANCHUM (8), aetate fictum est, quâ Judaeorum in Babyloniâ Coetus florebat. *Et describebant*, sive ille ex LIETFOOTI versione, » *exsecrationem hanc, et mittebant toti Israël, apud Babel esistenti.*» Quae si vera sint, ex iis simul conjicere licet, *Samaritanos eodem tempore ibi etiam degisse*. Alioquin enim cur Judaeis *babyloniis* traditum fuisset mandatum, quo omne cum Samaritanis commercium proscribitur, nisi sic tantum cavere voluerint, ne Judaei babylonii, in *Palaestinam tendentes*, cum illis convenirent? — Aliud denique odii istius Judaeorum in Samaritanos specimen fabulae exhibent Moslimorum de Mūsâ, quas a *Judaeis* ii mutuati sunt. In his *Vituli aurei* (Exod. XXXII) artifex, idem, ut ibi traditur, Israëlita qui ab Aegypto quodam injuriâ ante affectus erat (Exod. II. 11 seq.), — vocatur Sānirī (السامري), isque hanc ob causam ex Israëlitarum castris expulsus esse, atque deinde exsul, ferae instar, perpetuo oberrare dicitur, ab alterâ Orbis terrarum parte ad

(1) Vid. DE WETTE *Einl. ins A. T.* 5a ed. p. 433 seq.

(3) Mt. X. 5.

(5) Joh. VIII. 48. Luc. X. 30 seqq., et XVII. 16—18.

(7) Locus hebraice traditur a CELLARIO in *Collect.* p. 31 seq.

(8) Dicta ejus commemoravit LIETFOOT *Opp.* I., p. 462 seqq.

(2) Luc. IX. 53 seq.

(4) Joh. IV. 9.

(6) BASNAE L. I. I, p. 254.

alteram, dum quinque eum fugit, et viam, per quam transierit, mundam reddit; ipse vero (et sic Judaei istam Samaritanorum dictionem, quā *immundos* ipsi a se avertere student; vid. supra p. 41), ne quem suā *immunditie* contaminet, clamat, لا مساس (1).

Ab alterâ parte permulta maligni Samaritanorum in Judaeos animi testimonia, illorum Scripta etiam exhibent. Inspicite modo Epistolas, et Josuae Librum! Duo ejusmodi effata hic citasse sufficiat. Alterum ex Praefatione (in Cod. paris n. 4), arabicae Pentateuchi Versioni praemissâ, ubi, dum se ipsi vocant *Populum Dei* (أمة الله) Saadiae imprecantur: الله قبله, id est: *quem Deus debitis tormentis excruciet* (2). Alterum in notâ quâdam exstat, eidem Codici adscriptâ (3). *Deus*, ibi ajunt, *flammis* (aeternis) *addicat animum Samaritani, qui ad Judaeos defecerit*, sic arabice enuntiatum: الله يحرق روح السامري الذي عاد. Alius idem odium spirans locus legitur in Commentario in Gen. XLIX (4), eique alii haud pauci addi possent, quos tamen brevitatis causâ nunc potius transeamus, hoc modo observantes, verisimile esse, istud apud Judaeos odium acerbius fuisse quam apud Samaritanos, inter quos complures sine dubio fuerint, qui de Judaeis benignius sentirent. Ex locis nonnullis N.T. (5) id jam efficeret, tum etiam ex Samaritanorum Judaeos imitandi studio.

Nondum absolvimus, quae de Nehemjae aetate dicenda sunt. Vidimus jam, eo in Palaestinam adveniente anno regni Artaxerxis Longimani 20<sup>o</sup>, qui est annus 446 s. 445 a. C. n., sacrae Urbis muros et portas incendio deleta esse. *Foris* rudera accumulata viam ipsi intercludebant, *intus* Urbs universa devastata, et a perpaucis habitata, iique maximam partem fame exhausti, in summam miseriâ coniecti, et a Magnatibus in turpem servitutem redacti erant (6). — Quae, quaeritur, harum aerumnarum turbarumque causa fuit? Non bellum, ut videtur, *civile* Samaritanos inter et Judaeos gestum, sed *externum*, quo Palaestina vehementissime afflicta erat. At quodnam? — Bella fortasse alicui hic in mentem veniunt, a Dario I anno 490, sive a Xerxe anno 480 cum Graecis gesta: et verissimum sane est, Palaestinam tum ob ea, quae ad haec bella gerenda in ipsius

(1) Vid. G. WEIL *Bibl. Legenden der Muselm.* p. 146, 169, et 172.

(2) DE SACY in EICHH. *Allgem. Bibl.* III, p. 7, 8, et in *Mém. de l'Acad. des Inscr.* T. XLIX, p. 53 seq.; coll. *Orient.* II, p. 131 seq.

(3) *Mém.* l. l., p. 15.

(4) Vid. SCHNURER in EICHH. *Repert.* T. XVI, p. 168, et DE SACY *Mém.* l. l. p. 40 seq.

(5) Cogitemus modo *Mulierem samaritanam*, Joh. IV, *Samaritanum leprâ sanatum, ac Jesu gratias agentem*, Luc. XVII, 12, 18, *Samaritanum misericordem in parabolâ*, Luc. X. 30—37.

(6) Neh. I. 3. II. 3, 13, 17. III. 34 [IV. 2]; coll. II. 14. V. 1 seqq. VII. 4 seqq.

portibus parata sunt, tum maxime ob Exterorum eo confluentium agmina, molestis gravissimis obnoxiam fuisse (1). Bella tamen hic potissimum in censum veniunt, a Persis in *Aegyptum* suscepta, quae Palaestinae et Judaeae praesertim calamitosissima fuere. Nec adeo bellum volo a Cambyse anno 529, sive a Xerxe anno 484, sed bellum maxime sub Artaxerxe Longimano ab anno 463—456 actum, quod ergo incidit in tempus, per quod Ezra in Palaestinâ commoratus est, in quam is venit anno 7° Artaxerxis Longimani, qui annus est 459, sive 458. Aegyptiis, seditionem moventibus, Inaro, Libyae Rege, et Amyrtaeo auctoribus, Athenienses missâ classe auxiliati sunt. Memphidem Foederati ceperunt, Persarumque exercitu, cui praeserat Achaemenes, frater Regis persici, clade affecto, in *Syriam* penetrarunt. Hos vero Megabyzus, Syriae Satrapa, anno 456 in Bybli urbe obsedit, Inarumque, quum Amyrtaeus in regionibus paludosis se tueret, subegit (2).

Hoc bello saeviente, Ezra morti succubuisse, et Hierosolyma devastata esse videtur. Ezra enim profecto non permisisset, ut Magnates populum vexarent, sive, quod Nehemja adeo doluit, ut mores adeo corrumpere, et Res sacra magna detrimenta caperet. Deinde si post Urbis vastationem vixisset, ad hanc restitendam Ezra favore usus fuisset Regis persici, quo antea fruebatur, et quo deinde, postquam de Gente judaica bene meruerat, Persarumque causae in eo bello fortasse consulnerat, certo non exciderat. Aliquot igitur annos praeterlapsos esse credibile est, Ezrae mortem inter et Nehemjae adventum, per quos Civitas judaica in eum statum venerit.

Neque ex loco Neh. XII. 36 efficiatur, Ezram adventu Nehemjae fuisse superstitem, et festo, quod hic post moenia absoluta egit, interfuisse, agmenque duxisse. Verba enim **וְעָזְרָא חֲסִיפִּיר לְפָנֵיהֶם**, sine dubio glossa sunt sive Librarii cujusdam, perperam nomen *Ezrae* attendentis, colo 26° commemoratum (3), sive ipsius Libri Scriptoris, fontibus suis non bene utentis.

Praeter publicas calamitates, quas diximus, in Palaestinam, *Persis subjectam*, ingruentes, altera etiam a JOSEPHO narratur (4), de qua, quamvis temporibus, quae nondum attigimus, facta sit, hic tamen disseramus, quo melius in Samaritanorum Historiâ enarrandâ mox pergere possimus. Judâ Eljaschibi filio mortuo, Pontificatum sibi vindicat Johannes, Judae filius, ac fratrem Jesum, cui Bagoses, Dux exercitus persici, illud Munus se daturum esse pollicitus erat, occidit: quam ob causam Persarum Dux Judaeos aggreditur, Templum intrat, atque Judaeis grave tributum imponit. Haec JOSEPHUS: quibus

(1) Vid. BERTHEAU L. I., p. 397.

(3) Vid. etiam BERTHOLDT *Hist. krit. Einl.* II, p. 1032.

(2) HERKEN *Handb.*, p. 118.

(4) *Antt.* XI. 7.

alii addunt, Coloniam Judaeorum partim in Hyrcaniam ad oras Maris caspii, partim in Babyloniam traductam esse (1). — Bagoses a JOSEPHO dicitur στρατηγός τοῦ ἄλλου Ἀρταξέρξου. Sic legendum esse suadet, tum auctoritas RUFFINI, vertentis alterius Artaxerxis, tum JOSEPHO consueta dicendi ratio, res ipsi haud perspectas, in medio relinquenti. Ac parum sine dubio perspectam habuit veterum Persarum historiam. Cujusquam obscurae et turbatae JOSEPHI notitiae fuerint, ex erroribus v. c. liquet, in quos incidit, opinans, Cyrum, Darii Nothi filium, filium esse Xerxis (2), et Nehemjam anno regni Xerxis 25<sup>o</sup> Hierosolyma venisse, atque ejus Urbis moenia absoluta esse anni ejusdem 28<sup>i</sup> mense nono (3), dum haec gesta sunt regnante Artaxerxe Longimano, et Xerxes, ab anno 486 ad 465 imperium tenens, per 21 annos modo regnavit. Altera lectio τοῦ λαοῦ Ἀρταξέρξου (exercitus Artaxerxis), sine dubio falsa est, inepta quippe per se, et pleonasumum referens, quem JOSEPHUS mox scribens ὁ στρατηγός Ἀρταξέρξου, in tali dictione certo non amabat. Tertia lectio, quam RICHTERUS in textum recepit, τοῦ ἄγου Ἀρταξέρξου, in nullo Codice exstat, sed conjectura est J. J. SCALIGERI (4), quae tamen, ingeniosa licet, omni quippe Codicum commendatione carens, et quia ejus Artaxerxis nomen graece scribi solet Ἄγος, probari nequit.

Quamvis igitur JOSEPHUS Ochum non commemoraverit, et Regem, quo regnante illa, quae l. l. narravit, non cognoverit, sub Ocho tamen haec facta esse videntur. Tunc enim Phoenices et Cyprii, cum Aegyptiis juncti, seditionem moverunt. Eorum socii fuerint Judaei, Johanne Pontifice, qui hoc Munus in se suscepit posterioribus annis regni Artaxerxis Mnemonis. Expeditio, a Persis in Foederatos suscepta, bene cessit. Anno 356 Phoenices, captâ Sidone, et anno 354 Aegyptii, devicto Nectanebo II, a Persis subacti sunt. Huic expeditioni intererat fortasse et praeeerat Bagoas, qui cum Mentore, Ocho

(1) SYNGELIUS utriusque Coloniae ab Ocho abductae mentionem fecit (*Chronogr.* ed. Bonn. I, p. 486). Alii, EUSEBIUS (in *Chron.* ed. Aach. II, p. 221), SOLINUS (*Polyh.* c. 35), ONOSIUS (*Hist.* III, 7) Hierichuntis expugnationem memorantes, de Colonia in Hyrcaniam abductâ tantum loenti sunt. Ocho regnante haec facta esse verisimile est. Alio tempore haec accidisse opinatur H. EWALDUS (*Poetische Bücher* II. ed. 2ae, p. 355). At non necesse est, ut diversae sumantur expeditiones ob nomen Bagosis (ut JOSEPHUS), et Bagoas (ut Scriptores laudati scribunt) discrimen, quia JOSEPHUS nomina propria saepius corrumpit EWALDI denique sententia, putantis, historiam a JOSEPHO narratam, in regnum Artaxerxis II, sive Mnemonis incidere, graviori, quam nostra sententia, premitur difficultate, quae ex Judaeorum Pontificum successione oritur. EWALDO etiam assentitur BERTHEAU l. l. p. 399. Expeditionem tamen Bagosis quam ibi existimat sub Artaxerxe Mnemone factam esse, p. 405 distinguit a seditione, sub Ocho ortâ quâ sedatâ, opinatur, Coloniam Judaeorum in Hyrcaniam ad Mare caspium, et Babylonem abductam esse

(2) *Antt.* XI. 6, 1.

(3) *Antt.* XI. 5, 7 et 8.

(4) *Emend. temp.* p. 389.

nomine imperante, Regnum persicum *revera* administrabat (1). Is ergo idem fuerit, qui a JOSEPHO *Βαγας* nuncupatur.

Haec opinio, fateor, vix in concordiam redigi potest cum Chronologiâ, quam *Judaei* in Pontificum successione sequuntur (2). Verum non integer certo est iste eorum Catalogus. Summa enim annorum, qui a Judaeorum ex Babyloniâ reditu ad Alexandri m. in Palaestinam adventum, id est ab anno 536 ad 332, praeterlapsi sunt, est 204 annorum. Haec vero non impletur annis *omnium* Pontificum, qui ad Alexandrum enumerantur, ne addite quidem, si fieri posset, *integrò Jadduae Pontificatu*, quem is, qui Alexandro obviam profectus est, tunc adhuc gerebat. Pontificum autem annorum summa secundum Chronicon paschale, sive alexandrinum, est 190. Si igitur singulorum anni bene indicati sint, sive lacuna sumenda est, sive tempus cogitetur, per quod nullus Pontifex Judaeis praefuerit. *Illud*, collato Neh. XII. 10, 11, et 22, ubi *plures* non recensentur non verisimile est (3). *Hoc* sane probabile. Tempus fortasse 24 circiter annorum ponendum est, quibus Pontificatus, sive semel, sive saepius vacaret, v. c. post mortem Jojadae, sive Judae. Johannes nimirum annò fere 374, regnante Artaxerxe Mnemone (404—362) Pontifex factus sit. Si hic Aegyptiorum Sociorumque partibus addictus fuerit, non mirum est, Bagoam Jesu (יִשׁוּ), Johannis fratri, quo eum sibi conciliaret, Munus sacrum promisisse. Ex JOSEPHI narratione saltem apparet, Johannem eo tempore, quo Bagoas ista machinaretur, Pontificatum aliquamdiu jam gessisse. Exinde vero, quod ille successionis jus violare ausus fuerit, colligeres *ejusdem rei exempla* is etiam temporibus non inaudita fuisse.

(1) HEEREN *Handbuch*, p. 124 seq.

(2) Successionem, quam EUSEBIUS in *Chronico* commemoravit, diversam a successione, quae in *Chronico paschali*, sive alexandrino (cf. ed. Bonn. I, p. 356 seq., et p. 390) reperitur, inter se contulit SEZEXUS (*de Successione in Pontificatum Ebraeorum*, Lond. 1636 fol., p. 152). Chronicon paschale cum notitiis Codicis hebraei, et JOSEPHI dictis vulgo convenit. Hoc Chronicon PARDEAUX (*Het Oude en Nieuwe Verbond aangeeschakeld* II, p. 240 seq.) plerumque secutus est.

(3) Lacunam supplere conatus est Dr. ZUNZ (*Die gottesdienstlichen Vorträge der Juden* Berl. 1832, p. 27). Collatis nempe locis Neh. XII. 10 et 11 (ubi recensentur Josua, Jojaqim, Eljaschib, Jojada, Jonathan, et Jaddua), et Neh. XII. 22 (ubi Eljaschib, Jojada, Jochanan et Jaddua memorantur), statuit Jojadam inter et Jadduam duos vixisse Pontifices, Jonathanem et Jochananem. Sed tunc potius Jochanan ponendus esset *post Eljaschibum*, quia mox colo 23 Jochananis fit mentio, filii Eljaschibi. Haec tamen sententia non probatur dictis Josephi, ut infra videbimus, cujus, si Annalibus usus sit Pontificalibus, magna in his est auctoritas. Si autem verum est, quod ZUNZ (p. 29) conjecit, Opus Auctoris *Chronicorum*, s. כְּרֹמִיקוֹן, quod ab eodem Scriptore continuatum est in Libris, qui ab Ezra et Nehemia nomen habent, — *Nehemias Libro non absolutum fuisse* et ipsum Auctorem ante circiter 260 a. C. n. vixisse (p. 32 seq.), dolemus hanc ejus Operis partem interiisse, quia, ne alia dicam, et haec de Pontificibus quaestio, et vero historia Templi garisimitani conditi, exinde sine dubio illustrari potuissent.

De rebus Samaritanorum domesticis a Nehemjae abitu ad Alexandrum, vix aliquid praeterea innuit, quod *certo* constet. Idque eo vehementius dolendum est, quo majoris ea, quae tunc acciderint, fuerint efficaciae ad eam Gentis conditionem, in quâ aetate circiter Alexandri versabantur, parandam, et quae, illis cognitis, clariori luce item suffunderetur. Ut dicta jam docent, tempus illud, si bella cogitamus, eo tempore gesta, Judaeis pariter atque Samaritanis, sine dubio calamitosissimum fuit. Nee minus funestae fuerint utrique Genti iteratae contentiones, et discordiae. Turbas enim civiles in Judaeâ saepius exortas esse, ex dielis satis est probabile. Hae tamen Samaritanis maxime gravissimae erant, et sane frugiferae. Iis grassantibus permulti Judaei, Judaeâ relictâ, tunc item ad Samaritanos transiisse videntur. Testatur JOSEPHUS; hos Sanballati promissis incitatos, vel ultro cum Manasse in Samaritidem migrasse, et agros a Sanballato iis assignatos esse (1), atque *Συναγωγὰς* frequentata esse *ἐπὶ τῶν ἀποστασίων τοῦ Ἰουδαίου ἔθους* (2).

Continuata haec Judaeorum migratio ejus rei causa fuit, quâ sequens Historiae periodus nobilissima evasit. Templum cogito in Monte Garizimi conditum. Quod quando factum sit, accurate definire, profecto difficillimum, at h. l. deditâ operâ indagare, operae pretium est.

Exinde praecipua oritur difficultas, quod Veterum de rebus eo tempore gestis testimonia vix in concordiam redigi possint. Nam a JOSEPHO (3), quocum fecerunt EUSEBIUS (4), SYNCERUS (5), JOSEPHUS GORIONIDES (6), alii, dissentit prorsus locus Neh. XIII. 28: *וּמִבְנֵי יוֹדָע בְּדֹאֲלֵשִׁיב הַכֹּהֵן הַגָּדוֹל חָתָן לְסַנְבַּלֵּט הַחֹזִי וְאַחֲרֵיהֶוּ מֵעַל*, id est: *et ex filiis Jojadae, filii Eljaschibi, Sacerdotis summi, aliquis erat gener Sanballati, Horonitae; eum vero a me propuli.*

(1) *Antt.* XI. 8. 2.

(2) *Antt.* XI. 8. 6, quibuscum conferantur mox dicta §. 8.

(3) *Antt.* XI. 7. 2, et 8. 2, coll. XIII. 3. 4, et 9. 1.

(4) EUSEBIUS in *Chronico* perhibet anno 2<sup>o</sup> Olympiadis CXL, qui annus est 333 ante Chr., Templum Samaritanorum esse conditum.

(5) *Sync. Chronogr.* ed. Bonn. I, p. 487.

(6) JOSEPH. GORION, (qui anno circiter 940 in Italia scripsit) Ebr. II, c. 8, coll. IV, c. 4. (p. 88—90, coll. p. 264 seq.) res mirifice confundit. Praeterea FLAVIO JOSEPHO in *tempore Templi illius conditi describendo* assentiuntur, qui *aliorum* etiam Judaeorum auctoritatem sequuntur, Auctor Libri *Juchasin*, qui scripsit anno 1502 (cf. ed. Constantinop. p. 22 seq.), et R. GANZ in *צמח דוד*, in loco, quem CELLARIUS in *Exercit.* p. 25 descripsit, quocum conferri potest p. 21, ubi idem locus Libri *Juchasin* etiam existat. Cum JOSEPHO GORIONIDE, maximam partem consentit AL-MAQRIZI narratio de Templo samaritano condito, quae existat in *DE SAOY Chr. Ar.* p. 111 et seq. Arabica enim istius JOSEPHI Operis versione AL-MAQRIZI, usus est, ex qua Versioe Aethiopica Versio fluxit (Vid. *Zeitschr. f. d. Kunde des Morgenl.*, 5 Bd. 1 h. p. 200 seq.).

Opinati sunt nonnulli, ea quae ibi traduntur, a rebus, quas JOSEPHUS narravit, non diversa esse, eandemque igitur utroque loco historiam respici (1). Graviter alios contra offendit differentia, quae utrique narrationi intercedit. In Codice nimirum hebraeo *Nehemja ipse*, se illud fecisse testatur; et *Exsul*, cujus nomen reticetur, *filius Jojadae*, sive *Elyaschibi nepos* vocatur. JOSEPHO auctore res accidit *sub Dario Codomanno*, regnante ab anno inde 336; nam Sanballat Samariae praepositus esse dicitur ἐπὶ Δαρείου τοῦ τελευταίου βασιλέως. Si igitur Nehemja, tertiâ vice in Palaestinam tendens, Hiërosolyma adierit sub finem regni Artaxerxis Longimani, mortui anno 424, dissensus de tempore rei gestae est 90 annorum. *Filiae* porro *Sanballati* nomen (*Nicaso* dicitur) non modo JOSEPHUS tradit, sed etiam *Exsulis*. Hic *Manasse* vocatur, et *frater Jaddūae* [aequalis Alexandri], ac *Johannis filius*. Rem ergo JOSEPHUS paulo aliter, et multo plenius quam Codex hebraeus, enarravit (2). Qui dissensus, si alia non obstant, exinde illustrari possit, quod fonte JOSEPHUS usus sit, diverso ab hebraeo Codice, quem ipse, quia eum locum non intellexerit, fortasse non curavit. Videamus primum ex quo fonte JOSEPHUS ea hauserit.

Verisimile est, JOSEPHUM consuluisse *Annales Pontificum*, in quibus, quum Pontificum res gestae tradebantur, ea quae ab eo narrantur, et historia *conditi Templi samaritani* silentio omitti vix potuerunt. Ejusmodi Annales quin olim exstiterint, dubium non est. Quod ut efficitur ex 1 Macc. XVI. 24, ubi res gestae Johannis Hyrcani conscriptae esse dicuntur ἐπὶ βιβλίῳ ἡμερῶν ἀρχιερωσύνης αὐτοῦ, ἀφ' οὗ ἐγενήθη ἀρχιερεὺς μετὰ τὸν πατέρα αὐτοῦ; ita etiam patet ex hoc loco JOSEPHI (3): οἱ ἀρχιερεῖς οἱ παρ' ἡμῶν ἀπὸ διασχίλων ἐτῶν ὀνομαστοὶ παῖδες ἐκ πατρὸς εἰσιν ἐν ταῖς ἀναγραφαῖς. Ad hos Pontificum Annales JOSEPHO, ex sacerdotali genere oriundo (4), aliquando aditus certo patuit; atque eum ante quam *Archaeologiam* conscriberet, ipsos in suos usus convertisse, ex dictis ipsius de Pontificum successione apparet (5), ubi ab Aharone inde de multis, ut passim alibi, adeo *definite* loquitur. Non nego objici posse, JOSEPHUM ejusmodi quidem Annalibus usum esse, sed non *in omnibus* fidem ipsis esse habendam. Fasti nimirum sacerdotales, Antiochi Epiphanis aetate antiquiores (sic nonnulli fortasse argumentantur), in magnâ eo Rege Hiërosolymorum calamitate *perisse videntur*, ac novi postea ficti, ad quos componendos Judaei usi sint tum notitiis V. T., tum traditione, praesertim ubi de temporibus ageretur, quae V. T. notitiis erant recentiora. — Fraudem in istis Libris supponendis haud raro commissam esse, lubenter etiam concedo, idque et aliae Gentes probant, et vero etiam Sa-

(1) Sic nuper BERNHEU l. l. p. 401, existimans JOSEPHUM duos Pontifices confudisse.

(2) De fontibus, quibus praeter V. T. JOSEPHUS usus est, et de nonnullis rebus gestis, ab eo ex istis fontibus accuratius, quam in V. T. descriptis, vid. C. LEBERKE *Kentian* I, p. LXXI seqq.

(3) *Contra Apion*. I. 7.

(4) *Contra Apion*. I. 10.

(5) *Antiq.* XX. 13.

samaritani, qui ejusmodi Annales, quamvis ipsi in Libro Josuae fatentur, Hadriani aetate eos periisse, postea nihilominus ferunt, ab Aharone item incipientes, ac definitum numerum annorum, per quos singuli Pontifices Munere sacro functi sint, exhibentes. At hunc Samaritanorum Catalogum (de *parte* loquor, quae de *antiquioribus temporibus* agit), et Pontificum successionem, a Judaeis traditam, quis equiparet? Et quis certo affirmet Pontificum judaeorum Annales *revera periisse*? Hinc, ut alii Libri, qui ad nos pervenerunt, caute abscondi, sive, si Exemplum ipsorum, in Templo depositum, deletum sit, aliene exempla inde descripta ex communi calamitate salva evadere potuerunt? Sed si vel conceditur, quod vix concedi potest, unum modo priscorum eorum Fastorum Exemplum exstitisse, et hoc Antiochi Epiphanis aetate perditum esse, aliquot tamen in Libris V. T. notitias de *antiquioribus* Pontificibus servatas esse, videmus. Quae quoniam manifesto ostendunt, quam studiose *veteres* Judaei res ejusmodi memoriae mandarent, quare de ipsorum *posteris* aliter judicarem? Ab his igitur, si prisci Annales interierint, *brevi* postea iidem sine dubio scripto iterum consignati sunt. Quà in re subsidio esse potuerint ii, qui priscos Annales, sive integros, sive summam memoriâ tenerent. Quidquid statuatur, ex loco laud. 1 Macc. XVI. 24 novimus, Annales eos exstitisse *sub Johanne Hyrcano*, cujus Biographiae si ad annum, quo is Templum garizimitanum destruxit, ea addita fuerint, quae de historia ejus Templi *conditi* JOSEPHUS narravit, et quae vivo Johanne Hyrcano haud facile in oblivionem abire potuerunt, non video, quo jure JOSEPHI, ea narrantis, fides in dubium vocetur.

Cum dictis de Pontificum successione apud JOSEPHUM (1) fere convenit enumeratio Neh. XII. 10, 11, ubi *hoc* ordine ii recensentur: 1) יִשׁוּעַ, 2) יִיָּקִים, 3) אֶלְיָשִׁיב, 4) יִיָּדִיעַ, 5) יִוְנָתָן, 6) יִדִּיר. Ab hoc tamen loco, Neh. XII. 22 differt, ubi inter *Joadam* et *Jaddam*, memoratur יִרְמְיָהוּ. Hoc nomen JOSEPHUS etiam habet, et pro יִדִּיעַ legit יְהוֹיָדָה, cujus lectionis indicium etiam exstat fortasse in Versione alexandrinâ Neh. XII. 22, ubi pro יִדִּיעַ legitur Ἰωά, pro quo restituendum esse videtur Ἰουδά. Lectio tamen יִיָּרֵעַ, quod nomen Neh. XIII. 28 recurrit, et facile in יְהוֹיָדָה corrumpi potuit, bene sese habet. Verum יִוְנָתָן praeferendum videtur lectioni יִוְנָתָן. Libri etiam Nehemjae auctoritate illud confirmatur, ubi XII. 23 *Joadae* nomine fortasse omisso, יִלְיָשִׁיב *Eljaschibi* filius nuncupatur.

Quum igitur ex locis Neh. XII. 10, 11, 22, Catalogum exhibentibus Pontificum *ad Alexandri aetatem viventium*, manifestum est, animadversiones ei Libro inesse *Nehemjae aetate multo recentiores*, a nonnullis, in his a BERTHOLDTO (2), iis etiam an-

(1) *Ant.* XI. 7. 2, et 8. 2

(2) *Hist. krit. Einl.* II, p. 1033 seqq.



numeratus est locus Neh. XIII. 28. Primum opinabatur, vix credibile esse, *idem* fere accidisse *Nehemjae et Darii Codomanni aetate*, filium nempe Pontificis filiam Sanballati in matrimonium duxisse, eamque ob causam in exilium missum esse. Locus deinde, quem ea in eo Libro tenent, statuere ipsi suadet colon 28<sup>um</sup> ab aliâ manu esse additum. Nam non de *uno* Viro, qui ibi commemoratur, sed de *pluribus* in voce לְהִם mentio fit colo proximo, quod si refertur ad cola 22—27, ubi de *Levitis* fit sermo, nulla, omisso colo 28°, supersit difficultas. Haec BERTHOLDTUS. Quae si quis divinando exornare velit, pro וַיְבִרֵיחוּ מֵעָלָיו is conjicere possit, reponendum esse וַיְבִרֵיחוּ מֵעָלָיו et propellebat eum a se. Si vero textum ita emendare nolis, alia item conjectura praesto est, Jaddūae nempe manu hanc notam adjectam esse, ex cujus aetate Catalogus Pontificum Neh. XII. 11, 12, 22, quia is non ultra Jaddūam procurrit, certo oriundus est. Ut porro cum JOSEPHI dictis ea magis convenient, contendi posset notam initio pleniorē, postea vero in compendium redactam esse; adeo ut plenior recensio fuerit: וַיְבִרֵיחוּ מֵעָלָיו וַיְבִרֵיחוּ מֵעָלָיו; id est: et ex filiis Johanani filii Jojadae filii Eljaschibi, Manasse, frater Sacerdotis, gener factus est cet. Si denique colon 29, quia hoc differt a formulâ Nehemjae tritissimâ: וַיְבִרֵיחוּ מֵעָלָיו לְמִוְכָה; id est mei benigne memor sis, o Deus mi (1)! — si, inquam, hoc colon Jaddūae tribuis, לְהִם referri potest ad Manassen et Sanballatum, itemque fortasse ad Eljaschibum, ad quem, quoniam hic insignis Samaritanorum fautor erat (2), genealogia Manassis deditâ operâ continuata sit.

Hae conjecturae, locum Neh. XIII. 28 expendenti mihi, in mentem venerunt. Quo attentius tamen has considerabam, eo magis tum hae ipsae, tum BERTHOLDTI sententia mihi displicebant. Nemo non videt, quot mutanda sint, ut locus ille cum JOSEPHI dictis concilietur. Nullum praeterea de textûs recepti integritate dubium est. Eljaschibi deinde, cujus mentio h. l. profecto attendi meretur, et qui Samaritanis adeo benevolus erat, ut Viri eorum principis, Tobiae, cognatus esset, Templique conclave ei concederet, — quidni miremur nepotem quoque filiam duxisse samaritani Palaestinae Praefecti? Si qui sint, quibus molesta sit Neh. XIII. 28 Jojadae mentio, quippe quod exinde effici possit, ea Jojada Pontifice conscripta esse, iidemque, si fortasse opinentur Nehemjam, collato Neh. XIII. 6 et 7, solo Pontifice Eljaschibo Hiërosolymis degisse, hi reputent, fieri posse, ut vivo Eljaschibo, Jojadae filius hocce matrimonium inierit, tum etiam, ut Jojada brevi post ultimum Nehemjae adventum Patri successerit. Si nimirum Judaei tempus, per quod 4 priores Pontifices suo Munere functi sint, recte definiverint, et Josuae annos a reditu ex Baby-

(1) Neh. V. 19, XIII. 14, 22, 31.

(2) Neh. XIII. 4 seqq.

*Ioniâ* numeraverint, hic, ut ferunt Judaei, per 32 annos Rebus sacris praefuit, ab anno 536-504, Jojaqim per 30, ad annum 474, Eljaschibus per 40, ad 434, ac Jojada per 36, ad 398, ab anno ergo 31° Artaxerxis Longimani ad 4um Artaxerxis Mnemonis, Munus sacerdotale gessit. Haec igitur definitio ab iis, quae in Libro Nehemjæ leguntur, ubi hic in Palaestinam rediisse dicitur anno Artaxerxis Longimani 32° (1), parum differt; praesertim si Jojada brevi post *Nehemjæ-adventum* Pontifex creatus est, cujus rei causa fuerit Eljaschibi sive mors, sive *abdicatio voluntaria*, quâ Nehemjæ, cui displicuerit, voluntati obsequeretur (2).

Itaque, loco Neh. XIII. 28 vindicato, nec cum JOSEPHI dictis conciliato, potius statuam, Jojadae filii expulsionem, aliorumque Judaeorum et Sacerdotum ac Levitarum migrationem, Judaeorum Sacra inter Samaritanos magis propagasse, atque ansam dedisse, ut Cultus eorum in Monte Garizimi mox constitueretur. Qui si in Aede quâdam minori ante Darium Codomannum celebratus fuerit, melius sane intelligitur desiderium Templi *splendidi* eo tempore condendi. Quod si verum est, JOSEPHUS etiam nullum anachronismum commisit, tradens (3), Samaritanos Alexandrum Hiërosolymis degentem invitasse, ut ipsorum etiam *ἱερόν* adiret. *Templum* ii intelligere non poterant, cujus eo tempore fundamenta vix posita fuerint, sed *Aedem illam*, ut videtur, *antiquam*. Veniam nempe Templi aedificandi, quam paulo ante Darius ipsis dederat, ab Alexandro item impetrarunt anno 332, quum is Tyrum obsideret (4); quâ urbe expugnata Alexander Gazam, et inde Hiërosolyma tetendit. — Quare, Dario Codomanno regnante, id rogaverint, JOSEPHI narratio illustrat. Ante saepius idem quaesiverint, ac primum fortasse Artaxerxem Longimanum cum eadem petitione adierint, quem tamen, Nehemjâ illud sine dubio dissuadente, movere non potuerunt. Sequentibus Persarum Regibus annuentibus, Sacellum illud sit conditum, in eoque Cultus *quidam* judaicus a transfugis Sacerdotibus judaeis celebratus sit. Locus vero ignobilis, et Cultus ipse cum minore et splendore et religione observatus, ac brevi forsitan corruptus, desiderium aluerint Aedem ac Rem sacram refformandi, et cuncta ad exemplum Templi hiërosolymitani componendi. Novae turbae in Judaea exortae, quibus tunc accedebat animus Regis, Samaritanis benignus, iis votis egregie favebant. *Alterius* Sanballati filia Manassi, Jadduæ fratri, nubit. Seniores Judaeorum indignatione elati Manassen jubent, aut eam dimittere, aut Sacerdotio se abdicare. Neutrum vult. In exilium missus, cum amicis ad Socerum se confert. Hic a Dario Templi aedificandi veniam petit. Qua datâ, *Aedes nova* conditur, Cultus Ritui judaico jam totus accommodatur, Pentateuchus Codex sacer publice proclamatur, sollemniterque introducitur, ac Manasse primus Pontifex creatur.

(1) Neh. XIII. 6.

(2) JOSEPH. GORION. (l. l. IV. 4. p. 89) tradit, Sanballatum *generum cum Eljaschibo* Rebus sacris praeficere voluisse. Quid eum Scriptorem moverit, ut *Eljaschibi* etiam mentionem faceret, ignoro. Ex V. T. haec petere non potuit, sed ex aliis Libris judaïcis.

(3) *Antt.* XI. 8. 6.

(4) *Antt.* XI. 8. 4.

Templum igitur samaritanum, a Johanne Hyrcano anno 139 devastatum, per 193 annos fuit superstes. Quae sententia ut, si *ante* dicta tenentur, verisimilis est, ita insuper, non unam ob causam, *nondum* memoratam, se commendat.

Samaritanos non curamus, in Libro Josuae fabulantes, *Josua* illud Templum *post Palaestinam expugnatam condidisse*. Hoc tantum miramur, nomen *Manassis*, primi eorum Pontificis, ab iis non memoratum esse, nisi statuatur, aliud eum *Pontificem* nomen assumpsisse. Quo posito, observatu dignum est quod de Hizqiâ Pontifice, *Alexandri m. aequali*, in Chronico ABU'L-FATHI traditur (1), ipsum nempe *hymnos sacros composuisse*. Hic igitur, si idem sit atque Manasse, isque Cultum sacrum Ritui judaico accommodatum constituerit, hujus traditionis origo, collatis JOSEPHI dictis, manifesta est.

Existimarunt haud pauci Templum illud *centum circiter annis ante* conditum esse sub *Dario Notho*, ab anno 423—404 regnante (2). Qui hanc tuerentur sententiam, nobis objiciunt, non verisimile esse, *duos* Palaestinae Praefectos fuisse, idem *Sanballati* nomen gerentes. At reputent ii frequentem eorundem nominum usum tum per omnem Historiam, tum in Oriente maxime, quare multos iste consensus minime moratus est (3). Gravius est argumentum ex *erroribus* petatum, in quos JOSEPHUS, in Historiâ Regum persicorum alibi incidit, et quos etiam commisit, in hac Historiâ cum Dario Notho Darium Codomanum confundens (4). Efficacissimum sane hocce dubium esset, collatis insuper iis, quae p. 83 ipsi observavimus, si JOSEPHUS Templi conditi narrationem cum *solâ* persicae Historiae mentione copulasset. Cum illâ vero alias conjunxit res gestas, *Tyri et Gazae expugnationem*, et celeberrimum nomen *Alexandri*. Quodammodo id sensisse videtur PRIDEAUX (5), *alteram* Gazae expugnationem sub Dario Notho temere fingens! Attamen ne vel sic difficultas tollitur, ex *Tyri* obsidione oriunda, *quâ opportunitate* Sanballat ad Alexandrum se conferens, Templi aedificandi veniam impetravit. Cujus rei memoria, quia cum nomine adeo claro copulata erat, *inter Judaeos* haud facile in oblivionem prorsus abire potuisset, etiam si in Pontificum Annalibus ipsa non tradita fuisset. Nam sola causa, cur haec res a *Samaritanis*, aevo saltem recentiore, non servata sit, in *auctoritate* quaeratur, quam fabula de *Templi antiquitate* nacta sit, quae studiose olim, ac facillime certo post Templum eversum inter eos propagata est.

(1) Vidd. *Acta Lips.* l. l. p. 169 seq. In eodem Chronico (conf. fragmentum editum a SCHNURRERO in *N. Repert.* I, p. 120) inter Hizqiâe aequales tantum memoratur *Manasse* quidam, Legatus missus ad Ptolemaeum Lagi; is, vero] non vocatur *Pontifex*, sed منشئ الرئيس, *Manasse, Vir princeps*.

(2) Sic statuerunt PRIDEAUX (l. l. I, p. 626 seqq., coll. 465 seqq.), JAHN (*Bibl. Archäologie.* II Bd. 1, p. 278), VAN DER PALM (*Bijbel voor de Jeugd*, Tom. XVII, p. 15), alii.

(3) Vid. CELLARIJ *Exercit.*, p. 21 seq.

(4) *Antt.* XI. 7. 2.

(5) l. l. I p. 631.

Quia autem cum Templo condito arcte cohaerere videtur publica Pentateuchi hebraei introductio, ad probandam sententiam, Templum illud Alexandri aetate conditum esse, evidens argumentum duci possit ex *universâ Codicis hebraeo-samaritani ratione*. Is enim si *eo circiter tempore* cum plenâ Cultûs judaici instauratione inter Samaritanos receptus sit, ejus tum *discrimen a Codice hebraeo Judaeorum*, tum *necessitudo*, quae illi cum *Pentateucho alexandrino* intercedit, multo melius explicantur, quam si illum Codicem seculo fere ante introductum esse, statuitur.

De *antiquâ* Codicis samaritani conditione judicare quidem possumus tantum ex Codicibus non adeo vetustis, sed ex his illa satis accurate cognoscitur. Magnam enim fuisse Samaritanorum in textu aliquando recepto servando religionem, loci docent, a Patribus ecclesiasticis laudati, qui, paucis exceptis, temporum decursu Librariorum oscitantia corruptis, cum Codicibus hodieque superstitibus verbotenus fere conveniunt (1).

His dubium jam enervatur eorum, qui contendunt, haud ita magnum fuisse istud Samaritanorum textûs incorrupti servandi studium. Qui nempe contrarium statuunt, in hanc opinionem maxime ducti sunt, collatis locis nonnullis, *de industriâ* a Samaritanis corruptis. Quorum gravissimi sine dubio sunt 1) Deut. XXVII. 4, ubi voci עֵיכָל Samaritani substituerunt עֵיכָל, 2) Exod. XX. 17 et Deut. V. 21, qui ambo aucti sunt ex Deut. XI. 29 et 30, et XXVII. 2—8 (2). Hos autem aliosque locos a Samaritanis deditâ operâ mutatos et auctos esse, quis hodie neget? Et quid Samaritanorum rebus convenientius, quid his constituendis magis necessarium? Montis garizimitani sanctitatem praedicantes, Samaritani jus sibi arrogabant, quod callide sic demum tueri poterant. — Ex iis autem locis ita, ut ipsorum causam defenderent, reformatis, nihil colligi potest, quod fidem eorum in textu *aliquando recepto* integre servando in dubiam vocet. Nihil etiam ex aliis locis levioribus, Pentateucho samaritano propriis ac privis, qui Gentis *dicendi consuetudini*, ac *temporum cogitandi rationi* accommodati sunt (3). Nam *tempus* agitur, quo *textus ita correctus sit*. In eo autem definiendo non haeremus. Locos enim nonnullos si excipis, qui *temporis decursu Librariorum* culpâ corrupti sint, *graviores* supra indicatae, ac *leviores istae correctiones*, non modo *antiquissimam aetatem* referunt, verum etiam *eodem tempore*, quo Codex inter eum Populum pervulgatus sit, *eam formam omnes acceperunt* videntur. Samaritanis videlicet confestim opus erat validis argumentis, quibus causam suam tuerentur. Deinde ne quis eorum postea de Codicis corruptione quereretur, prudentia sane suadebat, ut ea prius mutarent, quam Codicem suis traderent. Samaritanos nempe textûs recepti tenacissimos fuisse, clamores ostendunt

(1) Geseh. de Pent. Sam. origine cet. p. 18.

(2) Geseh. l. l. p. 61, coll. p. 46 seqq.

(3) Geseh. l. l. p. 26 seqq.

de DOSITHEO *textum adulterante*, quum is fortasse *graecam* Pentateuchi Versionem conscriberet (1).

Correctionum earum *antiquitas* praeterea elucet, ex JOSEPHI dictis de lite quādam Judaeos inter et Samaritanos in Aegypto *coram Ptolemaeo Philometore* agitatā (2). Disputabatur de Templi hiërosolymitani et garizimitani in Sacris principatu. Quod quum Samaritani aggrederebantur, locos ii supra laudatos sine dubio ob oculos habebant. Idque, licet JOSEPHUS, de Samaritanis causam defendentibus ne verbo quidem loquens, omiserit, ita manifestum est, ut non opus sit ipsorum Samaritanorum de eā lite fabulas afferre, quae, quamvis recentiores et valde exornatae sint, argumenta tradunt, quibus suam ii sententiam probare conabantur (3).

Textus Pentateuchi samaritani tum in locis laudatis, tum in aliis innumeris, a Textu masorethico magis minusve differens, sexcenties, ubi ab hoc dissentit, convenit cum Codice hebraeo, quo usus est Interpres Versionis alexandrinae. *Consentit*, ut GESSENI verbis utar (4), *uterque Codex 1) in magnā parte earum lectionum, quae glossam sapiunt textui illatam emendationemve conjecturalem locorum paulo difficiliorum. 2) Accuratissime porro consentiunt plerumque in parvis, immo in minimis saepe momentis, sensum omnino non mutantibus, itemque in vocum literarumve transpositione et permutatione arbitrariā. — Sic praefixum 1 ducenties in Samaritano additum, et centies circiter detractum invenitur, ita quidem ut LXX, paucis exemplis exceptis, eum presso pede sequantur.*

Ad mirum hunc utriusque Codicis consensum explicandum, nemo certe hodie opinetur alterum ex altero revisum esse (5); quod nullo modo fieri posse, ex mutuā utriusque Gentis, et in Palaestina et in Aegypto viventis, similitate manifestum est (6). Non melius eam quaestionem solvas, quam si statuis, Pentateuchum inter Samaritanos introductum esse aetate, quae non procul distet a tempore, quo Versio ejusdem alexandrina pararetur. Haec autem Versio, ut satis constat, conscripta est sub Ptolemaeo Philadelpho, ab anno 284—246 regnante, adeoque 50 annis, et quod excurrit, post quam Templum garizimitanum conditum sit. Sic ergo explicatur mirus librorum inter

(1) Cf. supra p. 56 not. 1.

(2) *Antt.* XIII. 3. 4.

(3) Sic fere ea res acciderit. Seditione Alexandriae Judaeos inter et Samaritanos ortā, Rex in seditionis auctores inquisivit. Judicii opportunitate *his* acta sit, quae quem eventum habuerit, certo dici nequit. JOSEPHUS Judaeos *superiores*, ac duos Samaritanos, *Sabbaeum* et *Theodosium* morte damnatos esse contendit. Samaritani (cf. *Libri Josuae* c. XLV) Judaeos *inferiores*, et 36 eorum trucidatos esse, perhibent. Fusius de iis exposuit ASŪ'Ŕ-FARHUS in *Chron.* ejus fragmentum, eam exhibens historiam, edidit SCHAEFER. (*N. Repert.* T. I, p. 124 seqq., coll. *Act. Lips.* p. 169.).

(4) GESSENI. l. l. p. 10 seq.

(5) Hanc, aliasque opiniones falsas egregie refutavit GESSENI. l. l. p. 11 seqq.

(6) Vid. JOSEPH. *Antt.* XII. l. 1., et XIII. 3. 4; coll. *Libro Josuae* c. XLV, et ASŪ'Ŕ-FARHUS l. l.

Gentes inimicas consensus, qui ex communi fonte necessario derivandus est, nimirum ex textûs recensione, inter Judaeos olim usitatâ, ac diversâ a recensione, quae, temporis decursu orta deinde, atque a Judaeis palaestinensibus postea recepta, et quoquoersus propagata est.

Neque hanc sententiam infringit *dissensus*, qui, samaritano et graeco Codice inter se collatis, saepius etiam conspicitur. *Audaciores* ômitto *et arbitrias emendationes*, atque *interpolationes majores*, quae dum in Codice samaritano inveniuntur, graeca Versio cum Textu judaico facit; neque etiam *lectionis varietatem* volo, *ex literarum permutatione et transpositione* oriundam, quae ex solâ *Codicum varietate* derivetur, et quam miremur potius non multo frequentiore esse; sed locos intelligo, in quos neque samaritanarum partium studium, neque casus fortuitus ullam vim exseruit, et qui tamen magnopere a se invicem differunt. Eos scilicet primum cogito, ubi in *difficultatibus removendis uterque Codex ita versatur, ut alter hanc, aliam alter conjecturam exhibeat*; *discrimen* porro, quod Gen. V et XI conspicuum est in utroque Codice, *tum a Textu masorethico, tum a se invicem, in annis Patriarcharum*, qui ante et post diluvium vixerint, *dispescendis* (1). At tantum abest, ut eorum locorum dissensus dictam sententiam labefactet, ut eam is potius confirmet. Samaritani nempe et Judaei, ita scribentes, eodem studio ferebantur, ei item aetati proprio; studium puto locos difficiliore interpretandi, et textum ad suas opiniones conformandi. Quod quum eo aevo ferveret, idem aevi ingenium uterque Codex refert.

Sed redeamus, unde digressi sumus. Samaritani, Sanballato ad Alexandrum, Tyrum obsidione claudentem, se conferente, ultro se ei subjecerunt, eique ét in hac urbe, ét in Gazâ expugnandâ (2) auxiliati sunt. Judaei Persis fidem servasse videntur. Alexander igitur, iis urbibus captis, Hiërosolyma tetendit. Quam urbem si perdere primum voluerit, ab hoc tamen consilio in itinere jam destitit, intimâ persuasione ductus, Judaeorum agendi rationem a quovis, hanc bene perpendente, non probari non posse; tum etiam victus publico obsequio, ipsi summâ cum reverentiâ praestito, ac pompâ magnificâ, quae, si quid aliud, ad iram componendam, et generosum Alexandri animum placandum aptissima fuerint. Res, a JOSEPHO (3) insigni modo exornata, ut sic acciderit, fieri sane

(1) De hoc dissensu, atque discrimine univërso vid. GZSEN. l. l. p. 10 seq., coll. p. 48 seqq.

(2) De Phoeniciâ ab Alexandro subjectâ, et de Tyro per 7 menses, atque de Gazâ per 5 menses obsessâ, cf. BERTHEAU l. l. p. 129, et 406 seqq. In primis J. G. DROTSER *Geschichte Alexanders des Grossen* (Berl. 1833), p. 179—200.

(3) *Antt.* XI. 8. 4., et 5.

potest (1). Cum JOSEPHI narratione maximam partem ea conveniunt, quae de Alexandri in Palaestinam adventu in *Libri Josuae* cap. XLVI feruntur. Haec, ex eâdem traditione, quam JOSEPHUS secutus est, sive ex Judaeorum Scriptis, fortasse ex ipsius JOSEPHI Annalibus oriunda, ita tamen comparata sunt, ut quae a JOSEPHO *Judaeis*, in Libro Josuae *Samaritanis* tribuantur. Nonnulla tantum, dicta v. c. de *Daniëlis vaticinio*, Samaritanorum placitis quippe adversa, ibi omittuntur. Neque etiam (quod ibidem narratur) verisimile est, Alexandrum eo tempore *Sichemum* petivisse. Gazâ nimirum Hierosolyma profectus, viâ incessisse videtur, quae Sichemum non duceret. Idque JOSEPHI dicta confirmant, referentis (2), *Sichemitas Regem adisse haud procul Hierosolymis*. Hac autem urbe relictâ, Alexander in Aegyptum confestim perrexit, non obsequens votis Samaritanorum, qui, teste JOSEPHO, ab eo petivissent, ut tributis Anno sabbathico immunitatem ipsis pariter atque Judaeis largiretur. Quibus Rex respondisset, se jam in Aegyptum pergere, et post reditum de iis acturum esse (3).

De beneficiis tamen, ab Alexandro in Samaritanos collatis, in eo Chronico etiam sermo fit. Privilegia certo intelliguntur eadem, quae JOSEPHUS (4) Judaeis concessa esse testatur, ut nempe *suis ipsi legibus ritibusque libere uterentur ubique*, et quoque Anno sabbathico omnis tributis immunes essent. Samaritanis haec etiam permissa esse, idem non perhibet. Samaritanorum, ut vidimus, *petitionem*, de quâ Rex post reditum mandaturus esset, tantum memorat. — Quae si vera sint, credibile est, eos eorum privilegiorum postea participes redditos esse. Alexandrum scilicet ii in Tyri Gazaeque expugnatione juverant; et hic quanti ipsos faceret, ostendit, quia copias Sanballati in Aegyptum secum duxit, ac Thebaïdem suo nomine tuendam iisdem commisit! Ea autem privilegia Samaritanis non confestim concessa esse, non miramur. Haec nimirum ii demum petiverunt, quum cognoverant Judaeis ipsa permissa esse, ideoque post quam Rex Judaeos de Samaritanis dicentes audiverat; quorum verba ipsum moverint, etiam si Judaeorum gratiam non affectare voluerit, ut responsum, in aliud tempus differret. Sa-

(1) Vid. VAN DER PALM *Bijbel voor de Jeugd* T. XVII, p. 27 seq.

(2) *Antt.* XI. 8. 6.

(3) Fieri potest, ut Alexander, ex Aegypto Tyrum redux, ubi terrarum subjectarum administrationem moderabatur (DAORSZ I. I. p. 217 seq.), res Samaritanorum quoque attenderit. Ad Samaritanos eum venisse, graeci Scriptores disertis verbis non significant. Quod si fecerit, id accidisse statuendum est *durante* obsidione Tyri vel Gazae. Tyrum v. c. obsidens, expeditionem suscepit in Libanum, quem tractum respexerit CURTIUS (IV. 3. 1, et 7), de Arabia loquens (vid. DAORSZ p. 187 seq.). Ex Aegypto enim Tyrum revertens, Alexander hac in urbe videtur mansisse, et hinc *per vallem Esdrelonensem*, nullâ morâ interpositâ, Thapsacum tetendisse (DAORSZ p. 218). In eâ valle castra metantem, sive Tyri degentem, Samaritani Regem adire potuerunt.

(4) *Antt.* XI. 8. 5, coll. *contr. Apion.* II. 4.

maritanos iisdem, quibus Judaei fruerentur, privilegiis *Alexandriae* postea usos esse, testimonia de iisdem ibi degentibus p. 39 allata, dubitare non sinunt.

Nec *caedes Andromachi* causa fuit, quare haec beneficia iis sive non permissa, sive ademta sint. Andromachus nempe anno a. C. n. 332 Palaestinae praepositus, Sanbalato brevi post Alexandri abitum mortuo (1), sive successit, sive in eius locum suffectus erat. Hic a Samaritanis, *graecum* Praefectum certo aegre ferentibus, Samariae fortasse, ubi habitaverit, necatus esse dicitur, postquam Rebus ipsorum sacris forsitan imprudentius sese immiscuerat. Alexander, cognito facinore, in sceleris auctores inquisivit, et Asclepiodorum, Syriae ante Praefectum, anno 331 Palaestinae etiam praeposuit (2), qui de *sceleris auctoribus*, non vero *de universâ Gente* supplicia sumeret. Si hoc fecisset, in traditione judaicâ id sane servatum, et a JOSEPHO traditum fuisset. Quid Andromacho evenerit, CURTIUS (IV. 8. 10) enarrans, quae Alexandro, in Aegypto et terris vicinis versanti acciderint, his verbis significavit: *oneravit*, inquit *hunc dolorem* (quem calamitas Hectoris, filii Parmenionis in Alexandri animo excitaverat) *nuntius mortis Andromachi*, quem praefecerat Syriae: *vivum Samaritae cremaverant. Ad cujus interitum vindicandum, quantâ maximâ celeritate potuit, contendit, advenientique sunt traditi tanti sceleris auctores. Andromacho deinde Memnona substituit, affectis supplicio, qui praetorem interemerant.* Quae quin revera sic acciderint, vix in dubium vocare licet, praesertim si CURTIUS haec, ut alia multa ex Scriptoribus de rebus Alexandri hausit. In eo tamen videtur errasse, quod *Memnonem*, non vero *Asclepiodorum*, Andromacho substitutum esse perhibet. Memnon enim ante quidem Syriae praepositus erat, sed quia Provinciam is non bene administraverat, Asclepiodorus in ejus locum ab Alexandro ex Aegypto Tyrum reduce suffectus, et *Palaestinae* item gubernatione eo tempore donatus est (3). Praeterea expungenda esse videntur verba: *vivum Samaritae cremaverant.* Glossam haec sapiunt, iisque omissis, sententiarum nexus haud interrumpitur. Ac facinus praeterea Veteres ignorant. Andromachum *interfectum* esse, quod CURTIUS etiam ipse spectat, ubi dicit: *ad cujus interitum vindicandum*, et deinde, *qui praetorem interemerant*, tam EUSEBIUS contendit, quam, qui ipso fonte usus est, GEORGIUS CEDRENIUS (4): *ὅν, hic inquit (id est 'Ανδρόμαχον), ὅστερον Σαμαρείταις ἀποκτείναντες δίκαις ἔτισαν.*

A Samaritanis aliquid patratum esse, quod Alexandri iram provocaverit, efficeret insuper ex traditione, in cap. XLVI exeunte Libri Josuae servatâ, quae, ejus rei memoriâ

(1) JOSEPH. *Antt.* XI. 8, 4.

(2) BERTHEAU l. l. p. 408.

(3) Vid. DROYSER l. l. p. 217. Dissensus componitur, si statuere licet, Memnonem *per breve tempus* Andromacho substitutum, mox vero, quia Provinciam male administrabat, motum fuisse.

(4) *Hist. Comp.* T. I. p. 151 (ed. Bonn. 1838 p. 265).



temporis decursu oblitteratâ, in dies magis exornata, et rebus alienis commixta sit. Nar- rant illi ibidem, Alexandrum mandasse, ut Regis statuæ ponerentur, quas adorare quem- que oporteret; ipsum vero a Samaritanis, hoc facere recusantibus, vindictam sumere vo- luisse; sed iisdem respondentibus, *simulacra* se Regi posuisse *articulate loquentia*, *se- que moventia*, Regem placatum esse. Filios scilicet recens natos *Alexandri* nomine nuncupaverant!

Nulla fides iis habenda est, quæ PRIDEAUX (1) cum aliis statuit: »Alexandrum, ex »Aegypto reducem, Samariam expugnasse, magnoque Samaritanorum numero trucidato, »reliquos ex urbe expulisse, ac Macedonum Coloniae ipsam dedisse; Samaritanorum ter- »ram porro cum terrâ Judaeorum conjunxisse; veniam vero concessisse Samaritanis, »ne clade superstitibus, *Sichemi* habitandi, quæ urbs ab eo inde tempore ejus Gentis »Metropolis fuerit." Auctores ille sequitur JOSEPHUM, sive potius HECATAEUM ABDERI- TAM, et EUSEBIUM. HECATAEI verba hæc sunt (2): διὰ, inquit, de Alexandro loquens, τὴν ἐπιεικείαν καὶ πίστιν, ἣν αὐτῷ παρέσχον Ἰουδαῖοι, τὴν Σαμαρείτιν χώραν προσέθηκεν ἔχειν αὐτοῖς ἀφορολόγητον. EUSEBIUS: Τύρον, inquit (3), ἐπολιόρησεν. Ἰουδαίαν προσε- λάβετο [καὶ τὸν ἀρχιερεῖα Ἰαδδοῦν ἐτίμησε θύσας τῷ θεῷ, ὡς παρ' αὐτοῦ τὴν οἰκουμένην ὁμολογῶν παρειληφέναι, ἥς [Ἰουδαίας] καὶ ἐπιμελητὴν μετὰ τῶν λοιπῶν τόπων Ἀνδρόμαχον κατέστησεν, ὃν ἀνελόντες οἱ τὴν Σαμάρειαν οἰκοῦντες, δίκας ἔτισαν, ἐπανελθόντος Ἀλε- ξάνδρου ἐξ Αἰγύπτου. Τὴν Σαμάρειαν πόλιν ἔλῶν Ἀλέξανδρος Μακεδὼνας ἐν αὐτῇ κα- τήκισεν. Quæ ab HIERONYMO sic redduntur (4): *Alexander, captâ Tyro, Judaeam in- vadit, a quâ favorabiliter exceptus, Deo victimas immolavit* (l. immolat), *Pontifi- cem Templi honoribus plurimis prosequitur, Andromacho locorum custode dimisso, quem postea Samaritani interficiunt: ob quæ ab Aegypto reversus Alexander ma- gnis eos suppliciis afficit, et urbem eorum captam Macedonibus ad inhabitandum tradit.*

Hæc illi: at videndum, num vere! Primum, si caedis Andromachi auctores, Alexandri metuentes vindictam, Samariam munivissent, eaque urbs ab eo expugnata, et, expulsis Indigenis, a Macedonum Colonia, sive ab Exteris, in castris illorum militantibus, fre- quentata esset, hæc JOSEPHUS sane tradidisset. Potius statuam, Alexandrum in Aegy- ptum abeuntem, Samariae praesidium reliquisse, atque eum hoc non fecisse ad Andro- machi caedem vindicandam, sed ad Palaestinam cohibendam, et eam urbem ipsum elegisse, quia urbs erat primaria, et in mediâ terrâ sita, atque ei igitur consilio aptissima.

(1) PRIDEAUX l. l. I, p. 467, coll. 763.

(2) JOSEPH. contr. Apion. II. 4.

(3) Conf. J. J. SCALIGER *Thesaur. Temp. Euseb.* ed. 2a Amst. 1658 fol., in textu gr. p. 56, coll. p. 177.

(4) *Chron.* . . I, p. 35,

Haec quum postea non satis distinguerentur, et *Samaritiae ab Hyrcano captae* memoria cum iis fortasse conjungeretur, traditio, ab EUSEBIO memorata, orta sit. HECARAZI auctoritatem insignem videri, fateor; nam hic Alexandri aequalis erat, et Histiae, Judaeorum Sacerdotis, familiaris (1). Attamen, et si quae ejus nomine feruntur, authentica et fide digna sint, non id ea probant, quod PRIDEAUX posuit. Si nempe Alexander Judaeis *ob fidem ipsi praestitam, Samaritidem habitandam* permiserit, addito privilegio ipsos tunc *tributi fore immunes*, idem fortasse Samaritanis ille concessit, et eo quidem, ut videtur, consilio, ut funestam, quae utramque Gentem invaserat, aemulationem, iis invicem commiscendis, tandem exstingueret. Eventum votis non respondiisse, Historia docet, quâ teste, sic de ambobus Populis judicare nos oportet, hos tributa solvere maluisse, quam Terram et Gentem exesam petere.

Ut ante, ita post Alexandrum, Judaeorum et Samaritanorum vicissitudines ob res deinceps per Orbem terrarum gestas, per longum tempus similes fere fuerunt. De Samaritanorum *aegyptiorum* conditione ante (p. 38 et seqq.) locuti sumus. Samaritani *palaestinenses* pariter atque Judaei, in Palaestina habitantes, post Alexandri mortem anno 323, per 22 annos variam et miseram sortem experti sunt. Palaestina enim, Laomedontis, Syriae Praefecti, imperio subjecta (2), anno 320 a Nicanore Ptolemaei nomine, anno vero 314 ab Antigono, ex Asia superiori redeunte, occupatur. Ptolemaeus deinde anno 311, Antigoni filio Demetrio ad Gazam clade affecto, eam Terram recipit, ex quâ tamen, adventu Antigoni cognito, proximo anno recedit. Anno vero 303 Ptolemaeus eandem recuperat, et post proelium ad Ipsum, anno 301 commissum, retinet (3).

Hiërosolyma anno 312, ut vulgo statuitur, Ptolemaeus, victoriâ reportatâ elatus, cepit, graviter fortasse ferens, Judaeos cum reliquis Palaestinensibus, partibus Antigoni, cujus magnam si potentiam revererentur, addictos fuisse. Antigoni igitur, postea redeuntis, vindictam reformidantes, permulti tam Judaei tum Samaritani, cum Ptolemaeo, quam hic, Acconis, Joppes, Samarine et Gazae munimentis destructis, in Aegyptum regredi constituisset, eo profecti sunt (4). Quo plures autem thesauros secum raperet, Ptolemaeus:

(1) JOSEPH. *contr. Apion.* I. 22 (ed. Haverk. II. p. 455).

(2) Vid. BEAUCHEAU l. l. p. 408.

(3) Vid. HEEREN *Handb.* p. 294 seq., coll. p. 262 seq. et 365.

(4) DIOD. SIC. XIX p. 721 ed. Wessel. II, p. 390. Utitur DIODORUS voce *παιδείας*, quae non de *urbibus universis*, sed de earum *munimentis dirutis* hic intelligatur. De Judaeis et Samaritanis, eo tempore in Aegyptum migrantibus, scripsit JOSEPH. *Antt.* XII. l. 1.

eo tempore Templi garizimitani spoliandi consilium iniisse videtur, cuius ARŪ-'L-FATHŪS in Chronico meminit (1).

Sub Ptolemaeorum imperio Samaritani et Judaei per longum tempus placide vixerunt plerumque, ac minus turbata quiete tunc etiam usi fuissent, si altera Gens alteram non infestasset. De Samaritanorum saltum injuriis et moris, eo tempore Judaeis illatis, JOSEPHUS queritur (2). Idem ibi res Samaritanorum *prosperas*, Judaeorum vero *angustas* tunc fuisse perhibet, quamquam et illi non minus quam Judaei, bellis eo tempore inter Alexandri Successores gestis, vexabantur (3), ac Ptolemaeis *annuum tributum*, ut postea Seleucidis, solvere coacti erant. Multis haec JOSEPHUS eodem loco illustrat, historiam enarrans, quae acciderit regnante Ptolemaeo Euergete. Onias II, Judaeorum Pontifex, homo avarus, eo tempore tributum jam dudum non pependerat. Athenian igitur, Regis aegyptii Legatus, Hierosolyma mittitur, qui minitetur, tributo non soluto, Judaeam militum Coloniae divisum iri. Ut Gentis causam agat, Josephus quidam, Oniae cognatus, in Aegyptum proficiscitur, dona secum ferens, quae 20,000 drachmis Samariae sibi comparaverat. 'Ο δὲ Ἰώσηπος (FLAVIUS JOSEPHUS inquit, l. l. §. 3): διαπέμψας πρὸς τοὺς φίλους εἰς Σαμάρειαν, καὶ δανεισαμένος ἀργύριον, καὶ τὰ πρὸς τὴν ἀποδημίαν ἐτοίσαμένος, ἐσθῆτάς τε καὶ ἐκπώματα καὶ ὑποζυγία, καὶ ταῦθ' ὥς περὶ δισμυρίας δραχμὰς πᾶρασκευασάμενος, εἰς Ἀλεξάνδρειαν παρεγένετο. Causa, quare is amicos adierit, *Samariae* habitantes, non vero Hierosolymitanos, quos ei, Pontificis familiari, benevolos futuros esse opineris, vix repeti potest ex odio, quod Onias sibi suisque contraxerit. Verisimilius est, illos his opulentiores fuisse, eosque ut Ascalonitas mercaturā faciendā divitias cumulas- se (4). Notatu enim dignum est, quod de Ascalonitis §. 5 monetur: 20 occisorum bona publicata *mille talenta* valuisse (τὰς οὐσίας αὐτῶν εἰς χίλια τάλαντα ἀθροισθείσας, ἐπέμψε [Ἰώσηπος] τῷ βασιλεῖ). Ac Judaeos revera conditione tunc usos esse minus fortunatā, alter locus (§. 10), Josephi illius laudes exhibens, declarat: *κελευτῇ δὲ καὶ ὁ τοῦ Ἰερικανοῦ πατὴρ Ἰώσηπος, ἀνὴρ ἀγαθός, γενομένος καὶ μεγάλωφρων, καὶ τὴν τῶν Ἰουδαίων λαὸν ἐν*

(1) Vid. fragmentum a SCHEUTMANS editum in *N. Report.* I, p. 120 seqq. Legatus Ptolemaei اورودوس nomeupatus, Ptolemaeus vero (بطليموس) يسمى بطليموس وكان فيليبس اخو الاسكندر وكان: id est *Philippus*, frater *Alexandri*, cuius cognomen erat *Ptolemaeus*. Hic ergo confunditur cum *Arrhidæo*, *Alexandri* fratre, et notho *Philippi*, qui *Philippi* nomine una cum *Alexandri* filio aliquamdiu ejus Regno praepositus erat. Ptolemaeus, auditis Samaritanorum Legatis, consilium missum fecisse dicitur. Minus accurate ergo BERNARDUS in *Act. Lips.* p. 169: *Orodes eo (Ptolemaeo) jubente aedem Garizenam spoliavit, tributumque grave a Neapolitanis exegit.*

(2) *Antt.* XII. 4. l.

(3) Vid. BERTHEAU l. l. p. 409.

(4) Mercaturā enim ut ante, sic etiam his temporibus, turbis paululum sedatis, brevi restaurabatur, citius vero et feliciore cum successu quam in Judaea, in partibus Palaestinae septentrionalibus et maxime in portibus. Vid. BERTHEAU l. l. p. 363 seqq., 387 seqq.

πρωχίας καὶ πραγμάτων ἀσθενῶν εἰς λαμπροτέρας ἀπορροὰς τοῦ βίου καταστῆσαι, εἰκοσι-  
ἔτη καὶ ὀδοὶ τὰ τῆς Συρίας τέλη καὶ Φοινίκης καὶ Σαμαρείας κατασχόν. Harum regionum  
vectigalia, quae ante summam 8000. talentorum non superaverant, Josephus duplo con-  
duxerat. *Vectigalia* ibi non describuntur. Probe autem haec distinguenda sunt ab  
annuo tributo, quod (§. 1) 20 talentis constituisse dicitur. Illorum vero ratio illustretur  
ex definitione vectigalium, quae Judaei *Seleucidis* solvebant, in quibus recensentur,  
*reventus salis* et *fructuum*, tum *agrorum*, tum *arborum*; ac *pars* fortasse *decimarum*,  
et *oblationum saerarum* (1).

Tributa Judaeis et Samaritanis imposita, aliquamdiu *Ptolemaeos inter et Seleucidas*  
*divisa* fuerunt, non, ut ex JOSEPHO (2) efficeretur, sub Ptolemaeo *Euergete*, sed regnante  
Ptolemaeo *Epiphane*, quem JOSEPHUS cum illo confudit. Nam huic Antiochus magnus,  
filiam Cleopatram despondit, et eam Coelestriam, Samariam, Judaeam et Phoeniciam dotavit,  
addita conditione, ut Syri et Aegyptii tributa inter se dividerent.

Non *Indigenas* amplius, sed *Exteros*, et *Graecos* plerumque Palaestinae praefectos fuisse,  
tum ex *Andromacho* et *Asclepiodoro* novimus, tum etiam rationes politicae, in Aula  
Alexandriae et Antiochiae vigentes, suadere videbantur. Josephus autem, de quo modo  
locuti sumus, *vectigalius* aegyptii Regis nomine colligendis praepositus erat, is vero fuit  
Judaeus. *Samaritanorum* ergo tunc minor quam sub Persia publica erat in Palaestina  
auctoritas, quae praeterea eo graviora detrimenta cepit, quo magis cresceret dignitas  
Pontificis judaei; cujus rei causa fuerit tam sensus libertatis, Exterorum dominatione  
inter Judaeos vehementius excitatus, quam favor insignis, quo ob magnum ipsorum nu-  
merum per Aegyptum, et Alexandriae praesertim, ii in Aula aegyptiâ plerumque frue-  
bantur. Pars contra Gentis samaritanae Graecorum sacris et moribus facilius se accom-  
modans, et cum Graecis, in Samaritidem confluentibus, arctius se conjungens, effecit,  
ut ad Graecos sensim taciteque hujus Gentis principatus deferretur. Quae quam vera  
sint, e sequente Dominationis seleucidicae historia elucet.

Ptolemaeorum imperio per centum circiter annos subjecta, Palaestina deinde Seleucidis  
paruit, ab anno inde 203, quo ab Antiocho magno occupabatur. Tristes erant calamitates,  
quas Judaei et Samaritani perpassi sint in bello, ab hoc Rege cum Aegyptiis de Palaesti-

(1) Conf. I Macc. X. 29—31, et XI. 34 seq., coll. Jostr. Ant. XII. 4. 9. Ex fructibus agrorum  
tertia arborum vero dimidia pars solvenda, sive pratio substituta, redimenda erat. Praepares non viden-  
tur diversi esse a tributo, quod dicitur *σποριακὸν τέλος*, et a Symmacho describitur: munus, quod non  
tamquam tributum Dominis, sed ut corona Amicis solvebatur. Munera ergo haec erant voluntariae officii causa  
oblata.

(2) Ant. XII. 4. 2.

nae possessione gesto. JOSEPHUS de eo exponens (1), Judaeorum conditionem cum *nave* comparavit, *undis utrinque agitata*.

At non minus funestae utrique Genti partium erant contentiones (2), quarum aliis Graecorum mores et Cultus, aliis vero sola mosaïca Instituta placebant. Cum *Assi* iî Samaritani se conjunxerint, exterarum Gentium et Israëlitarum veterum posterî, qui, quamvis Cultum judaïcum nondum amplexi essent, indigne ferrent, Sacra sua violenter sibi eripi. Cum *illis* omnes fecerint, quibus Religio, sive judaïca, sive asiatica, sive prisca israhëlita parum eordi esset, ejusmodi multi fuerint Samaritani, quos modo diximus, qui diuturniore cum Exteris commercio horum consuetudinibus assuefacti essent. *Principes harum partium patroni* erant ipsi Graeci, quorum magna in Samaritidis urbibus erat frequentia.

Sub Seleucidis, quibus dominantibus urbium syriacarum incolae, ac praesertim Antiocheni, graecis moribus adeo se accommodaverant, fieri aliter non poterat, quin idem studium per Palaestinam continuo proseperet ulterius. Itaque Syris id alentibus, partes, graecum Cultum promoventes, non modo in Samaritide, sed etiam in Judaea brevi superiores evaserunt, et harum insania Hiërosolymis eo audaciae processit, ut, graviter licet reluctantibus Cultûs mosaïci sociis, Templum hiërosolymitanum Idolorum Sacris contaminaretur (3). Idem, quid mirum! — inter Samaritanos factum est. Ipsorum Templum Jovi *Ævêlôp*, sive ut JOSEPHUS ait, *Ἐλληνισμός* item consecrabatur (4).

*Omnibus* Samaritanis probantibus, hoc factum esse, nemo, crede, opinetur. Ex Literis, a JOSEPHO exhibitis, quarum tamen authenticia jure in dubium vocatur, Samaritanos illud *petivisse*, sane constet. Sed *quinam* istud rogarunt? Effrenati scilicet, ut Judaeus iste Menelaus, rerum novarum propugnatores. Brevi igitur, ac fortasse haud ita multo post quam Judaeorum Cultus Hiërosolymis restitutus erat (isque *per tres annos et quod excurrit* (5), celebrabatur ibi), — Cultus Samaritanorum etiam in ipsorum Templo restauratus esse videtur. Maccabaeorum enim in Judaea praevalentium fama, expeditionibus, quibus Judas mox in circumjacentes regiones suscepit (6), quoquoersus propagata, Zelotarum samaritanorum item furor certo refrenatus est.

In Chronicis samaritanis de hac Cultûs intermissione altum tenetur silentium, sive quoniam ea ob breve, quod duraverit, tempus in oblivionem abierit, sive potius, quia eorum Posterî, facinus detestantes, hoc omitiendo Gentis existimationi se sic consulturos esse pu-

(1) *Antt.* XII. 3. 3.

(2) *Antt.* XII. 5, et 7. 9, coll. I *Macc.* I, ibique in primis vs. 11—15.

(3) I *Macc.* I. 54, 59, 2 *Macc.* VI. 2, coll. *Joseph.* *Antt.* XII. 5. 4.

(4) 2 *Macc.* VI. 2, et *Joseph.* I. l. XII. 5. 5.

(5) Cf. I *Macc.* I. 54, cum IV. 54.

(6) I *Macc.* V, *Antt.* XII. 8.

taverint. Ex *Judaeorum* tamen dictis, praesertim ex accuratâ temporis *definitione* apud JOSEPHUM (1), ne *universae aetatis rationes* dicam, iatund. revera factum esse, constat. Cultu mosaico in Templo garizimitano restituto, Samaritani tamen ad Syros pellendos cum Maccabaeis se non conjunxerunt. Non unam ob causam *Gens* samaritanâ ab hoc bello abstinuisse videtur. Syri nampe, ut Judaeam rebellem coercerent, ceteras Palaestinae incolae arctius sibi conciliare studebant; quod quo melius ipsis cederet, hos sub vexillis suis militare cogeant. Καὶ συνέλαβεν, Auctor inquit 1 *Macc.* III. 10, Ἀπολλώνιος ἔθνη, καὶ ἀπὸ Σαμαρείας δέκαμιν μεγάλην τοῦ πολέμου πρὸς Ἰσραὴλ. Multi deinde Samaritani Syris etiam favebant, quos tuebantur tum Syrorum Magistratus, in mediis Samaritanis habitantes, tum exercitus transeuntes. Apollonius nimirum, a quo distinguitur Seron, *Coelesyriae* Praefectus, praepositus erat *Samariae* (2), et exercitus per vadum *Bēth-schezânîs* in Judaeam tendebant (3). — Ei denique, qui, ut Judaei, Cultum mosaicum profiterentur, satis habentes, se hunc restituisse, non multum ceteroquin egisse videntur. Aliorum metu cohibiti, nec numero, nec vi internâ magnopere valentes, ac Ducibus carentes aptis et alacribus, nihil ipsi suscipere poterant. A belli, quod a Judaeis gerebatur, societate, plerique paratam videntes Syrorum et horum amicorum vindictam, abhorrebant; idque bellum, pro *Templo hiërosolymitano* quippe susceptum, inveteratam invidiam multis in mentem revocaverit. Qui autem istas praejudicatas opiniones missas fecerint, in Maccabaeorum ordinibus ii, sed pauci, latuerint. Nam hanc aemulationem magis excitare Syri certo non neglexerunt, tum ipsi, tum Judaeorum transfugarum interventu. Nam hi, in Psalmis dicti מַגִּיזֵי, a JOSEPHO vero φυγάδες, et a 1 *Macc.* Auctore ἀγομοὶ et ἀσβεῖς (4), Syrorum exercitus non modo auxerunt (5), sed et ad Gentes vicinas confugientes, has, ut Maccabaeorum progressibus resisterent, excitarunt (6), acriterque ipsi arcem Hiërosolymorum cum Syris defenderunt (7).

Sic bellum sacrum, quod in Judaeâ exarsit, in Samaritide ne oriri quidem potuit, idque tempus, Judaeis adeo splendidum et honorificum, nullam Samaritanis gloriam paravit.

Judaei hocce bellum suscipientes, tantummodo ut *Cultum sacrum tuerentur*, arma primum gesserunt, et hoc solo consilio bellum etiam continuerunt, postquam Judas (166—161) Syros saepius profligaverat (8). *Civilitatis, a Syris non pendens*, condendae consi-

(1) *Antt.* XII. 5. 5.

(2) 1 *Macc.* III. 10 et 13, coll. JOSEPH. *Antt.* XII. 7. 1.

(3) 1 *Macc.* III. 40, et XII. 41, coll. *Antt.* XII. 7. 3, et II. 1, et XIII. 6. 1. Saepè etiam transibant exercitus per regiones trans Jordanem, in meridionales Judaeae tractus. Vid. 1 *Macc.* IV. 29, VI. 31, XIII. 20; coll. JOSEPH. l. l. XII. 7. 5 et 9. 4, XIII. 6. 4.

(4) 1 *Macc.* IX. 23, et III. 15.

(5) JOSEPH. *Antt.* XII. 7. 1, 3.

(6) 1 *Macc.* V, coll. JOSEPH. l. l. XII. 8.

(7) JOSEPH. l. l. XII. 9. 3, et XIII. 4. 9.

(8) 1 *Macc.* III—IX. 22, coll. JOSEPH. l. l. XII. 7—11.

lium postea demum maturavit. Et huic rei ansam dederunt non bella tantum, sed felicitas gesta, sed turbae praesertim, quae mox in Regno Seleucidarum ortae sunt. Jonathan tempore (161—143), Alcimo mortuo, *Pontifex summus* creatus, et primum ab Alexandro Balā, deinde a Demetrio II multis honoribus splendidisque titulis ornatus, Syris tamen erat tributarius. Hic primus regiam dignitatem in Numis, sed *leale*, sibi arrogare coepit (1). Syrorum praesidiis ex Arce hiërosolymitana expulsis, Judaeorum Resp. a Simone (142—135) confirmata est (2), cujus eo tempore conditio, *poëticis* coloribus 1 *Macc.* XVI. 4 seqq. depingitur. Titulum tamen Simon gerebat *σρατηγὸν καὶ ἡγεμῆνον*; tributique immunitatem modo a Syris impetraverat (3). Huic successit Filius, Johannes Hyrcanus (135—107), Syros, quorum Regnum inter duos Antiochos, Cyzicenum alterum, alterum Gryphum, tunc dividebatur, minime amplius curans. *Ἀμφοτέρων*, JOSEPHUS inquit (4) *κατεργόνησεν*. Integrā libertate fruens Hyrcanus, Regni fines etiam protulit, ac Judaeorum Sacra, alacris Pharisaeorum socius, simul propagavit. Utrumque in politicis Successorum ipsius rationibus arcte cohaesisse, ex Aristobulo (107—106) et Alexandro Jannaeo (106—79) novimus, quorum *ille* Ituraeis domitis Judaeorum Ritus pari modo atque Pater Hyrcanus Idumaeis, obtrusit (5), *hic* vero Pellam, eos Ritus recipere renitentem, subvertit (6).

Ejusmodi consilia agitans, Johannes Hyrcanus Templum item garizimitanum anno circiter 130 destruxit (7), utque Samaritanos penitus frangeret, Samariam urbem, *captam tandem*, delevit.

Jonathani et Simoni praefectura oppidorum tantum, Judaeae vicinorum, a Seleucidis concessa erat. Sunt *Ἀφειρεμά* (JOSEPH. *Ἀφειρεμά*), *Λύδδα*, et *Ῥαμαθίμ*, sive *Ῥαμαθά* (8). Oppidum primo loco nuncupatum, eo nomine in V. T. non memoratur. ROBINSON (9) opinatus est, hocce oppidum, et *Ῥαμαθίμ* sive *Ῥαμαθά*, quia locis laudatis uno tenore cum *Λύδδα* recensentur, Lyddae vicina fuisse. Collato tamen alio loco JOSEPHI (10); videmus, *Βηθῆλ τε καὶ Ἐφραΐμ*, a qua *Ἀφειρεμά* certo non differt, conjunctim memorari. A Vespasiano, Hiërosolyma tendente, haec loca praesidiis instructa esse ibidem

(1) 1 *Macc.* IX. 23—XII, in primis X. 64, 65, 89, et XI. 26, 30; coll. JOSEPH. l. l. XIII. 1—3, et H. A. HANAKER *Misc. Phoen.* p. 160—162. Regis tamen titulum publice demum assumpsit Joannis Hyrcani filius, Aristobulus (BERTHEAU l. l. p. 428).

(2) 1 *Macc.* XIII—XVI; coll. JOSEPH. l. l. XIII. 6 et 7.

(3) 1 *Macc.* XIII. 36 seqq. De Johanne Hyrcano conf. JOSEPH. *Ant.* XIII. 8—10.

(4) l. l. XIII. 10. 1.

(5) *Ant.* XIII. 11. 3.

(6) *Ant.* XIII. 15. 4.

(7) JOSEPH. l. l. XIII. 9. 1. De Templi loco et ruderibus vid. ROBINSON *Pal.* III, p. 320 seq.

(8) 1 *Macc.* XI. 34, coll. JOSEPH. l. l. XIII. 4. 9, et 2. 3. Ex quibus locis illustrantur 1 *Macc.* X. 30, et 38, et JOSEPH. l. l. XIV. 10. 6.

(9) *Pal.* III, p. 251.

(10) *De Bellis Jud.* IV. 2. 9.

dicuntur, postquam *Gaphnam* ceperat. 'Εφραθ, ergo oppidum erat a viâ, quâ iacederat, id est a viâ Neapolis, sive Sichemi, haud procul remotum, et locus alicujus momenti, quem Imperator, ne insidiae ipsi a tergo ponerentur, a Romanis occupandum esse censeret. Hocce autem oppidum fortasse non diversum erat ab 𐤀𐤕𐤓𐤁𐤏, oppido Benjaminitarum (1), ab oriente sed septentrionem versus a Bethle sito, ab eoque distante 5 milliaribus romanis. Ac revera *Ophra* sita est in alto loco, locis vicinis eminente, unde conspectus patet per vallem Jordanis, Mare mortuum, et Meridiem versus Bethleheman usque (2). Hodie vocatur ٱلْطَيَّة, quod nomen, ut RÖDIGERUS conjecit (3), depravatum sit ex ٱلْطَيْمَة, *hinnula*, et sic (ut alia nomina) versum est ex voce hebr. 𐤀𐤕𐤓𐤁𐤏. Hujus item hebr. nominis pronuntiatio olim depravata erat. In versione LXX scribitur 1 Sam. XIII. 17 𐤀𐤕𐤓𐤁𐤏, sed Josuae XVIII. 23 'Εφραθ, ex quâ formâ orta sit 'Εφραθ, et hinc 'Αφραθ. Hieronymus *Αφρα* pronunciat (4). Urbs autem 'Ραμαθιμ, sive 'Ραμαθ non cum Robinsono distinguenda est ab hodierno oppido ٱلرَّمْلَة (Ar-ramla (5)).

Tribus iis Toparchiis acceptis, Jonathan et Simon Samaritidem etiam cum armatâ manu nonnumquam invaserant, et loca nonnulla occupaverant, non vero tenuerant, nec Samaritanos sub suam potestatem redegerant. Hoc Hyrcano demum cessit annæ 109, 21 annis post Templum garizimitanum devastatum. Quâ ex re appareat, quam arduum ei fuerit hanc Gentem domare, et quantopere hæc, omnibus viribus, quam diu potuerit, intentis, reluctata sit. Libertatem Samaritani per illud tempus tuebantur urbe tenendâ munitissimâ, Samariâ, ad quam ita difficilis erat aditus, ut non nisi fame, ut antea (6), ad deditionem cogi posset (7). Hanc expugnare Hyrcanus ante jam, sed frustra, tentaverit. Obsidionem igitur anno 110 renovat, in eâque annum consumit. Samaritani, in angustias redacti, Antiochi Cyziceni, Damasci regnantis, auxilia implorant. His a Judæis fugatis, illi eum iterum adeunt. Antiochus auxilia amplius præstando ipse impar, Ptolomæum Lathûrum, Aegypti Regem, ad Samaritanos juvandos excitat. Mittitur ab eo 6000 militum exercitus. Samaritanis vero missus exercitus parum prodest ob Ducum tum ignaviam, tum perfidiam. Tandem Samaria fame ad deditionem cogitur, captaeque urbis nulla fere vestigia relinquuntur (8). Hanc expeditionem Hyrcanus suscepisse fertur (9), *μισοπονησών*

(1) Jos. XVII. 23, 1 Sam. XIII. 17.

(3) *J. L. Z.* 1842 N. 71, p. 565.

(5) *Rom. l. l. III*, p. 251. ROBINSONI argumenta refutavit, collatis maxime *Nab. XL. 33, 34*, K. von RAUMER *Beitr. zur bibl. Geogr.* Leipz. 1843, p. 30 seq. Cum quibus conjungantur dicta GROSZII, in *theol. Stud. u. Krit.* 1845 heft 1, p. 244 seq.

(7) De situ urbis amoeno, naturâ munitissimâ ac soli fertilitate, vid. *Rom. l. l. III*, p. 263 seqq.

(8) *Jos. l. l. XIII. 10. 3.* Fontiam, quorum h. l. mentio fit, meminit etiam *Bibl. Targum*, p. 26.

(9) *Jos. l. l. §. 2.*

(2) *Rom. l. l. II*, p. 233—235.

(4) *Rom. l. l. II*, p. 332.

(6) 2 Reg. VI. 24. seqq.



τοῖς Σαμαρείταις, ὑπὲρ ὧν Μαρισηνοῦς ἀπέλαους ὄντας Ἰουδαίων καὶ συμμάχους ἡδίωνας, ὑπακούοντες τοῖς τῶν Σύρων βασιλεῦσι. Quod utinam JOSEPHUS pluribus exposuisset! Sed injuria Marissenis illata, non unica Hyrcano causa fuit, quare Samariam obsidione clauderet. Praecipua fuit causa ipsum odium, quo in Samaritanos ferebatur, et quod hi suis facinoribus magis etiam inflammabant perpetuo. Ex loco laudato nimirum evidenter apparet, Samaritanos sibi etiam temporibus studuisse, ut eam Judaeorum hostibus facerent, et sic agendo *Seleucidis* obsequium praestarent, a quibus ipsi mutuo, ut vidimus, adjuvabantur. Et sane credibile est, Samaritanos quibuscunque modis omnis generis molestias Judaeis continuo creasse. Quod ut facerent, non aptior Samaritanis occasio offerri poterat, quam partium, imperio inhiantium, haud interruptum in Regno syriaco certamen. Cujus Aulae Annales si servati fuissent, quot et Samaritanorum et Judaeorum transfgarum artes, fraudulentaeque et astutae machinationes, tradi fortasse potuissent!

Historiam Samaritae, ab Hyrcano expugnatae, ABULFATHUS in Chronico etiam narravit (1): *Urbem, inquit, post gravem obsidionem cepit, magnamque cladem inter Samaritanos edidit. Postea Nabolosum tendit, quam tamen post bellum vehemens et utrique parti cruentum capere non poterat. Templi, ejusque vastationis, nulla ibi fit mentio, attamen supponitur. Nam Hyrcanus, postquam ad Sadducaeorum partes transierat, Montem benedictum (non Templum ait) quem Dei domicilium esse sibi persuasum haberet, adire voluisse dicitur, a cujus aditu quum a Samaritanis prohiberetur, sacrificia, decimas, vota, aliaque donaria illuc miserit. Haec, ut quisque animadvertit, non credibilia; dicta contra de dissidio Hyrcanum inter et Phariseos, JOSEPHUS confirmat (2). His enim ille succensuit, petentibus, ut Pontificatu se abdicaret. Quod facere quum nollet, Pharisei tamdiu tumultuati sunt, donec res ipsis tandem cessit. Postea id factum est, Alexandrâ, Viduâ Alexandri Jannaei, imperium tenente, quae Filium natu majorem Hyrcanum Pontificem creavit, civitatis vero administrationem sibi et Aristobulo servavit (3).*

Palaestinae principatu ad Judaeos delato, multi Samaritani terras vicinas petivisse videntur, et ab hoc tempore, ut supra (p. 42) conjecimus, Coetus eorum *Damasci*, Antiochi Cyziceni sede regiâ, exstiterit. Labante Judaeorum dominatione, Samaritanorum palaestinensium res paulatim reficiebantur. Templum quidem in Monte Garizimi non amplius restituebatur, sed Cultus quam primum eo in loco denuo instauratus, et, simulatque Judaei id non impedirentur, ara ibi posita fuerit. Sichem sine dubio ob loci sanctitatem, haud ita multo post Hyrcani aetatem incolis iterum frequentari coepta est.

(1) In fragmento, a SCHWARTZIO edito in *N. Repert.* I. p. 146 seqq.

(2) *Ant.* XIII. 10. 5—7.

(3) *Ant.* XIII. 16. 1 et 2.

Haec emendata Rerum samaritarum conditio Judaeorum invidiam et indignationem rursus excitavit. Nomen, Sichemo ab his inustum, id testatur. Proavorum exemplo, qui בֵּית אֵל in בֵּית אֶזְרָא mutaverant, Sichemum [שִׁכְמָה], *Cultum*, qui Judaeis *corruptus* videbatur, deludentes, *vulgari sermone* tunc nuncupare coeperunt *Sichar*. Quod quin ex Hebraico שִׁכָּר (*potus inebrians*) ortum sit, non dubito. Hoc scilicet in mentem confestim revocat illud SIRACHIDS, Sichemitas vocantis λαὸν μουρὸν (1), et *Testamentum XII Patriarcharum*, ubi ea urbs πόλις dicitur ἀσυνέτων (2). Deinde, ut verborum lusus instituitur, unam tantum literam mutare opus est. — Alii opinati sunt *Sichar* ortum esse ex שִׁכָּר, id est *merces* (3), alii ex שִׁקָּר, quae forma tunc posita esset pro שִׁקָּר mendacium (4); alii ex Talmudico שׁוֹכֵר (שׁוֹכֵר?) *sepulcrum* (3). Hoc quam ineptum sit, quisque videt. Idem de שִׁכָּר judicandum est, quam vocem si cogitasset Judaei, formam hanc σίχαρ pronunciassent, non σιγάρ. Similis difficultas in voce שִׁקָּר obvia est, et alia praeterea, oriunda ex literae Caph et Qoph permutatione, quae si abessent, *significatio* vocis sane se commendaret. Nomen *Sichar* ex Joh. IV. 5, ut omnes norunt, pervulgatum est, ubi J. C. venisse dicitur εἰς πόλιν τῆς Σαμαρείας, λεγομένην σιγάρ, sive σιγάρ, ut alii Codices exhibent. Frequens enim in Oriente, ut alibi, vocalium i et u est permutatio, conf. modo Συμεὼν Luc. II. 25, et III. 30, cum שִׁמְעוֹן, et ipsa hujus urbis scriptio apud LXX, σιγέμ. Idem obtinet in Poësi arabicâ, ubi in Rhythmo finali vocales u et i pariter admittuntur. Ad σιγάρ ergo explicandum, aliam formam anquirere non opus est, quam sibi invenisse videbatur CELLARIUS, conspectâ voce שׁוֹכֵר, quâ *sepulcra* Patriarcharum, quae Samaritani in Sichemi vicinâ commonstrant, a Judaeis spectata esse putabat.

Nomen istud *inter Judaeos*, ut ex loco Johanneo manifestum est, olim fuit tritissimum, sed fortasse in *vulgari sermone* tantum receptum, atque *extra Palaestinam* minus con-

(1) JES. SIR. L. 25 seq.

(2) Vid. supra p. 79.

(3) De *primâ* et *tertiâ* Etymologiâ vid. CELLAR. *Exercitat.*, p. 14 seq.

(4) Vid. RELAND. *Diss. Misc.* Tom. I, p. 140 seq. Falsa est HENESTENBERGII conjectura (*die Authentie des Pentat.* I Bd. p. 25 seq.), Johannem ipsum, vocem שִׁכָּר attendentem, nomen σιγέμ in σιγάρ mutasse, ut suam de Samaritanis sententiam quam brevissime significaret, cujus ampliorem commentarium exhiberent verba J. C. ad Mulierem: ὑμεῖς προσκυνεῖτε δὲ οὐκ οἴδατε. At licet verum sit, nomen σιγάρ in aliis Scriptis non occurrere, ex locis tamen SIRACHIDS, et *Testamento XII Patriarcharum* laudatis apparet, Judaeos Samaritanos petivisse dicteris, iisque a probabili vocis σιγάρ significatione non magnopere diversis. Neque etiam dictum adeo *acerbum*, atque *artificium istiusmodi* a Johanne Apostolo exspectes, cujus tamen aliud exemplum HENESTENBERGIUS sibi reperisse visus est in verbis δὲ ἡγάπα ὁ Ἰησοῦς, ac si his suum ipse nomen שִׁכָּר respexisset!

suetum, et post *Hiërosolyma a Romanis eversa*, obsoletam esse videtur. Quod efficias non modo ex JOSEPHO, qui nomine recentiore *Νεάπολις* (1), sive (ut in *Antt. Opere*) *Σινική* semper utitur, sed in primis ex falsis de loco, *Sichar* dicto, opinionibus, EUSEBII aetate in *Palaestinā* jam pervulgatis. EUSEBIUS ipse (2) *Sichar* locum esse contendit a *Sichemo* diversum, et ab oriente *Neapolis*, in cujus suburbiis *Sichemi* rudera ostendebantur, situm. Idem tradit ejus aequalis, Auctor *Itinerarii hiërosolymitani* (3) anno 333. HIËRONYMUS vero, qui traditionem, ea loca *diversa* esse, in *Onomastico* propagavit, falsam hanc opinionem alibi emendavit, eadem ea esse docens, sed in alium errorem incidit, scriptionem *σινάκ* Scribarum lapsui esse tribuendam. In *Epitaphio Paullae*, cap. VI, transivit, inquit, SICHEM, non, ut plerique errantes legunt, SICHAR, quae nunc NEAPOLIS appellatur. Et in *Quaest. in Gen.* c. XLVIII. 22, SICIMA, inquit, juxta Graecam et Latinam consuetudinem declinata est: alioquin Hebraice SICHEM dicitur, ut Joannes Evangelista testatur, licet vitiose, ut SICHAR legatur, error inolevit: et est nunc NEAPOLIS, urbs Samaritanorum. Quae opinio si causa fuerit, ut hoc vocabulum l. l. a nonnullis olim dedita operā in *Sichem* corruptum sit, a plerisque falsa haec emendatio merito repudiata est (4).

Aliud huic opprobrio dieterium Samaritani opposuerunt, Hiërosolyma, בית מקדש sive domum Sanctorum a Judaeis dicta, vocantes בית מכהש, id est: domus contusionis sive desolationis (5). Idem observandum est de vocabulo פלמנאום (sic), sive πέλθου ναός, quo Judaei Montem Garizimi; et de בית קלהלתא, sive domo stercoreā, quo Samaritani Templum hiërosolymitanum per irrisionem nuncuparunt (6).

Quid Samaritani sub Hyrcani Successoribus praeterea egerint, ut suis ipsi rebus consulerent, Judaeorumve dominationi se opponerent, non traditum est. Eos otiosos rerum specta-

(1) *De Bello Jud.* IV. 8. 1.

(2) *Onomast.* in voce *Sichar* et *Sichem*.

(3) Ex ed. WASSELINGII, p. 587.

(4) Conf. etiam ROBINS. l. l. III, l. p. 343 seq.

(5) Conf. locus ex *Epist. Samarit.* ad LUDOLF., ap. CELLAR. l. l., p. 15; et *Acta Lips.* l. l., p. 168.

(6) RELAND. l. l., p. 126 seq. Aliud duplicis nominis exemplum habetur fortasse in vocibus מקדש et מקדש. Urbem volo in litore Maris mediterranei a septentrione Acconis sitam. Prius nomen tantum occurrit *Jud.* I. 31, pinguedinem notans, idque, a soli fertilitate, sive maris deliciis desumptum est. Alterum cohaerere videtur cum Idolorum Cultu, spectans fortasse oraculum, artesve magicas, quibus urbs inclaruerat. Significat nempe incantationem, et occurrit *Jos.* XII. 20, et XIX. 25. Alia vicina urbs, eadem fortasse sibi jura immerito arrogans, dicta sit מקדש (recentiore tempore dicta a Graecis *Ecdippa*, et hodie *الريب*, vid. ROBINS. *Pol.* Tom. III, p. 883), id est mendax.

tores fuisse, quis credat? Samariâ funditus eversâ, vis eorum *tunc* fracta quidem, *invidia* vero eo vehementius incensa est. Quae quomodo eos instigaverit, ut datâ occasione, de injuriis illatis vindictam sumerent, Ptolemaïdis testetur obsidio, quae Alexandro Jannaeco graves molestias creavit (1). Nec raro ejusmodi Judaeis nocendi opportunitas iis temporibus Samaritanis oblata est, sive bella cogitamus, quae Judaei tunc cum Exteris gesserunt, sive discordias, in regiâ ipsorum familiâ vulgo furentes, ac turbas, a Sectis judaïcis excitatas. His enervatae et quassatae Reip. judaïcae potentia subito labefactata, ac nominis Maccabaïci celebritas post Johannem Hyrcanum brevi obscurata est. Bella non modo suscepta sunt, ad Gentes *subigendas* (2), sed etiam ad subactas *coërcendas*, et *clades ante acceptas reparandas* (3). Non semper enim victricia erant Maccabaeorum arma. Funditur Alexander Jannaecus ab Arabibus, et prope Sichemum a Demetrio Eucraero (4). Nec mirum! A Phariseis hic invocatus, et ab his in Alexandro debellando strenue adjutus erat. Alexander vero suis merito diffidens, copias peregrinas, ex Pisidiâ et Ciliciâ collectas, conduxerat (5). Ea ergo Civitatis judaïcae eo jam regnante conditio erat, ut, nisi Regnum Seleucidarum et Ptolemaeorum adeo extenuatum fuisset, in bellis cum his obortis illa sine dubio succubuisset. Non diu tamen Judaeorum Civitas, tabe internâ in dies magis attrita, incolumis servari potuit. Phariseis, sub Alexandrâ, Alexandri Jannaeci Viduâ (79—71), principatum obtinentibus, inferiores Sadducaeorum partes resistere non desierunt. Duce Aristobulo II (71—63) hae quoque, Hyrcano fugato, Phariseorum insaniam coërcent. Hi victi Antipatrum, nobilem Idumaeum socium sibi assumunt. Ac jam Aristobulus, ab Aretâ, ad quem confugerat Hyrcanus, et a Phariseis in summas angustias Hiërosolymis redactus, Romanorum, sub Scauro et Gabinio Syriam tunc occupantium, auxilium implorat. Pompejum, mox Damasci degentem, ut res Orientis moderaretur, Pharisei primum adeunt, deinde etiam Aristobulus. In lite componendâ Pompejus primum cunctatur sagaciter. Tandem vero Antipatri astutiâ Pharisei superiores evadunt. Aristobulo Romam abducto, Hyrcanus *Judaeae* Pontifex et Princeps creatur: ac *reliquâ* Palaestinae parte Syriae Provinciae adjectâ (6), Samaritani *Romanis* subjiciuntur.

Samaritanorum status sub Judaeorum principatu, deficientibus disertis testimoniis, *sigillatim* describi nequit. Ex JOSEPHI de eo tempore relationibus, *universe* tantum de eo judicare licet. Judaei Samaritidis *urbes praecipuas* ac *loca quaeque situ mu-*

(1) JOSEPH. *Antt.* XIII. 12, 13.

(2) Aristobulus I. (107—106) v. c. *Ituraeos* subjecit (JOSEPH. l. l. XIII. 11).

(3) Bellum v. g. Alexandri Jannaeci (106—79) cum Aretâ (JOSEPH. l. l. XIII. 15. 2).

(4) JOSEPH. l. l. XIII. 13. 5, et 14. 1.

(5) JOSEPH. l. l. XIII. 13. 5.

(6) JOSEPH. l. l. XIII. 16, et XIV. 1—4.

*nita* tenere studebant (1); *rure* non magna vulgo erat ipsorum auctoritas. *Urbium* praesidia si valida semper fuissent, haec tractuum circumjacentium incolas graviter vexare potuissent, an vero ea plerumque suffecerint ad urbes coërcendas, ac remotiores ruricolae coërcendos, dubitamus. Gravem profecto metum ipsa his non incusserint, quum Judaeorum Resp., bellis gerendis detenta, ac civilibus discordiis dilacerata, res domesticas curare satis haberet. Exercitus porro transeuntes, et proelia commissa, Samaritanorum Terram interdum certo devastarunt. Partium contra judaicarum certamen Samaritanis sine dubio profuit. Phariseos acerrimos hi quidem adversarios habebant, at ii etiam in mediis calamitatibus publicis, quibus ipsi premebantur, pluribus negotiis erant obruti, quam ut Samaritanos semper attenderent magnopere. A Sadduceis, qui, ut multi Samaritani, antiquis placitis tenaciter addicti erant, hi boni quid sibi sperare poterant, quin Sadducearum rationes politicae Sectae Sadducearum vindicibus, Alexandro Jannaeo et Aristobulo II, suaserint, ut Samaritanis faverent. Nam hi principes, si non magnam fidem habuerint *Peregrinis*, Samaritidem incolentibus, et Samaritanis, qui *Graecorum Cultum profiterentur*, vel *ab eo non prorsus essent alieni*, — quippe quorum major pars, quod Ptolemaïdis obsidio testetur, sive cum communibus Gentis judaicae hostibus conspirabat, sive ad ipsorum partes inclinabat, — fidem eo lubentius tribuerint iis, qui Cultum mosaicum amplecterentur. Hos ergo, ut diximus, Vallem sichemiticam iis temporibus iterum adiisse, et Sadduceis haud improbantibus, incolis rursus frequentasse, verisimile est.

Samaritani igitur eâ aetate, quâ Romanis subiciebantur, ex cladibus ante acceptis sensim quodammodo convaluerant (2). Ex *Samariae* urbis sorte id item apparet. Hanc Aulus Gabinius cum aliis urbibus in *urbis munitae* formam quidem restituit (3), verum ante ejus adventum ab ipsis Samaritanis restaurata, atque a Judaeis praesidio etiam instructa fuerat. Pompejus hanc aliasque urbes Judaeis eripuit (4). Nomen *Γαβινιόπολις*, a Gabinio ipsi inditum, invalescente novo nomine (*Σεβαστή*), ab Herode magno, ut Caesari adularetur, huic urbi tributo, brevi obsoletum est (5).

Romani hae urbes restituentes sive munientes, ac pristinos incolas eo revocantes, et alios aliunde allicientes, Castella contra, quae Seditiosis tutum praebebant refugium, diruebant (6). Ac prudenter sane sic ii agebant. Urbibus iis nempe restitutis, tum Sa-

(1) JOSEPH. l. l. XIII. 15. 4. De Palaestinae conditione, regnante Dynastiâ Hasmonaeorum, ac de Veterum de ipsius rebus gestis judicio, vid. BERTHEAU, l. l. p. 434 seq.

(2) De magno incolarum numero, quo Palaestina iis temporibus frequentata erat, et de mercaturâ, agriculturâ, artiumque et disciplinarum studio, tunc ibi florentibus, vid. BERTHEAU l. l. p. 431 seqq.

(3) JOSEPH. l. l. XIV. 3, 3, coll. 4. 4, et de *Bello Jud.* l. 8. 4.

(4) JOSEPH. de *B. J.* I, 7, 7.

(5) CELLAR. *Collect.*, p. 4, et *Exercit.*, p. 8.

(6) JOSEPH. *Antt.* XIV, 5, 4; de *B. J.* I. 8. 5. BERTHEAU, l. l. p. 437.

maritanorum gratiam inibant, tum munimenta sibi ipsi parabant, quae Hiërosolymis haud procul distabant, et aptissima profecto erant ad praesidia recipienda, quae, quamdiu abessent Legiones, *Romani nominis* dignitatem tuerentur.

Nec uno tantum nomine Romanorum imperium Palaestinae salutare fuit. *Rem ii judiciariam* v. c. ibi emendarunt. Judaeis enim in 5 urbibus, Hiërosolymis, Gadaræ, Amathunte, Hiërichunte, et Sepphori, Synedria instituta sunt, quorum causae agenda Senioribus (τοῖς ἀγίοις) commissae erant (1). Pariter deinde atque illis, Samaritanis certo permissum erat *Sacra* celebrare, quod item ex Joh. IV. 20—22 statuere licet. Aliane Privilegia Romani Samaritanis largiti sint, ignoramus. Ex JOSEPHO colligas, suum eos quoque aliquando habuisse *Senatum*, cui, si a Romanorum Magistratibus ipsorum jura violarentur, Populi causam vindicare mandatum fuerit. Querelas nempe de clade, quam Pilatus Procurator Samaritanis intulerat, *Σμαρτῶν ἡ βούλη* ad Vitellium, Syriae Proconsulem pertulisse dicitur (2). Ut denique Hyrcano, ita iis etiam Palaestinae partibus, quae Syriae provinciae adjungebantur, *tributum* imponebatur.

Haec, utut sapienter sic a Romanis statuta, cavere tamen non potuerunt, quominus externa Palaestinae conditio, annis mox sequentibus miserrima esset. Vexationes quam graves fuerint, e solo Crassi exemplo manifestum (3), qui Gabinio in Syriae administratione successerat. Bellorum insuper saevissimorum theatrum Palaestina mansit. Partes, quibus praefuerat Aristobulus II, Pompejus fugaverat quidem, non vero devicerat. Hinc tumultus perpetui, ab Alexandro, Aristobuli filio, et a Patre Alexandro, quorum ille Pompeji manibus, hic Româ elapsus erat, commoti (4). Crevit istorum audacia, quum Caesar his juvandis, Pompeji causam perdere decrevisset (5). Acerbissimum vero iidem hostem habebant Antipatrum. Hic enim nomine Hyrcani agens, et ut primum Pompeji, sic postea Caesaris gratiam callide captans, sua ipse commoda tantum promovebat, quae res eum exitum habuit, ut anno 48, Hyrcano in *Pontificatu* confirmato, Antipater Judaeae *Procurator* (ἐπίτροπος) constitueretur (6). A Romanis adeo benigne habitus, Antipater de Optimatum Judaeorum invidiâ parum erat sollicitus. Neque aliter se gessit Herodes, Filius. A Patre Galilaeae, a Romanis deinde Coelesyriae praepositus, hic Synedrîi auctoritatem deridet (7). Patre veneno per Malichum sublato, a Cassio primum, mox ab Antonio honoribus cumulat, Antigonom, Aristobuli filium superstitem, profligat, neptique Hyrcani, Mariamne, ductâ uxore, irritisque redditis accusationibus, a Judaeis adversus ipsum ad

(1) JOSEPH. *Antt.* XIV. 5. 4; *de B. J.* I. 8. 5.

(2) JOSEPH. *Antt.* XVIII. 4. 2.

(3) JOSEPH. *Antt.* XIV. 7; *de B. J.* I. 8. 8.

(4) JOSEPH. *Antt.* XIV. 5 et 6; *de B. J.* I. 8. 2.

(5) JOSEPH. *de B. J.* I. 9. 1.

(6) *Antt.* XIV. 8; *de B. J.* I. 10. 3. BERTHEAU, p. 439.

(7) *Antt.* XIV. 9; *de B. J.* I. 10. 4—9.

Antonium delatis, viam sibi ad principatum munit (1).

In perpetuâ hacce rerum commutatione, Pharisei saevire non desierunt; quorum odium in Romanos quamvis in dies augetur, eorumdem tamen auxilio, ad Antipatrum ejusque Filios perdendos iidem tamen lubenter usi fuissent, nisi ipsorum consilia irrita reddidisset major Gentis Herodianaë calliditas. Quae qualis fuerit, exinde cognoscitur, quod multis licet turbis jactaretur Romana Resp., haec tamen partium superiorum gratiam magnâ cum dexteritate, ac felici successu, semper sibi conciliabat.

In rerum conditione adeo incertâ et fluctuante, nulla vulgo in Palaestinâ vitae bonorumque erat securitas. Praedas per terram libere agebant Latronum catervae, quibus tamen debellandis et dispergendis Herodes egregie meruit (2). Accedebant insuper aliae calamitates, terrae motus, pestis, et fames (3).

Praeterea, ac si Judaeorum domestica dissidia, atque atrocia ista latrocinia, et Romanorum bella nondum suffecissent malis publicis exaggerandis, *Parthorum* agmina Palaestinam invadebant, ab Antigono, quibus regnum recuperaret, excitata. Captis a Parthis anno 39° Hiërosolymis, Hyrcanus abducitur, aufugit Herodes, Antigonus imperium recepit. At per breve tempus. Herodes, Romae Rex creatus, Palaestinâ iterum subjectâ, Hiërosolyma anno 37° rursus expugnat (4).

De Samaritanorum iis temporibus vicissitudinibus rebusque gestis, vix aliquid innotuit. Solummodo novimus, Herodem, Patre mortuo, Samariae seditionem, quae quam ob causam orta esset, latet, compescuisse. *Kai, inquit JOSEPHUS (5), παραγενομένος Ἡρώδης εἰς Σαμάρειαν, καὶ καταλαβὼν αὐτὴν κεκακωμένην, ἀνεκτάτο καὶ τὰ πλεῖστα διέλυσε τοῖς ἀνθρώποις.* Neo plura haec docent (6): *τραπὲς δ' ἐπὶ Σαμάρειαν, στάσει τεταραγμένην, κατεστήσατο τὴν πόλιν.* Huic urbi Herodes postea, licet post Antigoni reditum non cuncti Samaritani Herodi faverent (7), omnem fiduciam habuit (8).

Quae de Cleopatrae, Aegypti Reginae (quae Ptolemaei Auletae filia, ac Ptolemaei Dionysi soror erat) benevolentia, quâ Samaritanos amplexa sit, ABÛ'L-FATHUS in Chronico tradidit (9), ab aliis Scriptoribus non confirmantur. Sepositis insertis fabulis et erroribus, veri tamen quid in ipsius dictis lateat. Teneamus modo, Samaritanos intelligi *aegyptios*, quos Cleopatrae filius (?) contra Judaeorum impetus tuitus sit. Causae, quibus effectum

(1) *Antt.* XIV. 11—14; *de B. J.* I, 11, 12, 14.

(2) *Antt.* XIV. 15; *de B. J.* I. 15, 16.

(3) *Antt.* XV. 5. 2, 7. 7. et c. 9.

(4) *Antt.* XIV. 13—16; *de B. J.* I. 13—18.

(5) *Antt.* XIV. 11. 4.

(6) *De B. J.* I. 11. 6.

(7) *Antt.* XIV. 13. 3, 15. 1 et 12; *de B. J.* I. 13. I, 15. 3, 17. 5.

(8) *Antt.* XIV. 15. 3 et 4; *de B. J.* I. 15. 6 et 16. 1.

(9) *N. Report.* I, p. 150 seq.

sit, ut Regina ita ageret, cogitari possunt, sive statuas, Samaritanos *palaëstinensés* Cleopatras, ex Aegypto a Fratre pulsas, et exercitum in Syria et Palaestina colligenti, opem tulisse (1), sive potius Samaritanos *aegyptios* eidem atque Caesari, Alexandriae in angustias redactis, auxilium praestitisse (2). Judaeos ipsi, nec sine causâ, exosos fuisse, constat. Judaei nimirum *aegyptii* cum ejus Adversariis primum faciebant, non cum Sociis Romanorum (3). Quid Judaei postea egerint, non liquet. Hos vero pari modo atque Palaëstinenses odio Romanos persecutos esse, et Cleopatras, his deditissimo, infensos fuisse, credibile est (4). Multiplex porro iras continuas Cleopatram inter et Judaeos excitandi opportunitas ab eo tempore exstitit, quo Regina domesticis familiae Herodianaë dissensionibus immiscebatur (5), eademque, imperium proferre semper gestions, Judaeae et Arabiaë partem, in detrimentum Herodis, ab Antonio acceperat (6).

Bellis civilibus inter Romanos compositis, laetior Palaëstinae dies exortus est. Quod beneficium, auctore potissimum Herode, qui rerum ibi tunc gestarum magna pars fuit, ei Terrae contigit. Is, Latronibus debellatis, atque ipsius inimicis partim mortuis, partim profligatis, Augusti favore fruens, *totius* Palaëstinae imperium adeptus est (7). Et hoc tenens, si nefanda seponis facinora, ad quae patranda invitus primum ferebatur, prudentem plerumque se gessit. Malevolos coërcuit, et seditiones praevertit; et constans licet, ac propositi tenax, vigentes tamen opiniones reveritus, ac communi omnium desiderio, quantum fieri posset, obsecutus est. Quae quum ageret, ac publicas calamitates sublevaret (8), et Samaritanorum, et Judaeorum, qui ab eo, Peregrino quippe, olim prorsus abalienati erant, benignitatem sibi conciliare studuit. Hanc vero etiam sibi parare conatus est, harum Gentium prosperitatem promovendâ. Aedificia pulchra, superba, magnifica, variis locis exstruxit, et urbes sive condidit, ac restauravit, sive amplificavit, et ornavit. Quâ re simul Regni splendorem auxit, suaeque famae ipse consuluit, ac salutis publicae non minus, quam imperii securitati prospexit. Praeter alias urbes (9), *Caesarea* potissimum in censum venit, quam eo loco, ubi ante *Turris* erat *Stratonis*, condidit, ac Portu, et Templo ornavit (10). Deinde *Samaria*, a Gabinio jam restaurata, quam ille in Augusti honorem *Σεβαστιν* nuncupavit, quod nomen, postea quippe *Sebasten Palaëstinae*, sive *Syriae*, sive etiam *Sebastopolin* vocata, in perpetuum retinuit. Urbs ab Herode dilatata et moenibus instructa est, quorum ambitus

(1) PRIDRAUX l. l. II, p. 694, *HERREN Handb.*, p. 313.

(2) PRIDRAUX l. l. II, p. 699 seqq.

(3) JOSEPH. de B. J. l. 9. 3 et 4; *Antt.* XIV. 8. 1 et 2.

(4) JOSEPH. contra Apion. II. 5.

(5) *Antt.* XV. 2. 5, et 3. 2 et 5.

(6) Ibid. XV. 4.

(7) *Antt.* XV. 7. 3, de B. J. l. 20. 3.

(8) *Antt.* XV. 9.

(9) *Antt.* XVI. 5. 2.

(10) *Antt.* XV. 9. 6.



20 erat stadiorum. Incolarum numerum praeterea auxit, partim Coloniâ 6000 virorum, partim terrae Indigenis, illuc transferendis. Mediâ urbe, in foro, sive in spatio sacro, varie ornato undique, 1½ stadiorum, Templum posuit Augusto magnificum et pulcherrimum. Reliquam urbis partem aliis decoravit ornamentis (1), quorum tum alia indicia, tum maxime rudera Porticûs ingentis, cum dicto Templo olim fortasse conjunctae, in meridionali Montis latere hodieque supersunt, quae nostrâ etiam aetate Itineratores in admirationem adducunt (2), adeo ut JOSEPHUS jure testatus esse videatur, celeberrimis urbibus Samariam non cessisse (3). In hac Urbe Herodes saepe degebat, ibique etiam in gravem morbum aliquando incidit (4). Hanc autem urbem, ut jure idem opinatus est JOSEPHUS, Herodes non modo suam in gratiam, ut voluptatis oblectamentique sensui obsequeretur, ita exhilaravit, sed etiam adeo munivit, ut imperium ac semet ipsum tutum redderet, si Samaritani aut Judaei res novas molirentur. Naturâ jam munitissima, sic a neutrâ Gente capi, mediâque in Samaritide sita, illos coërcere poterat, atque unius diei itinere Hiërosolymis distans, ad Judaeos quoque debellandos locus erat perquam opportunus. Arcis ergo Antoniae mentione factâ, sic JOSEPHUS pergit (5), παντὶ τῷ λαῷ τὴν Σαμαρείαν ἐπενόησεν ἐπὶ τείχος, καλέσας μὲν αὐτὴν Σεβαστήν, οἰομένους δὲ κατὰ τῆς χώρας γίνεσθαι τοῦτο οὐδέν ἔλαττον, ἰσχυροποιεῖ τὸν τόπον, ἀπέχοντα μὲν Ἱεροσολύμων μιᾷς ὁδοῦ ἡμέρας, εὐχρηστον δ' ὄντα καὶ κοινόν ἐπὶ τε τοῖς ἐν τῇ χώρᾳ καὶ τῇ πόλει γινησκομένον. Lapsus est ABŪ'L-FARAGIUS (6), contendens Herodem Neapolin restituisse, quod exinde in primis elucet, quod Samariam cum Neapoli ante confudit (7).

Herodes ut urbibus condendis et amplificandis, ac publicis, quae omnium utilitatibus inservirent, monumentis ibi constituendis, apud omnes, qui in iis habitarent gratiam iniit, ita aliis item ac variis modis Exteros, et omnes, quotquot ipsorum Mores et Cultus placerent, devincire studuit. Ludos cogito, quos introduxit, ac Theatra, cujusmodi in ipsâ Hiërosolymorum urbe extruxit (8). Tempia accedunt, tum Samariae, tum alibi, et vero ad fontes Jordanis, in locis antiquitus foedâ superstitione famosis (9) aedificata, ac Dona, quae ad urbes non paucas, quae a Palaestinâ procul erant remotae, decorandas et exhilarandas, quin ad Sacrarîa etiam ibi restauranda (10), immensâ ac vere regiâ libera-

(1) *Antt.* XV. 8. 5; *de B. J. I.* 21. 2.

(2) Vid. K. von RÄUMER *Palaestina*, 2e Ausg. Leipz. 1838, p. 758. In primis ROBINSON *Palaestina* III Bd., p. 372 seq., et 375 seq.

(3) *Antt.* XV. 8. 5.

(4) *Antt.* XV. 7. 7.

(5) *Antt.* XV. 8. 5.

(6) *Hist. Dyn.* p. 109.

(7) Ibid. p. 103, ubi traditur Hyrcanus devastasse Samariam, quae est Neapolis (شميرين وهي نابلس).

(8) *Antt.* XV. 8. 1; coll. XVI. 5. 1, et XVII. 6.

(9) *Antt.* XV. 10. 3.

(10) *De B. J. I.* 21. 11 et 12; *Antt.* XVI. 5. 3.

litate misit. Haec autem, quia permultos, ac Judaeos maxime, et Samaritanos, qui Proavorum Moribus ac Religioni mosaicae addicti erant, graviter offendeabant, Rex, *omnium* quippe benevolentiam sectans, aliis *ipsos* beneficiis sibi benignos reddere conabatur. *Judaeorum* variis desideriis succurrit. Vestitu pontificali in Arce Antonia prudenter deposita (1), Rex creatus, sacerdotalem dignitatem aliis gerendam commisit, primum *Ananelo* (2); quem, quum vidisset populo ingratum esse, movit, et *Aristobulum*, eoque interfecto, alios ejus loco substituit. Agebat nempe prouti rationes politicae suadebant (3), at licentia tamen utebatur haud inaudita (4). Insigne deinde beneficium, quo publicum Judaeorum Cultum ornavit, Templum fuit hierosolymitanum, ac lauta sacrificia in hoc delata. Sortem porro Judaeorum, in aliis Terris degentium, per favorem et auctoritatem, qua apud Romanos ipse fruebatur, meliorem reddidit, eorumque jura tuitus est (5); quibus hoc denique annumerandum est, quod urbem in Trachonitide condidit, non modo ut Trachonum latrocinia cohiberet, sed etiam ut Judaeorum, ex Babylonia Hierosolyma peregrinantium, securitati consulere (6).

Haec in *Gentilium* et *Judaeorum* gratiam agens, *Samaritanos* etiam, *Cultum mosaicum* sequentes, Herodes non prorsus neglexisse videtur. Templum tamen in Monte garizimitano non restitutum est, cujus restituendi veniam iidem fortasse, irritum nempe hoc fere opinantes, ne petebant quidem, aut petentes repulsam certo patiebantur. Rex enim si hoc concessisset, Judaeos lacessivisset, quorum iram provocare, gravius ipsi visum sit, quam *horum* Samaritanorum, qui et numero et auctoritate Judaeis multo inferiores erant, benevolentia uti. Constat nimirum, Herodem in rebus publicis moderandis, rationibus ductum fuisse, a vero Religionis sensu longe remotis, qui, si umquam eo imbutus fuerit, superbia ac dominandi furore in dies magis magisque extenuatus est. Satis ergo se fecisse opinatus sit, si Sacra in Monte garizimitano peragere Samaritanis permisisset. Et hoc beneficio, ut ex Joh. IV conspicuum est, *deinde* vivo J. C. revera ipsi utebantur, neque a Judaeis, ullis in Cultu celebrando molestiis affecti esse videntur. Iisdem pariter atque Judaeis insuper concessum fuerit, *Coetus* ac *Synagogas* condere in urbibus, *Herodis imperio subjectis*, in quarum nobilissimis Samaritani postea, rebus turbatis, magnas partes egerunt.

De *beneficiis* tamen, qualibuscunque tandem, quae Samaritani ab Herode acceperint, Josuae Liber ne verbo quidem monuit: contrarium vero perhibetur in Chronico ABU'L-

(1) *Antt.* XVIII. 4. 3, coll. XX. 1. 1.

(2) *Antt.* XV. 2. 4, et 3. 1.

(3) *Antt.* XV. 3. 1. et 9. 3, XVII. 6. 4.

(4) *L. L.* XV. 3. 1.

(5) *Antt.* XVI. 2. 5, et Cap. 6.

(6) *L. L.* XVII. 2. 1. Iudicium de Herode tulit BERTZAV *L. L.* p. 441 seqq.

*facti, tradentis, complures, tum Samaritanorum tum Judaeorum, Herodem interfecisse, et in summas angustias redegit* (1). Quae quamvis, quod Samaritanos attinet, a JOSEPHO non memorentur, verissima tamen sint. Herodes haec fortasse patravit, ut vindictam sumeret de iis, qui sive Antigono, sive Cleopatrae (2), sive aliis ipsius adversariis, favissent.

Mortuo Herode, Filius Archelaus, *Ethnarchae* titulo, Idumaeae, Judaeae, et Samariae imperio ab Augusto donatus est, hac conditione, ut quartum tributorum partem Samaritanis remitteret, quia hi seditionem, a Judaeis post Herodis obitum agitaram, participes non fuerant (3).

Archelaus promissis non stetit. Itaque a Samaritanis et Judaeis, quos crudeliter tractaverat, accusatus, Romam vocatus, et Viennam in exilium missus, ac terris ipsius, a Cyrenio in Provinciae romanae formam redactis, *Procurator* (*ἐπίτροπος, ἑταρχος*) praepositus est; cujus igitur ditio (*ἐπαρχία*) Judaeam, Samariam et Idumaeam complectebatur. Primus hoc Munere functus est *Coponius*, plenâ potestate, ut videtur, si urgeret necessitas, instructus (4). Sequentium, *M. Ambivii, Annii Rufi, Valerii Grati, Pilati* certe, huic succedentis (5), auctoritas, Syriae Praefecti, Antiochiae degentis (6), mandatis submissa fuit. Vitellio nimirum jubente, Pilatus Romam se contulit; *ταῖς Οὐδελλίων*, ut ait JOSEPHUS (7), *πειθομένους ἐντολαῖς, οὐκ ὄν ἀντιπείθ.* Habitabat Procurator Caesareae (8), quae urbs huic consilio aliis sane aptior erat. Magno licet Judaeorum (9), et Samaritanorum numero frequentata, propter Exteriorum tamen, ibi vel semper habitantium, vel aliquamdiu commorantium, insignem numerum, Indigenarum hic minor erat, quam aliis in locis efficacia, quae Hierosolymis sane summa semper fuit, et Samariae etiam major Romanis visa sit. Hanc saltem urbem si Procuratoris sedem elegissent, arctiorem cum Samaritanis contraxissent necessitudinem, Judaeis perquam ingratam, quorum inviam sine causâ Romani excitare volebant. Eum praeterea locum certe ipsi ceteris omnibus praetulerunt, quia ejus cum Italiâ, et reliquis Imperii partibus, commercium ab Indigenis non interrumpi, quia auxilia eo semper mitti, quia denique romani Nominis dignitatem

(1) Vid. SCHWENKE in *J. Report.* I, p. 152 et 154.

(2) Vid. supra p. 110 seq.

(3) *De B. J. H.* 5. 1, et 6. 3; *Antt.* XVII. 10. 9, et 11. 4. De seditionibus, tunc motis, sanguinolentis, ac Palaestinam graviter iterum affligentibus, vidd. *de B. J. H.* 1. 5, et *Antt.* XVII. 9 et 10. Vid. etiam BERTHEAU p. 444. et quod *Idumaeam* attinet, ibid. p. 429 in notâ.

(4) JOSEPHUS (*Antt.* XVIII. 1, 1, coll. *de B. J. H.* 8. 1) his utitur verbis: *ἡγεμονεύοντες τῶν ἐν τῇ πόλει Ἰουδαίων*. De *Procuratoribus* vid. BERTHEAU. l. l. p. 444.

(5) De iis vidd. *Antt.* XVII. 3. 2, et *de B. J. H.* 11. 9. 2.

(6) *Antt.* XVII. 9. 3, et 10. 1.

(7) *Antt.* XVIII. 4. 2.

(8) *Antt.* XVIII. 3. 1.

(9) *Antt.* XX. 8. 7. et 9, et *de B. J. H.* 13. 7.

ibidem tueri simul, et variarum Palaestinae Gentium res sine partium studii specie administrare poterant.

Samaritani Romanorum imperio, ut ante Persarum et Graecorum, melius quam Judaei, se composuerunt. Sepositis nempe Rusticis ac Montis sacri Accolis, a Proavorum consuetudine non recedentibus, major Populi pars, urbes habitans, et Graecos fere referens, suâ sponte propensa erat ad morem Romanis quoque gerendum. Quod Procuratores, qui, Caesareae degentes, frequentius cum iis, quam cum Judaeis habebant commercium, sano movit, ut nisi privatae intercederent rationes, iis magis quam Judaeis essent benigni. Praeterea si vel non exstitisset inveterata ista et implacabilis eos inter et Judaeos similtas, quae eâ item aetate quam maxime saeviebat, aliam etiam ob causam Romanorum imperium, cujus beneficiis, non contemnendis, fruebantur, Samaritanis gratum fuisset. Res volo judaeas, quae raro salvae, tunc vero in dies magis turbatae, ac tales erant, ut cuique de suâ salute sollicito, vehementer displicerent.

In hac Samaritanorum eo tempore in Romanos propensione, non mirum est, majorem partem exercituum Romanorum, in Palaestina militantium, *Caesariensibus* et *Sebastiensibus*, sive *Caesareae* et *Samaritiae* incolis constituisse (1). Exemplum porro, indicans quam fiducia Samaritanis Romani habuerint, praebet Cestii Galli, Syriae Praesidis agendi ratio, *Neapolitanum Chitharokam* ad Agrippam Junioem, Legatum mittentis, qui cum eo in Gessii Flori res, in Judaea gestas, inquireret (2).

Specimen odii Judaeos inter et Samaritanos ejus temporis, Judaeorum offert criminatio, Samaritanos, Procuratore Coponio, Templum hiërosolymitanum ossibus humanis, per Porticûs et Locum sacrum universum dispergendis, polluisse (3). Recte Coponius haec non attendit. Cujus prudentiae exemplum si in suos usus convertissent, ac sic moderatius egissent, Pilatus et Cumanus, suis sane, et Palaestinensium rebus, ii melius prospexissent. Duos tristes casus intelligo, quorum alter ostendit, quo fervore fanatico multi etiam Samaritani eo tempore in Religionem avitam ferrentur; alter, quem deinde memorabimus, non Judaeorum modo hostilem in Samaritanos animum, sed et Samaritanos paratos depingit, ad illatarum injuriarum vindictam Romanis committendam, quo facto fidenter speraverint, fore ut severos etiam juris sui vindices ipsos haberent.

Ferebatur, — hicce enim prior est casus, quem supra dixi, — ferebatur inter Samaritanos traditio, in Libro Josuae item servata, sacram, quâ Tabernaculum olim instructum fuisset, suppellectilem in Monte garizimitano reconditam fuisse; locum vero, ubi ea deposita esset, prorsus esse ignotum. Anno autem 36° post C. n. Samaritanus quidam prodiiit, affirmans, se speluncam, ubi ea lateret suppellex, indicaturum esse. Magnum hic

(1) *Antt.* XX. 8. 7; *de B. J.* II. 13. 7.

(2) *De B. J.* II. 16.

(3) *Antt.* XVIII. 3. 2.

sociorum numerum adiaciscit, multa pollicitus, spe fortasse excitata, fore ut, thesauri reperto, Templum denuo extrueretur, ac sic suis Sacris honos tandem restitueretur. Verum a Monte sacro, quum illuc pervenissent, a Pilato, qui, recognita, viam copiis praecluserat, abarcentur. Proelio commisso, multi, iique nobiles Viri, occiduntur, fugantur reliqui. Tumultu sedato, querelas de hac caede Senatus Samaritanorum ad Vitellium defert, eo eventu, ut Pilatus Romam, unde in Palaestinam numquam rediit, petere cogeretur (1), et ipsi sufficeretur *Marullus* (2).

Pilato Romam veniente, Tiberius jam mortuus erat, et huic successerat Cajus Caesar, Agrippae, Herodis magni nepotis, qui Romae detinebatur, patronus insignis (3). Primum Cajus Agrippam Tetrarchiæ Philippi, filii Herodis m., quae partem complectebatur Galilaeae et Trachonitidis, anno 37° donebat, ac *Regis* titulo simul ornabat; anno vero 40° idem his terris addebat ditionem Herodis Antipae, Philippi fratris, quae reliqua Galilaea et Trachonitide atque Peracæ et Ituracæ continebatur; ac proximo anno his adiciebat Claudius Judaeam, Samariam, et priscam Lysaniae Tetrarchiam (4); quo facto omne Avi regnum Agrippa obtinuerat. Huic tamen per triennium modo imperavit, mortuus Caesareae anno 44° (5). JOSEPHUS summis ipsum laudibus celebravit (6). *Judaeorum* scilicet benevolentiam variis modis sibi conciliare conatus erat. Quod quum ipsi cederet, reliquorum tamen Palaestinae incolarum gratiam non assequabatur. Caesarienses saltem, et Sebasteni, sive copiae in Palaestinâ militantes, suam de ejus morte laetitiam non dissimulabant, imo memoriam defuncti turpissimis opprobriis contaminare, ac filias ipsius acerbis contumeliis afficere, non dubitabant (7). Nimirum 3 filias reliquit, *Berenicen*, *Mariammen*, *Druellam*, ac filium *Agrippam*, juniorem tamen, quam ut Regno paterno praefici posset. Quod ergo *ἡπαρχίας* nomine *Ἐπιτρόπου* carae committebatur, primum *Cuspii Fadi*, mox *Tiberiæ Alexandri*, deinde *Cumani* (8).

Cumano Procuratore, alter casus accidit, quem verbo supra indicavi. Res, quae a JOSEPHO bis, ac variis modis narrata est (9), talis fere fuerit. Judaei Galilaei, festum in Hierosolymorum urbe celebraturi, quum suo more per Samaritidem tenderent, lis orta est eos inter et Ginecos, vici cujusdam, in Galilaeae et Samaritidis finibus siti, incolas (10),

(1) *Antt.* XVIII. 4. 1 et 2.

(2) *Antt.* XVIII. 6. 10; coll. XIX. 5. 1.

(3) *Antt.* XVIII. 5—7.

(4) *Antt.* XIX. 5. 1; de *B. J.* II. 11. 5 et 6.

(5) *Antt.* XIX. 8.

(6) *Antt.* XIX. 7. 3. De eo vid. etiam BERTHEAU l. l. p. 446 seq.

(7) *Antt.* XIX. 9. 1.

(8) *Antt.* XIX. 9. 2, et XX. 1. 1, et 5. 2; de *B. J.* II. 11. 6, et 12. 1.

(9) *Antt.* XX. 6, et de *B. J.* II. 12. 3—7.

10) Eum vicum, haud diversum ab *En-gannim*, in tribu Issacharis (Jos. XIX. 21), JOSEPHUS etiam memoravit de *B. J.* III. 3. 4. De eo vidd. CLARKII dicta ap. T. R. JOYFFE *Reis in Palestina, Syrië en Egypte*, vers. vern. 1822. 8° I., p. 105 seq., et ROBINSON *Palaestina* III, p. 385 seq.

Uno ex Galilaeis occiso, Galilaeorum Primores Cumanum adierunt, ut in caedis auctores animadverteret. Sed frustra. Nam ipsum Samaritani datâ pecuniâ corruperant. Quod quum innotesceret, Galilaei, undecunque confluentes, irruerunt in Samaritanos. Multis utrinque caesis, Samaritani, certiores insuper facti, Judaeorum agmina ad ultionem sumendam Hiërosolymis ex mediâ festivitate profecta esse, ad Cumanum se convertunt. Hic, copiis collectis, et assumptâ Sebastenorum alâ, ac Samaritanis, quos armaverat, secum conjunctis, Judaeos aggreditur. Hi clade affecti, et a Judaeorum Principibus commonefacti, recedunt. Haud pauci tamen, una congregati, mox latronum more praedas agere incipiunt, vicos Samaritanorum diripientes, et incendio delentes. Quae quum Samaritani amplius ferre non possent, ad Ummidium Quadratum, Syriae Praesidem accedunt, qui, re pervestigatâ, nobiles utriusque Gentis Viros cum Cumano Romam dimittit, ubi, auctore Agrippâ juniore, Samaritani damnantur, et Procurator exsilio pleçtitur.

Cumano in Judaeae, Galilaeae, Samaritidis, et Peraeae gubernatione postea successerunt *Felix, Porcius Festus, Albinus*, et *Gessius Florus*. Agrippa junior sive II, primum ab anno 49°, Regno Chalcidensi praefuit; deinde ab 53° a Claudio ejus loco accepit Tetrarchiarum, quibus olim Philippus et Lysanias praepositi fuerant, imperium, iisque a Nerone Galilaeae et Peraeae pars addita est (1).

Felice Procuratore, Caesareae seditio Judaeos inter et reliquos cives, de jure civitatis litigantes, commota est, a quâ belli judaeici, jamdudum tamen ante praeparati, initium pulge ducitur. Eum haec seditio eventum habuit, ut Judaei caesarienses jure civitatis privarentur. Quod quum hi indigne paterentur, et opprobriis, quibus a reliquis civibus afficiebantur, ad causam suam tuendam provocarentur, publicum bellum sub Gessio Floro exarsit. Hoc dum agebatur, omnes Judaei Caesareae, sive occisi, sive inde fugati sunt. Quibus auditis, Judaeae incolae Samaritidis urbes invaserunt, ac caedibus incendiisque eas impleverunt. Dismissa erat Scythopoli strages, ac inaudita fere crudelitas, quâ Judaei in Samaritanos, quin Judaei, *Judaeae incolae*, in Judaeos *exteros* saeviebant (2). Nihil tunc amplius exhibebat Latronum Sicariorumque rabiem, quam Florus insuper magis excitabat (3).

Furore fanatico Samaritanorum nonnullos eo etiam tempore correptos fuisse, testatur JOSEPHUS (4). Ut ante, Pilato Procuratore, ita quoque Vespasiano bellum gerente, Im-

(1) JOSEPH. *Antt.* XX. 7. 1, 8. 4 et 9; *de B. J.* II. 12. 8, 13. 2 et 14. 1 et 2.

(2) *Antt.* XX. 8. 7 et 9, *de B. J.* II. 13. 7, 14. 4 seqq., 18. 1—3.

(3) *Antt.* XX. 8. 10, et 9. 3 et 5; *de B. J.* II. 13. 3. seqq., 14. 2, IV. 3 et 7, coll. VII. 10. 1. De Flori nequitia praeter locos laudatos vid. *Antt.* XX. 11. 1. Turbas hoc bello in Palaestina metas egregie descripsit BEAUMAIS l. l. p. 447 seqq.

(4) *De B. J.* III. 7. 32.

postor quidam, stulte opinans, Romanis se resistere posse, aliquot Samaritanorum millia in Montem Garizimi duxit. Quo cognito, Cerealis Montem per unum diem copiis cinxit, quia, dum ipsae agmine isto inferiores erant, manus conserere volebat. Obsessos igitur primam verbis monere conatus est. Sed frustra. Itaque in eos, fame et aquae inopiâ pressos, impetum fecit, et 11600 occidit.

Galileâ et Peracâ subactis, Vespasianus cum exercitu per Samaritidem, transiens per Vallem Sichemi, in Judaeam perrexit (1). Eadem viâ Titus mox incessit (2). Quae expeditiones, ad *Judaeos* subigendos tantum susceptae, Samaritanis haud gratae licet, minora tamen, quam aliae expeditiones, ante susceptae, incommoda creaverint, quoniam summus in exercitum Romanorum tam in itineribus quam in castris metandis ordo erat, quem, in Oriente quippe nondum observatum, JOSEPHUS item pluribus descripsit (3).

In perpaucas Samaritanorum urbes, hae expeditiones tantam, quantam in Sichemum, efficaciam habuerunt. Sichem nimirum, urbs *antiqua*, bene distinguatur, ut monuerunt item EUSEBIUS et HIERONYMUS (4), ab urbe *recentiore*, cujus nomen est *Neapolis*. Illâ Ebalem a septentrione, Garizimum a meridie habens (5), in *hujus* Montis declivitate condita, nomen acceperat *בֵּרְגִימ* (*bergim*), ibique ROBINSONUS anno 1838 rudera invenit late patentia, et cisternas (6). Ab hac urbe non procul remotus erat *fons Jacob*, et *ager, quem Jacobus emerat*. Puteum hic effodisse videtur, ut ROBINSONUS vere conjecit (7), ut significaret, agrum eum *suum* esse, et ut pastores ipsius, utquam haurire cupientes, ab aliorum arbitrio non penderent. Quod si statuitur, intelligimus, quam ob causam in planitie, multis fontibus irriguâ, puteus insuper *arte* paratus sit. *Ibi* urbem *antiquam* sitam fuisse, novimus ex Joh. IV. 5, 6, quae narratio, eâ sententiâ probatâ, simul illustratur. Fons nempe horam dimidiatam ab urbe *hodiernâ* remotus est, in cujus viciniâ alii fontes habentur. Hic ergo si Mulier samaritana habitasset, ipsi necesse non fuisset, ex loco tam longinquo aquam petere. Ac *vicinam* urbem fuisse, ex multis liquet. *Primo* J. C., ad fontem ipse manens, Discipulos, ut victum emerent, in urbem mittit (vs. 8), qui *brevis* redeunt (vs. 27). *Secundo*, postquam J. C. petierat a Muliere ut abiret, et cum Marito rediret (vs. 16), Mulier post *breve* etiam tempus cum aliis regreditur (vs. 30, et 32—42). Si quis vero miratur, fontem urbi *ita propinquum*, apparatu necessario non instructum esse, quo *omnium* usibus inserviret, adeo ut accedentibus *vas*

(1) *De B. J.* IV. 8. 1.

(2) *Ibid.* V. 2. 1. De reliquiis *Viae militaris*, a Romanis olim paratae, quae ex campo Esdrelomensi per Vallem neapolitanam Hierosolyma tendebat, vid. ROBINSON. L. I. III, p. 294.

(3) *Ibid.* III, 5.

(4) Vidd. loci laudati a BELANDO. *Palaeestina*, p. 1004.

(5) JOSEPH. *Ant.* IV. 8. 44.

(6) ROBINSON *Pal.* III, p. 321.

(7) *Ibid.*, p. 334.

ad aquam hauriendam secum ferro opus esset (vs. 11), is, ut ROBINSONUS acute observat (1), cogitet, alios fontes iis praesto esse; fontem vero Jacobi, quia sacer haberetur, apparatu illo dedita operâ fortasse destitutum fuisse, ne quis ejus aquâ abuteretur, ac potissimum, ut Peregrini, qui per Vallem transirent, ab ejus usu prohiberentur.

*Nova* urbs sita est in parte Vallis fertilissimâ, a septentrione urbis antiquae occidentem versus, qui locus, ubere terrae glebâ fruens, et fontibus rivulisque limpidis ornatus, adeo amoenus est, ut summis laudibus semper celebraretur (2), et ROBINSONUM nuper, postquam Vallem transierat, in admirationem raperet (3).

In his locis Romani, tum ut cohiberent hujus Vallis incolas, qui ad seditiones molientes, ut hodie, ita olim (4) paratierant; tum ut sibi et ipsis instruerent armamentarium, ex quo Judaeorum motus contemplerentur, et horum tumultus coercerent, novam urbem condiderunt, ortam, ut videtur, primum ex *castris* ibi positis, ac brevi auctam insigni hominum, Graecorum maxime et Romanorum, qui eo confluebant, numero. Vespasianum Coloniam eo deduxisse, quod VALESIUS contendit (5), a nullo quidem Scriptore traditur, sed, nisi migrationi in hunc tractum idem aliâ ratione faverit, probabile tamen est. *Coloniae* enim jura a Vespasiano ei Civitati data esse videntur: quae si non habuisset, jure Numos cudendi uti non potuisset (6), cujusmodi a Vespasiano inde ad Volusianum (250 post C. n.) feruntur (7). Numus, sub Philippo seniore (244—249) cusus, primus quidem gerit *Coloniae* titulum, qui deinde in omnibus *fere* sequentibus recurrit, et aliarum contra Palaestinensium urbium Numi idem *Coloniae* nomen *nullo ante* gerunt; — Numi v. c. *Ptolemaidis et Libertatis inde* (8), et *Caesareae*, quorsum Vespasianus Coloniam deduxisse diserte dicitur (9), Numus ex *Traiani* (10), quin ex *Titi* etiam aetate (11), *Coloniae* titulum jam habet; — sed ii ipsi nostram sententiam non subvertunt. Docent enim, ut Numi etiam neapolitani post Philippum seniorem cusi, *Coloniae* titulum semper memorare non necesse esse. Sic praeterea illustrantur dicta SPANHEIM. De vindictâ loquens, quam Septimius Severus (193—211) de adversariis sumit, *Neapolitanis*, inquit cap. IX, *etiam Palaestinensi-*

(1) L. L. p. 334.

(2) Vid. AM'LFADA (incunte seculo 14<sup>o</sup> scribens) *Tab. Syr.* p. 9. *Scatet*, inquit, *rivis manantibus*: et COROVICUS (1598—99), p. 341: *aquis*, ait, *vel maxime abundat, fontibus ubique per plateas viasque publicas passim scaturientibus.*

(3) L. L. p. 315 et 318.

(4) BURCHARDT *Reisen in Syrien* II, p. 591, et ROBINSON III, p. 361 seq.

(5) Ad libr. IV EUSEBII *H. E.* cap. 12.

(6) F. MÜLLER *der Jüd. Krieg unter Trajan und Hadrian*, p. 41.

(7) De Numis neapolitanis conf. in primis JOSEPH. ECKHEL *Doctrina Numorum Veterum* III, p. 433 seqq., et T. E. MIONNET *Description de Médailles antiques* V, p. 499 seqq.

(8) MIONNET L. L. p. 474.

(9) REL. *Pal.* p. 671, 672, 675.

(10) MIONNET L. L. p. 487.

(11) VAILLANT *Numismata Imperatorum* I, p. 135.



*bus jus civitatis* (1) tulit (id est: abstulit, ademil), quod pro Nigro diu in armis fuerant. Et cap. XIV, Palaestinis poenam remisit, quam ob causam Nigri meruerant. Cap. XVII denique: Palaestinis plurima jura fundavit. Quibuscum consentiunt, BASHAGIO referente (2), ULPIANI dicta, *Coloniā a Severo Neapolin deductam esse, ut terram incolis iterum frequentaret.*

In Numis neapolitanis nomen *Flaviae Neapolis* frequentatur, quod sive a Tito oriundum est, sive ab incolis, qui, aliorum exemplum secuti, urbem sic nuncupaverint in memoriam beneficiorum, quae Vespasianus in eam contulisset. *Neapolis*, urbs jam dicitur a JOSEPHO (3), et a PLINIO (4), qui eodem anno, quo Vespasianus, mortuus est; et hoc nomen non, ut pleraque nomina graeca et recentiora, postea obsoletum, sed hodieque servatum est in formā *Nāblūs*, ex *Nābolos* (نَابْلُس) contractā, quā voce posteriori Arabum Geographi (5), et Samaritani ipsi in Libro Josuae usi sunt.

Ab Indigenis JOSEPHI aetate dicebatur *Μαβαρθά*. Loco enim modo laudato, idem narrat, Vespasianum, cum exercitu per Samaritidem in Judaeam profectum esse *παρά Νεάπολιν καλουμένην, Μαβαρθά δὲ ὑπὸ τῶν ἐπιχωρίων*. In aliis Codicibus ibi legitur *Μαβαρθά*, et perperam in aliis, literā δ ex sequenti δὲ repetitā, *Μαβαρθάδ*. Apud PLINIUM l. l., *m* cum *b* permutatā, exstat *Mamortha*. CELLARIUS (6) primum conjecit *Μαβαρθά* respondere vocibus *מֵי בִּוְרְתָא*, aquae puritatis, opinans, hoc nomen desumptum esse a fonte *Jacobi*. Postea vero, cognito Numo, cui inscribitur *μὀρθία*, lectionem *Μαμορθά* praetulit, hanc explicans ex Syriacis *מַלְכֵּי מְדִינָה*, id est *aquae Dominorum, Patriarcharum* nempe, sive potius ex *מַלְכָּה*, *Domina*, ac si urbs diceretur *princeps regionis civitas*. RELANDUS (7) formam *μὀρθία* probavit, quae in dicto Numo legebatur, quia *Numi* corruptioni minus quam *Codices* obnoxii sunt. Hanc autem explicuit ex *מֵי בִּוְרְתָא*, quasi hoc antiquum SICHEMI nomen fuisset, cui recentiores incolae graecam terminationem addidissent; et ex hac voce reliquas deinde formas ortas esse, arbitratur. SCHWART-

(1) Jus hocce Civitatis *Jus est Italicum*, de ejus Privilegiis vid. von SAVIGNY *Geschichte des Röm. Rechts im Mittelalter* 1 Bd., p. 51 seqq. et 62.

(2) l. l. I, p. 219. Quae Coloniarum romanarum ratio fuerit post bellum marcomannicum, a M. Aurelio Antonino gestum, et Severi adeo aetate ac postea, exposuit A. W. ZUMPT in Diss. *Ueber die Entstehung und historische Entwicklung des Colonats*; in *Rhein. Museum, Neue Folge*, 3is Jahrg. 1 Heft. (1843), p. 1 et seqq. (3) *De B. J.* IV. 8 1.

(4) PLIN. *H. N.* V. 13. — *Flavia Neapolis* nuncupatur urbs in *Apolog. I<sup>a</sup> JUSTINI MARTYRIS*, ex ea urbe orti Vid. *REL. Pal.* p. 1005 seq., et *JUST. MART. ed. THIRLBI* Lond. 1722 fol. p. 3 et seq.

(5) ROBINSON. l. l. III, p. 315 in notā.

(6) *Collect. Sam.* p. 10, et 11. *Exercit.*, p. 16.

(7) *Diss. Misc.* T. I, p. 138 seqq.

ZIUA (1) RELANDI opinionem recte missam fecit, urbem ab Indigenis Μαβαθά, sive Μαβαθά vocatam esse censens, sed perperam eam sic dictam esse statuit, quia, ut ait, *Colonia erat, adeo ut Incolae notionem attendissent transeundi e loco ad locum, Colonis in primis convenientem*. Idem, quod ipsi, nomen, mihi quidem, ante quam hanc interpretationem legeram, etiam in mentem venerat, מַעְבְּרָה volo: verum hac voce, quia aliae urbes, eodem *Coloniae* jure gaudentes, hoc nomen non gerebant, potius existimem, intellexisse Indigenas *exercituum transitum*: quorum castra, iis in locis posita, postea causa fuerint, quare puteus Jaqobi *Ein el-Ascar* (عين العسكر), sive *fons exercitus*, ac tractus propinquus *Sāhel el-Ascar* (ساحل العسكر), *campus exercitus*, hodieque vocetur (2). Ex istā autem voce *el-Ascar*, *Istar*, quod nomen QUARESMIUS (3) memorat, corruptum esse videtur. — Numum denique, cui RELANDUS magnam illam tribuit auctoritatem, *neapolitanum non esse*, ROBINSONUS (4) non sine causā suspicatur. Numum nempe HARDUINUS memoravit, cui inscripta erant: *NEA. ΜΗΤΡΟΠΟΛ. ΜΟΡΘΙΑ*, quibus ipsi praefigere placuit *ΦΑ*. Sic factum est, ut Numus ad *Flaviam Neapolin* referretur. Sed haec urbs numquam dicitur *Metropolis* (5). Illam ergo Numum ECKHELUS, et MIONNETUS etiam, in Numorum, huc pertinentium, serie omiserunt.

Urbs *antiqua* Neapolis non iisdem finibus, quibus *hodierna*, circumscribatur. Olim urbs latius se extendebat, ita ut intervallum eam inter et puteum Jaqobi, *tunc* haud ita magnum esset, quam nostrā aetate. *Pristinae* urbis indicia in eo spatio invenit MAUNDRELLUS (6) anno 1698, ac nuper etiam, et locis compluribus, SCHUBERTUS (7). *Fundamenta* tamen tantum supersunt, quia rudera lapides ad ruinas in urbe *recentiore*, haud semel devastatā, restituendas, adhibiti sunt (8).

Quod ex *rueribus* efficitur, idem confirmat EUSEBII *testimonium*. In *Onomastico* voce συχημ: σὺν, inquit ἔρημος. Δεικνύται ὁ τόπος ἐν προαστείῳς Νεαπόλεως. Neque aliter HIERONYMUS, et Auctor *Itinerarii hiërosolymitani*, sive *burdigalensis*, anno 333 per Palaestinam iter faciens, qui etiam testantur (9), in *suburbanis Neapoleos Sichem*

(1) *Exercit. Hist. Crit. in utrumque Sam. Pentat.* p. 25.

(2) Hoc tradidit Suecus BENGEREN, qui nostrā aetate huc iter fecit, in loco laud. a C. VON RAUMER *Palaest.* ed. 2ae Lips. 1841, p. 161, et a ROBINSONO l. l. III. 1. p. 324.

(3) VON RAUMER l. l.

(4) l. l. III. 1. p. 343.

(5) Loco HARDUINI, quem ROBINSONUS laudavit, non reperi, nescio, an *Montis* (Garizimi) *figura*, quae in *plerisque* ejus urbis Numis conspicitur, desideretur. Si desideratur, diutis alia dubitandi causa accedit.

(6) *Reise van Aleppo naar Jerusalem*, Utr. 1713. 2ae ed. p. 80.

(7) *Reise*, III, p. 143.

(8) ROBINSON l. l. III, 1, p. 345.

(9) Cum his conf. loci allati a RELANDO *Palaest.* p. 1004.

*monstrari*, ac vicum ignobilem, *Sichemi* nomine insignitum, ibidem superesse (1).

*Devastatam* esse urbem Sichemi a nullo Scriptore traditur. Verisimile est, paulatim eam decrevisse, tum ob cladem, a Cereali Samaritanis illatam, tum maxime, quum Sichemitae in urbem vicinam, magis in dies florentem, migrarent.

In *novâ* urbe, ubi maior incolarum pars Graecis et Romanis primum constitit, Samaritani, Cultui mosaico addicti, in parte Monti sacro proximâ, separati a reliquis civibus, habitabant, et hanc nunc etiam tenent (2). Ipsorum numerus, nunc perexiguus, olim magnus erat, quare ex hac urbe sub Zenone (474—491), et Justiniano (527—565), graves turbæ per Palaestinam excitabantur.

Cum *moribus* Cultus item Romanorum in novam urbem introducebatur. Numi hoc diserte testantur, in quorum plerisque Mons cernitur *cum Templo*. Templum, quod Liber Josuae ab *Hadriano* conditum esse perhibet, DAMASCIUS, seculo 5° exeunte florens, commemoravit. *Γαζίζιμ*, inquit (apud PHOTIUM), ἐν ᾧ Διὸς ὑψίστου ἀγῶνατον ἱερόν. Primum hoc conspicitur in Numis Antonini Pii (3), *successoris Hadriani*. *Hadriani* nimirum Numi non feruntur. *Silenus* vero, adeoque Sacra Bacchi, quorum meminit RELANDUS (4), in Numis *Philippi senioris* demum indicantur (5). Quae si non ante principatum ibi nacta sint, causa, cur *tunc* invaluerint, alia esse videtur, quam RELANDUS (6) perperam, ingeniose tamen, conjecit. Statuebat nempe, Romanos Bacchi Cultum prae reliquis Sacris Neapoli constituisse, quia opinarentur, hunc ibi *ἐγγώριον* esse, tum ob nomen *Silentiis*, urbis non procul Sichemo sitae, tum quia ritus in festo Tabernaculorum Bacchi Sacra referebant.

Praeter Romanorum Sacra *christiana* etiam *Religio* Neapoli vigere coepit. Post Jesu Christi sermonem, cum Muliere samaritanâ habitum, ex *Sichemitis* multi jam *ἐπίστευσαν εἰς αὐτὸν διὰ τὸν λόγον τῆς γυναικὸς*; postquam vero ipse ibi per biduum manserat, *πολλὰ πλείους ἐπίστευσαν διὰ τὸν λόγον αὐτοῦ* (7). Multi deinde Christiani Coetu Christianorum hiërosolymitano disperso, Samariam petunt (8). Samariam urbem Philippus mox adit, ac christiana Doctrina per Samaritidem longe lateque propagatur (9). Episcopi Samariae, et Neapolis, a seculo 4° ineunte ad annum usque 536 memorantur (10).

(1) Sub Moslimorum imperio urbs Neapolis *oblonga* dicitur fuisse, *parum lata* (Vid. A. SCHULTENS in Indice Geographico ad *Vitam Saladini*, in voce *Neapolis*), adeoque non multam diversam fuisse ab urbe *antiquiore*, quia Vallis angustiae non sinunt, eam *valde latam* umquam fuisse. *Hodierna* urbs eandem etiam formam habet, sed non *tam longa* est, quam *pristina* urbs fuerit.

(2) ROBINSON l. l. III. 1, p. 317.

(3) MIONNET l. l. p. 500.

(4) *Palaest.* p. 1006.

(5) MIONNET l. l. p. 507.

(6) l. l. p. 1017.

(7) *Joh.* IV. 39—41.

(8) *Act.* VIII. 8.

(9) *Act.* VIII. 5 seqq., et IX. 31.

(10) *REL. Palaest.* p. 983, 1009. ROBINSON l. l. III. 1. p. 347.

Ante tamen, et postea, caedem et aliae urbes, in his Caesarea, cujus Episcopi ab anno 198—553 innotuerunt (1), in antiquioribus ac recentioribus Notitiis ecclesiasticis recensentur (2). Veterem vero Samaritanorum Religionem, neque Romanorum Sacra, nec Christianorum Coetus, ne post Constantinum quidem, pepulit. Nam Christi Religione a Constantino inde in multis urbibus majoribus principatum tenente, Samaritani tam in his, quam aliis in locis Synagogas suas retinuerunt; ac rure praesertim, et potissimum Neapoli, Sacra sua ita vindicarunt, ut, quod deinde videbimus, Imperatorum christianorum auctoritas et Leges, quin violentissimi quique conatus, extirpare ea non potuerint. Hoc tamen Romanorum severitas effecit, ut permulti ipsorum ad christianam Religionem converterentur, et Samaritanorum ideo, Sacris antiquis adhaerentium, numerus decursu temporis maximopere decresceret. Multi autem, quorum conversio *simulata* fuerat, ad Cultum avitum deinde quidem revertebantur, at maximam partem ii cum aliis perierunt in bellis, quae ad seditiones, excitatas saepius, sedandas suscipiebantur. Haud pauci postea armis succubuerunt Moslimorum; quibus Palaestinae dominantibus, res christiana ad tempus usque Expeditionum sacrarum suppressa fuit, tunc vero statim restituta est, et ad medium circiter seculum 13um floruit.

His de re christianâ inter Samaritanos universe monitis, nonnulla, quae ejusdem in urbe Neapoli Historiam illustrent, addamus.

Ecclesia, quae olim circa puteum Jaqobi exstructa erat, ab Helenâ, Matre Constantini, condita esse vulgo fertur. Sed constat, eam *posteriori* seculi 4i parte demum aedificatam esse. Ab EUSEBIO enim, ejusque Coaevo, Itinerarii hiërosolymitani Auctore, haec non memoratur. Primus ejus mentionem fecit HIËRONYMUS anno 404, in *Epitaphio Paulae*, quae *ex latere Montis Garizim exstructam circa puteum Jacob intravit Ecclesiam* (3). Hanc deinde adierunt seculo 6° exeunte ANTONINUS MARTYR; seculo 7° ARCULFUS, (cujus iter descripsit ADAMNANUS, narrans, aedificium crucis formam habuisse), et seculo 8° WILLIBALDUS. SÆRWULFUS anno 1103, et PHOCAS anno 1185, Neapolin visitantes, de *fonte Jaqobi* locuti sunt, non vero de *Ecclesiâ*, a Moslimis ante fortasse eversâ. Rûdera nostrâ aetate supersunt (4).

Seculo 5° Zeno Imperator in Monte Garizimi Templum posuit Mariae sacrum. Quod quum Samaritani, regnante Anastasio (491—518), et anno 589 sub Justiniano vastare voluissent, hic muro illud cinxit, ac quinque Christianorum Ecclesias, incendio deletas, restituit (5).

(1) REL. l. l. p. 676—678.

(2) REL. l. l. p. 215, 220, 222, 227 seq.

(3) ROBINSON. III. l. p. 331.

(4) REL. l. l. p. 1007 seq., et ROBINSON l. l. p. 330 seqq.

(5) REL. l. l. p. 1009 seq., et ROBINSON l. l. p. 348 seqq., coll. p. 319 seq.

Ab anno 1099, quum Christiani Palaestinam Moslimis eripuissent, et Neapolitani illis confestim se subiecissent (1), horum urbs sedes Episcopi iterum facta est, cui titulus erat *Suffragani Patriarchae hiërosolymitani*. Anno 1120 ibidem Synodus convocata est, ubi de moribus Christianorum corruptis emendandis deliberarunt (2). Eo tamen tempore Moslimis item suum Cultum ibi profiteri concessum erat, hac conditione, ut annuum tributum penderent (3).

Non diuturna fuit haec Religionis christianae felicitas. Neapolis enim a Salaho'd-dino anno 1184 primum direpta (4), deinde post proelium hittinense anno 1187 sub Moslimorum potestatem redacta est. Anno 1242 rursus a Christianis capta, et ab Abū-Ālio biennio post denuo expugnata, sub Moslimorum imperio mansit, atque ab his, et a Samaritanis ac paucis Judaeis et Christianis frequentata fuit (5).

Urbem Neapolis describentes, in recentiorum temporum memoriam inviti delapsi sumus. Ad aetatem jam regredimur dominationis romanae, ut hanc per varias periodos perlustremus.

Ut verbo jam vidimus, non minoris, quam aliorum Exterorum, Romanorum Imperium in Samaritanos erat efficaciae. Ipsorum haud pauci tunc etiam, in primis post Constantinum, ad Romanorum Cultum pelliciebantur, quo recepto ab his tandem illi vix amplius distinguebantur (6).

Cultum mosaicum alii contra, ñque permulti, abjurare nolebant (7), ac horum ardor primis aerae nostrae seculis magis in dies excitabatur, tum amore multo ardentiore,

(1) WILLERM. TYR. ed. Basil. p. 197 seq. N. G. VAN KAMPEN, *Geschied. der Kruistogten* I, p. 260.

(2) WILL. TYR. l. l. p. 274, et ROBINSON l. l. p. 351 seqq.

(3) MICHAUD *Hist. des Croisades* Tom. VII, p. 591, VAN KAMPEN l. l. II. p. 345 seq.

(4) BAHAO'D-DIN in *vitâ Salad.*, ed. A. SCHULTENS p. 59.

(5) ROBINSON l. l. p. 335.

(6) Samaritanorum ingenium novis rebus facile sese accommodasse, videmus etiam exinde, quod nove Urbium nomina ab iis usq. ita trita fuerunt, ut haec ab Arabibus servarentur, antiquis obsoletis. Nomina v. c. *Neapolis*, *Sebastē*, *Pentecomias*, *Legio*, conferantur cum arabicis formis *Nāblūs*, *Sebastiā*, *Fan-  
daqemīā*, *El-Leggūn* (اللقون). Vid. ROBINSON de posterioribus nominibus l. l. III. l. p. 380, et 412 seqq. Plerumque enim, ut notum est, Arabes reposuerunt nomina antiqua, omissis nominibus recentioribus, quia illa apud Indigenas usu valebant. Fieri tamen potest, ut major Exterorum in Samaritide multitudo causis etiam annumeranda sit, quare antiqua nomina ibi magis quam alibi oblivioni traderentur.

(7) JUST. MART. in *Apol.* I<sup>a</sup>, scripta haud ita multo post seditionem, a Bar-Cocebā molam anno 132—135 (vid. ed. THIRLBY p. 49), tradit, plures et veriores fuisse Christianos ex *Gentibus*, quam ex *Judaeis* et *Samaritanis*; πλείονας τε, inquit, καὶ ἀληθεστέρους τοὺς ἐξ ἔθνων, τῶν ἀπὸ Ἰουδαίων καὶ Σαμαριτῶν Χριστιανῶς εἰδέναι; cet.

quo tunc in eum Cultum ferebantur; tum Judaeorum, et postea Gentilium, sive Paganorum auxilio, quo fruebantur, quippe qui eodem sua Sacra tuendi studio ducti, unam causam cum Samaritanis defendebant.

Causae, quae effecerint, ut Samaritani majore quam antea amore iis temporibus in Cultum mosaicum ferrentur, obviae sunt. Vigente sub Maccabaeorum Imperio Judaeorum studio Gentium Sacra extirpandi, Cultumque judaicum propagandi, multi etiam Samaritanorum, Gentium Sacris olim addicti, samaritanum Jahves Cultum recepisse videntur. Iste fervor Judaeorum, ac perpetua temporibus mox sequentibus animorum concitatio, novam item inter Samaritanos, Jahven adorantes, vitam excitarunt, in litibus conspiciam, aetate circiter J. C. in mediis iis quoque agitatis. Hunc jam inflammatum Religionis ardorem nutriverunt temporis opportunitates, ac potissimum venia, quam Herodes m. Samaritanis dedit, Synagogas in Urbibus celebrioribus ac mercaturâ florentibus condendi. Sic enim res sacra eorum in locis nonnullis condita et firmata est, ubi aditus ei ante praecclusus fuerat, et praeterea temporis decursu ibi ea et alibi vires cepit. Iis nimirum in locis unius ejusdemque cum Judaeis Civitatis communione illi fruebantur, quae Samaritanorum aemulationem provocaverit, ut Judaeorum exemplo suam Religionem pariter propagarent. Quo studio quin Samaritani etiam ferrentur, nemo sane dubitet, qui graves cogitet, tum horum cum Judaeis et alibi et vero Caesareae contentiones, tum etiam eorundem cum Judaeis societatem, quam, sepositâ aemulatione, ad Romanos pellendos aliquando iniverunt. Eo autem studio postea quoque imbutos fuisse Samaritanos, ex Legibus novimus, quas Imperatores romani saepe tulerunt, ad illos cohibendos, ne alios ad suam Religionem converterent.

Sacrorum autem mosaicorum studium eo ferventius evasit, quo vehementiores Imperatorum quorundam, Christianorum maxime, haec Sacra abrogandi erant conatus. Praesertim istud Sacra avita tuendi studium se manifestaverit inter Palaestinae *ruricolae*, cujusmodi homines antiquis institutis diutius vulgo adhaerent.

Neque Samaritani palaestineses, haec Sacra defendentes, *exteris* auxiliis erant destituti. Socios nempe habebant Samaritanos, in praecipuis exterarum regionum urbibus habitantes, quorum tum ante, tum postea, ut patriae calamitates effugerent, permulti evaserant. Sic olim jam exstiterant Coetus eorum in Aegypto et Damasci, deinde etiam Romae et Constantinopoli, quibus in locis ut Judaei, ita Samaritani etiam mercaturae multum operae navabant.

Horum et palaestinensium Coetuum princeps erat *sichemiticus*. Hinc ad omnes mandata mittebantur. Hic praecipue, quia totius sacrae reipublicae veluti metropolis ipsa erat, consilia ad Cultum illum contra aliorum impetum tuendum, capiebantur. Hujus ergo urbis Annalibus major sequentis Historiae samaritanae pars continetur.

Haec reputantes, non miramur, Samaritanos *is* temporibus acriter adeo et vehementer Romanis se opponere *potuisse*. Cui Genti quare *primum* praestiterint obsequium, *deinde* vero sic restiterint, — hoc, ut ex dictis jam conspicuum est quodammodo, ita ex sequentibus magis illustrabitur. Nova haec, ad quam nunc pergimus, Historiae pars, quae ab *oversis Hiëroselymis* incipit, perpetuum fere Cultûs samaritani certamen exhibet, primum cum Gentium Sacris, *deinde* cum christianâ Religione. Attamen, quia Imperatores, Gentium Sacris adhaerentes; in aliorum Populorum Cultu sinendo moderatiores vulgo erant, ipsum illud cum his certamen levius erat, cum Imperatoribus vero christianis, quoniam plerique Constantini successores aliam Religionem praeter christianam in dies aegrius ferebant, multo acerbius (1).

Fontes, ex quibus horum temporum notitia haurienda est, non multi sunt. Sunt partim *Annales samaritani*, qui propter anachronismos fabularumque involucra prudenter consultantur; partim *Scripta Graecorum et Romanorum*, in quibus tamen de Samaritanis raro mentio fit; partim *Nami*, quorum supersunt multi, praesertim neapolitani, cujusmodi, ut meminimus, a Vespasiano ad Volusianum, sive medium seculum tertium post C. n., existunt.

Ex Annalibus vero samaritanis, *integro* ABŪ'L-FATHI Chronico uti nondum licet, sed *paucis* modo ejus Libri *excerptis*, iisque non omnibus, ut videtur, *satis accurate*, quae inserta sunt *Actis Eruditorum Lipsiensibus* anni 1691, p. 170—173. *Posterior* maxime *successionis Pontificum* pars, quae ibi p. 172 seq. exhibetur, iis temporibus illustrandis adhibeatur, quâ de re ut paucis agamus, operae pretium est.

Catalogus Pontificum ab EDUARDO BERNARDO, Professore olim oxoniensi, ex *MSS.* excerptus esse dicitur *ibid.* (p. 166 seq.): *ex quibusdam* vero, non definitur. Intelligi videntur excerpta ex *Chronico* ABŪ'L-FATHI, cujus de Pontificibus dicta cum Catalogo conveniunt (2).

*Priorem* hujus Catalogi partem, quae tota fere ficta sit, omittimus. Majori fide digna est series Pontificum a condito inde Templo garisimitano, ab Hazaqâ (Hizqiâ) nimirum, Alexandri aequali, qui Daljam successorem habuit (3). De iis tamen Pontificibus hîc

(1) De diversâ Samaritanorum sub Imperatoribus Paganis et Christianis conditione, conf. D H LEYSSON *Diss.* jam laud. *de Judaeorum sub Caesaribus conditione* p. 49 seqq., ubi, quae de Judaeis dicuntur, maximam partem de Samaritanis etiam valent.

(2) Conf. *Memorabil.* II, p. 54 seqq.; *N. Repert.* I, p. 120 seqq., 154, 157. Differt annorum numerus Hazaqâe (Hizqiae), Abdali filii et successoris, qui in *Chronico* ABŪ'L-FATHI (*Memorab.* l. l. p. 88) *per* 30, in *Catalogo* vero *per* 40 annos suo Munere functus esse dicitur. Hae et aliae, quae obviae sint, differentiae fortasse tribuendae sunt *Excerptis* negligentiae.

(3) Vid. DE SACY *Chrest. Arab.* I. p. 337. In eâ tamen Catalogi parte annorum summa non sufficit ad temporis intervallum ab Alexandro m. ad J. C. explendum.

etiam brevitatis causâ non disseremus. Incipiamus potius a *Johjamo*, quo Pontifex natus sit J. C., anno nempe, ut BERNARDUS p. 170, consentiente ABŪ'L-FATHO (1), observavit, 25°, quo Munere ille suo fungeretur. Alia porro nota item teneatur (2), anno 12° *Ilazaris*, *Nathanâlis filii*, *Higram incepisse*. His observationibus utenti, et annos attendenti singulorum, qui feruntur, Pontificum, et haec, quae in utroque Chronico samaritano traduntur, cum aliorum Scriptorum dictis conferenti, Chronologia et Historia hujus periodi quodammodo illustrari videntur. Quae quo melius perspiciantur, Catalogum hic apposui Pontificum, initio facto a *Johjami* successore *Jahūnīno* (Jehunein), cujus ergo Sacerdotium, quia ille per 32 annos Pontifex fuisse dicitur, ab anno circiter incipit aerae nostrae septimo. Duorum Pontificum, *Babae Rabae*, et *Babae filii*, *Lāwī* (Levi), annos, qui non notati sunt, probabiliter definivi. Pontifices denique, qui eadem nomina gesserint, quamvis alii ejusdem nominis antea occurrant, hic perspicuitatis causâ, numeris addendis, distinxi, ac nomina adjeci coaevorum Imperatorum Romanorum, et tempus, per quod regnarunt, ab Hadriano inde ad Justinianum, quorum ille omnium Imperatorum primus in Samaritanorum Annalibus memoratur, Justiniano vero mortuo, Romani in illorum Historiâ non amplius obviî sunt.

Jahūnīn Pontifex erat per 27 annos ab anno a. n. 7—34.

|                     |   |   |    |   |          |   |
|---------------------|---|---|----|---|----------|---|
| Ališa (Elisema)     | » | » | 33 | » | ad annum | 67.   |
| Seimaja             | » | » | 10 | » | »        | 77.   |
| Tobia               | » | » | 8  | » | »        | 85.   |
| Amram I.            | » | » | 9  | » | »        | 94.   |
| Aqōb (Jakob)        | » | » | 9  | » | »        | 103.  |
| Amram II.           | » | » | 11 | » | »        | 114.  |
| Aqbūn I.            | » | » | 30 | » | »        | 144, sub Hadriano, (117—138) et Antonino Pio (138—161).   |
| Finahās (Phinehas)  | » | » | 40 | » | »        | 184, » M. Aurel. Anton. (161—180), et Commodus (180—192).   |
| Lāwī (Levi)         | » | » | 25 | » | »        | 209, » Septim. Severo (193—211).  |
| Ilazar (Eleazar) I. | » | » | 32 | » | »        | 241, » Caracallâ (211—217), Macrino (217, 18), Heliogabalo (218—222), Alexandro Severo (222—235), Maximo (235—238), Gordiano (238—244). |

(1) *N. Reperit.* I, p. 154. Ibi vocatur *جوهام*, quod SCHWARTZ pronunciat *Johjam*. (2) *Acta Lips.* p. 171.



|   |                                  |      |   |  |  |
|---|----------------------------------|------|---|--|--|
| Naba (Neba) Pontifex per 21 annos ad annum 269, sub Philippo (244—249); Decio (249—252), Gallo (252 et 253), Valeriano et Gallieno (253—268), Claudio II (268—270). |                                  |      |   |  |  |
| ʿIḥazar (Eleazar) II.   | » 41                             | »    | » | »  | 310, » Aureliano (270—275), Tacito (275 et seq.), Probo (276—282), Caro (282—4), Diocletiano (284—305), Galerio, cet. (305—311). |
| Aqbūn II.   | » 23                             | »    | » | »  | 333, » Constantino m. (311—337).   |
| Nathanāl I.   | » 32                             | »    | » | »  | 365, » Constantio (337—361), Julian (361—363), Joviano (363, 4), Valente (364—379).  |
| Baba Raba   | { his supersunt<br>anni 109 (1), |      |   |  |  |
| Lāwī, Babae fil.  |                                  |      | » | 474, » Theodosio I. (370—325), Arcadio (395—408), Theodosio II. (408—450), Marciano (450—457), Leone Thrace (457—474). |  |
| Aqbūn III. Pontifex per 20 annos ad   | »                                | »    | » | »  | 494, » Zenone (474—491), Anastasio (491—518).  |
| Nathanāl II.  | »                                | » 40 | » | »  | 534, » Justino (518—527), Justiniano (527—565).  |
| Nathanāl III.   | »                                | » 31 | » | »  | 565.   |
| ʿIḥazar (Eleazar) III.  | »                                | » 25 | » | »  | 590.   |
| Nathanāl IV.  | »                                | » 20 | » | »  | 610.   |
| ʿIḥazar (Eleazar) IV.   | »                                | » 18 | » | »  | 628.   |

His in antecessum monitis, ad hanc Historiae samaritanae partem enarrandam pergitur. Fata Gentis samaritanae per proximum post Hiērosolyma, anno 70° eversa, seculum dimidium prorsus ignoramus, quo tempore Vespasianus ad annum 79um, Titus ad 81um, Do-

(1) Numero enim 148 annorum, per quos suum Munus gesserunt Pontifices, qui Babae atque filio ejus successerunt ad annum usque 12um ʿIḥazaris IV, quo Hīgra incepisse dicitur, — numero, inquam, horum annorum 148, addito annis iis 365, numerus exit 513, qui si detrahatur a 622, supersunt 109, qui ergo Babae ejusque filio superant.

mitianus ad 96um, Nerva ad 97um, Trajanus ad 117um regnarunt.

Traiano regnante a Judaeis bellum iterum commotum est saevissimum, cui etiam Samaritani se immiscuisse videntur. Hoc enim bellum judaicum sub Traiano quia Samaritani in Chronicis silentio transeunt, et bellum contra, *sub Hadriano* gestum, multis enarrant, ideo tamen negare non licet, in *priore* bello suas item Samaritanos partes egisse. Nimirum fieri potest, ut haec bella, mox non satis distincta, in traditionibus pervulgatis, quas Chronicorum Auctores, eorumve fontes potissimum consulebant, in *unum* postea coaluerint. Lubenter fatemur, iis etiam in locis, ubi de bello sub Traiano commoto sermo fit, nullam *de Samaritanis* mentionem factam esse; sed hi loci quam pauci, iique quam breves sunt in rebus gestis enarrandis! Samaritani praeterea Romanis quidem auxilia praestiterunt in Judaeis Vespasiani et Titi aetate subigendis, tunc vero etiam tumultus inter Samaritanos jam ortus erat, qui, nisi a Cereali subito sedatus fuisset, eum fortasse eventum habuisset, ut Samaritani quique, Sacris mosaïcis addicti, et odio in Romanos flagrant, cum Judaeis sese conjunxissent ad communem hostem debellandum. Mirumne igitur, si Judaeorum Zelotae, aemulatione, quâ altera Gens alteram alias prosequatur, postpositâ, urgente praesentis temporis necessitate, et tunc et deinde Samaritanos blandis fortasse promissis ad partes suas traducere studuerint? Quod quam feliciter ipsis postea cesserit, sequentia tempora docent, ubi utramque Gentem aliquoties conjunctis viribus Romanis se opponentem videmus. Haec autem belli societas causa sit, quare Judaei, si bellum sub Traiano et Hadriano gestum memorant, *Christianos* quidem, quos ad suas partes frustra traducere conati erant, perstringant, non vero *Samaritanos*, de quorum injuriis, Judaeis illatis, ne verbo quidem loquuntur, cujusmodi, ut vidimus, *JOSEPHUS* ante minime transit. Odium denique Romanorum, quo Samaritani, Mosaïsmum profitentes, imbuti erant, in dies auctum esse videtur, in primis postquam bellum a Tito compositum erat. Ab eo nimirum inde tempore, conditâ Neapoli, non modo Cultus Romanorum primum ad radices Montis sacri, et mox in ipso Monte, florere coepit, sed et quisque, qui suam Religionem publice profiteri vellet, annum tributum Templo capitolino solvere coactus fuisse videtur. Judaeis certe, qui ipsum Templo hiërosolymitano quotannis ante pendebant, tunc Templo capitolino idem tradere, impositum erat (1); quare non credibile est, Samaritanos, quos Romani a Judaeis saepe non satis distinguebant, hujus aliisque, ejus locum tenentis, tributum immunes prorsus fuisse. Et si vel ejusdem immunes fuerint, sine dubio Romanorum Magistratuum vexationibus, in Historiâ adeo notatis, expositi fuerunt.

Ea igitur bella, sub Traiano et Hadriano gesta, quum non ad Judaeos tantum, sed ad

---

(1) *MUNTER die Jüdische Kriege*, p. 5.

Samaritanos etiam pertineant, et plerisque parum nota sint, duce MÜNTERO, qui de iis in Libello, jam saepius laudato, speciatim exposuit, paucis describamus.

Judaei, post Hiërosolyma a Romanis expugnata, Patriae ac libertatis recuperandae studio ita incensi erant, ut hanc Scriptis (1) continuo excitare anniterentur, et quâvis jugi romani excutiendi occasione non uti non possent. Haec iis opportunitas oblata est regnante Trajano. Bellum anno 114 iterum exarserat cum *Parthis*; quibus, acerrimis quippe Romanorum hostibus, Judaei, qui per Orientem habitabant, ubi potuerint, sine dubio optulabantur perpetuo. Simulatque ergo Trajanus in Armeniam profectus erat, Judaei seditionem movebant. Primum haec in Cyrenaicâ erupit, permultis Judaeis frequentatâ, et ab illius belli theatro remotissimâ, atque eo tempore copiis fortasse maximam partem privatâ. Per alias Imperii romani partes, quin in Aethiopiam usque, seditio inde brevi proserpsit. In Aegypto praesertim vires cepit, ubi tamen Alexandriae subito exstinguitur. In hac regione *Andreas* quidam, etiam *Lucius* nuncupatus, rex creatur. Hic, classe paratâ, exercitum in Palaestinam ducit; a Judaeis, Cyprum incolentibus, strenue juvatur, et in Graecos et Romanos atrociter saevit. Seditio, quam Romani ante haud attenderant, quâe vero crescebat eundo, sedanda tandem committitur Duoi praeclaro, Marcio Liviano Turboni, qui non nisi post multa et gravia praelia Lucium devincit et occidit, ac Judaeos palaestinenses domat. In Cypro postea demum iidem subiguntur, et inde in posterum expelluntur. In Mesopotamiâ tumultum compescit Lusius Quietus, rebus in bello parthico paulo ante gestis nobilitatus, qui, Palaestinae praepositus, seditiosorum animos coërcet, barbarum vero radices evellere nequit (2).

Traiano, anno 117 mortuo, successit Hadrianus. Pace cum Parthis compositâ, anno fortasse 120, itinera per varias Imperii partes hic suscepit. Anno 130, ut testantur Numi (3), Aegyptum et Palaestinam adiit. Hunc ejus in has terras adventum, quin

---

(1) Inter haec Scripta merito refertur EZECHIELIS, Poëtae alexandrini, sub finem *primi* post Chr. seculi viventis, Carmen dramaticum, *Liberationem ex Aegypto* vividis coloribus depingens, cujus nonnulla fragmenta apud CLEMENTEM ALEXANDRINUM (Tom. I, 23, ed. Pott.), et EUSEBIUM (*Praep. Evang.* IX. c. 28 seq.) modo supersunt. Judice MÜNTERO (l. l. p. 8) iis Scriptis etiam annumerandum est *Testamentum XII Patriarcharum*. — De bellis autem iis, teste EUSEBIO (*H. E.* IV. 2) plures graeci Scriptorum exposuerunt, quibus ipse in iis, c. 2 et 6 enarrandis, usus est. — *Unius* tantum nomen memorat cap. 6, *Aristonis Pellaei* (ad quem locum vid. VALESIUS in annot. p. 54). Ex illis Scriptoribus etiam est DIO CASSIUS, Hadriani aequalis, qui quo melius res ipsius gestas cognitas habuerit (vid. ed. REIMARI, Tom. II, p. 1149), et quo accuratius eas maximam partem enarraverit, eo magis est dolendum, de *Bello judaico* non copiosius eum egisse. Vid. Libr. LXIX. c. 12—14. *Verbo* item hujus Belli tantum mentionem fecit SPARTIANUS, in capite 3o *Vitae Hadriani*, utens *Libris*, quibus Imperator ipse vitam suam conscripserat (vid. c. 1, et 15). Cursim de hoc bello egerunt ABŪ'L-FARAGIUS, in *Hist. Dyn.*, p. 121 seq., et in *Chron. syr.* p. 56 seq.), et ABŪ'L-FADAUS, in *Hist. ante-islam.* p. 64—108.

(2) MÜNTER, p. 10—27.

(3) MÜNTER, p. 31 seq.

*bis repetitum* in Palaestinam *reditum*, Liber Josuae, sed perperam, tradit (1).

Hadrianus, ut caveret, ne Judaei seditionem rursus molirentur, consilium iniit Judaeorum Colonias ex Asiâ in oras Africae septentrionales mittendi; hoc vero, quia graves ei rei perficiendae difficultates obstabant, abjecit (2), ac Judaeos potius cum reliquis Gentibus arctius conjungere studuit. Iis ergo, ne ab his amplius se distinguerent, circumcisionis usum interdixit. *Moverunt*, SPARTIANUS inquit (3), *eâ tempestate et Judaei bellum, quod vetabantur mutilare genitalia.* — *Castratio* enim hic intelligi nequit, quam Judaei non instituebant. Praeterea Antoninus Pius Hadriani interdictum revocavit, sinens, ut *circumcisio* Judaeis infantibus administraretur (4). Samaritani item in Libro Josuae quaeruntur, vetuisse Romanos, quominus liberos circumciderent, et Hadriano imputant abrogationem *Baptismi* (Proselytorum?), *Sabbathi* et *Festorum*.

Judaeorum seditiones Hadrianus praevertere item studuit, *novâ* veterum Hiërosolymorum loco *urbe condendâ*, quam Jovi capitolino sacraret, et solis Graecis et Romanis frequentaret, ac suo et Jovis capitolini nomine insigniret. Hujus consilii perficiendi haud ita multo post initium fecit, ac brevi tempore urbem quodammodo restituit. Non enim urbs *universa* devastata jacebat. *Usque ad Hadrianum*, Hiëronymus inquit (5), — *per 50 annos mansere reliquiae.* Has Imperator novis aedificiis condendis exornasse, et munimentis nonnullis urbem cinxisse videtur (6). Opus tamen inchoatum quominus absolveret, impedivit repetita Judaeorum seditio, quam Hadrianus sic agendo ipse provocaverat. Diu, sed clam, haec seditio ante parata fuit. Arma Judaei, mercaturam facientes, facile congesserant (7). Quamdiu vero Imperator in Palaestinâ ejusque viciniâ degebat, his non usi sunt. Sed vix ille anno 131 in Syriam, et inde in Occidentem abierat, quin bellum exersit, anno nimirum 132 (8).

Judaei eâ aetate habuisse videntur *Synedrium*, quod, Tito annuente, post Hiërosolymorum eversionem *Jamniam* translatum, potestate de rebus *sacris* judicandi instructum, et Patriarchae judaei auctoritati subjectum fuerit. Patriarcha Scholae *tiberiensi*

(1) Hadrianus nempe Hiërosolymorum obsidioni ipse adfuisse, et deinde ad Samaritanos puniendos rediisse dicitur. In *illis* narrandis Liber Josuae cum Rabbiorum dictis consentit (MUNTER, p. 83 seq.), et cum Chronico alexandrino, sive paschali (MUNTER, p. 70), atque cum Chronico armeno MOSIS CHORHENSIJS (ibid. p. 104 seq.). Verum *hiërosolymitanas obsidionis* tempore in Italiâ Imperator aderat. Bellum judaicum *per Legatos* gessit (ibid. p. 14).

(2) MUNTER. l. l., p. 34 seq.

(3) SPART. in *Hadrien.* c. 14.

(4) MUNTER. l. l., p. 36 seq., et 99 seq.

(5) In Epist. ad Dardanum, Opp. ed. MARTIN. II, p. 610. Vidd. VALESIIJS ad EUSEB. *H. E.*, in ann. p. 54, ROBINSON *Pal.* II, p. 198, et MUNTER l. l., p. 40.

(6) MUNTER l. l., p. 37—41.

(7) MUNTER l. l., p. 43.

(8) MUNTER l. l., p. 45.

etiam praecerat. Ibi enim et in aliis urbibus Palaestinae, ut *Sepphori* (1), *Lyddae*, *Betheri*, Scholae tunc florebant. Hae urbes, Tiberias in primis et Sepphoris, in quas multi Judaei, expugnatis Hierosolymis, se contulerant, in bello mox gesto magnas partes egerunt. De Lyddâ, Hierichunte, et Bethlehemo, in Libro Josuae idem traditur. Ut Judaeorum Scripta testantur, auspiciis multorum etiam Rabbiorum, Praefecti v. c. Scholae lyddensis, cui nomen erat Rabbi Tarphon, bellum agitatum est. Hi vero libertatis quidem recuperandae studiosissimi, et eruditione aliis longe superiores erant, at nulla iis rei militaris peritia. Bellum ergo ut rite gererent, Duce opus habebant, Viro audaci, bellicâ virtute insigni. Dux, quem nancisebantur, Bar-coceba (unde manifestum est, *Synedris socios belli moderatores fuisse*), in urbe *Bether* coronatus, a Rabbi Aqibâ, Assessore Patriarchae Gamaliëlis, unguebatur. Ad eum Judaei undique confluebant, et ex his exercitus colligebatur (2). Ipsos etiam Christianos ad suam causam promovendam traducere conabantur. Quod quum plerique ipsorum recusarent, Judaei crudeliter in eos saeviebant. Hierosolyma porro a Judaeis expugnantur. Quae res, a nullo licet Scriptore diserte tradita, sive christiano, sive gentili, omni tamen dubio est superior. In *Judaeorum* enim potestatem hanc urbem redactam fuisse, jam patet ex multorum Scriptorum de *Hierosolymis*, ab *Hadriano* expugnatis, testimonio (3). Judaei quidem, urbem ab *Hadriano* captam non memorant, sed a *Judaeis* occupatam esse profitentur. In Talmude nempe babylonico de *Numis* loquuntur BEN-COSIBAE (id est BAR-COCEBAE) *hierosolymitanis*, quos MÜNZERUS reperisse sibi videbatur (4). Judaeorum dicta Liber Josuae confirmat, cap. XLVII obsidionem describens, quâ Romani Hierosolyma cinxerunt.

Captâ sacrâ urbe, Bar-coceba Cultum judaicum restituit, et Templum, quoad ejus fieri posset, restauravit. Levis hujus rei memoria in Scriptis CHRYSOSTOMI, *Chronici paschalis*, NICEPHORI CALLISTI, et GEORGII CEDRENI, servata (5), testimonio item ejusdem

(1) De *Sepphori* cf. ROBINSON *Pal.* III, p. 440 seq., de *Lyddâ* ibid. p. 263 seqq. Urbs minilissima, a Judaeis in Talmude dicta *רבי*, cujus rudera hodie nondum reperta sunt, haud procul Hierosolymis sita erat; conf. ibid. II, p. 202.

(2) MÜNZER l. l. p. 45—54. (3) Conf. Scriptores laudati ap. MÜNZ., p. 69 seq. et ROBINSON l. l. II, p. 201.

(4) l. l., p. 57 seqq. Quaestionem de iis Numis, in quibus Bar-coceba *Simeonem* se nuncupavisset, alii quibus eorum Exemplaria, et Opera BAUMER praesto sint, explorent. Dues Numos ejusmodi GESNIUS delineari curavit in Tabulis, additis voci *Paläographie*, quam inseruit Repertorio: *Allgem. Encyclop.*, edito ab ENSEN. et GÜTZEN. Nullum discrimen GESNIUS ibi fecit Numos inter, quos Simon Maccabaeus cudit, et eos, qui Bar-cocebae tribuuntur. Si vero, ut MÜNZERUS perhibet p. 58, tres Numi nomina *Simeonis* et *Hierosolymorum*, literis samaritanis exarata, gerant, et ii *indicia* simul referant, hos primum a *Traiano* cussos esse, eâ de re vix dubium superest. Haec quaestio etiam Palaeographices ratione habitâ, dignissima sane est, quae deditâ operâ examinetur.

(5) Vidd. loci ap. MÜNZ. l. l., p. 64.

*Libri Josuae* l. l. illustratur. Hic enim de itinere sermo fit *Judaei, cum Sacrificio Hiërosolyma adscendentis*. Mandatum Hadriani, urbe recuperatâ editum, ibi item memoratur, *Templi non ante subvertendi, quam ipse illud intrasset*. Quibus additur, Imperatorem colloquium cum *Sacerdote* habuisse, de quo *Judaei* quoque fabulantur (1); ne loquer de *pretiosis Templi hiërosolymitani januis* ab Hadriano, ut Samaritani ajunt, inde Neapolin translatis, quibus Templum novum, Neapoli conditum, ornaverit.

Per *biennium* fortasse *Judaei Hiërosolyma* tenuerunt, id est ad annum, ut vulgo statuitur 132 (2). De seditionis nempe initio Imperator parum sollicitus fuit, opinans, hanc a Palaestinae Praefecto, Tito Annio Rufo, facile componi posse. Hunc, ut verisimile est, *Judaei* mox in angustias redegerunt. *Judaei palaestinae* deinde a *Judaeis* exteris, orientalibus praesertim (3), adjuti, et a Parthis excitati, ac subsidiis fortasse ipsorum corroborati, brevi praevaluerunt ubique. Quinquaginta cepisse dicuntur loca munita, ac pagos sive oppida 985, in quibus etiam portus fuerint, quos tenentes, ab exteris *Judaeis* auxilia acceperint (4).

His auditis, Hadrianus bellum omnibus viribus extinguendum esse statuit. Julium severum, summum ejus aetatis belli Ducem, ex Britannia arcessit, et copias, ex variis Imperii partibus collectis, eum instruit. Ex iis in quâdam Inscriptione (5) *Equitatus* memoratur *mauretanus Gaeulorum, Duce Sexto Albio Senecione*. Bellum igitur sequebatur atrocissimum, ejus memoria Romanorum menti inhaesit. Fronte in fragmento ad M. ANTONINUM (6), bellum hocce uno tenore cum bello parthico et britannico recenset. *Nonne, inquit, a Parthis consularis acque Vir in Mesopotamia trucidatus? Quid, Avo vestro Hadriano imperium obtinente, quantum militum a Judaeis, quantum a Britannis caesum?*

Proelium cum Romanis in campo aperto *Judaei* prudenter evitabant, et, ut Josuae Liber etiam confirmat, hi se munebant, tum in oppidis et castellis, tum in antris et speluncis, unde Romanis insidiabantur. Hi ergo, portibus montiumque angustis occupatis, commestum *Judaeis* reseindere, et in latibus ipsos coarctare coeperunt. Bellum nihilominus per 4 annos continuatur. Hoc enim, ne captis quidem Hiërosolymis, ad finem perductum erat. Tunc nempe *Judaei* in urbem *Bether* se receperunt, quae urbs non nisi post acerrimam defensionem, ac fame demum, anno 135 ad deditionem coacta est. Multa centena *Judaeorum* millia, in quibus Rabbini haud pauci, tam peste atque

(1) MUNKER L. I., p. 32 seq. Locum citat ex libro talmudico *Bereschith Rabba*, qui reperitur etiam apud EISENHENGER *Entdecktes Judenthum* II, p. 991.

(2) MUNKER L. I., p. 65; coll. 63, 66, et 74.

(3) MUNKER, p. 104 seq.

(4) MUNKER, p. 66 seqq.

(5) MUNKER, p. 84.

(6) ed. Mediol. II, p. 321, laud. a MUNKER, p. 67.

inopiâ durante obsidione, quam gladio in ipsâ expugnatione, perierunt. Nec minus horrenda fuit Romanorum strages (1).

Bello peracto, universa Palaestina in desertum mutata, ac Judaeorum millia, quae ex clade supererant, Hebrone venundata esse dicuntur, quaeque, ut HIERONYMUS ait (2), *vendi non potuerint, translata in Aegyptum, tam naufragio et fame, quam Gentium caede truncata* (3).

Si dubitatur, an Samaritani cum Judaeis fecerint, bellum sub *Trajano* moventibus, nullum dubium sane est de eorumdem belli judaici, regnante *Hadriano* gesti, societate. Quod enim in Libro Josuae narratur, hanc sententiam non subvertit. Ibi videlicet de auxilio, quod Samaritani *in posterum* Romanis praestare possent, et de victu, quo *ante* ipsos instruxerant, Samaritanus captus, et ad *Hadrianum ductus*, coram eo loquitur! atque eodem capite XLVII° ante etiam de duobus Juvenibus samaritanis sermo est, qui consiliis suis Romanis in Hierosolymis subigendis auxiliarentur. Haec vero, et ipsae Judaeorum criminationes, ibidem memoratae, quibus Samaritanos in suspicionem apud Romanos adducere conabantur, ac si Samaritani seditionem iterum machinarentur, tantum probant, multos ejus Gentis socios, dum major pars tumultuabatur, cum Romanis fecisse. Et hoc sane verisimile est, quia, praeter plerosque Christianos, Graeci et Romani, per Palaestinam habitantes, et ipsi etiam Samaritani, qui ipsorum Cultum amplectebantur, Romanis sine dubio favebant. Ac *calumniae*, quas dixi, quare, salva etiam judaicae et samaritanae Gentis in eo bello societate, Judaeis imputari non possent? Quare socios ii pristinos ita maligne non tractassent? Meliusne Ducem quidem suum habuerunt, quem titulo primum ornarunt *Stellae filii* (Bar-cocebae); cui vero, votis, quae de eo susceperant, irritis factis, ignominiosum *Mendacii filii* (Ben-cozibae) nomen inusserunt? Cur ergo Judaeis istae injuriae minus convenirent *post bellum compositum*, quam graves temporis calamitates animos fregissent et exacerbassent, ac Judaei Samaritani, non amplius indigerent?

Utramque Gentem eo in bello communem rem egisse, vidimus ex Judaeorum dietis, non de Samaritanorum, sed de Christianorum animo, ab ipsis jurandis averso, querentibus. Idem vero etiam patet ex gravi vindictâ, quam Romani, teste Libro Josuae,

(1) MÜLLER. p. 77—83, et vidd. loci laud. a BUXTORFFO in *Lexic. chald. talm. et rabb.* in voce בָּרַר.

(2) In Comment. ad Zach. XI. 4. Vid. MÜLLER. p. 85 nota 3, et ROBINSON l. l. II, p. 202 seq. merito sententiam refutans eorum, qui statuerunt, *Hierosolyma eo tempore ab Hadriano funditus deleta esse*.

(3) Non tantum in *Aegyptum*, sed fortasse etiam ad *Bosporum thracium*, ii captivi Judaei abducti sunt. HIERONYMUS nempe in Commentario ad OBADIAE cap. I (quem locum non animadvertit MÜLLERUS) *ista*, inquit (Bosporus) *est regio, ad quam Adrianus captivos (Judaeos) transtulit*. De Romanorum crudelitate, captis Hierosolymis, verbo loquitur ABŪ'L-FARAG l. l.

de Samaritanis sumserunt. Primum quidem Imperator Neapoli pepercisse, et in Monte Garizimi Templum condidisse fertur, deinde vero, memoratis Judaeorum criminationibus stimulatus, Samaritanorum agros incendiis caedibusque replevisse, multos Viros, in primis Principes, trucidasse, et cruci affixisse, quin magnam insuper Neapolis partem delevisse, et Scripta Gentis antiqua perdidisse, de quorum jacturâ Samaritani hoc loco graviter lamentantur. Idem ergo ei urbi fere evenerit, quod Hiërosolymis, quae anno 136 *Aeliae* nomine restaurata, et novis aedificiis ac Templis, Romanorum Cultui dicatis, ornata sunt.

Dictae illae Neapolis calamitates, et quae mox sequebatur, Hiërosolymorum restitutio, ante, ut vidimus, vix inchoata, bello autem composito demum absoluta, in traditione samaritanâ transpositae sunt. Tunc Judaeis ad urbem sacram aditus prohibebatur (1), Samaritani vero ex *sua* urbe seclusi esse non dicuntur: quod Imperator non necessarium duxerit, quia Samaritani, minus quam Judaei, Romanis erant timendi. Tam graviter tamen eo tempore res etiam Samaritanorum afflictae sunt, ut Hadriani imperium non, ut aliae ejus Gentis Historiae partes, apud ipsam in oblivionem abierit, et ne per secula quidem ex ejus memoriâ evelli potuerit.

Quis vero iste fuerit belli Dux *Bar-coceba*, quisve ejus Socius, *Aqiba*, cujus summa erat auctoritas, huc usque non constat. Judaeis testibus, non ex Gente erant judaicâ. *Aqiba*, ut ii narrant, ex Parentibus, ad Gentem israheliticam non pertinentibus natus, ad Judaeorum Sacra transiisse dicitur. *Bar-cocebae* ortus prorens latet, sed fuisse eum Judaeum non natum, sed factum, iidem perhibent (2). Uterque fortasse ex Gente samaritanâ oriundus erat. Judaeorum Proceres nimirum, aptum Ducem desiderantes, ejus non ortum adeo attendebant, sed maxime ingentii dotes. Si vera sit conjectura, minime miramur, honoris titulum illius a Judaeis postea in odiosum istud *Bar-cozibae* nomen mutatum esse, neque etiam, eum, prudenter callideque agentem, Samaritanos Judaeorum causae adjunxisse. Quibus accedit, eum, ut Judaei nonnulli tradiderunt (3), confecto bello, a Judaeis interfectum esse.

In ABŪ'L-FATHI Chronico (4) Hadrianus *Uxorem habuisse* dicitur *samaritanam ex Jasūph*. Rem ipsam, quae aliunde non illustratur, in medio relinquimus, sed observandum est, eo nomine non, quod BASNAGIUS (5) opinatus est, *familiam*, sed *oppidum* intelligi, ex quo, ut Liber Josuae cap. XLVII tradit, fratres, qui Hadriano consiliis auxiliati sunt, oriundi essent. Scribitur ibi nomen ياسوف, et hoc fortasse non differt a *Suffa*, sitâ Lyddam

(1) MUNTER l. l., p. 95 seqq.

(2) MUNTER l. l., p. 48 seqq.

(4) *Acta Lips.* l. l. p. 171.

(3) MUNTER p. 72 seqq.

(5) l. l. I, p. 197.



inter et Bēth-hōrōn (1). Nam legendum videtur in Libro Josuae **בֵּית הֶרֶן**, ubi prior syllaba sollemni more ex **בֵּית** in apocopen redacta est.

Acerbissime igitur Samaritani in Hadrianum invecti sunt, et non tantum ob graves istas, quas perpassi erant, calamitates, sed praesertim, quoniam Idolorum Cultus in Cultūs ipsorum detrimentum in sacro Monte ab eo fundatus erat.

Hadrianus autem quo gravius in Samaritanorum Scriptis damnatur, eo magis ab ABŪ'L-FATHO laudatur Antoninorum imperium; nam in Libro Josuae id silentio omittitur. Ille (2): anno inquit, 22° Acbonis, *Hadriano—successit Antoninus, Samaritanorum amicus. Is legem Moysi addidicit, et secundum illam, vitam ac regimen sibi instituit. Florebant sane sub illo Principe res Samaritanae, velut jam pridem virtute et auspiciis Josue Nunidae. Imperavit autem Antoninus annos 32, et cum illo simul interiit gloria et felicitas Samaritarum.* Ac revera nullum dubium est, quin felix Antoninorum periodus, Palaestinae universae, ut multarum Urbium rudera hodieque testantur, salutifera, Samaritanis etiam prospera fuerit (3). Intelligitur autem in loco laudato imperium Hadriani Successoris, *Antonini Pii* (138—161), et *M. Aurelii Antonini*, cognomine *Philosophi* (161—180), qui ambo summam operam posuerunt in civitate bene administrandā, et civium salute tuendā ac promovendā (4). Hos ABŪ'L-FATHUS, quia *Antonini* nomine ambo innotuerant, unum eundemque esse existimavit. Quae enim de imperandi ratione feruntur, utrique et maxime Antonino Pio conveniunt. Sic etiam *studium Legis mosaicae*, si, quod eā de re dicitur, fide dignum est; nam Literarum excolendarum laude uterque inclaruit (5). Fabulantur Judaei, Antoninum Pium *Judaicum factum esse*, quia etiam *circumcisum*, ut Coenae paschalis particeps esse posset, et *Discipulum* eum fuisse *Judae sancti* (6). Ita Judaei de eo judicasse videntur, nec aliter Samaritani, quia ipsis favebat. Severas nempe Hadriani Leges mitigavit, circumcisionem Judaeis permisit; voluit tantum, ne alios circumcidendo in suae Gentis societatem reciperent. Concessit iis deinde suum *Sanhedrin* restaurare, adeo ut multi memorentur Patriarchae judaici, qui sub Antonino Pio et ejus Successoribus floruerunt (7).

(1) Vid. Mappa ROBINSONI.

(2) *Act. Lips.* l. l., p. 171. De Antoninorum, Judaeorum fautorum, mentione in Talmude, vid. A. H. ISRAËLS Diss. exhibens collectanea *Gynaecologica ex Talmude Babylonico*. Gron. 1845 8°, p. 65.

(3) CAPITOLINUS (cap. 5) seditiones Judaeorum sub Antonino Pio his verbis commemorans: *atque*, inquit, *Judaeos rebellantes contudit per Praesides ac Legatos*, — ob oculos habet *tumultūs*, sive *latrocinia* eorum in *Achajā* et *Aegypto*, quorum tum in Numis, tum etiam in FRONTONIS ad Antoninum Epistolis mentio fit. Vid. MÜLLER l. l., p. 98 seq.

(4) HERRAS Handb. p. 513 seqq.

(5) CARRIER *Histoire des Empereurs Rom.* IV, p. 460 et 558.

(6) MÜLLER l. l., p. 98.

(7) MÜLLER l. l., p. 99 seqq.

*M. Aurelius* aditum ad honores Judaeis permisit, Hadriani vero mandata renovavit, postquam Judaei in bellum cum *Parthis*, et rebellionis, ab *Avidio Casio* motas, societatem venerant (1).

De *Commodo* (180—192) sequentia *Abū'l-Fath* retulit (2), quae anno 183 accidisse feruntur: *Confestim ab altercatione Levi Pontificis, et Alexandri Aphrodisiensis de novitate mundi; in Samaritanis ense, flammis, crucibus et omni genere mortis saevit Commodus Imperator. Idem etiam suasu Galeni Medici, et domos et Synagogas Samaritarum carne porcina et Idolis polluebat.*

Nefanda facinora *Commodo* regnante patrata esse, non mirandum est. Vir erat crudelis, et voluptatibus ludisque gladiatoris deditus, imperii administrationem aliis committens, et amicorum desideriis, secleris subinde et nefariis, lubenter obsequens (3). Fieri ergo potuit, ut in Samaritanos tunc saevierint, et haec *Galeni* suasu facta esse dicantur, quia hic, ut *M. Aurelius*, ita *Commodi* etiam familiaris erat (4). Huic autem traditioni quid veri insit, non definiam, neque etiam, quid de iis statuendum sit, quae de *Alexandro Aphrodisiensis* feruntur, Philosopho et Medico, qui saeculo 2<sup>o</sup> exeunte, et 3<sup>o</sup> ineunte, floruit (5), et coaevus ergo fuit *Lavio* illius, Pontificis samaritani, qui per 25 annos sacerdotali Munere, et ut videtur ab anno 184—209, functus sit (6). Num forte Samaritani, laeso Pontifice, tumultuati sunt, ut hanc ob causam castigarentur? — Samaritanis Cultum suum celebrare tunc permissum fuisse, ex *Synagogarum* mentione efficere licet.

Certiora sunt, quae Imperatore *Septimio Severo* (193—211) acciderunt. Antoninorum gente post *Commodi* mortem extincta, inter eos, qui Imperatores creati erant, bellum civile erumpit. Subacto *M. Didio Iuliano*, *Romae* a Praetorianis electo, *Septimius Severus*, in quem a Legionibus *Illyricis* Imperatoria dignitas delata erat, alterum Aemulum aggressus est, *Pescennium Nigrum*, in Oriente Imperatorem proclamatum, Syriae ante Praefectum, et omnium profecto, qui purpuram gereret, dignissimum (7),

(1) *Munten* l. l., p. 100. seqq.

(2) *Acta Lips.* l. l., p. 171.

(3) *Hieron* l. l., p. 516. seqq.; *Caesaria* l. l. V., p. 19, 27. seqq.

(4) *Caesaria* l. l. IV, p. 560, et V, p. 12.

(5) *ALEXANDER APHRODISIUS* (الاسكندر الافروديسي) cum *GALENO* etiam acerrime disputavit. — Commentarios ille conscripsit in Opera Aristotelis, Romanis non minus quam Moslimis carissimos, et alia Scripta haud pauca, in quae tum Graeci, tum Syri et Arabes commentati sunt. De his Scriptis, Commentariis et Versionibus vid. *Zusammenstellung Einfacher Heil- und Nahrungsmittel von IBN BAITHAR, aus dem Arabischen überetzt von Dr. J. von SONTHEIMER*, II Bd. (Stuttg. 1842 fol.), p. 726—729.

(6) *Conf. Act. Lips.* l. l., p. 173, et supra p. 128.

(7) De *Nigri* indole et consiliis vid. *Caesaria* l. l. V., p. 95. seqq., et 131. seqq.

eo Gentibus, ipsius imperio subiectis, dilectum. Hujus partes secuti erant Judaei et Samaritani. Nigro igitur anno 196 ad fessum devotio, Severus, vindictae studiosissimus (1), in omnes adversarios graviter animadvertit, in urbes maxime, Nigro olim amicae, ac Neapolin civitatis jure privavit (2). Palaestinae potro, gravibus jam pressae tributis, peculiatem praeposuit Praefectum, cujus Tyrus esset metropolis, quae ipsius partibus favorat (3). Bello finito, Senatus triumphum decrevit, quem SPARTIANUS (4), judaeum dixit, et Severus filio Caracallae agere concessit.

Hoc bellum intelligere videtur HIERONYMUS (5), 5<sup>o</sup> Severi anno (198 igitur p. C. n.) judaeum et samaritanum bellum motum esse perhibens. ANTOIN-PARAGIUS (6) in annum primum Severi hoc incidisse testatur, et bellum hoc grave (H. D. p. 125 et Chronico syriaco p. 60) nuncupat, in quo ab utraque parte (ut in textu arabico existat) multi occisi sunt. Non verisimile est, Claudi seditionem (7), quam Dio CASSIUS (8) commemorat, cum eo bello cohaesisse, quamvis MONTANA (9) conjecerit, inter ejus socios Judaeos, atque ipsum, item Judaeum forsitan fuisse.

Neapolitania Severus jura civitatis postea restituisse dicitur, quod efficiunt ex SPARTIANI verbis: poenam Palaestinis (Severus) remisit, quam ob causam Nigri meruerant (c. XIV); et Palaestinis plurima jura fundavit (c. XVII). De Neapoli igitur non dicerte mentio fit, quamvis fieri possit, ut hanc urbem, si postea hocce, jura ei restitutum est, SPARTIANUS etiam intellexerit. Videtur nempe Severus post reditum ex Oriente ea statuuisse, quo tempore ira Severi nondum placata fuerit. Tumultum, quem memoravimus, animum ejus a Judaeis saltem magis abalienasse, Lex docet, quae iis et Christianis interdixit, alios ad suam Religionem traducere. Judaeos (sic ibi pergit SPARTIANUS, Samaritanos fortasse, quos Gentium more Judaeorum Sectam esse, opinatus sit, Judaeorum namque etiam complectens) fieri sub gravi poena vetuit. Idem etiam de Christianis sanxit. Postea demum Judaeis, et cum iis sine dubio quoque Samaritanis, jura civitatis romanae reddidit (10).

Caracalla, Severi Successor (211—216), universo Imperio romano hocce jura civitatis concessit. Ab hoc tamen inde tempore non adeo multos illud Samaritanis affluisse fructus tulit. Jus nimirum, quod Severus, quidem ipsum aliis adimebat, magnè adhuc sanctebat, non tanti amplius, quanti antea, aestimari poterat, postquam cum omnibus ingentis

(1) Atheniensibus, quia hi eum juvenem laeserant, Imperator Privilegia nonnulla ademit.

(2) Loci SPARTIANI huc pertinentes, coff. supra p. 119 seq.

(3) CAUVEN L. I. V, p. 133 seq., 136, 168 seq.

(4) Sev. c. 16.

(5) In Chronico ad annum 198, sive U. C. 951.

(6) H. D. p. 125, in Chronico syriaco p. 60.

(7) CAUVEN L. I. V, p. 143.

(8) Libr. LXXV. c. 2. p. 1257.

(9) L. I., p. 102 seq.

(10) MONTANA L. I., p. 103 seq.

Imperii in eodem communicatum erat (1). Idem posse omnibus eodem largiens beneficia, tributa etiam imponebat, nec cohibebat, quominus Imperatorum et Magistratum ludibrio idem saepius expositi essent.

Istiusmodi facinora ab *Abū'l-ratho* (2) *Alexandro Severo* (222—235) imputantur. Dicitur *Samaritanis* pretio 20 folium aurearum passim occidi iussisse, ac *Nathanālem* aut *ejus Parentem* *Aqbūnem* a Cultu unius Dei minis deterrere conatus esse, non vero potuisse. In *Joannis* Libri cap. XLVIII, Pontifex quidem, cui idem evenerit, *Aqbūn* vocatur; ibi vero non *Regis*, sed *fratris Regis* fit mentio, quo intelligi videtur Vir princeps, Imperatoris nomine agens, Praefectus fortasse Palacstinæ. At celato Catalogo Pontificum (supra p. 127 seq.), neque *Nathanāl*, neque *Aqbūn*, *Alexandro Severo* regnante, Pontifex fuit, sed *Itazar*, et hic etiam hic intelligitur. Nomen Sacerdotis minus certum esse; jam apparet ex *Abū'l-rath* dubiis, scribente, *Nathanālem* sive *Parentem ejus*. In traditione namque nomina videntur esse confusa, et ita nominibus, quae in *Samaritanorum* *Historiā Itazaris* nominis claviora sunt, aliena tributa.

Nec modo Pontificis, sed *Imperatoris* etiam nomen cum alio nomine ab *Abū'l-ratho* fortasse permutatur. Non enim verisimile est, *Alexandrum Severum* ea petrasse. A Matre *Mamaeā*, praeclara Muliere, educatus, praeclarum etiam Filium non modo, sed et Imperatorem ipse se praestitit, ideoque egregiis Principibus merito annumeratur. Abhorrens a crudelitate, suā naturā ad benignitatem prout, humanitāte insignis, aequi justique studiosissimus, sanguinem innocentem nunquam effudit, neminem, in cujus causam non satis inquisitum esset, damnavit, iterque per Provincias instituens, bonos Praefectos beneficiis, praevos poenis affecit (3).

Quae quatenus sint, ista facinorosa sive *Alexandri regni* initio, quam *Heliogabali Edicta* adhuc vigerent, sive potius *Heliogabalo regnante* (218—222) commissa esse videntur. Hic enim turpissimis titulis famosus, pessima quoque petrauit, ac *Reip.* universam turbavit, et Cultum *Heliogabali*, sive *Elagabali*, ejus ipse *Emesae* Sacerdos sperat, per totum Regnum propagare conatus est, ac *Judeorum* et *Samaritanorum*, quia *Christianorum* etiam Ritus cum illo conjungendi consilium animo voluit (4). Haec Sacra si *Samaritania* obtrudenda voluerit, sine dubio hi Imperatori pertinaciter se opposuerunt, ipse vero vi certo natus est.

Ex *Abū'l-rath* *Chronica* deinde ad annum 283 in *Actis Lipsianis* l. l. haec no-

(1) De Jure Civitatis cum omnibus Regni urbibus communicato, vid. etiam *VON SAVIGNY, Geschichte der R. R. im Mittelalt.*, 1 Bd. p. 62 seq.

(2) *Acta Lips.* p. 171.

(3) *Cassius* ll. V, p. 337, seqq.

(4) *Cassius* l. l. p. 283, 306.

tantur: 545 anno Græcorum a Seleuco, quod est annus 312. (videtur: quæ æra incipit ab anno 312 a. C. n.), et 233 (p. C. n.), Persarum dominium instaurat Ardasir Babecida; anno 20° Aqbūnis Pontificis samaritani, 32° Alexandri Severi Imperatoris. Nomina hic rursus confunduntur, neque accurate definiuntur anni. Anno 4° Regni Alexandri, anno nimirum 226, eodem ergo Itasare Pontifice, Artaxerxes, Sasānis filius, seditionem movit, regnante Arsace XXX (s. Artabane IV), ultimo Arsacidarum, quorum Regno everso, ille Sasānidarum Imperium condidit.

Ex hac Sasānidarum in Annalibus samaritanis mentione efficitur, ejus Dynastiae memoriam huic Genti inhaeruisse. Et sane non sine causâ! Sasānidæ, Achaemenidarum exemplo, Imperii fines quam latissime dilatare studebant. Artaxerxes ille a Romanis jam petiit, ut Syria et Asia minor, quæ pars quondam pristini Regni persici fuerat, ipsi redderentur, ideoque ipse cum Alexandro Severo (1), ac saepius postea ipsius Successores, cum Romanis bella gesserant. Quorum opportunitate ut Samaritani non otiosi fuerunt regnante Justiniano, ita non credibile est, eosdem temporibus, quæ ab Alexandro Severo ad Justinianum usque præterlapsa sunt, fidos Romanorum contra Persas socios fuisse. Ante Alexandrum Severum nempe Samaritani Romanis jam parum erant benevoli, ac rebus Romanorum misere deinde turbatis, clandestine certo, si non publice, ipsis adversabantur. Quid enim, Šabūro I, sive Sapore regnante, acciderit, notum est, quum multae Provinciae a Romanis defecerant, ac Persae, anno 259 Valeriano clade affecto captoque, magnam Syriae et Asiae minoris partem, quam tamen per breve tempus tenuerunt, expugnaverant (2).

Persis tunc fugatis, Oriens tamen tranquillitate non fruebatur. Alius Hostis brevi Romanis surrexit, cui non Persae tantum, sed fortasse etiam Samaritani quodammodo auxiliati sint. Odenatum cogito, qui, Tribus cujusdam arabicae olim Praefectus, a Valeriano Palmyrae Rex creatus, a Gallieno, ob res in bello persico, aliisque expeditionibus, praeclare gestas, anno 266 Augusti titulo ornatus erat. Odenato autem sequente anno 4 Maeonio cognato interfecto, Zenobia, invitâ Romanis Regnum Palmyrae sibi non modo vindicabat, sed rebus turbatis ad hoc amplificandum utebatur. Meraclium primum, a Gallieno cum exercitu missum, fundit. Deinde sub Claudio (266—270), Palaestina et Aegypto potitur. In Bithyniam vero progressa, ut mox in Europam transiret, Aurelianus (270—275) resistit, captâque et devastatâ Palmyrâ, huic bello, in quo gerendo Palaestinenses, teste Zozimo, partes Aureliani sequebantur, finem imponit (3).

Diocletianus anno 284 Regno praepositus, tribus Sociis assumtis, ac singulis Imperii

(1) CERVIER I. I., p. 377 seqq.

(2) CERVIER I. I., p. 542.

(3) CERVIER I. I., p. 545 seqq., 554 seqq., 567 seqq., et VI, p. 18, 38 seqq. Zozimus (I. c. 52.) majorem incolarum numerum videtur spectasse. Nam omnes Aureliani partes non sequebantur.

parte traditâ, *Orientem* sibi sumsit; sed anno 305 cum Maximiano, imperio se abdicavit. *Constantius*, Constantini m. pater, et *Galerius*, soli jam superstites, Regnum inter se dividerunt. *Galerius*, Orientem nactus, Caesares creavit *Flavium Severum* et *Maximinum*.

Hic Provinciis donatus asiaticis, tum alias terras, tum Palaestinam, fame et peste exhaustam, caedibus replevit (1); anno vero 318 a Licinio ad Adrianopolin devictus est. Bellum, ab eo cum Constantino, qui Occidenti imperabat, gestum, sequente anno compositum est, sed postea iterum erupit, et anno 323, expugnatâ Nicomediâ, Bithyniae urbe, captoque Licinio, finitum est, atque cum habuit eventum, ut Constantinus ad universi Regni imperium perveniret (2). Hoc vero, ut recte administraretur, in 4 *Praefecturae* divisit, in *Orientem*, *Illyriam*, *Italiam*, *Gallias*. Singulis praefecit *Praefectum praetorio*. Orientis Praefecturam in 5 divisit *diomysius*, *Orientem* proprie sic dictam, *Aegyptum*, *Asiam minorem*, *Pontum*, *Thraciam*, quas singulas subiecit *Vicariis Praefecti praetorio*. *Diomysius* tandem divisit in *Provincias*, quibus praerant *Rectores*, qui, subditi iis *Vicariis*, non omnes tamen eodem titulo ornati erant (3).

Novus hîc rerum ordo, et principatus, quem ab eo inde tempore Religio christiana nancisci studebat, et in dies magis nacta est, universo Imperio romano gravissimus erat; in primis verò iis, qui suam Religionem abjurare nolebant, *Paganis* nimirum, atque *Judaëis* et *Samaritanis*. Praecedentes nempe Imperatores, pessimi licet subinde, et scelestissimi, Religionem parum *plerumque* curabant, et suam aliis non obtrudebant; contra, varias Gentes, si Resp. modo nullum inde detrimentum caperët; sua Sacra celebrare sinebant. Alias rationes sequebantur Constantinus et plerique ejus Successores. Hi, Gentium Sacra non statim abrogari posse perspicientes, hæc aliquamdiu ferebant. Christianis vero in primis favebant. Leges, quae publicabantur ad Religionis libertatem, ac jura eorum, qui Societati christianae non adscripti essent, vindicanda, immoderato Christianorum ardore reapse infringebantur saepius, et quo majores progressus faceret ipsorum Religio, eo audaciores in alios ii se gerebant. Leges, verbo, quibus sub proximis etiam Constantini Successoribus cuique suam Religionem profitendi libertas concedebatur, non strenue vindicabantur, nec raro hanc ob causam *renovabantur*, et vel sic tamen a flagitiosis Magistratibus, cujusmodi in Oriente haud pauci fuerunt, turpiter invitis Imperatoribus violabantur (4).

(1) Le BEAU *Hist. du Bas Empire*, Paris 1819. I, p. 43 seqq.

(2) Le BEAU l. l., p. 119, 134 seqq.; 158 seqq.; HERNI l. l., p. 535 seqq.

(3) Le BEAU l. l., p. 242 seqq.; HERNI l. l., p. 544.

(4) Vid. SAM. THEOPHIL. RÜMERS *de statu et conditione Paganorum sub Imperatoribus christianis post Constantinum*. Vratislav. 1825 8°, p. 26, 31, 36, 59.

Samaritani quid tunc egerint. *Израиль* (p. 125 seq.) verbo jam indicavimus, tunc vero pluribus explicemus. Alii sive sincere, sive simulate ad christianam Societatem transierunt. Alii, iique haud pauci, alium Cultum profiteri nolentes, publice primum se non opposuerunt, tandem vero violentie Christianorum conatibus excitati, summam cum contumacia illis resisterunt, ac mortem subire maluerunt, quam Sacra Praeparationum abjungere. Romanos, nondum cognitos, primum hi amicos salutaverant, eodem vero, quum suum Cultum in medio sacro ipsorum loco constituissent, inimicos habere coeperant, nec raro, data occasione, factis id probaverant. Animadvertentes autem Romanos post Constantinum hoc agere, ut Cultum ipsorum paternum deleteret et extirparet, ista a Romanis aversio in acerbissimum odium abiit. Ex Libro Josuae manifesto apparet, Aquilem, romanae dominationis insigne, in Monte garizimitano positam, Samaritanos aegris in dies tulisse, nec minus ipsorum indignationem movisse Templum istud romanum in Montis vertice, ac Decorum Sacrificia, et Festorum magnificentiam. At multo magis Crucem iidem deinde abominabantur, Cultusque christiani detestabantur pompam et splendorem. In Idolorum umbram Samaritanorum Cultus adhuc ferebatur, sed sub Christianorum principatu eadem erat, quae Gentilium, ipsorum sors. Ut Templum in Monte, Cultui Romanorum antiquo dicatum, a Christianis sive vastabatur, sive occupabatur, ita circa puteum Jacobi, Samaritanis sacrum, Ecclesia brevi exstruebatur christiana, hunc puteum per multa secula occultantem. Samaritana Synagoga in sacro Monte, in Aedem Mariae postea commutabatur, Arcis instar muniebatur, et aliae praeterea Sacrae Neapoli aedificabantur. Samaritanis deinde jura adimuntur civilia; infanctum, ut queruntur, velatur circumcisio; Synagogae clauduntur; aditus ad Montem sacrum praeccluditur. Non igitur sine causa Christianos in acerrimos judicant adversarios. Haec Josuae Libri dicta in Scriptis etiam graecis et latinis confirmantur simul et illustrantur.

Operae ergo pretium est, ut, quantum fieri possit, de Samaritanorum illis temporibus conditione sigillatim exponamus. Fontes tamen ad hanc disquisitionem rite absolvendam sunt perexigui. Non modo in Scriptis Graecorum et Romanorum ejus aetatis de Samaritanis rarissime sermo est, sed et Samaritanorum de rebus, quae tunc ipsis evenerunt, testimonia sunt perpauca. Praeterea in Libro Josuae res universae vulgo traduntur, omisso nomine Imperatorum, quibus regnantibus narrata acciderint. Ea denique, quae memorentur, traditionis involucris et fabulis subinde mirifice exornata atque obscurata sunt.

In hac autem fontium paucitate ac vitiositate, non melius haec Historiae samaritanicae pars illustrari posse videtur, quam si *Paganorum*, et praesertim *Judaeorum* hoc tempore vicissitudines in Regno romano attendimus, quia Samaritanorum sub Imperatoribus item christianis sors a *Judaeorum* et *Paganorum* sorte parum plerumque diversa erat, praesertim ubi Christiani, fanatico acti furore, in ipsos, nominis christiani quippe inimicos, eodem modo, quo in Judaeos et maxime in Paganos invehebantur.

De *Paganis* igitur primum agamus, quibus consideratis, externus Ecclesiae christianae eo tempore status quodammodo item cognoscitur; quae notitia desiderari nequit ad Samaritanorum dicta bene perpendenda, et caute adhibenda.

*Paganorum* conditionem, et *Res christianae* progressus sub Constantino et proximis ipsius Successoribus descriperunt SAN. THEOPHIL. RÜDIGER (1), et A. BRUNOT (2). Fontes ii diligenter in suos usus converterunt, cum *Leges* tum *Scriptores*, et in his *Paganos* non modo, sed etiam *Christianos*, qui, ut ille iure monuit (3), ubi de Constantini m. rebus gestis agunt, prudenter consulendi sunt. His autem fontibus inter se collatis, constat permagis Religionem christianam progressus dictis temporibus fecisse, minores tamen per priores 33 post Constantinum annos, quam postea (4), ac multo majores in *Oriente*, quam in *Occidente*. Hic enim *diliores* praesertim, et *dectiores* Romani, antiquis Sacris diu adhaerebant tenaciter, ac christianam Religionem tantum profitebantur homines maxime inferioris classis (5). Horum Clericis eadem quidem, quae Sacerdotibus romanis, concedebantur Privilegia, at et hi sua servabant, quin aliquamdiu ipsorum Sacra intacta manebant (6). *Scholis* per universum Regnum romanum sub Constantino et proximis Successoribus praesent *Gentiles*, ibique nobiliorum Romanorum filii erudiebantur. His ergo Munera quaeque gravia tum Romae et Constantinopoli, tum in Provinciis mandabantur (7). *Leges* porro ferbantur quidem perpetuo ad Religionem inveteratam paulatim removendam et extirpandam; sed hae Leges quam parum efficaces erant, nullâ saepe poenâ munitae, et a Magistratibus gentilibus non vindicatae! Non mirum ergo, has post breve tempus, et frustra quidem aliquoties, *renovatas esse* (8). Ac tantum aberat, ut Imperatores christiani solum tuerentur Religionem christianam, ut ii ad Valentinianum I, et Valentem usque, a Paganis *Pontifices maximi* appellarentur, et Cultus adeo antiqui Patroni haberentur et Vindices (9).

Religionem christianam Constantinopoli a Constantini inde tempore potissimum floruisse, negari negat, et perperam tamen nonnulli contenderunt (10), hanc urbem *totam in urbis christianae formam ab eo redactam esse*. Hanc illa tantam, ut traçant EUSEBIUS, SOCRATES et SOZOMENUS (11), similiter ut alia loca, multis aedificiis, et publicis monumen-

(1) In Libro supra laudato.

(2) *Histoire de la destruction du Paganisme en Occident*. Ouvrage couronné par l'Académie Royale des Inscriptions et Belles Lettres, Paris 1835. II voll.

(3) Rüd. p. 14.

(4) Brun. I, p. 319.

(5) Rüd., p. 15.

(6) Ibid., p. 5 et 49.

(7) Ibid., p. 15, 16, 19 et 31.

(8) Ibid., p. 26, 31; coll. supra p. 141.

(9) Rüd., p. 10, et Brun. I, p. 270 seqq., ad indicia hujus Dignitatis, in Numis eorum Imperatorum item conspicua, revocans.

(10) In his CAEVAR. *Hist. des Empereurs Romains*, Tom. VI, p. 364 seq.

(11) EUSEB. *de Vita Constantini* III, c. 48, 49, 54, et IV, c. 56, 59, 60. SOCR. I. 16. SOZOM. II. 3.



tis in christianae Religionis gratiam ornavit, et multis Privilegiis Christianos donavit; Paganorum vero Sacrificia minime abrogavit, aut Tempia ipsorum clausit vel destruxit (1). Merito Constantini celebratur *tolerantia*, quā cuique permisit sua Sacra agere (2), sive attendis Edicta, quae cum Licinio anno 312 et 313 promulgavit, quorum mentionem fecerunt EUSEBIUS et LACTANTIUS (3), sive Leges ab ipso solo postea latae (4), sive ipsius Constantini de hoc tolerantiae studio testimonium (5).

Nec aliter fere egerunt per 50 fere annos ipsius Successores. Hoc tantum illi et his intercedit discrimen, quod multi ex *his* rerum conditione plerumque coacti, minore utebantur moderatione. Sic Gentium Sacrificia interdicere, sed frustra, tentavit Constantinus; nam Cultus antiquus tum alibi, tum in primis Romae et Alexandriae laete tunc florebat, (6). Omnia fere in integrum restituit Julianus, nec ea *restaurare* modo, sed *emendare* etiam studuit (7): Libertatem contra in quovis Cultu celebrando vindicarunt Jovianus (8), Valentinianus in Occidente (9), et qui simul cum eo (364—378), sed in Oriente, regnavit, Valens (10), quamquam ille Paganis valde favit, hic vero in eos pariter atque in Christianos orthodoxos, Arianorum quippe vider, iniquiorem se praestitit.

In tali tamen rerum conditione Gentium Sacra abrogari non poterant, ac revera minime tollebantur. Quid Phoeniciae urbes memorem, et Gazam atque Edessam, et vero Alexandriam, ubi illa ad Theodosium I usque principatum tenebant (11)! Quid Antiochiam, ubi, in urbe, Rei christianae Metropoli, laete eadem florebat, ubi splendidum gentilis Cultus Templum, ubi clara evasit schola LIBANI (12)! Nec Constantinopoli Cultus antiqui desiderabantur vindices. Ibi etiam vixit THEMISTIUS, cujus magna erat sub Juliano in Senatu auctoritas (13). Eum Cultum ibidem viguisse, ipsius THEMISTII testantur Orationes, quibus ipse *Urbis Praefectus*, Joviano gratulatus est; ne *amorem* dicam, quo in *eam* ille Urbem prae ceteris maxime ferebatur (14). Ac sic intelligitur, qui fieri posset, ut in magno Constantinopolitanorum numero, qui ineunte seculo 5<sup>o</sup> Romae incolarum numerum superabat (15), ex 400,000, tantum 100,000 essent Christiani, anno nempe 398<sup>o</sup>, quo JOANNES CHRYSOSTOMUS Episcopatum Constantinopoli capessivit (16).

A Gratiano tamen inde Religio christiana incrementa cepit, praesertim vero regnante

- 
- |  |  |
|--|--|
| (1) RÜD., p. 19, et BRUGN. I, p. 77 seq.   | (2) RÜD., p. 18 seqq., et BRUGN., p. 57 seqq., 73 et 99. |
| (3) EUSEB. <i>H. E.</i> IX. 9; LACT. <i>de mortibus Persecutorum</i> c. 48, coll. c. 34. | (4) RÜD. p. 5 et seqq.                                   |
| (5) EUSEB. <i>de Vita Const.</i> II, p. 56.  | (6) RÜD., p. 18 seqq., 26, 30 seqq., et BRUGN., p. 140.  |
| (7) RÜD., p. 37 seqq., BRUGN., p. 187 seqq.  | (8) RÜD., p. 42, et BRUGN., p. 225 seqq.                 |
| (9) R., p. 43; B., p. 232 seq., 252.   | (10) R., p. 44, et B., p. 237 seq.                       |
| (11) R. p. 60, 65, 74.   | (12) B., p. 198 et 237.                                  |
| (13) B., p. 178, 226.  | (14) B., p. 226, 322 seqq.                               |
| (15) SOZOMEN. II. 3, et ZOZIM. II. 36.   | (16) B., II, p. 195.                                     |

Theodosio I, quum ipsa in Oriente magis praevalere coepit. Ille Valentiniani I filius, Patre mortuo anno 375 *Occidentis*, et anno 378, Valentis loco, *Orientis* imperium accepit, hoc vero Theodosio tradidit. Primum ille Cultus utriusque, romani et christiani, libertatem tuebatur, nec Paganis erat molestus. Deinde vero, et potissimum ab anno 382, instigante AMBROSIO, Christianorum causam strenue agebat. Lege hoc anno publicatâ, *illorum* Sacerdotes plerisque Privilegiis privavit, ac Pallium pontificale ipse recusavit (1). Gratiano autem anno 383 interfecto, ac mortuo Valentiniano II, qui huic in Occidente successerat, Theodosius, huc usque in Oriente regnans, anno 394 Occidentis etiam imperium nactus est (2). Tribus prioribus Regni theodosiani annis (ab a. 378—381) Cultus antiquus in Oriente plenâ quoque fruebatur libertate, ubi longe lateque propagata erat LIBANI disciplina, cujus Discipuli et Amici, per Graeciam, Syriam, et Aegyptum, quoquoersus dispersi erant, ac mutuum, et ipsi inter se invicem, et cum suo Doctore Epistolarum habebant commercium (3). Verum clementiam in Paganos Theodosius postea magis magisque minuit. Anno 381 et deinceps Leges tulit de *Apostatis*, de *Catechumenis*, et *Fidelibus* (s. *Baptizatis*), ac de *Sacrificiis*, id est, de *Kathenis* ex *Victimarum* carnis desumptis (4). Hoc enim studuit, ut, quod multi ante eum Imperatores jam coacti fuerant, *Divinationes* et *magicarum Artium* insaniam, quâ ejus temporis homines praesentiarum corripui erant, et quarum causa pleraque Sacrificia instituebantur, coerceret. Alio nempe constip victimae raro caedebantur.

His autem prohibitis, reliqui tamen Ritus eo usque Paganis permitti erant, et Templorum patabant. Mox vero gravior tempestas Paganismo exorta est, annis nimirum 388 et 391. Illo Theodosius, Romae degens, multis Romanorum Nobilibus persuasit, ut Christi Religionem amplecterentur; hoc anno, monente item AMBROSIO, Sacrificia, Templorum aditum, et Simulacrorum Cultum, imo omnes Ritus interdixit, et eos, qui has Leges violaturi essent, Majestatis reos declaravit (5). Quamvis in Occidente ne sic quidem Cultus iste extirpatus esset, in plerisque tamen, ac brevi in omnibus fere locis Orientis, finis imponebatur operi, a Constantino inchoato, adeo ut EVARISTIUS ingruentes hujus temporis

(1) RUD. p. 46 seqq., ubi, et p. 51 seqq., de magnâ AMBROSII eo tempore, cum apud Gratianum, tum apud Theodosium I auctoritate, exponitur. — BRUN. I, p. 321, coll. 339, et 327 seqq.

(2) B. I, p. 347, coll. 331.

(3) B. I, p. 468, coll. p. 352 et 358 seqq.

(4) Vidd. L. 1. C. Th. de Apostatis (XVI. 7), a. 381 Orienti, a. vero 383 (L. 2. C. Th. de Apostatis) universo Imperio data, et a. 391 repetita; — et L. 7. C. Th. de Paganis, repetita a. 385. Ad quas Leges coh. RUD. p. 48 seqq.

(5) L. 10 et 11 (anni 391), et 12 (a. 392), C. Th. de Paganis. Vidd. RUD. p. 51—57, et BRUN. I, p. 358 et 360.

calamitates hominibus imputet, vestes nigras gerentibus, sive *Monachis* (1).

Nec sine causâ sic ille judicabat. Horrenda nempe fuit Christianorum, suâ victoriâ immoderate exultantium, rabies. Quotopere scilicet Episcopi in Oriente, incio et invito Imperatore sacriserunt, Monachis armatis, ac Militibus mercede conductis! Magnificum Edomae Templum, *Eulogia* Episcopo auctore, quanto furore spoliatum et dirutum! Quam atrociter strages Alexandriae edita, quâcum conjuncta non tantum erat celeberrimi Templi Serapidis destruetio, sed fons etiam barbaries, quâ Schola evertebatur Canopi, ubi Litterae aegyptiacae docebantur! Quam famosa denique *Marcelli* Apameae, et *Flaviani* Antiochiae Episcopi, facinora! Quae quum Palaestinae ac Phoeniciae Episcoporum aemulationem excitabant, non his, sed Indigenis; fortiter resistentibus, tribuendum est, quod eadem ipsis non par ratione cesserunt (2)! Indigenarum enim permulti suis Sacris ibi adhaerebant, ac his, Theodosio mortuo, ac si cum eo Leges ipsius essent sublatae, novi animi additi sunt. Dictas igitur Leges Arcadius anno 395 confirmavit, ac novâ auxit, quâ omnes Sacrorum paganorum Ministri omnibus Privilegiis et immunitatibus privabantur (3). Ac jam Templorum per Palaestinam et Phoeniciam excidium, licet ne tunc quidem ubique locorum sine difficultate, juvenis item *Joanne Chrysostome*, consummabatur. Quae tunc, s. c. moriente Episcopo *Porphyrio*, ac favente Augustâ *Eudoxiâ*, per *Gynegium*, cum exercitu Constantinopoli in Palaestinam missum, Gazae ejusque Marnae Templo evenerunt, summam et Paganorum, et vero Christianorum asperitatem manifestarunt (4).

Sed in hoc tempore describendo diutius morari hic non licet. Ac dicta etiam sufficient ad ea tempora in memoriam nobis revocanda. Haec ergo si mente tenemus, Samaritanorum tunc viventium conditionem melius sane cogitare possumus. Etenim *Paganorum* quidem res his *Edictis* et *praedationibus* maxime agebatur, sed quae Samaritanorum quies, quae securitas, quae vita, si Magistratus, ipsis malevoli, eos etiam in Legibus

(1) *Revue H.* p. 21, et *I.* p. 499, 492, coll. 402 seq. In Occidente Paganismus nequidum profectum fuisse, videmus ex ejusdem sub Honorio conditione, quo regnante adhuc florebat. Vid. Rüß. p. 77 seqq. In Oriente, multi Pagani, ex locis suis fugati, alio se contulisse videntur. Ex Syria et aliis variis Orientis partibus *Harranem* maxime refugerunt, ubi Paganismus seculo nono ad finem vergentem adhuc florebat. Hoc tempore nimirum ibi vixit *Abû'l-Hasan Tabîf*, de quo exposuit *Bar Hebrae* in *Chron. syr.* p. 176 seqq., ipsius Opera, quorum pleraque de Paganismo agebant, enumerans, et ex iis locum adducens, quo Paganismi continetur Elogium, ejusmodi *Dio Chrysostomus Orat.* XII, p. 403—405 seculo primo p. C. n. conscripserat. Dolendum est, illum Librum, et alia ejus generis Scripta, Christianis syriacis exosa quippe, ideoque ab ipsis neglecta, perisse. Horum tamen *memoratio* jam alicujus est momenti. Exinde nempe apparet, Litterarum syriacarum studium, non a solis Christianis, ut nonnemini visum est, sed a Paganis etiam dedita opera exultum esse.

(2) Vid. Rüß., p. 59 seqq.

(3) L. 13 et 14 C. Th. de Pagan. Vid. Rüß. p. 70 seq.

(4) Rüß., p. 72 seqq., et *Le Beau* l. l. III, p. 180 seq.

castigari contenderent? Et ii quam facile in suspicionem adduci poterant v. g. *artium magicarum*, dum omnes, ipsorum Coetui non adscriptos, a Sacris ipsi caute abarcebant, et speluncas saepe adibant, ut conventus ibi haberent, et circumcisionis ritum celebrarent!

Si autem Magistratus isti sic molestias iis inferre possent, quanto gravioribus vexationibus et calamitatibus in mediis iis tumultibus obnoxii fuerint, quam indomitae christianorum Zelotarum turbae, isto inflammatae furore fanatico, omnia caedibus incendiisque replebant. Ista agmina, quae, si Christi causam modo sibi agere viderentur, quaeque licita sibi existimabant, in Paganos non tantum, sed in *alios* item irruisse, disputatione non indiget. Ac vere Rüchennus (1), non solum, inquit, *in templa spolianda diruendaque monachi incubuerunt, sed ubique discurrentes et sacrificiorum fumum odorantes, villas quoque paganorum, victimas caesas falso praetextantes, deprædatis sunt, rusticorum penus vacuarunt, multos etiam ecclesiae nomine praediis paternis, sacra esse dicentes, expulere, neque injuriam passi monachos ad episcopum reos ducentes quicquam profecerunt.*

His de *Paganis* praemissis, de Samaritanorum conditione sub Imperatoribus a Constantino ad Arcadium usque, quatenus haec ex *illorum* vicissitudinibus illustrari possit, quodammodo judicare possumus. Hanc autem quo plenius cognoscamus, *Judaeos* item attendamus. De his vero disseramus ita, ut, de iis exponentes, alia item, quae eodem tempore acciderunt, et ad Samaritanorum vicissitudines sive pertinent, sive ipsas expli- cant, brevitatis causa uno tenore hic memoremus. Hanc disquisitionem absolvemus regno Theodosii II, quo usque extendi videtur narratio, Codici scaligeriano inserta, de qua porro agemus.

De iis, quae Constantino regnante, Samaritanis evenerint, nihil innotuit. Neque ea, quae in Libro Josuae traduntur, ad hoc tempus referri posse videntur. *Temperantiae* autem illius ratione habitâ, Samaritanos non sollicitatos fuisse, conjiceres. Attamen quominus sic statuamus, impedit *Judaeorum* iis temporibus agendi ratio. Hi nempe, progressus Religionis christianae indigne ferentes, tumultuati sunt. Samaritani an idem fecerint, non constat. Sed *Leges*, quas de *illis* Imperator tulit, si *his* etiam praescriptae sint, quod verisimile est, *hos* quoque prohibuerunt, ne Rei christianae progressibus se opponerent, ac suam ipsi Religionem inter suos servos propagarent (2).

Multo severior non in *Paganos* tantum, sed et in *Judaeos* erat Constantini Filius, ejus-

(1) L. I., p. 68 et seq, ubi attulit LIBAN. *Pro Temp.* ed. REISK. II, p. 164.

(2) LE BEAU L. I. I, p. 121 seq.; D. H. LEVYSSONN. l. I. p. 22 seqq.

que in Oriente Successor, Constantius (337—361). *Consortium* hic proscribebat *Judaeorum cum muliere christianâ*, ac *Legem de Servis* ante datam, acuebat. Hujus tamen majoria severitatis Judaei ipsi fortasse fuerunt auctores. Seditione saltem Caesarese, in Palaestinae urbe, commotâ, tum in alios ii, tum in Samaritanos etiam saevierunt; quo factum est, ut anno 339 gravem Gallus vindictam sumeret, utque ea urbs, aliaque loca Palaestinae gravissima affigerentur (1). Verum non modo in eâ seditione, et Galli expeditione, Samaritania multa damna illata sunt, sed etiam Magistratus romani magnis eos affecerunt injuriis, quae quomodo Samaritanorum in SCALIGERI Codice dicta illustrent, mox videbimus. Istam autem Magistratum hoc tempore tyrannidem, observatu dignissimam, RÜDIGERUS etiam descripsit, cujus verba, quia Dissertatio paucis, credo, praesto est, hic inserere liceat. »Erant,» inquit (2), »in Oriente jam a primis Constantii temporibus improborum magistratuum et officialium omnia plena. Eunuchi et alii amici » avari et crudelēs, quorum ingenti turba Constantius circumdatus erat, nihil omitebant, quo ejus gratiam consecrarentur et avaritiam suam explerent. Num enim imperatori, ubique conspirationes odoranti, semper aliquid funesti nuntiantes monstrabant, » quanta cura ejus saluti providerent, simul fortunis rerum inhiabant. Provinciarum » judices, orientalium praesertim non pauci, dignitates suas magno pretio ab eunuchis » emerant, non Christiani, non pagani, sed flagitiosissimi homines, praeter lucrum nihil » cogitantes. His accedebat alia pestis, Curiosi (vid. VALES. ad AMMIAN. XV. 3. 8), genus Agentium in rebus, quorum multa millia Constantio imperatore in omnibus orbi » Romani provinciis dispersa erant, quibusque praeter alia id negotii demandatum erat, » ut quicquid provinciales contra jussa imperatoris molirentur, ad judices deferrent. Sed » delatores isti perniciosissimi in quibusvis aliis criminibus accepto pretio conniventes, » nihil studiosius agebant, quam ut cives locupletes laesae majestatis reos facerent; quo » nihil facilius, cum illa Constantii edicta latissimum delationibus campum aperuissent. » Quicumque igitur oracula aut vates consuluisse, aut cum Magis commercium habuisse » deprehendebantur, statim a Curiosis in judicium rapti, in carceres detrusi, et a carnificibus nunquam otiosis crudelissime torti, postremo necabantur, aut deportabantur, aut » fortunis omnibus spoliati dimittebantur.»

Breve Juliani regnum iis, qui aliam quam christianam Religionem profitebantur, faustum, *Judaeis* item erat propitium. Quae his ille concesserit, notum est (3). Bona tamen, quae ex Imperatoris erga eos benevolentia, et injurias ante illatas compensandi ac res in integrum restituendi studio, in *Samaritanos* redundaverint, neque hi ipsi, neque alii Scriptores memorarunt.

(1) LE BEAU I, p. 405. LEVYSSON, l. l., p. 24 seq.; ROBINSON l. l. II, p. 217.

(2) L. l., p. 36 seq.

(3) LE BEAU l. l. II, p. 63 seqq., 126 seqq.; LEVYSSON, p. 25 seqq.; ROBINSON l. l.

Nec quidquam de horum conditione traditur sub Joviano, per 8 menses regnante, sive sub Valente (364—378). Paganorum fautorem, Arianorumque vindicem, sed Christianis orthodoxis iniquiorem, cum novimus. Bella ceterum gessit perpetua, quae quum agerentur, Arabes, duce Regina Māwia Palaestinam invaserunt, et in Phoeniciam usque penetrarunt, nec nisi post grave proelium recesserunt. Cujus expeditionis incommoda ut Samaritani sine dubio senserint, ita etiam salutarem vim experti sint Legum Valentiniani et Valentis, quarum hanc memorasse sufficiat: *unicuique, quod animo imbibisset, colendi libera facultas a me tributa est* (1).

Theodosius, qui Valenti in Orientis Imperio successit, bellicā virtute insignis, non fortissimum modo se praestitit hostibus exteris coërcendis, sed terribilis etiam fuit Paganorum et Arianorum adversarius, quorum *hi*, sub Constantio et Valente in Oriente superiores evaserant, *illi* vero, ut supra narravimus, in nonnullis Aegypti et Syriae partibus, et tractibus, Libano finitimis, tunc etiam dominabantur (2). *Judaeos* contra Theodosius toleravit et tuitus est, ac benigne interdum tractavit. Cohibuit nempe, quominus Synagogae destruerentur ac spoliarentur, et ne quis Judaeos impediret, quominus in eas convenirent. *Curialium* tamen *Munerum* immunitatem rescidit, id est, non amplius permisit, ut Judaeorum causae a Magistratibus ipsorum ecclesiasticis secundum Codicem Legis mosaicae agerentur, sed voluit, ut eas quoque ad communem Judicem deferrentur, et secundum Jus romanum de iis pronunciaretur. Cavit denique, ne Judaei et Christiani conjugii inter se miscerentur, et Servos illi christianos circumciderent (3).

Eadem de Samaritanis statuta esse videntur, quod, collatā Theodosii Lege *de Naviculariis*, et Honorii *de Militiā Agentum in rebus*, in quibus, ut supra p. 40 et 49 vidimus, Judaei et Samaritani uno tenore memorantur, verisimillimum est. Ceterum, horum conditio, *Legibus* ergo non inferior adeo reddita, in mediā tamen anarchiā fere, dictis turbis a Christianis motis excitatā, interdum sine dubio miserrima fuit. Quod nisi jam satis manifestum esset, insuper illustrari posset ex ante (p. 146) memoratā injuriā, Samaritanorum certo non minus, quam Judaeorum Synagogis illatā, et Legibus tamen interdictā.

Et hic rerum status non emendatus est sub Arcadio, ab anno 395—408 regnante, quem pater Theodosius *Orienti* praeposuerat, *Occidentem* Honorio tradens, qui huic ad annum 423 praefuit.

(1) L. 9. Cod. *Th. de malef. et math.* Vid. LEVYSSON, p. 27, et LE BRAU L. I. II, p. 343 seq. De Arabum expeditione Sozom. *H. E.* VI, 38; et THEOPH. *Chronogr.* ex ed. Bonn. I, p. 92 et 100.

(2) LE BRAU L. I. II, p. 452 seqq., 459 seqq., 470 seqq., 480 seqq., 513; III. p. 13—25, 28.

(3) LEVYSSON. L. I., p. 28, 29, 62—64, 67—69. LE BRAU L. I. II, p. 601—603.

Palaestinae nempe, ut universi Imperii conditio, imperante Arcadio tristis erat (1). De renovatis Christianorum turbis locuti sumus. Nondum vero de aliis calamitatibus, quae, in Oriente licet non inauditae, tunc tamen potissimum erant horrendae. Gravem puto locustarum plagam, ac morbum pestilentem, quorum memoriam Hieronymus, ipse testis, servavit (2).

*Judaeis* quidem, a quorum sorte sors Samaritanorum partum diversa fuisse videtur, Privilegia adhuc concedebantur, non eadem tamen in utroque Regno. Leges praesertim observatu dignae sunt, quae cum *Mercaturam*, quam Judaei facitabant, tum *Rem* ipsorum *sacram* tuebantur, tum quae Judaeis permittabant, ut *Servis* uterentur *christianis*. Lex porro Honorii anni 404, repetita a. 418, modo citata, et supra (p. 49) cursim explicata; quā *omnis Agentum Militia* iisdem et Samaritanis prohibetur, simul verò statuitur; *licere iis, qui in praesenti Agentes in rebus, vel Palatini sint, hanc Militiam percurrere et legitimis stipendiis terminare*. Quia ergo Judaei et Samaritani ad annum 404 ad omnes Militias admittebantur, neque tunc ab *Advocationis* et *Curtiae Muneribus* abarcebantur, videmus, Imperatores eā aetate ab omni benevolentia Samaritanis, et maxime Judaeis praestandā, non alienos fuisse; tum etiam Viros in utraq̃ Gēte tunc item floruisse, ingenii laudibus non destitutos, qui si nempe non amplius reperi fuis-  
sent, ea Imperatores non statuissent (3).

Theodosius II, vir probus et pius, Arcadio succedens ab anno 408—450, *Paganismi* reliquias prorsus extirpare conatus est (4). *Judaeos* tuebatur, sed etiam coercerat. *Samaritanis* autem non valde benignus erat. Ex Legibus ante commemoratis hoc manifestum, quibus his, et Judaeis item, *Causas forenses agere*, et *curialia Munera gerere*, ac *novas Synagogas condere*, interdixit, atque iis, qui ex his Gentibus ad Societatem christianam transiissent, maxime favit. Hae igitur Gentes si quo tunc favore gavisi sint, Imperator id non ideo fecisse censeatur, quia *ipsis* adeo esset benevolus, sed potius, quia, aequitatis in universum studiosus, innocentes tueri, injustitiam, injurias, verbo, illicita, arcere cupiebat (5). Religionem christianam totus vindicare et propagare studuit, ac singularis pietatis documenta tum ipse dedit (6), tum Aula universa, in primis vero Uxor Eudocia, quae (7), anno 435 sacro itinere in Palaestinam suscepto, Ecclesias, et alibi et praesertim Hierosolymis, splendidis muncribus liberaliter donavit, eoque

(1) LEVYSSOHN. l. l., p. 30.

(2) LE BEAU. III, p. 242.

(3) Vid. supra p. 49, et LE BEAU l. l. III, p. 128 seq. LEVYSSOHN, p. 31—36.

(4) LE BEAU III, p. 314 seq.

(5) LEVYSSOHN l. l., p. 36—41; LE BEAU l. l., p. 246 seq.

(6) LE BEAU l. l., p. 316 seqq.

(7) SOCRAT. H. E. VII, 47; THEOPH. ed. Bonn l. p. 143. LE BEAU l. l., p. 426 seq., 433 seq.

postea rediit, ut, (sacra loca adeundo, hac pia opera peragendo, totam vitam deinde ibi transigeret.

Haec tamen regio, ut aliae Imperii partes, tunc etiam vario modo affligebatur. Graves terrae motus, quibus alibi multae urbes vastabantur (1), omnibus ibi terrorem incutiebant. Et haec calamitates, quas *irati Naminis* testimonia esse opinabantur, Christianos non minus, quam horum adversarios, ad sua Sacra tuenda incitabant. Accedebat fervor Imperatoris christianam Religionem juvandi, omnium Christianorum aemulationem excitans, sed ob nimiam ipsorum severitatem, et vero audaciam, ac temeritatem, partes inferiores simul cogens, ut suam causam agerent, et datâ occasione vindictam sumerent. Sub tenui Imperatore, et in terrâ, ubi magnus erat hominum numerus, sorte suâ non contentorum, istiusmodi se defendendi et seditiones movendi conatus, non bene cedere vir poterant. His igitur opportunitatibus uti, non tantum anno 419 *Plintha* Gothus (2), sed postea etiam Pagani et Judaei tumultuati sunt (3). Ac Samaritanos tunc nihil egisse, quis credat, qui ea, quae deinde facta sint, attendit?

---

Periodo a Constantino ad Theodosium juniorem perlustratâ, Samaritanos jam audiamus, de suis vicissitudinibus iis temporibus, in Codice SCALIGERI capp. XLVIII—L, loquentes.

De Aqbūno Pontifice cap. XLVIII fit sermo; cujus bona publicabantur, et quo vivente duo Sacerdotum filii, Romanorum Sacra amplecti recusantes, interfecti, ac 36 Viri eruditi ad portam Nabolosi crucibus affixi esse dicuntur. Samaritanorum conditio miserrima tunc fuisse videtur. Affligebantur omnes, aditus ad Montem sacrum vi secludebatur, nullus amplius iis supererat Sacerdos, nulla Legis institutio. Quem rerum statum ad Babam usque durasse, perhibent, qui avem aeneam in Monte positam dejecerit.

De Babae Patre cap. XLIX exponitur. Hujus nomen erat Nathanāl, tres filios habens, Aqbūnum, Finhasum, et primogenitum Babam, cujus cognomen erat *Raba*. Hic quum natus esset, Pater diu haerebat, quomodo ipsum circumcideret. Romani enim eo tempore Samaritanis hoc interdixisse dicuntur, et delatores constituisse, qui caverent, ne hicce ritus clam ab iis institueretur. Praefectus porro ibi memoratur Regis romani, nomine *Garmān Ar-rūmī*, vicinus Nathanālis, qui quum Nathanālem mandasse animadvertisset, ut filius recens natus in speluncam, haud procul Naboloso sitam, ad circumcisionem subeundam, tecte deduceretur, rem peragi non modo sinebat, sed opes etiam, quibus Pontifex ipsius gratiam sibi conciliare studeret, accipere volebat, insuper promittens, se hanc rem ad Imperatorem non perlaturum esse. Pro qua beneficio *ad hunc*

---

(1) Lx BRAU l. l., p. 330 et 457 seq.

(2) Lx BRAU l. l., p. 337.

(3) Lx BRAU l. l., p. 248 seq., 321, 409.



usque diem, ut ibi ajunt, quotiescunque circumcisionem instituant, bene ipsi precantur, Romanorum linguâ dicentes: *misereatur Deus Garmānis*.

Queruntur praeterea haec et sequente Capite de *cibis corruptis*, de *clausis Synagogis*, de *aditu ad Montem sacrum prohibito*, fabulam de *ave loquente* addentes, de *varceribus* deinde, quibus includerentur, verbo, de *gravi persecutione*, cujus opportunitate multi Samaritani Religionem suam abnegassent, atque Idola coluissent. Ex quibus angustiis contendunt se evasisse post 20 annorum intervallum, Bābā auctore.

Hic tamen, ut cap. L narratur, *consilium* tantum *struxit*; quod *peragendum* commiserit Lawio, filio fratris, sive, ut in Pontificum Catalogo legitur, *filio Bābā*. Is nempe Constantinopolin mittitur, ut linguae institutorumque Romanorum, civilium et sacrorum, peritus fieret; quā scientiā comparatā, rediret, et Samaritanos a Romanorum dominatione liberaret. *Monachi* igitur vestitu indutus, *piam Christianam* se simulans, proficiscitur, ac tantos brevi tempore in Disciplinis progressus facit, ut omnes Romanos non modo vitae sanctitate, sed eruditione etiam superet. Quibus cognitis, Imperator Archiepiscopum (!) eum creat, atque sub finem 13 annorum veniam rogantem Nabolum iter suscipiendi, magno cum agmine eo proficiscentem ipse comitatur. Quid autem Lawius deinde fecerit, non traditur. His nempe enarratis, Coder SCALIGER absolutus est.

Quae cap. XLIX et L traduntur, *tempore* accidisse, quo *Rex christiana in Imperio romano floreret*, non quidem agnoverunt, qui hunc Codicem legerunt, SCALIGER, J. H. HOTTINGERUS, RELANDUS, at nullo tamen dubio est obnoxium (1). Ne enim loquar de tabulā chronologicā Pontificum, quae hoc suadet, observasse sufficiat, sermonem ibi esse de Constantinopoli, ac talem urbis conditionem depingi, qualis demum fuerit aetate circiter Theodosii II, quum nulla ibi Cultūs antiqui vestigia amplius superessent, ac sola regnaret Religio christiana, et Scholae christianae ibi florerent (2). Qui fuerint delato-

(1) SCALIGER *de emend. Temporum*, p. 627, incipit, inquit, (Josuae Liberi) ab excessu Moysi, desinit infra tempora Imperatoris Hadriani; et magis definite in Epist. Libr. IV. Epist. 362: *habemus Chronicon Samaritanorum ab excessu Moysi ad tempora Antoninorum Augustorum*. Eandem sententiam professus est J. H. HOTTINGERUS in *Praef. Epitomes Libri Josuae*, p. 108, et in *Smegna Orient.*, p. 437, et RELANDUS (*Diss. Misc. II*, p. 4), quem secuti sunt SCHNURRERUS (*Reperit. IX*, p. 44), BEHRHOLDIUS (*Einl. II*, p. 870), et EICHHORNIUS (*Einl. III*, p. 413), historiam in eo Chronico continuari existimantes ad tempora Alexandri Severi.

(2) De his vidd. von SAVIGNY *Gesch. des R. R. im Mittelalter*, Tom. I, p. 396: Anno nempe 425 Scholae publicae Constantinopoli Lege constitutae, et Doctores creati sunt, publicis stipendiis fruentes; quorum viginti octo Linguam et Literas graecas et latinas, unus Philosophiam, et duo Jurisprudentiam docebant (Vid. L. 3. *Cod. Theod. de stud. liberal. urbis Romae et Constantinop.* (13. 9), et ad q. 1. Comment. GOTHOFRED. *Loes item astat in Cod. Just. l. 1. 18*). In Scholis Antiquam Disciplinam praegignere

res, sive *custodes* (cap. XLIX memorati), ad januas Samaritanorum positi, ut circumcisiōnem prohiberent, ex iis apparet, quae de pravā rerum publicarum conditione, regnante Constantio, ex RUDIGERI descriptione p. 148 attulimus. Ac *Garmān* iste *Ar-rūmī* fortasse idem est atque *Germanus*, Episcopus neapolitanus, qui Concilio nicaeno primo anno 325 interfuit (1). Hic saltem eodem tempore vixit, quo Nathanāl Pontificatum gesserit (333—365). *Garmān* ille deinde vocatur قسيس, quo titulo ab Arabibus ornantur etiam *Episcopi*.

Neque miramur, hic eum fingi *summi Magistratūs* partes Nabolei agentem. Noster Auctor nimirum, haec scribens, *magnam* cogitavit, quā deinde Episcopi in Imperio romano instructi erant, *auctoritatem*, et hanc ob causam Germanum consideravit, tamquam summum in Rep. Virum. Postea enim Episcoporum mandatis Magistratus civiles obedire debebant, et ipsos suis auxiliis juvare, eorumque in judiciis effatum tamquam supremum revereri (2). Haec ergo perperam hic ad Constantii tempora transferuntur. Tunc enim, licet multi Episcopi, datā opportunitate, maiorem potestatem sibi saepe arrogarent, summā eā auctoritate, quam diximus, nondum gaudebant legitime. Munera maiora et Provinciarum administratio, ut supra (p. 143) vidimus, tunc Romanorum Nobilibus mandata erant, Paganismo maximam partem addictis, sed opibus et eruditione Christianis superioribus, quorum major pars eo usque constabat hominibus inferioris classis.

Et haec disputatio nos ducit ad singula in Samaritanorum dictis accuratius consideranda. In his enim vera cum falsis et fictis conjuncta sunt, ut *multis nulla* fides haberi possit. Videntur haec desumpta esse ex *Libro Annalium pontificalium*, exceptis iis, quae in fine cap. XLIX, et in principio capitis L leguntur. Hic nempe ex aliis fontibus res, ante jam narratae, repetuntur, et in cap. L miris fabulis, quae ex traditionibus circumlati oriundae sint, insuper augentur. — Illius autem Libri Annalium pontificalium, arabice conscripti, mentio fit in cap. XLVII (in Cod. scalig. p. 246) his verbis: وكتبنا سنين حياة الامام الكبير ونسبه من عقبون الامام الكبير, id est: *et conscripsimus annos vitae summi Pontificis* (h. e., *summorum Pontificum*), *et successionem ab Aqbūno, summo Pontifice*. Auctor, ibi ipse loquens in alio Opere, quod post *Annales* eos *pontificales* scripsit, ad hos *Annales* componendos usus esse videtur, sive ipsis authenticis Samaritanorum Annalibus pontificalibus, sive Libro de Samaritanorum Pontificibus exponente, quem, quia samaritanice conscriptus fuerit, ipse verterit, et auxerit. Hic enim

titla, in *trivium* et *quadrivium*, quorum illud complectebatur *Grammaticam*, *Rhetoricam*, *Dialecticam*. Ab his Scholis porro diversae erant *Scholae ecclesiasticae*, sive *theologicae*. Varias has Scholas spectantur; ubi *Latius Scientiarum* studio Constantinopoli operam dedisse dicitur.

(1) RRLAND. *Palaest.* p. 1009.

(2) LE BEAU l. l. I, p. 283 seq.

Liber samaritanus, aut Annales illi authentici, praeter jejunam nominum et annorum enumerationem, non multa complexi esse videntur, quae Pontificum vicissitudines, et Gentis ipsorum temporibus conditionem illustrarent. Haec ergo Scriptor arabs quam ex traditione vigente amplificaret, ac suis verbis, et orationibus inserendis, exornaret, in errorem ipse nonnumquam incidit, et *commenta ridicula* subinde tradidit. Quis quaeso praedat, Lawium, omnes, ut tibi fertur, Romanos eruditione brevi tempore superasse, et ipsum Archiepiscopum creatum, ad summum, ut ajunt, in Regno romano locum erectum esse, ac Romanos, imo ipsorum Reges, eum de quibusvis rebus publicis gerendis, ac de coronâ concedendâ, consuluisse; et eundem Nabolosum proficiscentem; Imperatorem cum magno exercitu comitatum esse? Iis, in quibus *lapsus est*, primum annumeretur dictio, quam verbotenus ex fonte descripsit, formulam dictam, quâ Germano bene precantur, in circumcisione usitatam fuisse *ad hunc usque diem*. Nam, licet a Samaritanorum agendi ratione non alienum sit, quod Viros, qui ipsorum Genti benefecerint, impense celebrant, et eorum memoriam diu servant, fierique igitur possit, ut eam formulam aliquando usitaverint, vix tamen credibile est, eos ipsâ sub Moslimorum dominatione usque usos fuisse. Alii errores orti sint, sive ex fontibus non accurate scriptis, sive exinde, quod hos noster perperam in suos usus convertit: opinio v. c. Nathanâlem sub uno tantum Imperatore suo Munere functum esse. Res porro interdum turbantur, et *anachronismis*, ut in iis, quae de Episcoporum auctoritate modo diximus, obscurantur. Sic memoratas item cap. XLIX exeunte, calamitates, *per 20 annorum spatium* continuatas esse, contendit Auctor, de quâ temporis definitione, *sic ubi eo determinatâ*, quid judicandum sit, dicta est difficile. Fieri sane potuit, ut aliae item afflictiones, quae Samaritanis variis temporibus evenerint, quarum vero obscura, nec vivida amplius, memoria Genti inhaereret, ibi in unam Nathanâlis aetatem referantur, quia haec etiam calamitosa fuerit. At quoniam *tempus sic definitum*, et ea determinatio a nostro Scriptore ex suis Fontibus fortasse sumta est, *vertae quaedam calamitates* hic indicari videntur. Itaque intelligam injurias, quae perpessi sint, regnante Constantio (337—361), cujus aetate Samaritanos male habitos esse, vidimus. Quae Imperatori ibi adscribitur *ciborum corruptio*, petulantiae imputetur *militum* romanorum, qui, quum gravia Imperatorum Edicta exsequerentur, suis ea vexationibus duriora reddebant. Ipse tamen Imperator Synagogas claudi jusserit, et publicos conventus interdixit, quo facto Samaritani, qui circumcisionem in *Synagogâ* peregissee videntur, in speluncâ, ubi jam congregarentur, eam instituerint. Hoc si statuitur, apertum est, quare Nathanâl filium, quem *domi insciis Romanis* circumcidere potuisset, foras duxerit. Non enim credibile est, Romanos post Edictum Hadriani, frustra tunc promulgatum, et deinde revocatum (vid. p. 131 et 136), circumcisionem vetuisse, quam scilicet, infractâ Lege, quotidie clam instituere poterant.

Auctor ergo, si, 20 annos memorans, calamitates spectat, Samaritanis a *Magistratibus romanis* illatas, et opportunitate expeditionis, quam Gallus anno 339 suscepit, infligitas, ac *Leges* si cogitat severiores Constantii, mitioribus Juliani (361—363) Decretis abrogatas, tempus interjectum *viginti* annorum spatium non multum excedit.

Haec autem definitio, satis igitur accurata, in concordiam redigi nequit cum aliis ejusdem Scriptoris verbis, quae leguntur cap. XLVII et L, ubi res Samaritanorum in maius demum conversae esse dicuntur. *Pontifex Bābā post Lawī in patriam reditum*, quem inter et ipsius abitum, secundum cap. L, anni 13, at sine dubio multo plures, intercedebant. Videtur ergo Scriptor arabs cogitasse cum Lawī reditu annos *viginti* illos esse absolutos, et sic (nam eorum temporum historiae prorsus rudis erat), Juliani cum Theodosii II regno revera confudit, atque 50, et quod excurrit, annorum spatium transiit.

Neque etiam de Constantii, Julianive, aut Theodosii II, regno verba adeo valent, ab eo Scriptore BABAE tributa, de *Regum multitudine*, qui eo *Pontifice Regno romano praeesent*. Querens enim de Romanorum injuriis, atque aetate improbā, haec etiam is dixisse fertur cap. L, p. 254: *وتعلمون أن — ملوك كثير لهم*. *Caesares* ibi sine dubio spectat *eodem tempore aliquando simul regnantes*, quorum alii aliis amplissimi Regni partibus erant praepositi, ac multi saepe mutuā aemulatione incitati, tamdiu bella invicem gerebant, donec adversarium devicissent. Hisce vero turbis quia tempora potissimum notata sunt, CONSTANTINO MAGNO anteriora, Scriptor noster, qui ipsas in BABAE aetatem, illis temporibus multo recentiorem, transtulit, hanc orationem fingens, in gravem anachronismum iterum incidit (1).

---

(1) Orientales jure sic locutos esse de Regni romani conditione, cuique in oculos incurrit, qui eorum temporum Historiam perlustrat, quam si SCALIGRA et RELANDUS, ceterique, quos supra diximus (p. 152), cum istā *Regum multorum mentione*, l. l. Libri Josuae obviā, contulissent, non credam eos, in opinionem incidisse, hunc Librum, sive *Antoninorum*, sive *Alexandri Severi* aetate, absolvi. Huic scilicet sententiae Historia minus favet, quam si ex nostrā interpretatione tempora l. l. designantur iis *posteriora*. Non enim iis verbis mos perstringitur *Imperatorum*, qui *vivi alium assumebant Caesarem*, sed *anarchia*, ex *multorum simul imperantium tyrannide* orta, quae demum *post Antoninos*, et gravius etiam *post Alexandrum Severum* ingruerat, sed praesertim notari meretur *post Decii et Aureliani cladem*, et *postquam Diocletianus regno se abdicaverat*. Post Commodum enim per 3 quidem menses fere regnavit P. Helvius Pertinax; quo trucidato anno 193, Romae creatur M. Didius Julianus, in Syria Pescennius Niger, in Britannia Albinus, in Illyria Septimius Severus; et hic etiam, solus tandem superstes, filios Antoninum Caracallam, et Antoninum Getam Caesares assumit; atque hi, patre a. 211 mortuo, Regnum inter se dividunt, prior vero, fratre haud ita multo post occiso, solus sed per 6 annos tantum regnat; — brevius tamen Regnum est Macrini, a. 218 motus ab Heliogabalo, cui porro ab a. 222—235 Alexander Severus succedit. Verum post eum turbae sequuntur graviores. Alexandro occiso Maximinus creatur; qui quum omnibus displi-

Hi autem errores et anachronismi, quos recentior hiece Scriptor commisit, non sunt ejusmodi, ut omnia, quae capp. XLVIII—L narrantur, et ea maxime, quae ex *aliis Scriptis* ille petiit, in dubium vocare cogamur. *Aqbūnus* nimirum, de quo cap. XLVIII sermo fit, est *Aqbūnus* II, ab anno circiter 310—333 Pontificis Munus gerens, diversus ergo ab *Aqbūno*, *Hadriani* aequali, de quo loquitur cap. XLVII. Quid ergo obstat, quominus statuamus, *Maximinum*, quem *Galerius* Caesarem creavit, et Provinciis asiaticis donavit, et qui tum alias terras, tum etiam Palaestinam, fame et peste jam exhaustam, caedibus replevit (vid. supra p. 141), — quid impedit, inquam, quominus ponamus eum, ejusve exercitus, ipsius exemplo ac jussu, tyrannidem exercuisse, cujus specimina cap. XLVIII exhibentur? Bene intelliga Pontificis publicata, Sacerdotumque filiorum, Cultum antiquum romanum accipere nolentium, stragem, multorum porro lapidationem, et crucis poenam, ad Nabelos portam, Viris 36 eruditis illatam, indeque ortam, tum Sacerdotum, tum institutionis defectum, ac revera *Aqbūni* monita, ne paternam Samaritani religionem desererent.

Filius ejus, *Nathanāl* I, de quo caput XLIX exponit, Pontifex patri *Aqbūno* succedit ab anno circiter 333—365. Aequalis ergo fuit *Constantini*, et *Constantii*, ac simul etiam *Germani*, Episcopi neapolitani, qui quo aeviores *Constantii* Leges fuerint, eo

---

caret, a. 237 *Gordianus*, pater et filius, Augusti proclamantur. Quibus a *Cappelliano* anno sequenti devictis, a Senatu creantur *Pupienus*, *Balbinus* et *Gordianus III*; quorum hic, prioribus interfectis, solus in Regno confirmatur, quod tenet ad annum 244. *Julius Philippus*, qui ipsum occidit, vicissim a. 249 in proelio perit, commisso cum *Decio*, anno 251 item a *Trebonio Gallo* clade affecto. Hic, filio *Folusiano*, filioque *Decii*, *Hostiliano*, Caesaribus assumtis, a. 253 *Aemiliano* etiam cedere cogitur, at eodem anno hic quoque devincitur a Galli vindice *Valeriano*; quo a Persis anno 259 capto, filius *Gallienus* ad annum 268 vivit quidem, sed nomine tantum regnat. Periodus haec est, quae, summā anarchiā insignis, a 30 tyrannis merito nomen habet. Tunc plerarumque Provinciarum Legati, spreto Imperatore, Augustos se ipsi proclamant, ac 19 Caesares saltem unā regnant. Turbas componit a. 268 *Aurelius Claudius*, cui, a. 270 mortuo, *Aurelianus* per 5 annos succedit. Sed res jam iterum misere turbantur. Post 6 mensium interregnum *Tacitus* et *Florianus* brevissime dominantur, a. 276 moti a *Probo*, cui, a. 282 interfecto, succedit *Carus*, socios sumens *Numerianum* et *Carinum*. Hic biennio post solus superstes, subigitur a *Diocletiano*, qui, a Legionibus chaldaicis electus Imperator, Regni socium adsciscit *Maximianum*. Quo melius illō contra alios, in his *Carausium* in *Britanniā*, *Julianum* in *Africā*, *Achilleum* in *Aegypto*, Augusti titulum jactantes, se ac socium tueretur, duos praeterea Caesares creare cogitur, *Galerium* et *Constantium Chlorum*, adeo ut 7 Caesares tunc simul essent. *Diocletiano* a. 305 imperio se abdicante, *Galerius*, et *Constantius* rebus publicis praeponuntur, qui quum Caesarem sibi elegissent, *Flavianum Severum* et *Maximinum*, Regnum in 4 partes divisum est. *Constantio* a. 306 mortuo, filius succedit *Constantinus m.*, principatum primum gerens *Britanniae*, *Hispaniae*, et *Galliae*, dum 5 alii Caesares reliquis Regni partibus praeerant. Ex his anno 313 *Licinius* solus supererat, quo a. 323 devicto, *Constantinus totius Regni romani imperium* nactus est.

mitius ac benignius erga Samaritanos se gesserit, quam ob causam, ut vidimus, magnam apud hos gratiam iniit. Sic ergo res narratas considerantibus, et in hoc Capite vera maximam partem traduntur.

Quid filius *Bāba* ipse egerit, excepto consilio, quod struxit, et suis sumsit, Gentem opo *Lāwī* ex angustiis liberandi, in SCALIGERI quidem Codice cap. L non traditur; at plura tamen ipsum fecisse, conficere ex laudibus, quibus plus semel cap. XLVIII et seq. ornatur. Ibi nempe *finem imposuisse dicitur calamitatibus, quas Israëlitas patiebantur, et auctor fuisse eorum (malorum), quae Romanis evenerunt* (c. XLVIII); nec tantum illos eripuisse fertur ex potestate (Regis) improbi (c. XLIX), sed et *avem aeneam frangi iussisse, quae in (sacro) Monte posita erat* (c. XLVIII). Quibus accedit, quod BERNARDUS ad Pontificum Catalogum observat, *Regem eum dici, et Sacerdotem durante vitā*. Haec vero quomodo secum invicem conciliantur, non video. Nam si vel sumis, eum *durante vitā* cum Sacerdotio Praefecti Munus gessisse, Praefectus tantum esse potuit, a Romanis constitutus, isque Romanorum nomine, quae ipsis placerent, agens. Verum si hoc Munus in eum collatum sit, ea, quae de eo Codice SCALIGERI traduntur, ipsi non conveniunt. Ibi a suis vocatur *Dominus noster* (سيدنا), ut reliqui Pontifices, ac laudatur tantum ob praecelaras animi ingenique dotes. Ac *regis* qualicumque tandem dignitate eum non instructum fuisse eo tempore, quo *Lāwīum* Constantinopolim miserit, inde patet; quod id agens, dolo utebatur ad Gentem a Romanorum dominatione liberandam. Si contra Regis titulum aliquando usurpaverit, turbarum occasione v. c., quas Arabum invasio, regnante Valente, in Palaestinā excitaverint, istam temeritatem, et vero rebellionem, Romani non inultam habuissent, nec Regulum amplius sivissent Pontificis officio fungi, quod tamen deinde adhuc gessit, quia Pontifex *Lāwīum* non diu ante regnum Theodosii II, ut ex supra dictis consequitur, Constantinopolim misit. Itaque quae *Bāba ipse* revera gesserit, potius in medio relinquam, donec plura de eo Pontifice ad nostram notitiam pervenerint. De tempore tantum, quo Munere sacro functus sit, si in rebus prorsus incertis conjecturā uti liceat, chronologicis rationibus ductus, statuam, *Bābam* per 40 circiter annos, ad annum igitur 405, summum Sacerdotem fuisse, ac *Lāwīum* anno fortasse 400 profectum esse; mox vero Pontificatum ad *Lāwī* reditum vacasse per 30 circiter annos, qui sic 39 annis, ab a. 435—474 Sacris praefuerit. Diu enim eum abfuisse, exinde efficias, quod Constantinopoli primum Scholas frequentavit, et postea ante quam Archiepiscopus creari posset, alia Munera ecclesiastica minora aliquamdiu obire ipsum oportebat. Quid de ejus Archiepiscopatu existimandum sit, quis dicat? Sicubi scilicet hac dignitate ornatus fuerit, aliud sine dubio nomen assumpsit. Et hoc Munus gessisse dicitur tantum per 13 annos. Quibus elapsis, in Palaestinam redierit, et quo cum comitati sint (quos, uterunque sumitur, traditio cum

ipso Imperatore confudit), sive *Cyngius*, de quo p. 146 locuti sumus; sive *Endocia*, Uxor Theodosii II, quum primâ vice eo tendebat (1). Rerum samaritanarum, eo adventante, conditio in Codice SCALIGERI ita depingitur, ut credas, *Bābam jam diu mortuum esse*, ac nullum Pontificem Sacris ipsorum tunc praepositum fuisse; quâ ex re hocce Munus *aliquamdiu* vacasse, sane apparet.

De eo autem ejusque rebus gestis, quodammodo fortasse judicare potuissimus, si narratio, in quâ mediâ exponendâ Coder noster absolvitur, ad finem perducta fuisset. Nunc igitur ab omni disputatione potius abstinemus. Rei quippe eventus jam latet, et singularia, quae *Lawius* in Samaritanos contulerit, beneficia, gravi dubio obnoxia esse, ac cogitata libertas, quae ipsis recuperaverit, fabulam profecto referre videntur. Scilicet fieri quidem potest, ut Religionem ille christianam simulate amplexus sit, et hanc fraudem caute subtiliterque celaverit; ut sic ad summa usque ecclesiastica Munera temporis decursa evecus sit, quin Archiepiscopus Neapolin adierit, splendidâ pompâ stipatus, quae tamen minus in ipsius, quam in eorum gratiam, qui ipsum comitarentur, pararetur: praeterea, ut Episcopatus neapolitani honore ornatus, *Germani* instar, Samaritanis benevolus fuerit. Verum ultra procedere, non licet, nisi terminos superemus rerum verisimilium. Nam dolo detecto, imo ortâ suspitione, *Christianum veri nominis cum non esse*, loco confestim motus fuisset, et quo plura beneficia in Gentem conferre studuisset, eo majora damna et graviora detrimenta in ipsam certo intulisset.

De Samaritanorum vicissitudinibus sub *Marciano* (450—457), et *Leone* (457—474) nihil innotuit. Ille, qui Uxorem duxit Pulceriam, Theodosii Sororem, multis nominibus de Imperio meruit, et Christianis licet prae ceteris favens, reliquorum tamen Civium saluti simul prospicere studuit (2). Palaestinam, pluviae inopiâ eâ setate pressam (3), Dorotheus, hujus terrae Praefectus, ab Arabum invasione defendit (4), ibique tumultum sedavit, per biennium inter Christianos a Monacho Theodosio motam (5).

*Leoni*, homini avaro et crudeli (6), successit *Zeno* (474—491), saevitiâ multisque

(1) Sic nobis statuentibus, non opus est, ut putemus Samaritanos hanc rem prorsus *finxisse*, et principis Viri, magnâ cum pompâ Palaestinam adeuntis, mentionem unice repetendam esse exinde, quod Helenae, matris Constantini m. in hanc regionem adventus Palaestinensium memoriae alte infixus fuisset, cujus iter descripserunt *EUSEBIUS de Vita Const. III*, c. 42 et 46, *SOCRATES H. E. I*, c. 17, et *SOZOMEN. H. E. II*, c. 1 et 2.

(2) *LE BRAU*, l. l. III, p. 492 seq.

(4) *LE BRAU*, ibid., p. 526.

(6) *LE BRAU*, ibid., p. 566 seq.

(3) *LE BRAU* ibid., p. 563.

(5) *LE BRAU*, ibid., p. 540 seqq.

turpissimis vitis famosus. Seditiosorum animos, quos Marcianus quoddammodo pacaverat, Leo vero denuo exacerbaverat, Zeno magis exagitabat. In eum ergo, quem omnes fere indigne forebant, multi, rerum novarum cupidi, conspirarunt. Anno 476 Basiliscus quidam illius loco, Imperator creatus est, at sequente anno devictus (1). Anno porro 484 illius seditionem movit, et Leontium praefecit Imperio, in quo tamen Zeno mox restitutus est (2). Utraque haec rebellio, quae, in ipso Palatio parata, universum concussit Regnum, Provinciis rebellandi signum dedit. Gravis v. e. Antiochiae anno 486 tumultus existit, qui, omnibus fere Judaeis ibi tunc trucidatis, hanc Gentem ad summam desperationem adduxit (3). In Palaestina, quorsum magna Illiani exercitus pars post cladem confugerat, et ubi illius ipse deinde latrocinia agebat, anno 484 Samaritani turbas jam moverant. Die Pentecostis ad Montem sacrum armati concurrebant, Neapolim invadebant, multos Christianos, quos in Ecclesiam congregatos invenerant, interficiebant, Episcopum Terebinthium, Mensae sacrae adstantem, gladiis vulnerabant, digitos ei amputabant, res sacras polluebant, ac Latronum Praefectum, Samaritanum quemdam, *Justam* sive *Justasam*, ut ab ipsis Samaritanis vocatus esse videtur, Regem creabant. Hoc Duce, Caesaream, ut Christianos inde expellerent, profecti sunt. Magnus ibi Christianorum numerus perit, Ecclesia sancti Procopii incendio deletur, ibique Justasa, Principem Palaestinae se gerens, et Triumphum agens, Ludos circenses instituit. Non tamen diuturnum fuit ejus imperium. Asclepiades, Palaestinae Dux, et Rheges, cui mandatum erat, ut Latrones extirparet, cum copiis adventantes, illum devincunt. Terebinthius interea Constantinopolim se converterat. Hujus ausu bona principum Samaritanorum publicantur, valido praesidio instruitur Neapolis, Gens universa ad arma amplius gerenda inepta declaratur, Temploque Procopii in Caesarea urbe restituto, Synagoga, quam Samaritani in Monte garizimitano tunc habebant, in Ecclesiam, Mariae sacram, commutatur, maceria circumdatur, ejusque custodia decem, ut ferunt, militibus committitur (4).

Samaritani, vi praepotenti jam succumbentes, tempus expectarunt idoneum, quo libertatis recuperatio ipsis melius cederet. Fugati enim, nondum vero fracti erant. Romanorum conditionem debilitatam perspicientes, et ob cladem acceptam, et ob novas injurias, irati, ac suarum vicium ipsi tunc conscii, seditionem renovare gestiebant. Sic Procopius, memoratis Zenonis de Samaritanis mandatis: οἱ δὲ δὴ, recte inquit, Σαρακεῖται δὴθo-

(1) LE BEAU ibid. IV, p. 48 seqq., et 57.

(2) LE BEAU l. l., p. 94 seqq.

(3) LE BEAU l. l., p. 100, et JOA. MALALAS *Chronograph.* ed. Bonn. p. 389 seq.

(4) De eo tumultu conf. Justiniani aequales, JOA. MALALAS, l. l., Libro XV, p. 382 seq., et PROCOPIUS, *de Aedificiis* N. 7, ed. Bonn. III, p. 324 seq. De eo praeterea loquuntur *Chronicon Paschale* ad annum 484, ed. Bonn. I, p. 603 seq.; paucis ABŪ'L-FARAG *Hist. Dyn.* p. 147 seq.; planius idem in Opere syriaco (*B. H.* p. 79). Vid. etiam LE BEAU l. l. IV, p. 101, coll. 286 seqq., et de JOA. MALALAS aetate DINDORF. in Praef. ed. Bonn.



μῆνοι ἀρχαίων μὲν τὰ μάλιστα, καὶ δυσφορούμενοι ἀπεχθίων τὰ σφόδρα παρόντα, δέει δὲ τῇ ἐν βασιλείᾳ δυσωπούμενοι σκοπῇ εἶχοντο (1).

Ac Regno in Occidente anno 476 everso, Regnum in Oriente quidem erat superstes, sed Barbarorum invasionibus ita etiam vexatum, et internis tumultibus ita quassatum, multasque ob causas ita penitus enervatum, ut Despotismi rigore tantum contineri posset, qui si quando frena laxaret, aliisve negotiis distraheretur, seditio erumpebat. Aptam igitur huius rei occasionem, regnante *Anastasio* oblatam, Samaritani missam non fecerunt. Hujus nempe regnum (491—518) externis civilibusque bellis absolvebatur. Liti-  
gabantur inter se Orthodoxi et Haeretici, quibus posterioribus Imperator favebat. Hierosolyma, et Constantinopolis, perpetuis tumultibus agitabantur (2). Palaestina, et circum-  
jacentes regiones, terrae motu, locustis, fame, afflictas, vexabantur insuper iteratis Arabum incursionibus (3). Istis temporibus (quo anno, non liquet), Samaritanorum tur-  
ba, duce *Muliere*, per devia in Montem sacrum de improviso adscendit, militum praesi-  
dium interfecit, Mariae Aedem cepit. Nullis vero sive aliunde, sive ex ipsa urbe, auxiliis adventantibus, Procopius, Palaestinae Praefectus, hanc seditionem, occisis au-  
ctoribus, brevi composuit (4).

Multo gravior erat seditio, sub Justiniano orta. *Illum* tumultum pauci tantum excita-  
bant, ac homines classis inferioris, quos, ut ex *duce Muliere* apparet, furor tantum fanaticus adegerat; *hunc* vero Gens universa movebat, ac Viri peritiores, multis auxiliis instructi, prudentius ac summâ cum animi alacritate agebant. Postquam enim sub Ju-  
stino I (518—527) sedatos se gesserant, anno 529 bellum exarsit. Justinianus nempe Legibus ferendis Rem publicam, quam imperium capessens, misere turbatam invenerat, in ordinem redigere, et Regni fines, urbibus condendis ac restituendis, et munien-  
dis, a Persarum, Arabum, aliarumve Gentium impetu tutiores reddere studebat. His tamen Legibus Haereticos a se prorsus abalienabat, nec munitionibus Exterorum vim co-  
hibere poterat. Bellum enim cum Persis, eo usque a Romanis sine intermissione fere gestum, novo cum vigore mox erupit: quâ opportunitate non melior sane ad injurias ul-  
ciscendas Samaritanis existere potuerat. Major nimirum copiarum pars, quae Palaesti-  
nam coerceret, Orientem versus se contulerat, ut Romanorum exercitum corroboraret. Proelio mox cum Persis commisso, Romani nihilominus fundebantur (5). Cum Samari-

(1) L. l., p. 325.

(2) LE BEAU l. l. IV, p. 153 seqq., 156, 158 seq., 163, 222, 227, 235; ROBINSON *Pal.* II, p. 224 seq.

(3) LE BEAU *ibid.*, p. 164, 169. THEOPH. l. l., p. 218, 221 seq.

(4) PROCOPI. l. l., V, 7, p. 325 seq. FR. URSINIANUS (*Institut. Linguae Samarit.* p. XIV), CELLARIO (*Collect. Hist. Samarit.* p. 23) perperam intellecto, scripsit Samaritanos tunc habuisse Ducem *Globum* quendam. Sic CELLARIUS: *Globus quidam eorundem Samaritarum sub Anastasio montem subivit cet.*

(5) LE BEAU l. l., p. 300 seqq.

tanis insuper alii etiam, factâ societate, se conjungebant. Praeter Judaeos, Haeretici, et in his Manichaei, Socii illorum fuisse dicuntur. (1). Nec deerant Samaritanis auxilia Persarum, quibus ipsi polliciti erant, se opem esse laturos, et Hierosolyma, atque universam Palaestinam tradituros, si Persae ipsos juvarent, et tuerentur. Samaritani promissis stetisse videntur. Multa millia eorum sub Persarum vexillis militasse dicuntur, eorumque Duces Persis suasisse, ne pacem, de quâ agebatur, cum Romanis facerent. Quod quum ad Romanorum notitiam pervenisset, et hi 5 Viros samaritanos primarios, ex Oriente revertentes, cepissent (2), tumultus, si ipse non ante jam initium ceperit, movetur. In Palaestinâ congregarunt se quinquaginta hominum millia, quorum major pars constiterit Samaritanis rusticis, rudibus hominibus, Religionis antiquae tenacissimis, quibuscum alii, tum Judaei, tum Haeretici se conjunxerint. Rege creato *Juliano* quodam, Sabari filio, Samaritano, Latronum quondam Duce, Scythopolin ii tendunt, ibique Ecclesias incendio delent. Neapolin porro capiunt, Episcopum cum Presbyteris, quos inveniant, et alios Christianos centenos jugulant, atque Aedes, sacras agrosque circumjacentes devastant. Mox Augustulus Neapoli Ludos circenses celebrat, quâ occasione etiam apparuit, quam graviter in Christianos exacerbati essent Samaritanorum animi. Finito enim certamine, Niceas Victor, ut praemium accipiat, ad Julianum accedit; qui quum *Christianum* cum esse, animadvertisset, medio Circo caput ipsi amputat (3).

Seditione audita, Theodorus, Dux palaestinis, copias collegit, eique se adjunxit Abū Harābus (أبو حراب), Palaestinae Phylarcha, qui Arabum palaestinsium principatum Romanorum nomine tenebat. His adventantibus, Julianus Neapolin relinquit. Proelium commissum, diu ambiguum (4). Tandem ille fugatur, capitur ipse et occiditur, et caput ipsius Constantinopolin mittitur. Samaritanorum multa millia cadunt (5). Reliqui in speluncas et montes vicinos aufugiant (6), atque in loca remotiora Trachonitidis, antris, et Latronum latibulis famosae; et vix dubium est, quin multi ad Persas item se contulerint. Abū Harābus denique praemii instar viginti captivorum millia accepisse,

(1) JOA. MALAL. p. 445, et PROCOF. *Hist. Arc.* cap. 11, ed. Bonn. Tom. III, p. 75 Praeter hos Scriptores, et alios mox laudandos, de eâ seditione cursim monuerunt CRODENUS, ed. Bonn. Tom. I, p. 646, et B. H. CHRON. SYR., p. 83.

(2) JOA. MALAL., p. 455 seq.

(3) THEOPH. l. l., p. 274. JOA. MALAL. l. l. p. 446.

(4) PROCOF. *Hist. Arc.* l. l., p. 75.

(5) Secundum PROCOF. l. l. *decem myriades*. Melius fortasse JOA. MALAL. p. 447 *viginti millia*. CYRILLUS SCYTHOPOLITANUS, Justiniani aequalis, in *Vita Sabae* (JOH. BAPT. COTELLERII *Eccl. Gr. Monumenta*, Tom. III, p. 340), *πλήθος πολὺ* commemorat.

(6) JOA. MALAL. ll., nonnullos evanuisse dicit εἰς τὸ ὄρος τὸ ἐν λεγόμενον Ἀρραβίαν. Leg. Ἀρραβίαν. Intelligitur *Mons Garizim*.

desque Persis, Indis, et Arabiae felicis incolis, atque Aethiopibus, venditissae dicitur (1).

Multis Samaritanorum milibus sic partim occisis aut captis, partim in alias terras abduotis fugatisve, plures tamen in Regno romano, praesertim in Palaestina, supererant, quem ut Justinianus, turbis cognitis, Samaritanos superetites non pervestigasset, et novam seditionem, si fieri posset, in posterum non prohiberet. Bassus ergo, Palaestinae Praefectus, quia non caverat, ne tumultus erumperet, et se propagaret, Murem movetur et carceri includitur. Ejus loco sufficitur Antiochenus quidam, Irenaeus Comes, Pentadiae filius, Magister Equitum, qui, postquam Samaritanos in loca, quorum aufugerant, persecutus erat, multos interfecit, et gravibus alios suppliciis affecit. Seythopolitani vero quum Sylvanum, Virum principem, Christianorum inimicum, et Samaritanorum Socium, combussissent, Aresnius Comes, Sylvani filius, cum Uxore et reliquis cognatis, Christianos apud Imperatorem accusat, ac si primi ii, et praecipui seditionis auctores fuissent, quin Theodoram, Justiniani Uxorem in suas partes traducit. Haec consilia irrita reddidit Sabas, Monachus per totum Orientem ob vitae sanctitatem et miracula, quae fecisset, celebratus. Hic, anno aetatis 90° Constantinopolin profectus, impetravit, ut Ecclesiae devastatae (quarum quinque Neapoli) partim ex acriorio, partim ex Samaritanorum facultatibus restituerentur; deinde ut Samaritani Neapoli ejicerentur, et ut Aedes Mariae renovata, validis munimentis instrueretur, quorum rudera hodieque supersunt (2).

Duras porro Imperator Leges deinceps tulit, sive renovavit, ut Samaritanorum Synagogae tollerentur, ipsique ab omni Reip. administratione pellerentur, et oneribus quidem, quae civitas imponeret, obnoxii, at omnium Privilegiorum expertes essent. De his, et aliis Legibus supra locuti sumus (3). Anno 551, intercedente Sergio, Episcopo caesariensi, haec postea mitigatae sunt. Anno vero 556, Samaritani una cum Judaeis tumultum denuo moverunt Caesareae, cujus auctores meritis poenas luerunt (4).

Teste PROCOPIO (5), major Samaritanorum pars, regnante Justiniano, ad Societatem

(1) JOA. MALAL., p. 447.

(2) ROBINSON *Palaest.* III. p. 319 seq. et 349; collato CRAVILLO in *Sabas Vind* l. l., p. 346 seq.

(3) Vid. supra p. 50 seqq., cum quibus conf. LEVTSCHN l. l., p. 44 seqq.

(4) JOA. MALAL., p. 487 seq.; GEORG. CEDREN., I, p. 675. et THEOPH. *Chronogr.* p. 355 seq. Perperam opinatus est ROBINSONUS (l. l., p. 350 not. 3), eam seditionem non diversam fuisse a bello anni 529. Hoc MALALAS, CEDRENUS, et THEOPHANES, ante enarrarunt, *illam* l. l. Non enim contemnendum est eorum Scriptorum testimonium, sive *Malalas* (vid. supra p. 159, not. 4), sive reliquorum, qui eo usi sint. Praeterea differunt locus, et res gestas. Vid. etiam LE BEAU (ed. Paris. 1768. 8, quā, reliquis voll. ed. recentioris carens, hie usus sum), Tom. XI, p. 65 seq.

(5) *De Aedif.* V. 7. ed. Bonn III, p. 326, et *Hist. Arcan.* c. 11, l. l., p. 75.

christianam transiit. At multi sine dubio hoc tantum *simularunt*. Ac parum fiduciae huic conversioni habitum esse, tum Imperator, munimentis condendis, et Legibus ferendis, tum aequales ejus, in his ipse PROCORIUS (l. l. l. l.) manifestè declararunt. Vere omnino de simulatà eà conversione in *Chronico paschali*, bello commemorato, quod ibi anno 530 gestum esse fertur, haec dicuntur: καὶ τινες ἐξ αὐτῶν παβηθέντες προσῆλθον ἐξ ἀνάγκης πρὸ Χριστιανισμοῦ, καὶ δεχθέντες ἐβαπτίσθησαν, καὶ ἕως τῆς σήμερον ἐπαμφοτερίζουσιν, καὶ ἐπ' αὐστηρίᾳ μὲν ἀρχόντων ἀγῆματι διεψευσμένοι ὑποκρίως καὶ κακούργως ὡς Χριστιανούς ἑαυτοὺς ἐμφανίζουσιν, ἐπὶ χαυνότητι δὲ ἀρχόντων φιλοχρημάτων Σαμαρεῖται καὶ μισοχριστιανοὶ καὶ ὡς μὴ γνόντες Χριστιανισμόν, οὕτω διαπεράττονται, τοὺς ἀρχοντας πείθοντες σαμαρειτίζειν διὰ τῶν χρημάτων (1).

Ista Samaritanorum fallacia Justiniani Successorem, *Justinum* II (565—578) ita offendit, ut Novellam ederet CXLIV, supra p. 52 descriptam (2), et Edicta, a Patre sive mitigata, sive abrogata, renovaret. Ad majorem hanc severitatem ipsum, ut videtur, impulerunt, tum tumultus anni 556, tum novae turbæ fortasse, ab illis excitatae. Eo nampe regnante, Samaritani, incolae Porphyreonis, oppidi ad radices montis Carmeli, Aedes Christianorum sacras invasisse, atque imagines laesisse dicuntur. Haec scilicet in Epistolâ memorantur, ad Justinum juniorem datâ, conscriptâ fortasse a Symeone quodam, quem multi confuderunt cum *Symeone stylitâ*; cui (sic ferunt) mandatum esset, eam rem ad Imperatorem *capiose* deferre, quia nampe Justinus per Paulum, Porphyreonis Episcopum, ejus rei jam certior factus erat (3). Hoc autem *Symeonem quemdam* revera, sive tunc sive alio tempore, fecisse, verisimile est, quamquam alii Scriptores, quantum scio, id non tradiderunt, quibus ea res, ut primum fortasse Imperatori, minoris momenti visa sit. At non unam ob causam dubitatur, an *Symeon stylitâ hanc Epistolam* scripserit. Ne loquar de *dubio Caroli magni* (4), observasse sufficiat, Symeonem stylitam, jam regnante Leone, anno 453, ut THEOPHANEΣ, sive potius anno 464, ut *Chronicon paschale* refert (5), mortuum esse. Praelecta quidem est *ipsius* nomine Epistola in Concilio niceno II, anno 787 habito; sed quis nescit, Patres, qui ei interfuerunt, ibique Cultum Imaginum sanciverunt, et hunc tum *verbis*, quae ex Veterum undecunque collectis testimoniis petebant, tum *rebus in facto positis* (referendis scilicet rebus gestis eorum, qui ejus Cultûs adversariis restitissent, eosve poenis affecissent), probare et

(1) Ed. Bonn. I, p. 619 seq.

(2) Conf. etiam *Decreta ecclesiastica*, quibus definitur, quid Samaritanis faciendum esset, qui ad Societatem christianam admittantur, in CORNELII *Ecol. Gr. Monum.* III, p. 422.

(3) HARDUIN *Acta Conciliorum*, Tom. IV, p. 290 seq., coll. p. 781.

(4) HANNAE l. l. I, p. 225.

(5) THEOPH. l. l. I, p. 173 seq.; *Chron. pasch.* I, p. 593.

commendare studuerunt, omnem *aplois* neglexisse, et de verborum sensu, ac documentorum integritate et authenticâ parum sollicitos fuisse?

Ex hac autem Epistolâ, quicumque eam scripserit, et ex aliis indiciis quam plurimis, manifestum est, Samaritanos, non minus quam Judaeos, communi Romanorum contemptui fuisse deditos (1). Illi autem ad Justiniani aetatem, ut ex ante dictis patet, numero et auctoritate majore, quam vulgo existimatur, in Palaestinâ valebant, et cladibus quidem et Legibus, tunc in primis et deinde, fracti, minime tamen extincti sunt. Ab eo inde tempore haud pauci, Cultui suo adhaerentes, in *Palaestinâ* superfuisse, at permulti, ac multo plures, quam ante, in *urbibus exteris* vixisse, atque *hi* cum *illis* commercia habuisse videntur perpetua. His profugis et exulibus, rebus sedatis, in Patriam revertentibus, *illorum* numerus rursus increverit, sed de tumultibus, a Samaritanis renovatis, nullus amplius sermo fit, quibus excitandis postea ii item impares fuerint. Quid enim Samaritani egerint, sive anno 610 aut 609, quum Phocas *Judaeos* ad Baptismum recipiendum cogebat, et hi, Persis faventes, Antiochiae et Alexandriae seditionem movebant (2); sive anno 614, quum Persae, regnante Heraclio, Syriam et Palaestinam, et ipsa Hiërosolyma capiebant, et ad annum 628 tenebant (3), ignoramus. Verisimile est, Samaritanos, Romanos detestantes, aliorum dominationem, quae vindictae a Christianis sumendae copiam ipsis praeberet, non aegre tulisse, ac similiter Arabum progressus, quia, hi Christianorum in Palaestinâ principatui finem imponebant, iisdem non ingratos fuisse.

Post conditum autem Islamismum, Samaritani rarius, quam antea, in Gentium Aonalibus obviisunt: in *Orientalium* tamen, quorum supra nonnulla attulimus testimonia, frequentius, quam in *Occidentalium* Scriptis. Ac revera ob imminutam auctoritatem, et exiguum numerum, qui in dies magis decrevit, Genti samaritanae deinde *Sectae* potius, quam *Populi* nomen convenit. Et haec Secta in posterum magis magisque in nihilum fere redacta est. Multi a novis incolis, quibus Palaestina deinceps frequentabatur, pellebantur. Superstites in mediis publicis Palaestinae calamitatibus, partim peribant, partim Religio-

(1) Ejus rei v. c. indicia sint cognomina, quae a partibus Circi superioribus, Justiniano regnante, partibus inferioribus tribuebantur. Has nempe illae *Samaritarum Judaeorum, Manichaeorum*, nominibus insigniebant. De earum partium contentione vid. *Procop. de Bello persico* I, c. 24, Tom. I, p. 119 seqq., et *Chron. pasch.* I, p. 621 seqq. Nihilominus Samaritani et etiam aetate inter principes in civitate Viros causae suae, ut vidimus, habebant patronos, v. c. *Sergium Episcopum, Sylvanum*, ejusque filium, *Arseanium* Comitem. Vid. supra p. 51, not. 4, et p. 162.

(2) *Geogr. Cedren.* I, p. 712; *Theoph.* I, p. 457; *Le Beau* XII, p. 132; *Robinson Pal.* II, p. 234, 236 seq.

(3) *G. Cedren.* I, p. 715; *Theoph.* I, p. 463; *Le Beau* *ibid.*, p. 162 seqq., et *Jost* V, p. 203.

nem tunc vigentem profitebantur, et cum ipsis Moslimis coalescebant. Pauci, sed summâ ii cum tenacitate, Sacris avitis adhaerebant.

Samaritanorum nondum conversorum reliquiae; *Moslimis* subjectae, majore, quam sub Imperatoribus Romanorum christianis, libertate in Cultu suo celebrando usae esse videntur, et idem pro hoc beneficio, et tutelâ, quâ fruebantur, tributum solvisse, quod omnibus imponebatur, qui Mohammedis doctrinam amplecti recusabant. Haec rerum fuit conditio ab expugnatione Syriae et Palaestinae anno 636 (1), ad finem circiter seculi XI. Per hoc temporis spatium Samaritani paruerunt Omajjadis, Abbâsidis, Fatimidis. Sub his tamen, regnante Hakimo, ii, ut Judaei et Christiani, aliquamdiu durius tractati sunt. Fatimidae, a Selgûqidis deinde pulsi, Palaestinam iterum anno 1094, sed per breve tempus recuperarunt. Hiërosolyma nimirum anno 1099 ab expeditionum sacrarum Sociis expugnata sunt; quo facto Neapolitani, missis eo Legatis, sponte se subjecerunt (2). Tunc tamen, licet Christianorum Cultus confestim restitueretur (3), Samaritanis plura, quam *ante* sub Christianorum principatu, Privilegia concessa esse videntur. Moslimorum saltem Cultus ferebatur, ac mutatis temporibus, Christiani, si suam in Oriente auctoritatem tueri vellent, alias, quam plerique Romani in Oriente Imperatores olim probaverant, in rebus publicis moderandis rationes sequi erant coacti. In Legibus nimirum ferendis, Aula constantinopolitana non *omnium Civium*, neque etiam *omnium Christianorum* rationem ante habebat, sed unam christiani Cultûs, et christianae doctrinae, formam, quae publice ibi erat recepta, spectabat. Moderatius, et vero prûdentiùs, christiani agebant Principes, qui bellorum sacrorum aetate in Oriente vivebant. Christianae Religioni licet prae ceteris faventes, alias hi Religiones, ut Imperatores ante Constantinum ferebant, ac jura eorum, qui ipsas profiterentur, Legibus definire et vindicare studebant.

Samaritanis eo tempore Sacra in Monte Garizim, et in Altari quidem, ibi posito, peregrisse, perhibet BINJAMIN TUDELENSIS, qui eos seculo duodecimo ipse adiit (4). Quid autem judicandum sit de testimonio SALAMAE, nostro seculo ineunte scribentis, Patres suos a Francis 600 annis ante Asqalone et Caesareâ abductos fuisse (5), prorsus latet.

Per seculi circiter spatium Samaritani sub Christianorum dominio vivebant. Tristis primum hocce tempore Palaestinae erat conditio, de quâ emendandâ Clerici et Nobiles Neapoli anno 1120 inter se deliberabant (6). Hujus urbis incolae hac aetate hostium

(1) ABU'L-FAD. *Ann. Mosl.* I, p. 226, 228.

(2) WILLIAM. TYRIVS p. 197 seq. ed. Basil. *Neapolis* hic urbem nuncupat *opulentem*.

(3) De Episcopi neapolitani ditione vid. ROBINSON *Pal.* III, p. 351 seq.

(4) BINJ. TUDEL. p. 38 seq. ed. CONST. L'EMPEREUR L. B. 1633. Mortuus est BINJ. anno 1173.

(5) Vid. DE SACY *Notic. et Extr.* XII, p. 78.

(6) ROBINSON l. l., III, p. 351.

invadentium saevitiam aliquoties experti sunt; anno v. c. 1113 (1), et 1137 (2), in primis vero anno 1184, quum a Salaho'd-dino diripiebantur (3). Tunc tamen ea urbs in Christianorum potestate mansit. Nam anno 1186 Raymundus ad lites ibi ortas componendas, Neapoli conventum habuit (4). Verum post proelium hittinense, die 4<sup>o</sup> mensis Julii anni 1187 commissum, quo Salaho'd-dinus splendidam de Christianis victoriam reportavit, et *Acorum* in Oriente principatui grave vulnus infligebatur, Neapolis cum Palaestina universa, exceptis Hierosolymis et Tyro, sub Moslimorum imperium iterum redigebatur, ac Neapolis ejusque suburbia hac opportunitate per copiarum victricium petulantiam magnam partem devastabantur (5). Anno 1242 Christiani rursus ibi regnabant, sed biennio post denno pollebantur (6). Megoli deinde, anno circiter 1259 Neapolin capiunt, et incendio delect (7); mox, anno 1283 eam restitutam vidit BRACARDUS (8). Tunc Palaestina subjecta erat Sultani Mamelucis Aegypti, ex quibus eo tempore regnabat Successor Bibars' al-Bondūdārī, Kelmā, qui, titulo assumpto Al-Malec' al-Manqūr Saifo'd-dīn, praeter Aegyptum, Syriam item universam tenebat. Hic justitiam aequitatemque colens, Judaeis et Christianis suam Religionem profiteri permettebat, ac suam Legibus vim restituebat (9).

Non multo post, anno 1336, per Palaestinam iter fecit GUILIELMUS DE BALDENSEL (10). Hic de Samaritanis verbo loquitur, Deum suā ratione, ac ritibus, qui a ritib, Judaeis, Ethnicis, Moslimis et Christianis recepto, diversi essent, colentibus, ac caput, quod Christiani *flavā*, Judaei *viridi*, Moslimi *albā* tiarā ornabant, *rubrā* tegentibus (11). Hanc, teste ROBINSONO (12), hodieque gerunt.

Turcis Otomanidis Samaritani paruerunt ab anno 1517, quo illi Palaestinam occupabant. De numero ipsorum in Palaestina, Syria, et Aegypto, tunc in dies magis decrecente supra (p. 44 seqq.) locuti sumus; quae res causa fuit, ut eorum conditio ante sub Otomanidis lantier, quam *hodie* fuerit: quod, ut haec ante dictis addam, etiam conspicuum est ex testimonio PETRI DELLA VALLE, medio circiter saeculo XVII<sup>o</sup>, eorum *Synagogas* de-

(1) ROBINSON l. l.

(2) N. G. v. KAMPEN, *Proeve eener Gesch. der Kruistogten*. I. p. 391.

(3) BAHLOD-DIN in *Vita Saladini*, p. 59 ed. Schult.; VAN KAMPEN l. l., II, p. 318; ROBINSON l. l., p. 352.

(4) ROBINSON l. l.

(5) BAHLOD-DIN l. l., p. 71; VAN KAMPEN l. l., p. 345 seq., ROBINSON l. l.

(6) ROBINSON l. l.

(7) VAN KAMPEN l. l., IV, p. 132.

(8) v. RAUWER *Palaest.* p. 162 ed. 2ae; VAN HANESVELD *Aardrijkskunde des Bijbels* II, p. 369.

(9) VAN KAMPEN l. l. IV, p. 188.

(10) ROBINSON l. l. I, p. XXIII.

(11) BASHAGE l. l. I, p. 226. Anno 1301 *tiarae* eorum colorum Lege mandatae sunt. Vid. QUARENBREX *Hist. des Sultans Mamluks*, Tom. IV, p. 177, qui, Al-Maqristum secutus, Christianis tribuit *tissas coeruleas*, ac Judaeis *flavas*, et plura addidit Decreta, quibus eorum, qui Islamismum non profitebantur, auctoritas et libertas infringebantur.

(12) ROBINSON l. l. III, p. 325.

scribentis, extra *Nabolosum* inter *hortos amoenissimos* positas, quae *viles quidem extrinsecus* appareant, *intus autem picturis et auro haud indecore ornatas*, *variisque inscriptionibus Lingua samaritana insignitas* (1).

De vicissitudinibus sub *Otomanidarum* principatu pauca ceterum notatu digna sunt. Anno 1759 die 30<sup>o</sup> Octobris, Neapolis vehementi terrae motu afflicta (2), et anno 1771 post gravem obaidionem, fame demum ad deditionem coacta est. Tunc expugnabatur ab Aegyptiis, quorum Praefectus *Ali Bey*, *Otomanidarum* iugo excusso, Arabiam sibi subjecerat, deinde vero Palaestinam occupare volebat. Regnum nimirum aegyptium restituere, idque, dictis terris tenendis, tueri, et pristinam Aegypti felicitatem restaurare sibi proposuerat (3). Quod ei non cessit, nostrâ aetate denuo tentavit *Mehemet Ali*, cujus Filius *Ibrahim* Palaestinam anno 1832 eodem consilio occupavit; quam tamen per octo annos tantum tenuit. Anno nempe 1840 Angli et Austrii, pulsus Aegyptiis, Turcarum principatum in Palaestinâ restituerunt.

Hodierna Samaritanorum conditio misera est. *Robinsonus* anno 1838 per Neapolin iter faciens, sic illam descripsit (4). Numerus, inquit, ipsorum 150 hominum numerum non excedit (p. 327, 335). Hi, si unum excipis *Abdo's-samarium*, opibus ingeniiue facultatibus aliis praecellentem, ac principem etiam Virum, non fortunati quidem sunt, sed minime tamen pauperes, vel egeni (p. 327). Sacerdos, sexagenarius, ut videtur, Vir est venerandus, nec mentis dotibus destitutus, tunicâ rubrâ sericâ indutus. Hujus, caput *albâ* tiarâ tegitur; ceteri, ut vidimus, *rubram* habent, cum vestitu, a vulgari Palaestinensium vestitu non diverso. Si cum aliis, et cum suis etiam sociis colloquuntur, arabicâ utuntur Lingua (p. 325). Vicum ii incolunt, Monte sacro adjacentem, ibique eorum est Synagoga, dicta *al-canisa* (الكنيسة), in quam *discalceati* intrant. Parvum est conclave, concameratum. A sinistro januae latere est armarium Codicibus deponendis (p. 326). Hanc Synagogam die Saturni, ut precentur, ter adeunt; mane, meridie, vespere: porro diebus festis, Festis nempe majoribus, et Noviluniis. His diebus, non vero Sabbatho, sectio Pentateuchi publice praelegitur. Quater praeterea quotannis cuncti, agmine facto, Pentateuchum legentes, in Montem adscendunt: primum Festo Pa-

(1) Haec verba leguntur in *Fild MORINI*, quae praefixa est *Antiqq. Eccl. Or.* p. 21. *Jaffae*, ubi anno 1808 *CORANCEJUS* (vid. p. 46) aliquot Samaritanorum familias vidit, *J. D. ÅKERBLADUS* plures anno 1788 item invenerat. Vid. *VLOTENI Spec. philol.*, p. 30.

(2) *VAN HANESVELD* l. l., p. 369.

(3) *SAVARY Brieven over Egypte* II, p. 245 seqq. (Epist. 16), ubi p. 274 de obsidione neapolitana sermo fit. Cum *SAVARY* dictis conf. relatio *VOLNEY, Voyage en Egypte et en Syrie*, Paris 1823. ed. 6. p. 111 seqq.

(4) l. l., III. p. 315 seqq.



schatis, quum sole cadente septem agnos sacrificant, et sub tentoriis, in Monte positis, totam noctem transigunt; deinde die Pentecostis; porro Festo Tabernaculorum, quâ occasione tuguria etiam construunt, et in his degunt; denique die Expiationis (p. 327 seq. et 319). Sacra in eo Monte peragere anno 1810 iis non licebat. In Epistolâ, tunc in Galliam missâ, Samaritani perhibent, ea sibi per 25 annos interdîcta fuisse. Ex alterâ vero Epistolâ anni 1820 veniam ibi ea celebrandi eo tempore ipsis datam esse, apparet. De sepulcris tandem, quorum magna olim iis erat veneratio, Robinsono nunc minus solliciti esse videbantur.

# ADDENDA ET CORRIGENDA.

- p. 45 lin. 20 pro (1589—95) leg. (1589—90).  
 » 45 » 23 » Postea vero inde mittebatur *liber Josuae*. leg., tum etiam, ut vi-  
 detur, *Liber Josuae*.  
 » 49 not. 1 » *omnia* leg. *omnia*.  
 » 88 lin. 8 » *לְעֵלִי* leg. *לְעֵלִי*.  
 » 102 » 23 » *ῥαμαδέμ* leg. *ῥαμαθίμ*.  
 » » » 25 » *βηθηλά τε* leg. *βηθηλά τε*.  
 » 103 » 12 » *Hiëronymu* leg. *Hiëronymus*.  
 » 130 not. 2ae addatur: De seditione Judaeorum in Cyrenaicâ, Trajano regnante agi-  
 tatâ; vid. etiam Dr. S. J. MULDER *Verspreide Lettervruchten*,  
 Leyd. 1844. 8°, p. 127 seqq.  
 » 146 lin. 17 pro *Eudoxiâ* leg. *Eudociâ*.  
 » 150 » 25 » gavisî sint leg. gavisae sint.  
 » 153 » 4 » nicaeno leg. niceno.

Alia B. L. emendet.











DS129.J8 1846  
Theodori Guillelmi Johannis Juynbol  
Andover-Harvard 001754756



3 2044 077 978 450





